



15, 192.

Uf. 4316.

40

1



Biblioteka Jagiellońska

SIDR0012054

Uf 4316

CHRONICA
Der Provinz Lyff-
landt / darinne vormel-
det werdt:

Wo datfuluige Landt ersten gefun-
den / vnde thom Christendome gebracht ys:
Wol de ersten Regenten des Landes gewesen sint:
Van dem ersten Meister Dadesches Ordens
in Lyfflandt / beth vp den lesten /
vnde van eines ydtliken
Daden:

Wat sich in der voranderinge der Lyfflen-
deschen Stende / vnde na der tydt / beth in dat negeste
1577. Jar / vor selzame vnde wunderlike geschefte
im Lande thogedragen hebben / nütte
vnde angenehme tho lesende.

Korth vnde loffwerdich beschreuen /
Dörch

Balthasar Kuffouwen Keualliensem.

Kostock

Gedrucket dörch Augustin Ferber.

Anno. M. D. LXXVIII.



1038811

Den Erbarn/ Aecht-
barn/ Hochgelerden vnde Wolwy-
sen Heren/ Bōrgermeistern vnde Rademans-
ne der löffliken Keyserliken fryen Rykes
Stadt Bremen/ mynen groth-
günstigen Heren.

Wilde vnde Frede
van Gade dem Vader
dorch Christum vnser eini-
gen Heylandt vnde Middeler
thouorn. Erbare/ Aechtbare/
Hochgelerde vnde Wolwyse
grothgünstige Heren/ ydt be-
weret nicht alleine de hillige
Gōdelike schrift / sundern ock

de gewisse erfaringe / dat eine frame vnde truwe Aue-
richeit/ eine van den hōgsten gauen Gades sy/ de dem
Menschliken geschlechte vp erden wedderfaren mō-
gen / Vnd welckere Stadt edder Landt / mit solcker
gauen begnadet ys / mach frylich Gades hülde vnde
gnade darby vormercken vnde erkennen. Wente
dorch solcke Auericheit wedderfaret den Vnderdanen
vele gudes/ Nōmliken / befōrderinge der Christliken
Religion/ der Kercken/ Scholen / vnderholdinge der
Armen / gudi Regimente / Frede/ dagelike neringe/
X ij beschüt

Vörrede.

beschüttinge der framen/vnde straffe der bösen/sampe
aller disciplin/Lucht/vnde Erbarkeit. Wor solcke
dägede der framen vnd truwen Regenten im schwang
ge gahn/dar wil ock Godt de Almechtige/mit aller
ley tydtliken vnde ewigen segen/alleyndt ricklick wa
nen. Auerst welcker Landt edder Stadt disse gauen
nichten hefft/dar mach men dat wedderspil/vnde Ga
des vngnade gewißlick sehen vnde spären.

Mit disser gauen der framen vnde truwen A
uericheit vnde Regenten/ys ock de Prouins Lyff
landt/im anfang der Christliken regeringe/van Ga
de begnadet gewesen. Wente alse Godt de Allmech
tige vth der Lyfflendischen Heydenschoy/sick eine
Christlike Kercke sammeln vnde erwelen wolde/
Hefft he vth gnaden trüwe Bisschöppe/Regenten/vn
de strydbare helde/vth der löffliken Bremer gemeine
erwecket/welckere de ersten Heren vnde vorwalders
des Lyfflandes gewesen sint/vnde dat arme Heyden
sche volck/mit grothem flyte/möye vnde arbeyde/tho
Gades erkentnisse/vnde tho dem Christendome ge
bracht hebben/Tho welckeren tyden alle dögede der
framen vnde trüwen Bisschöppen vnde Regenten in
Lyfflandt/sehr gelüchtet vnde geschenen hebben/Vnd
ys tho der tydt de anfanck sehr guds/vnde vp Gades
ehre/vnd der armen vnuorstendigen Seelen heyl vnd
wolfahrt alleine gerichtet gewesen. Alse auerst de er
sten framen vnde trüwen Bisschöppe/neuens den
ersten trüwen Meistere Dädesches Ordens in Lyff
landt/nu dat schwarste vnd gräueste vorby gebracht/
vnde

Vörrede.

vnde den nakömlingen grothe Lande/vaste Schläte
vnde Börge geleuert/vnde ock de armen vnuorstend
digen etliker maten tho Gades erkentnisse gebracht
hadden/vorhapende/dat de nakömlinge erem Exem
pel na/alse truwen Bisschöppen vnde Regenten gebö
ret/gelicksfalles/Gades ehre alleine/vnde der arm
vnuorstendigen Lyfflender/de in Gades erkent
Se noch nicht vullenkamen vnderichtet weren/E n
heyl vnd wolfart wyder betrachten vnde befe
scholden/ys hyr groth mangel anne befunde r
den. Wente etlike der nasolgenden Erzbis
tho Riga/Dörpce/vnde andere mehr Bisschö
n Lyfflandt/ock etlike nasolgende Meistere Dädesches
Ordens in Lyfflandt/erer vorsefaren guden Exempels/
vnde eres van Gade befalenen Amptes/lichtlick vor
geten hebben/vnde vnnödige innerlike Kryge vnder
sick dermaten angefangen/dat etlike Erzbisschöppe
vth beyden Stifften/alse Riga vnde Dörpce/de vn
gelöuigen Rüssen vnde Littouwen tho den tyden v
me hülpe/wedder den Dädeschen Orden in Lyfflandt/
angeropen vnde vpgebracht hebben/Vnde solcke in
wendige vneinicheit vnde Krych/twischen den Bis
schöppen vnde dem Orden/hefft sich oft vnde vaken
omme keiner andern orsake willen/alse der tydtliken
ehre/höghesten autoritet vnde herlicheit haluen/alleine
begeuen vnde thogedragen. Wente dewyle der Bis
schöppestandt de öldeste im lande was/vnde de Or
densheren vnde Meistere/de van den Bisschöppen
anfenclick int landt geesschet geworden sint/nu auer

Vörrede.

de öldesten gestegen weren / vnde de högste gewalt vnde autoritet auer se genamen hadden / ys eine stedige emulation / affgunst vnde heimelick hatt vnder en gewesen / dardorch se mennichmahl den landen in Lyfflandt tho grothem merckliken schaden vnde vorderue / in den Rynch geraden sint. Derhaluen ys Gades ehre / der Kercken vnde Scholen sorge hinder angesettet / de aluern vnd vnuorstendigen Lyfflendische büren / sint mit wyder vnderrichtinge tho Gades erkentnisse vnuorsorget gebleuen / dardorch denne Gades torne nicht weinich ys erwecket worden. Dith ys fast dat middel des Lyfflendischen Regimentes / beth vp den gewaldigen Heren / Wolter van Plettenberch / gewesen / by welckeres Meisters tyden / siet dat ende der Lyfflendischen regeringe genalet hefft. Wente also disse löfflike Meister groth gelücke vnde Victoria wedder den Muscowiter erlanget / vnde densäluigen in einer schlachtinge by der Plezkow auerwunnen / vnde einen langwiligen frede dardorch erlanget hadde / vnde ock de reine salichmakende lere des hilligen Euangelij by syner regeringe in Lyfflandt angefangen was / hefft de Satanas in dem langwiligen frede vnde rouwe / vnder dat reine Saedt Göttlikes worden / ock allerley vnkrudt geseyet / also fleschlike sekerheit / vppicheit / hoffart / pracht / schwelgerye / vnde andere graue laster vnde vndögede mehr / so wol vnder den Regenten / also vnder den Vnderdanen / Vnde de Lyfflendische fryheit / vnde modetwille / ys by den Regenten / by den vnam Adel vnde Börgern / sehr groth
gewe

Vörrede.

gewesen. Ydt hebben siet ock de Regenten / ya ock wol gemeine vnam Adel / in erer kleidunge vnde dracht nicht metigen willen. Wente schlichte Gebedigers / also Cumpters vnde Vägede / hebben mit golden Reden / Trammeten / vnde köstliken kleidereu / Königen vnd Försten gelick / wedder alle gebör / herin prangen vnde pralen willen. Ydt hefft ein Baget van Wittenstein / Hink van Tüylen genant / eine golden Rede / van 21. punden Vngerischen goldes / gedragen / vnd ein Com-mendur van Keuel / hefft allewege dre Trammeters vor siet thom prale geföret / Welckes denne van velen hochlöffliken Hertogen vnde Landesförsten nicht alle tydt / also gesehen werth / Solcken vnde dergeliken pracht vnd prael / hebben ock vele andere Gebedigers / Doemheren / de Adel / vnd allent wat dem armen Büren vp dem halse lach / nasören willen / Derhaluen de arme Buhr nicht hefft gedynen können / sunder hefft allerley moedt willen / armoedt vnde gewalt / van dem meisten hupen lyden vnde düliden möten / ane pennich insehent der Auericheit.

Der Kercken vnde Scholen / auerst wordet nicht groth geachtet. Wente vele Kercken binnen landes anmannigen orde / dar ein Kerspel veer edder vyff mylen weges lanck vnde bredt ys / vnde achte edder negen Eddellade häue / sampt allen eren Büren vnde fryen / tho höreden / stunden wöste vnde ganz vorfal-len / nicht alleine nu / in dissen gefarligen frygeslufften / sundern ock in der guden tydt / do men van keinem
) iij Kry

Vörrede.

Kryge vnde vngelücke wuste / Vnde in dem ganken Lande / welches einem mechtigen Köninckrike kan vorgelicket werden / ys nicht eine Vniuersitet edder gude Schole gewesen / sundern in den hōuclsteden geringe particular scholen alleine. Vnde wowol etlike mahl nicht lange vor dem vndergange des Landes / vmmē eine gude Schole anthorichtende / v̄p den Landtvagen koldtsinnich geradtschlaget worden ys / so ys denoch nichts int werck gestellet. Wente de meisten der Lyfflendischen Stende / hebben sich dar alletydt weder gelecht vnde besorget / Wen solckes int werck gestellet wōrde / dat alse denne eren Bisschopsdōmen / Abtdyen / Dōmeryen / Bāgedyen / vnde Landtvādern impas vnde affdracht geschehen möchte / Derhaluen ys solck ein gude werck alletydt vnderwegen gebleuen / vnde alle Kercken ordeninge / frye künste / anmerckinge der Historien / vnde alle *ingeniose virtutes*, gar affgenommen / vnde dar entyegen leddich ganck / wollust / sampt andern grauen lasteren mehr / wedder thogenamen hebben. Ydt ys ock in keiner Herschop im ganken lande / yennich Superintendens vorordenet gewesen / de v̄p de Predigers binnen landes hadde sehen mögen / Derwegen ein yder Prediger ein frye gude gefelle mit gewesen ys / vnde na eigener lust vnde wolgefallen / in etliken weken ein mahl geprediget hefft. Der Superintendenten in den Stedien autoritet vnde inspection / hefft sich nicht wyder / alse in der Rinckmāer / erstreckt. In mangelinge der Scholen / sint ock vele Kercken binnen landes mit Pastoren vnuorsora

Vörrede.

orget gebleuen. Wente wor scholde men se heremen / dewyle keine Vniuersitet edder gude schole in dem ganken lande gewesen ys : Vnde mannich schamel Man / de ydt mit synem Kinde wol gerne gude gesehen hedde / ys des vormögens nicht gewesen / dat he datfüluige buten landes thō Scholen holden konde / Vnde so wor by einer Kercken binnen landes ein Pastor vorordenet was / desfüluige ys gemeinlick ein vthlender / vnde der Lyfflendischen vndüdeschen sprake vnerfaren gewesen / Wat den armen Lyfflendischen Buren darmede gedenet gewesen ys / kan ein yder vorstendiger wol affnemen. Darümme de affgōderye in Lyfflandt by dem meisten hupen / allewege gebleuen ys / vnde manck dusent Buren / ys kume einer gefunden worden / de dat Vader vnse / vele weniger de vyffstücke des Catechismi recht wuste. De Sondach / edder Byrdach / ys ock in Lyfflandt by ydermännichliken hoges vnde nedderiges standes / bette in den hūdigen dach / so gar vorachtlick gewesen / dat he in der ganken Christenheit / an nennem orde / vorachtlicker syn konde. Wente denfüluigen dach hefft men thom spakerende / tho Kösten / Kindelbeeren / Meygreuschop / Gastebaden / tho leddichgande / superye / vnde tho allerley wollust gebruket / ane yennich insehent der Auericheit / gerade alse were de dach men tho solcker lichtferdicheit tho gebrukende / van Gade ingesettet vnde vorordenet.

Derwegen dewyle de Bisschōppe / Ordenshern / de van Adel / vnde alle Regenten / Gades / der Kercken

Vörrede.

vnde Scholen/des Göttlichen Byrdages / vnde eres van Gade befulenen Amptes / ganz vorgeten hebben / hefft Godt de Allmechtige opwaken / vnde so wol de Regenten / vnde den Adel / alle de Vnderdanen / auer einen hupen / allen andern thom Exempel vnde warnunge / straffen möten.

Wo men des in hilliger Göttlicher Schrift vele Exempel mehr vindet / dath Godt de Allmechtige an nenes minschen / vele weiniger an grother Köninckriken / Fürstendömen / Landen vnde Steden vorderff / vnde vndergange lust edder wolgefallen gehat hefft / Vnde so Godt ein Landt edder Stadt / van wegen der Sünde vnde missedadt / hefft straffen willen / hefft he solcke straffe nicht vngewarschuwet plosliker wyse kammern laten / sunder na deme he de missedadt lange geduldet / vnde dorch syne trüwe dener de läde tho der Bote vormanet hefft / ys he in mangeling der rechten warhafftigen Bote vnde bekeringe / vnde na velfoldiger trüwer vormaninge / ock entlied mit der rechtferdigen straffe nicht vthgebleuen / darmede he synen Göttlichen Torn / wedder de Sünde vnde missedadt / allen andern thor warnunge / hefft bewysen vnde antögen willen. Also vederliken hefft ock de trüwe Godt mit Lyfflande gehandelt / Welckere Prouinz he nicht alleine mit allerley lyues nodtrofft gar auerschwencklied begauet / sundern ock mit der heilsamen reinen lere des hilligen Euangelij / vormöge der Prophetischen vnde Apostolischen schriften / vnde der Augshurgischen Confession / ganz rycklied begnadet hefft / dar-

dorch

Vörrede.

dorch he synen Göttlichen gnedigen willen den Lyfflendischen Regenten vnde Vnderdanen genochsam geanpenbaret hefft. Auerst dewyle de meiste hupen sodaner hogen gnedigen woldaden Gades misgebruket / vnde siel negen Godt vndanckbarlied vnde vngheorsamlied angestellet / vnde de langwilige gedult vnde trüwe warnunge Gades / de ene nicht alleine dorch etlike trüwe Dener synes wordes / sundern ock dorch einen vürigen Cometen van Hemmel / welcker Anno 1556. in der Bassen / eine lange tydt bauen erem höuede geschweuet hefft / ys vorkündiget worden / ganz in den windt geschlagen vnde vorachtet / vnde van dage tho dage / mit gröthern vnde ergeren Sünden vnde lasteren siel mehr beslecket hebben / also dat ock de gröttesten vnde grauesten laster vnd schande van velen vorchre vnde dögede sint geachtet worden / Hefft se de Göttliche rechtferdige straffe entlied dermaten drepen möten / dat se allen Muscowitern vnde Latern tho einem spotte vnde fabel (leyder) werden mosten / wo solckes aller werlt wol bewust ys / vnde alle vornufftige vnde vorstendige läde / den de olde Lyfflendischen lesgenden bewust sint / bekennen möten / dat de voranderinge vnde vorstöringe der olden Lyfflendischen Herschop / vnde des Adels / vnde schyr aller Stedte vnde Schläte / nicht des Muscowiters / sundern Gades des Allmechtigen werck ys / de den Muscowiter / alle tho einer rode / auer Lyfflandt hefft erwecken möten. Derwegen de Lyfflender mit dem hilligen Propheten David wol spreken mögen / Here du bist gerecht / vnd dyn gericht

X vj

richte

Vörrede.

richte ys gerecht. Item/ ydt ys my gudit/ dat du my getüchtiget heffst / vppe dat ick dyne gerechticheit lerede. Vnd wen Godt de Almechtige vth sunderliken gnaden Lyfflandt nicht gestraffet hadde/ so weren de Sodomitischen sünde / de Ezechielis 16. beschreuen stahn/ ykiger tydt in Lyfflandt/ wegen andere laster thorekende/ vele tho geringe gewesen.

Nu wil ydt sich no geboren/ dat solcke erschrecklike Exempel der Göttliken rechtsferdigen straffe/ vnde solcke seltsame vnde wunderlike geschichte/ de sich in der voranderinge vnde vndergange der olden Lyfflendischen Regenten/ des Adels vnd veler Stedte / Echlächte vnd Borge/ thogedragen vnd begeuen hebben/ Tho deme ock de grothe wedderwerdicheit der hochlöffliken Christliken Königen vnde Potentaten / de sich vth Christliker leue der vorruckeden Prouins Lyfflandt wedderümme angenamen / vnde desüluike vth der rachen des Muscowiters / mit grother gefahr ere Erschlender / hebben ryten/ vnde wedder tho rechte bringen willen / nicht ganz in vorgetenheit gestellet / sundern vmmme der Lyfflendischen nakömelinge willen/ ock andern thom exempel der warninge/ schriftliet vorfattet werden mögen. Derwegen ick myner einfalt na/ nicht alleine de bedrouede geschichte/ de sich tho vnser tyden in Lyfflandt begeuen hebben/ *quod ipse miserrima vidi*, sundern ock de olden Historien/ van anfang der Christliken regeringe / so vele ick der vth olden geschreucnen geloffwerdigen Chronicken vnde böfern hebbe erfahren löben/ in eine Chronicam fortliet thouorfattende/ vnd
in

Vörrede.

in den druck tho vorferdigende/ bin vororsaket geworden. Welckes ick J. C. W. hebbe dediceren vnde thoschryuen willen/ Vth dissen orsaken.

Derwyle de löfflike Stadt Bremen warhafftich eine Moder ys veler Lyfflendischen Stede vnd Echlächter/ vnd de ock fast ganz Lyfflandt vth der Döpe gehaueu / vnde datßüluige Landt dorch ere Kinder vth der Heydenschop tho dem Christendome / negeß Godt/ vorhulpen/ vñ vth der grüwliken düsternisse der affgöderne/ tho dem heilsamen lichte Göttliker erkentnisse/ erstliet gebracht hefft. Wente de olden Lyfflendischen Chronicken/ neuent velen anderen/ klarliet vnde vñ wedderspreckliet vormögen/ dat de Bremer Koeplüde/ de Prouins Lyfflandt/ mit groter gefahr erstliet vpgesegelt/ vnde darna den Christendohm/ dorch einen geleerden Prester/ mit namen Meynerdt (negeß Godt) erstliet darin gebracht hebben / Welcker Meynerdt thom ersten Bisschoppe in Lyfflandt darna ys vorordenet worden. Na dem Meynardo ys Bartoldt / ein Bremer/ de ander Bisschop in Lyfflandt gewesen/ welcker de Stadt Riga erstliet begrepen vnde gesunderet hefft. Na dem Bartoldo ys Albrecht/ auermals ein Bremer/ de drüdde Bisschop in Lyfflandt geworden/ Welcker eine Krone aller nasolgenden Lyfflendischen Bisschoppen gewesen ys/ vnde welckeres slyth / möye vnde arbeydt men nicht genochsam beschryuen kan. He hefft ock alle de andern Bisschopsdöme in Lyfflandt gewonnen/ gestiffet/ vnde synen Landesluden/ den Bremer kindern/ vthgedeelet/ welcker neuent dem Bisschop Albrechte/ de regenten vnde Heren in Lyfflandt

Vörrede.

landt tho der tydt gewesen sint / Vnd de Stede / Riga / Dörpte / Kokenhusen / Leall / vnde vele andere mehr Schläte vnde Börge / Kercken vnde Klüsen / in eren stifften mit allem flyte gefunderet vnde gebuwet / vnde de Lande mit darstreckinge cres blodet bekräftiget / vnde tho dem Christliken gelouen bekeret hebben.

Dewyle auerst de heydenschen Lande in Lyfflande fast groth vnde mechtich / vnde gedachte Bisschop Albrecht / mit synem anhangen / tho schwach gewesen ys / hefft de Pawest em einen Ridder orden thogeordenet / de den Bisschöppen de Lande förder gewinnen vnde beschermen helpen scholden.

Alse auerst de nye ankamende Ridder orden den Lyfflendischen völkern / vnd andern vmmeliggenden Wyenden tho schwach velen / ys Bisschop Albrecht in Dädeschlandt vmmehülpe vorreiset / vnde hefft einen löffliken Hertoch van Sassen / ock Albrecht genant / sampt andern Grauen vnde velen vanden Adel dädischer nation / dorch angestlike anförderinge / vnde dorch syn löfflike ansehent / int Landt gebracht / welckere alle Peleggrims wyse / auer vernen wech / tho water vnd lande / mit grother gefahr sich in Lyfflande begeuen / vnd grothe ridderlike hülpe den Bisschöppen vnde dem Orden geleistet hebben.

Dewyle denne de Bremer Kinder de ersten Bisschöppe vnde Regenten in Lyfflande gewesen sint / vnd de högeste autoritet im lande gehabt hebben / So ys ydt ock vngetwyuelte gewisse / dat se ock domals vele vanden yungen Manschop / Börger vnde börger kinder van

Vörrede.

van Bremen / vth der süluigen yegene / alse ere Landeslände vnde vorwanten / in Lyfflande gefördert hebben / van welckeren etlike in den Dädischen Orden gestreden / vnde etlike sich vor Krygeslände yegen de vchristen gebreken laten hebben. Wente anfenckliken nicht allein de vanden Adel (wo de olden Chronicken vor melden) des Dädischen Ordens in Lyfflande werdich edder mechtich gewesen sint / sundern ock Börger kinder vth den Steden / insunderheit auerst van Bremen vnde Lübeck / welckere Lyfflandes haluen nicht weiniger / alse de vanden Adel / ya ock vele mehr / dat beste gedahn hebben / vnd na dem de reysigen van Bremen sich wol gehalten hebben / sint se van den Bisschöppen / eren Landesländen / vor allen andern gefördert / vth misstaedliken vorleningen begaueet worden / dar vele des Lyfflendischen Adels vth hergekamen vnd entspraten ys. Wente des süluigen billich eddel tho achtende sint / de mit eren manliken daden dartho vorhulpen hebben / dat solcke mechtige heydensche lande gewinnen / der Christenheit ingelhuert / vnde dem hilligen Römischen Ryke vnderdanich geworden sint / Vnd noch hädiges dages ein ehrlick oldt geschlechte vanden Adel / hyr im lande vorhanden ys / dat de van Bremen / na J. E. W. löffliken Stadt genömet werth / tho einer ewigen tüchenisse vnd gedechtenisse / dat se van oldinges her vth Bremen entspraten sint / vnd der dinge vele mehr.

Derwegen in betrachtunge solcker der löffliken Bremer hogen woldaden yegen Lyfflande / vnd darbenueenst ock der grothen fründtschop / hülpe vnd geden

Vörrede.

geden willens / so van J. E. W. der Prouintz Lyfflandt / vnd insunderheit der Stadt Keuel / myner leuen Landtstadt vnd Vaterlande / in erem langwiligen hogen bedrücke tho etliken malen vth Christliker leue wedderfaren ys / hebbe ick der gebör vnde billicheit nadisse schlichte vnd einfoldige Chronica J. E. W. thoschryuen / vnd dersäluigen löffliken Stadt vnd gemeine thon ehren / in den Druck vorferdigen willen / mit allem flyte ganz denstlic biddende / J. E. W. solckes van my in allen gunsten vpmemen / vnd sich wol gefallen laten willen. Des bin ick wedder yegen Gode dem Almechtigen / vmm J. E. W. gelücksame regeringe vnd alle wolffart tho biddende / allewege flytich vnd erbödich. Datum Keuel / Anno 1577.

J. E. W.

Denstwilliger

Balthasar Küßow
Prediger in Keuel.

Dat Erste deel der Lyfflendischen Chronica.

Dat Landt edder de Prouintz Lyfflandt / hefft anfengliken den Namen auerkamen vnd verlanget van den Lyuen /welcke re olde Bölcker vnde Inwaner deses Landes allewege gewesen / vnde ock noch sint / vnde den Ordt van der Salis aff / beth an de Düna langest dem strande / beth in den hüdigen dach / bewanet hebben / vnde ys Lyfflandt fast 120. Düdescher mylen lanck / van der Narue beth an de Memmel tho rekkende / vnde 30. ock wol etliker swegen by 40. mylen brendt / So begript de Prouintz Lyfflandt ock vele Lande in sich / als Harrigen / Wyrlandt / Allentacken / Wapell / Sdenpe dat ys dat stiffe van Dörpte / Zeruen / Wyck / Lethlandt / Lyuenlandt / Schurlandt vnde Semigallen / Des sint ock vele Insulen / edder Holme / tho dessem Lande gehörig / de alle mit Bölckern vnde Inwanern besettet sint / als Desel
A Dage

Dageden/ Mone/ Wormsøe/ Ruine/ Bran-
 goe/ vnde vele andere mehr/ Darunder Desel
 vnde Dageden de grōtesien sint/ denn Desel
 alleine ys 14. Dūdescher mylen lanck/ vnde
 hefft twe herlike Schlōte/ als Arensborch/ vnde
 de Conenborch/ vnde vele dūdesches Adels/
 Welckerer gemelten Insulen Inwaner meren-
 dels der Schwedischen vnde Finschen sprake
 gebreken / tho einer tūchenisse / dat se vth
 Schweden vnd Finlandt her entspraten sint/
 Welckere gedachte Lande vnde Völker in
 Lyfflandt anfengliken van den Bischoppen/
 vnde darna van dem Dūdeschen Orden/
 vnde ock eins deels/ als Harrigen/ Wyrlant/
 vnd Zeruen/ van Waldemaro/ dem 2. Könige
 tho Dennemarcken/ mit dem Schwerde sint
 gewonnen/ vnde tho dem Christliken Gelouen
 gebracht worden/ vnde ehr de Christlike Gelo-
 ue in dith Landt gekamen ys/ sint de benōme-
 den Völker alle heidensch gewesen/ vnde heb-
 ben mannigerley grūwlike affgōderne bedre-
 uen/ Denn etlike de Sāne/ etlike den Maen
 vnde Sterne / etlike ock de Schlangen/ vnde
 andere Deerte/ angebedet hebben/ Dē hebben
 se etlike Būssche vor hillichdohm gehalten/
 daruth

daruth se keinen Bohm houwen dorsten/ Solo-
 cke vnde dergeliken affgōderne vnde auergelo-
 ue/ hefft by velen noch gewaret beth in den
 hūdigen dach. Dith Landt ys begrenket ne-
 gen Osten vnde Sūdost mit des Musco-
 witters landen/ negen Schweden mit Littou-
 wen vnde Prüssen/ negen Westen stōdt de
 Ostsehe daran/ negen Norden vnde Nordost
 ys Finlandt twer auer Lyfflandt gelegen.
 Vt hefft dith Landt auer 80. Schlōte vnde
 bōrge / vnde by einem ydern Schlate / ys
 entwedder eine gemūrde Stadt / edder ein
 apen Fleck gelegen / Der gemürden Stede
 hyr im Lande/ sint nicht mehr dan 9. Als Ri-
 ga/ Keuel/ Dörpte/ Narue/ Pernow/ Bellin/
 Wenden/ Wolmer/ vnde Kokenhusen/ Auerst
 der apenen flecken sint ganz vele / welckere
 alle van dūdeschem Volcke bewanet vnde re-
 geret werden.

De Schlōte vnde Bōrge mit erer Herr-
 schop vnde Regenten sint desse gewesen/
 nōmliken de Erzbisshop tho Riga hefft gehat
 desse Schlōte/ als Kokenhusen / Sōswegen/
 Ronenborch / Schwanenborch/ Landwen/
 Schmilten/ Treyden/ Dalen/ Eringesborch/
 A ij Brkull/

Brkull / Gremou vnde Lemsell. De Bisschop
 van Dörpthe hefft gehatt de Hüser / Dörpthe/
 Kirienpoll / Nyehus / Oldentorne / vnde We-
 renbeck. Des Bisschoppes van Ghurlandt
 hüser sint gewesen / Angermünde / Piltten/
 Nyehus / Amboten / Dendangen / vnde dat
 fleck Hasenpoten. Des Bisschoppes van
 Desel schlöte vnde hüser sint gewesen / Arens-
 borch / Yeall / Lode / Habsell / vnde dat Closter
 Padis / Welckes ock eine temelike feste vor ge-
 walt ys. De Bisschop tho Keuel hefft gehat /
 Borchholm vnd Segefür. De hüser des Mey-
 sters tho Lyfflandt sint gewesen / Wenden /
 Wolmer / Riga / Nyemöle / Kerckholm / Burt-
 nick / Rügen / Ermis / Frykaten / Karcks / Hel-
 mede / vnde Tucken. Des Landtmarschalcks
 vnde der Gumpfers hüser sint gewesen / Es-
 gewolde / Asscherade / Dünemunde / Belyn /
 Keuel / Pernow / Marienborch / Dänen-
 borch / Goldingen / Window / Nitow / Dobbe-
 leen / Frouwenborch / Nyeborch / Jurgens-
 borch / Lays / Tarwest / Duerpolen / Dorben /
 Adsell / vnde andere mehr. Der Bögede vnde
 medegebedigers Schlöte vnde Borge sint
 gewesen / Wittenstein / Weseberch / Narue /
 Zols

Zolsborch / Nyeschloth / Sonenborch / Talsen /
 Bauschke / Gadow / Grubyn / Kosyten / Els-
 borch vnde andere mehr. Des sint ock vele
 hüser der vrom Adel gewesen / Als Etz / Rin-
 gen / Vickel / Purckell / Hochrosen / Randen
 vnde andere mehr / vnder welckeren gemelten
 Steden vnde Schlöten / de beiden Stede
 Riga vnde Keuel / allewege de ryksten vnde
 mechtigsten gewesen sint / welckere Stede
 vöfflich düdtische myle wegēs van ein ander
 liggen / vnde ein yder dersüluigen hefft solcke
 eine herlike nedderlage / Emporium vnde Eta-
 pell veler Nationen / Herschoppien vnde Lan-
 den / als in keiner Stadt an der ganken Ost-
 sche gefunden werdt / vthgenamen de Stadt
 Dankke alleine / Auerst nu (leyder) sint desse
 Stede / vnde insonderheit de Stadt Keuel / in
 dem ghar langwiligen Muscowitisschem kryn-
 ge / sehr geschwecket worden. Vdt hefft dith
 Landt ock vth der maten veel Eddelmans hö-
 ue / sampt velem Adel gehat / so vth düdtischen
 landen hergekamen vnde entspraten ys / Vnd
 ys gahr ein euen Landt / darin keine grothe
 vnde hoge Berge sint / vnde hefft vele gearob-
 te / holtunge vnde wiltenisse / Dartho ganz
 A iij vele

Das Erste deel

vele stande Seehe / vnde frische ströme vnde
 Beken / vnd ys nicht eine Stadt / Stichot edder
 Eddelmans hoff im Lande / dar nicht
 herrlike fischryke stande Seehe vnmehrer lig-
 gen / vnde lüftige Ströme / Beken vnde Wa-
 ter / vor auerfleten / dar men allerley fische
 vnde Kreuete so auerflödich vthfanget / dat
 ock keinem Bwren im ganken lande Fische
 vnde Kreuete allenthaluen thofangende / vnde
 ydermanne thouorköpende vorbaden gewes-
 sen ys / vnder welckeren standen Sehen / de
 Peybes vñ Borkgerff / de grötesten sint / wente
 den Peybes achtet men 15. mylen lanck / vnde
 7. mylen breyt / vnde hefft dith Water 72.
 inflöte / vnde wedderümme einen vthflöte / de
 Narue vorby in de apenbare Seehe. De
 Borkgerff ys 7. mylen lanck / vnde auer 2. my-
 len breyt / vnde sint desse beyde Seehe aueruth
 fischryek. De Peybes ys gelegen vp der Rus-
 rowitischen grenze / vnd de Borkgerff ys ge-
 legen in den gebeeden Belyn vnd Tarwest /
 vnder den Strömen vnd fletenden Watern
 in Lyffland / ys de Düne de vornemeste vnde
 gröteste / Welcker vth Rükslandt herkumpt /
 vnd flüch dörch Lyfflandt der Stadt Riga an
 der

der Lyfflendischen Chronica.

4

der Nären vorauer / in de Ostsee / vñ ys nicht
 geringer alse de Elue vor Hamborch. Des hefft
 ydt ock mennigerley Biltbret van Ellenden /
 Hasen / vnde allerley wilden vögeln / so ve-
 le / dat ock keinem Bwren im ganken Lande
 ienigerley Bildt thofangende vnde thouorkö-
 pende iuwerle vorhindert geworden ys / Dar-
 tho hefft dith Landt solcken fruchtbaren korn-
 boddem / dat men in den fredesamen Jaren
 vth dem Lande / vnde vth den Eteden allent-
 haluen / vele dufent last Roggen / ane yennige
 doring entberen konde / vnde vor solcken ge-
 ringen koep / als men an der ganken Ostsee
 nicht geringer edder wolwenler kopen möchte.
 Derwegen vele Hollendische vnde Lubesche
 Schepe narlikes vele Roggen vth Lyffland ge-
 föhret hebben. Des hefft ydt ock in dessem
 Lande an keinerley Behetucht vnde Fasel
 gemangelt / Denn men einen guden Ossen in
 den Fredesamen jaren / noch by des lesten Her-
 meisters regeringe / vor 3. Daler / vnde ein
 stolt gemestet Swyn vor anderthaluen daler
 gekofft hefft. Desgeliken eine last Roggen /
 vnde Molt noch geringer als 12. daler. In
 summa / Lyfflandt ys solck ein Landt gewesen /
 A iiii dat

dat yderman / so vth frömbden örden darin
gekamen / vnde des Landes gelegenheit recht
erfahren hefft / spreken moeste / Nyfflandt blyffs
landt / vnde men hefft in der süluiigen guden
tydt nicht vele gefunden / de van wegen der
groten lust vnde wolfarth / so in dessem Lande
gewesen ys / groth vorlangent daruth gehat
hebben / Auerst yziger tydt ys (leider) einem
ydern de lust darin schyr benamen / vnde ys ei
ne grothe voranderinge darin gekamen / alse
men hyrna des wedder vornemen mach.

Wo Nyfflandt erstlick gefunden /
vnde tho dem Christendhom
gekamen ys.

In dem Jare vnser Heren 1178. by Key
ser Fredericks Barbarosse tyden / heb
ben de Bremer Koplüde Nyfflandt erst
lick vpgesegelt / vnde in de negen / dar de Ny
uen wanen / wedder eren willen doch storm
vnde vnwedder gekamen / dar se böß heidensch
Volck vor sich gefunden hebben / vnde als de
Heiden darsüluest der Christen Koplüde en
war worden / hebben se sich grwliker wyse
wedder

wedder de Koplüde gestellet / hebben er gudt ge
namen / vnd erer etlike erschlagen / de Koplüde
hebben mit schetende / mit warpende / vnde mit
schlaende sich thor gegenweyr gesettet / vnde
hebben ock der Heyden vele erschlagen / endlick
wordt dar ein frede gespraken / den se beider
syts by erem Eynde tho holdende trwlick ange
lauet hebben. Do worden de Koplüde frölick /
fregen einen modt / vnde gynge fry vp dat
Landt / Wente en düchte / Godt hedde se dar
hen gesandt / Vnd se hedden groth gudt in eren
Schepen / welcks se mit grotem vordeel vnde
gewin negen andere wahr vorbütet hebben.
Do makeden se vörder einen fasten frede mit
den heydenschen Nyfflendern / also dat se offt
vnd vaken wedderkamen mochten / vnde alle
de nenigen / so mit en kamen / vnde ock kopens
schap dar dryuen wolden / de scholden alle in
dessem frede mit begrepen / vnde wilkamen syn.
Dich geschach by Dünemunde in Nyfflandt /
vnde de Bremer koplüde foren wedder na
erem Lande / vnde gremen vaken wedderüm
me mit erer kopenschop / vnde vele andere Kops
lüde mehr by groten hupen / welckere alle wol
entfangen worden / vnde ydt warede eine lams
A v ge

Das Erste deel

ge tydt / vnde ydt gelückede en wol / Se tögen
 lezlick mit erer kopenschop vörder in dith Landt
 wol 6. mylen / vnd leden ere kopenschop mit bes
 willinge der Heiden dar nedder / vñ bleuen erer
 vele dar liggen / Darna geuen en de Heiden de
 macht / dat se dar ein gemack buswen mochten.
 Do busweden se by der Düne vp einen Berch
 ein herlick gemack vnde eine Borch also fas
 ste / dat se mit freden dar wol vp liggen mocht
 ten / vnde de Borch wordt genömet Brkull /
 Auerst de Heiden vorhapeden nicht / dat en et
 wes gwades dar van enstan scholde. Nicht
 lange darna ys dat huß Dalen ock gebuwet
 worden / welckere de ersten Bestingen der Chri
 sten in Lyfflandt gewesen sint.

Vp eine tydt / was ein gelerdt Prester / ge
 heten Meynerdt / ein Monnick van Segeber
 ge / mit dessen Kopluden int Landt gekamen /
 Desse Prester konde sick also anstellen / dat em
 alle man gūnstich was / desūluige begunde den
 Heyden tho predigen / vnde tho leren mit al
 lem flyte / also dat he der vele bekerde. In der
 negen desser nyen Borch Brkull / was ein
 heydensch Mann wanhafftich / de sehr Kyck
 vnde geweldich was in dem Lande van Frūn
 den

der Lyfflendischen Chronica.

6

den vnde glüdern / Desse Mann hete Gobbe /
 vnde dorch Gades gnade wordt he ein Chri
 sten / vnde vele van synen Frūnden vnde Bn
 derdauen mit em / welckere sick alle van des
 sem prester Meynerdt Döpen leten. Derhal
 uen de Koplude hoch erfröuwet worden / vnde
 alse dat gerüchte int Landt qwam / dat Gobbe
 mit synen Frūnden vnde anhangen Christen
 worden was / do begunden sick de Littous
 wen / Rüssen / Eysten / Deselers vnde de Ghus
 ren thourheuen / vnde grepen thor Wehr / des
 wyle se hörden dat de Christen geloue in Lyff
 landt gekamen was / vnd vthgebreidet wordt.

Desse Prester Meynerdt reisede an den
 Pawest / einen Bisschop int Landt thour
 schaffende / vnde Gobbe tock mit em / vnde
 andere Christen mehr / vnde als se tho Rome
 qwemen / hefft Pawest Alexander 3. als he alle
 gelegenheit des Landes vnde der Bölcker er
 kündiget vnde erfahren hedde / dessen prester
 Meynerdt tho einem Bisschoppe vorordenet /
 vnde em in Lyfflandt tho predigende / vnd na
 allem vormöge dat beste tho dhonde / vperlecht
 vnde befallen / geschehen in dem Jar 1170.

Als nu Bisschop Meynerdt vnd Gobbe wed
 A vj der

der in Lyfflandt quemen / sint de Christen / so in Lyfflandt weren / hoch erfrowet geworden / dat se einen Bisschop erlanget hedden / vnde syn Stoll wardt gesettet / dar yshundt Riga licht / vnde der Christen macht wuss sehr in dem Lande / vnde desse Bisschop Meynerdt predigete slytigen vnde bekerde vele van dem heidenschen Volcke / He was auerst Bisschop 23. Jar vnde starff Anno 1193. vnde wordt ehr beklaget van den Christen.

Do sanden de Christen baden an den Erzbisschop tho Bremen / dat he en hulpe / dat se einen Bisschop wedder erlangen mochten. Do wordt en gesandt einer van Bremen / geheten Bartoldt / Welcker was de ander Bisschop tho Lyfflandt. Als desse Bisschop in Lyfflandt gekamen was / do vorhouen sich de Lyuen / Rüssen / vnde de Littouwers / vnde wolden den Bisschop sambt allen Christen wedderümme vth Lyfflandt vornagen. Auerst Bisschop Bartoldt hefte sich neuens den andern Christen ridderlick geweret. Do wordt Gobbe dödelick vorwundet / vnde bleuen do mals by 300. Christen Dödt in dem selde by Kokenhusen / Auerst de Christen behelden noch

noch dat feldt / vnde kregen na gerade all mehr hulpe / fort darna starff Gobbe van den Wunden / de he gekregen hedde.

Desse Bisschop Bartoldt hefte angefangen de Stadt Riga erslick tho buwen / welcks den Eysten sehr vordraten hefte / Derwegen se sich mit aller macht gerüstet hebben / vnde sint vor Riga gekamen / solck angefangen buwerck tho vorhinderende / Auerst dar weren vele Pelegime den Christen tho hulpe gekamen / mit welkeren de Bisschop Bartoldt wedder de Estischen fiende getagen / vnde eine schlachtinge mit en gehalten hefte. Do wordt desse Bisschop Bartoldt erschlagen / na deme he 11. Jar regeret hedde / vnde auer 1100. Christen worden mit em nedder gelecht / vnde der Heiden bleuen 600. Auerst de Christen behelden noch dat feldt.

Alse desse Bisschop Bartoldt dödt was / do weren de Christen sehr bedröuet / vnde sanden an den Erzbisschop tho Bremen / vnd leten en bidden / dat he en einen anderen Bisschop wedder senden wolde. Tho dersüluigen tydt was tho Bremen ein vprichtich Man / mit namen Albrecht / Desse wordt Anno 1204. tho Rome van

van dem Paweste Innocentio 3. tho einem
Bisshop in Lyfflandt confirmeret vnde beste-
diger/ vnde de Pawest stiftede ock einen ridder
Orden/dem Bisshoppe Albrechte tho hülpe/
Desüluigen Ordensbröder scholden in Lyff-
landt wanen / vnde dat ganze Landt vordan
gewinnen helpen. Do gaff vnde bestedigede
de Pawest dessem Orden alle de gewunnene
Lande vnde Lude in Lyfflandt / vnde wat se
vnde ere nakömlinge allewege gewinnen wor-
den / dat se desüluigen Lande tho ewigen ty-
den / alse frye Erffheren besitten / vnde der hilli-
gen Kercken beschermers wesen scholden. Desse
bröder des Ordens mussten dragen witte
manteln mit einem Rydtshwerde / vnde mit
einer roden Sterne / vnde worden genömet
de Schwerdtbröders.

Datsüluige Jar 1204. wordt in dessem
Orden tho einem höuede vnde Meister der
Schwerdtbröderschop gekaren / ein vprich-
tich Man / Her Binno geheten / Welcker Mei-
ster Binno / vnde Bisshop Albrecht / mit allem
fhyte darna weren / dat se vele van Adel in
den Orden frygen mochten / vnde vele Lude
reisfeden vnmme Gades willen / vnde vnmme des
Pawestes

Pawestes afflates willen mit in Lyfflandt/
wedder de fiende der Christenheit tho striden/
de. Desse Meister Binno hefft oft vnde vaken/
mit den Vnchristen gestreden / vñ den Köninck
der Rüssen erschlagen sambt 600. Rüssen
op eine tydt / vnd hefft de Schlöte / Berseke vn-
de Kokenhusen / den Heiden affgewonnen.

Tho desser tydt / hefft Bisshop Albrecht
de beiden Bisshopdome / Bggenus vnde Leal
gestiftet / vnde ys einer / mit namen Herman-
nus / ein Abbet van Bremen / de erste Bisshop
tho Leal gewesen / welcker ock dat huf Leal / vn-
de dat Kloster darsüuest gebuwet hefft / Desse
ys tho Bisshop Albrechte na Riga getagen /
vnde van eme thom ersten Bisshoppe auer
dat Stifte Bggenus vorordenet worden / dar
he denne ock dat huf / vnd darna den Dom tho
Dörpte / gebuwet hefft. Alse auerst Leal sambt
den vmmeliggenden lenderen / so de Schwe-
den in desser tydt vorwöfset hadden / ys wed-
der ingenamen vnde gebuwet / Is van ge-
dachttem Bisshop Albrechte ein ander Bis-
shop / ock Hermannus genömet / wedder auer
Leal gesettet worden. Tho dersüluigen tydt
hefft Bisshop Albrecht angefangen tho
buwen

Das Erste deel

buwende vele Kercken vnde Klüsen / dartho de Domkercke tho Riga / vnde ein Kloster by Dänemunde / welcker Kloster de Ordens Herren / darna mit in dat buwerck des huses Dänemunde getagen hebben.

Anno 1208. Alse Bisschop Hermen van Leal na Riga an den Bisschop Albrecht vorreiset gewesen / Is Köninck Johannes / de erste des namens / mit Herestrafft vth Schweden in Lyfflandt gekamen / vnde hefft Bisschoppe vnde Presters mit sich gebracht / welckere de heidenschen Eesten tho dem Christendome vnderrichten scholden. Vnde alse de Köninck tho Kokol angekamen was / hefft he sinen toch stracks vp de Wyckeschen vorgenommen / vnde hefft thogelick dat Schlot Leal mit ingenammen / vnde sinen Bisschop sambt etliken Preestern / desgeliken einen Hōuetman Carolum mit 500. man darup gesettet / vnde na der besettinge ys de Köninck wedderūme in Schweden gesegelt / vnde hefft sinem Volcke dat hus Leal ernstlick tho vorwarende beualen. Alse nu de Köninck vth Lyfflandt wech getagen was / do hebben de Deselers vnde de Wyckeschen dat süluike hus wedderūme mit aller macht

der Lyfflendischen Chronica.

9
macht belegert / vnd mit Bär beengstiget / vnde alse de Schweden tho den Vienden heruth gefallen weren / vnde nicht gemeinet / dat se starck syn scholden / sint se alle vmmerringet vnde erschlagen worden / Darna hebben de Deselers vnde de Wyckeschen dat hus gestormet / erāuert / vnde den Bisschop so wol als den Stadtholder Carolum / vnde alle de darup gewesen sint / erschlagen / vnde darna dat hus vorbrandt / vnde tho nichte gemaket / Alse it de Dādeschen / so wol als de Schweden / des huses Leal / vnde der ganken Wyke wedderūme qwynt geworden. Darauer Bisschop Albrecht / vnde alle Christen in dem Lande hoch bedrōuet geworden sint. Nicht lange auerst darna / hefft Bisschop Albrecht de Wyckeschen wedderūme bekryget / vnde se thom gehorsam gebracht / Do hebben se dat hus wedder vp buwen möten / vnde ys ein ander Bisschop / ock Hermannus geheten / darhen vorordenet vnde gesettet worden. Tho der tydt ys de Dom thor olden Parnow gewesen / des wyle noch kein ander hus / edder Glect / in dem ganken Eslande gebuwet was. Na der tydt auerst / als Habell gebuwet ys geworden /
B heffe

Dat Erste deel

hefft men den Dom van der olden Parnass
na Habsell gelecht / vnde na der tydt / alse
Arensborch op Desel gefunderet wordt / ys
des Bisschops hof van Leal na der Arens-
borch gerucket / Do hefft dat Bisschopsdom
Leal den Namen vorlaren / vnde ys dat stifte
Desel genömet worden.

Alse nu de Schweden op Leal vmmeges-
kamen / vnde Bisschop Albrecht / vnd de Mei-
ster Binno / der Wikeschen wedderümme mecht-
tich geworden / Do ys Köninck Waldemarus
de 2. tho Dennemarcken / ock bewagen wor-
den / syn gelücke an den Eysen thoursöken /
vnde hefft eine Kryges macht vorhen in Lyff-
landt geschicket / welcker de lande Harrigen /
Wirlandt vnde Teruen bedwungen hefft.

Na weinich jaren auerst herna / ys Köninck
Waldemarus 2. in eigener persone / mit vele
Volcke / vnde mit dem Erzbisschoppe van Lun-
den / in Lyfflandt gekomen / vnde hefft de stadt
Keuel angefangen tho buwende / Anno 1223.
Desgeliken hebben de Denesschen ock na der
tydt de Schlöte Wesenberch vnde Narue ge-
buwet / de vmmeliggenden Lande daruth tho
dwingende vnde tho beschüttende. Do hebben
de

de Denesschen Bisschöppe in Lyfflandt na ge-
rade alle de Kercken vnde Klöster / in Harris-
gen vnde Wirlande / dorch milde handtrek-
unge der Köninge tho Dennemarcken / gefunde-
ret / vnde mit flyte gebuwet.

Tho dersüluigen tydt alse de Denesschen
in Lyfflandt begunden mechtich tho werden /
hebben sich Bisschop Albrecht / vnde Meister
Binno / ock nicht gesümet mit krygende vnde
ock mit buwende. Do hefft Meister Binno
vele guder daden gedahn / vnde hefft gebuwet
de Schlöte / Segetwolde / Wenden / vnde Als-
scherade / Dar was auerst einer / de dem Mei-
ster Binno heimlick gar viendt was / vnde alse
desüluige vorreder sine gelegenheit affgesehen
hadde / hefft he den Meister / sampt sinem Cap-
pellane / tho gelike erschlagen / Dith ys des fra-
men Meisters ende gewesen / na dem he 18. jar
regeret hedde / Dessen vorreder / welcker ein
pleger tho Wenden gewesen / hefft men dar-
na gegrepen / vnde vp ein Radt leggen laten /
geschehen Anno 1223.

Anno 1223. Na dem dode Binnonis / wordt
wedder tho ein Meister der Schwertbröder
schop in Lyfflandt gekaren ein broder / geheten
B u Vols

Bolquinus/welcker Meister oprichtich/rechtferdich/vnd sinem Orden truwē gewesen ys/he hefft gebuwet dat huß Bellyn/Welckes den Esten sehr vordratē hefft/vñ alsē de Meister sine Ordensbröder/mit etliken Volcke na Bellyn/thor besettinge des huses/geschicket hadde/sint de Esten vp dem wege auer se her gekamen/vnde hebben se alle erschlagen/Alse men auerst gesehen vnde vormercket hefft / dat de heiden den Bisschöppen vnde dem Orden tho mechtich syn wolden / Is Bisschop Albrecht van Riga vororsaket geworden / auer sehe in Sassen/vmme hülpe thouorreisende / vnde alsē he int Landt tho Sassen gekamen was / hefft he den Hertoch Albrecht van Sassen dartho vormocht / dat he mit siner Ridderschop vnde pelegriemen / sich in Lyfflandt den Christen tho hülpe begeuen hefft / Alse nu de Esten solcks vornamen hebben / dat dar vele Christen int Landt gekamen weren / hebben se sich vorsammelt/jegen desüluigen pelegrieme tho stryden/de/vnde se wedder vth dem Lande thouorjagende.

Desse Hertoch Albrecht van Sassen wordt tho Riga/van dem Meister Bolquin gar

gar ehrlick entfangen / Do hefft de Hertoch tho dem Meister angefangen vnde gesecht/Leuer Meister/wy sint hyr alsē Pelegrieme gekamen / Gades viende thokrenckende / vnde dar gy hen reisen / dar wille wy mit vnser pelegriemen volgen/vnde gudt vnde quadt mit iuwlyden. Do tögen de Hertoch vnde de Meister vp de Esten / dar denne sehr gestreden wordt/vnde worden do aldar auer 1500. Heiden erschlagen / vnde de andern slögen in busche vnde Wiltenissen / de Christen auerst behelden dat Veldt/vnd vorlören nicht mehr/alsē se 60. personen/vnde twe Ordensbröder. Alse nu de Hertoch/vnde de Meister ein deel der Esten thom gehorsam gebracht hedden/sint se gar frölick wedder na Riga getagen / Vnde alsē se dar hen gekamen sint / do hebben sich de Zerueschen / sambt den Deselers / de en tho hülpe gekamen weren/wedderümme geröget. Do tögen Hertoch Albrecht/vnde de Meister Bolquin/auermals int Veldt/vnd quemen in Zeruen/dar se ock de Deselers vor sich vunden/vnde geschach wedderümme ein groth strydt/tho Kandel vp dem velde / dar vele Heiden erschlagen worden / vnde ock etlike van den

Christen/ Do stundt ydt eine tithlanck im fre-
den/ vnde Hertoch Albrecht reisde wedder in
Sassen/ Na deme he vele ridderslike daden in
Lyfflandt vthgerichtet hedde.

Na dem nu Meister Volquin / sambt si-
nem Orden / in Lyfflandt begunde geweldich
tho werden / hefft solcks den Denesschen tho
Keuel nicht wol behaget / derwegen hebben se
gepraticeret / wo se möchten tho wege bringen/
dat de Meister stille holden möchte / vp dat se
de Lande süluest gewinnen / vnd eren vödt dar
wedder in setten mochten / derhaluen dewyle se
de Borch tho Keuel befestiget / vnde ock einen
mechtigen Kōntinck hedden / de se wol entsetten
konde / hebben se solcke eine geschwindigkeit er-
dacht / dat se einen valschen Legaten / alse
queme desäluige van dem Paweste her / an
den Meister afferdigen wolden / Welcker dem
Meister / van wegen des Pawestes ankündi-
gen scholde / dat he stille holden / vnde de Hei-
den nicht forder beschedigen edder molestieren
scholde / ydt were denn sake / dat de Heiden in
der Christen Lande sellen / vnde dar schaden
inne deden. Welckerer Legation haluen / de
Meister vnde alle dat Christen volck tho Ri-
ga /

ga / ganz entfettet vnde bedröuet geworden
was / wusten nicht wo se dat vorstan scholden /
dewyle de Pawest dissen Orden süluest beste-
diget / vnde confirmeret hedde / vnde em thoge-
secht / dat allent wat se den Heiden affwän-
nen / se dat säluige fry besitten / vnde tho erwi-
gen tyden / alse fregrundtheren beholdē / schol-
den / Do ydt auerst vormercket worde / dat ydt
vonne den Legaten nicht recht was / hefft men
en also affgeserdiget / dat he dar nicht mehr be-
gerde tho kamen / Dardorch Meister Volquin
vororsaket geworden ys / den Denesschen de
Borch / sambt der Stadt Keuel mit allen tho
gehörigen Landen tho nemende / welches
denn ock geschehen ys. Alse nu Meister Vol-
quin der Denesschen Herschop in Lyfflandt
mechtich gewesen ys / hefft he de Borch tho
Keuel van steinen fast / vnde mit müren vnde
törnen sehr hoch gebuwet / alse ydt noch hūdis-
ges dages vor ogen tho sehende ys.

Tho dessen tyden hebben de Rüssen noch
dat Schlot tho Dörpte / welcker vp ere sprake /
Zuriongorodt / genömet wordet / sambt den
vmmeliggenden Landen ingehat / vnde na
deme de Christen ein mal ock er heil daran
B iiii vors

vorsöcht / vnde nichts beschaffet hadden /
 hebben se desüligen Rüssen tho Dörpte um-
 me einen frede angelanget / Welckere keinen
 frede hebben maken willen / sunder sint van
 wegen erer Bestinge gar stolt vnde vorbolgen
 gewesen / welckes denne Bsschop Albrechte /
 dem Meister Volquine / vnde allen Ordens-
 bröderen sehr vordraten hefft / derwegen heb-
 ben se sich sambteliken heimlick vnde still / mit
 allem ernst wedder gerüstet / ere gelücke noch
 ein mal an den Rüssen tho Dörpte thoursö-
 kende / tho welckerem hupen ock Bisschop
 Herman van Bggenus / vnde Graue Al-
 brecht van Orlemünde / de dem Orden tho
 denste gekamen was / sich begeuen hebben /
 Also se nu sambteliken rüstich weren / sint se mit
 der ganzen vorsammlunge vp Bortzgerff tho-
 getagen / vnd so vordan ganz ylich vp Dörpte
 gerücket / vnde ys domals Dörpte nicht eine
 gemürde Stadt edder Schlot / sunder ein blot
 Schlot mit holte vnde planckwercke / vnde
 mit einer erdtwehr / vor gewalt gebuwet vnd
 de befestiget gewesen / welckes de Dädischen in
 der güde erslick opgeesshet hebben / Auerst de
 Rüssen erem gebruke na / geuen forsse wörde /
 vnde

vnde vorhapeden sich eine entsettinge van
 Nowgarten vnde Pleszkow tho bekamende /
 De Dädischen heren auerst / also se vormercke-
 den / dat datßülige Huss ane gewalt nicht
 konde eräuert werden / hebben se ydt mit allem
 ernste angefangen tho stormende / vnde wo-
 wol de Rüssen vnde Esten sich manlick gewes-
 ret / vnd den Dädischen mit Bür vnd anderm
 vordede / groten schaden thogeföget hebben / sint
 dennoch entlick de dädischen erer mechtich ge-
 worden / vnde hebben dat Schlot mit stor-
 mender handt eräuert / vnde alle Rüssen vnde
 Esten / so darup gewesen / sampt dem Heren er-
 wörget / vnde darna dat Huss in de grundt
 vorbrandt vnde vorstöret / Also auerst de ent-
 settinge thor Pleszkow gekamen / vnd erfahren
 hedde / dat Dörpte also eräuert gewesen was /
 sint se alle mit einander trwrich vnde bedrüet
 wedderümme tho rügge getagen / De Chris-
 ten auerst sint van wegen desser groten Vic-
 toria gar hoch erfrouwet geworden in dem
 ganzen Lande / solcks ys geschehen vmmē dat
 Jar 1230.

Also nu de Esten / Deselers / vnde ander-
 re / so den Christen affuellich geworden we-
 ren /

ren / dat gerüchte van Dörpte gehöret hebben / sint se gar erschrocken / vnde hebben vor groter angest / tho Bisschop Albrechte geschicket vnde gnade begeret / vnde alle gefangene Christen / so se by sich hadden / wedderümme loß gegeben / vnde ock den Tinz / so se better her vorseten / twesfoldich tho erleggende sich erbadten. Darna hebben de Esten allenthaluen sich vorsammelen / vnde neuensf Kercken vnde Klüsen / ock ere eigen Hüser vnde Dörper buwen möten / vnde alle de jenigen / so beth anher lange tydt in den Wiltenissen geschulet hedden / musten herfor kamen / eren Acker vnuorhindert tho buwende / Welckes in velen Zaren nicht geschēhen was / Welckere Eysten auersf sich redelick yegen de Dudeschen gehalten hebben / de sint des Tributes vnde des Hauesdensfes entfryet worden / darher de fryen in Eyfflandt eren ortsprunck hebben / vnde genesen erer vele dersüluiigen fryheit bette in den hädigen dach.

Alse nu allenthaluen im ganken Estlande gudt frede gewesen / Do hefft Bisschop Herman van Yggenus / dat vorstörede huf Dörpte wedder angefangen van Steine vnd Kalcke

Kalcke vp tho buwende / vnde ock vullen endiget / alse ith skundes steith / vnde hefft sinen Stoel darhen gesettet / vnde den Dom by de Embecke gefunderet / vnde sinen broder Dthmar darhen thom Praweste vorordenet / vnde vele Dörper dartho vorlenet vnde gegeben / Do hefft dat stiffe Yggenus den namen vorlaren / vnd ys / dat stiffe Dörpte genömet worden / de Domheren sint ock domals tho Dörpte Canonicken vnde regulers genömet worden. Desse erste Bisschop Herman tho Dörpte / hefft vele Kercken vnde Klüsen gebuwet / dartho ock dat Kloster Balckena / vnde hefft darna lange geleuet / vnde alse he eine Römische reise gedahn hedde / vnde 77. Jar oldt / vnde blindt geworden was / hefft he sich vor einen Mönick int kloster Balckena begeuen / vnde syn leuendt dar geendiget / vnde hefft by sinem leuende / dat Bisschopsdom / einem Alexander genant / opgedragen / den he van buten herin vorschreuen hadde / Welcker de ander Bisschop tho Dörpte gewesen ys.

Vnne desse tydt quam ock ein Graue vth Döringen / mit velen Pelegrimen in Eyfflandt / welcker mit dem Meister Volquin de

Deselschen by winter dagen bekryget / vnde fast 2300. minschen / junck vnde oldt / erschlagen / vnde de Deselschen bedwungen / vnde thom gehorsam gebracht hefft. Na solcker Victoria ys Meister Volquin mit den pelegriemen in Semigallen gerücket / vnde hefft desäluen völecker ock bekryget / vnde erer 1600. vp ein mal erschlagen / vnde der Christen auer 300. in dersülügen schlachtinge vorlaren. Darna hebben sich de Semigallen wedderümme negen den Meister gerüstet / vnd em eine schlachtinge geleuert / Darin de Semigallen auer mals vndergelegen / vnde auer 500. man vorlaren hebben / vnde der Christen sint ock in de 200. dodt gebleuen.

Darna hebben sich de Littouwer erröget / vnde ein groth Volck wedder den Meister vopgebracht. De Meister auerst vnde de Graue vth Döringen / mit sinen Pelegriemen / hebben sich ock gerüstet / vnde ys vp beiden syden gar ernstlick gestreden / Vnde worden dar auer 2000. Littouwen / vnde van des Meisters volcke 600. erschlagen. Auerst de Dudeschen behelden dat Veldt / vnd erlangeden wol in de 2500. Perde thor büte. Darna toch de Graue

Graue mit sinen Pelegriemen wedder tho huß in syn Landt / alse he vor de Christen redeliken gestreden hedde.

Na der tydt quam ein Graue int Landt van Dannenberch / vnde Here Johan Hasel dorp / mit velen Pelegriemen / wedder der Christen viende tho strydende / Meister Volquin hefft sich mit sinem Volcke ock gerüstet / vñ sine vterste macht vopgebracht / vnde sich mit dem ganzen Heer / neuensf dem Grauen vnde den Pelegriemen int veldt begeuen / Vnde darna in Littouwen gerücket mit velem Volcke / De Littouwer auerst weren ock in der rüstinge / vnde tresseden mit dem Meister thosamende. Do wordt der Christen Heer neddergelecht / vnde Meister Volquin / vnde de Graue van Dannenberch / sint ock in disser schlachtinge gebleuen / mit 48. Ordensbrödern / vnde mit velen Pelegriemen / Anno 1238. Also hefft disse hochlöfflike Meister syn ende genamen. Na deme he 15. Jar lanck regeret / vele gudes gedan / vnde vele wedderwerdicheit by siner regeringe gehatt hadde.

Vth dissem Exempel der Dudeschen Fürsten / Grauen vnde Heren obgemelt / hefft men klar

klarlick thouornemende/ wo suhr de leuen Olden sich hebben werden laten / de Vnchristen thouordelgende/ vnde de Christenheit thouornemende. Tho den tyden auerst des Bisschop Albrechts tho Riga / vnde des Meister Bolquins / hebben sich nicht alleine Hertoch Albrecht van Sassen/ Graue Albrecht van Dörlingemünde/ Döringen/ vnde Dannenberch/ in Lyfflandt begeuen / sunder ock domals / vnde na dersüluigen tydt/ vele mehr Försten vnde Grauen/ Alse nämliken Köninck Waldemarus van Dennemarcken / Barnimus ein Först vch Pamern / etlike Grauen van Holsstein/ van Staden/ Oldenborch/ van der Lippe/ vnde andere Grauen vnde Heren mehr/ welckere nicht van wegen eres eigen nuttes/ sunder van wegen der algemeinen leuen Christenheit bestes vnde wolfarth thobeforderendes/ sich tho water vnde tho lande/ auer vernen wech / mit groter gefahr / in Lyfflandt begeuen / vnde den Bisschöppen / vnd den Meisters mit darstrecking eres gudes vnde bloddes grote ridderslike hülpe geleistet/ vnde de armen heidenschen Lande tho dem Christendome gebracht hebben. Disse löfflike Heren vnd Ridders

dere

Dere hebbē in erredinge der Christenheit nicht geropen/ Geldt/ Geldt/ ock nicht in mangelinges des geldes / der Christenheit tho weddern gehandelt/ alse vele Knygeslüde itziger tidt hyr/ vnde an andern ördern mehr/ gedan hebben/ vnd noch dagelikes dohn/ Dck hebben de leuen olden mit den Rüssen also nicht tho hope gespannen / alse tho disser tydt van velen düdeschen/ hoges vñ neddrigis standes / geschehen ys/ welcks den olden ein grüwel gewesen were.

Desse Meister Bolquin hefft ock by synem leuende Anno 1234. by dem Hauemeister in Prüssen/ Herr Herman van Salka/ vnde by dem gansen düdeschen Orden angefangen/ vñme de Bröderschop des düdeschen Ordens/ vor alle Schwerdtbröder in Lyfflandt thoweruende / Welckes dorch vorhinderung des Königes tho Dennemarcken / so van wegen der Stadt Reuell/ vnde der thogehörigen Lande/ ansprake tho der Schwerdtbröderschop gehatt hefft/ nicht so balde hefft geschehen mögen / Entliken auerst na velfoldiger anholdinge des Meisters / vnde der Schwerdtbröder in Lyfflandt / vnde na langen bedenkende der Prüssischen Ordensheren / vnde ock/ dewyle se sich mit dem Könige van Dennemarcken vordragen hadden / sint se mit in den düdeschen Orden angenamen vnde ingehuet/ vnde van dem Paweste Gregorio 9. bestediget/ vnde confirmeret worden/ Anno 1238. Euen tho der süligen tydt/ alse Meister Bolquin erschlagen wordet.

Dat

Dat Ander deel

Dat Vnder deel der
Lijfflandischen Chronica / van dem
Ersten Meister Dadeschen Ordens
tho Lijfflandt/beth op den
lesten.

Mese Meister Volquinus
veleridderlike dade/neuenst dem
Bisschop Albrechte in Lijfflan-
de vthgerichtet / vnde thom le-
sien by dem Dadeschen Orden
in Prussen/ydt so verne gebracht hadde / dat
de Orden der Schwerdtbroderschop in Lijff-
landt / mit in den Dadeschen Orden scholde
angenamen / vnde ingelyuet werden / vnde sy-
ner darauer in der schlachtinge tho korth ge-
worden was / dat he densulvigen dadeschen
Orden nicht hefft bekamen vnde erlangen
mögen / Do hefft men na synem dode / Her-
man Balcken / welcker ock van etliken Her-
man Balcke (vellichte syner treffliken daden
haluen) genomet werdt/welcker 7. Jar vorhen
Landtmeister in Prussen gewesen was / thom
ersten

der Lijfflandischen Chronica.

17

ersten Meister dadeschen Ordens in Lijff-
landt erkleret / Anno 1238. Disse Meister
hefft des dadeschen Ordens habit / darmit he
bekleidet gewesen / in Lijfflandt ersielick ge-
bracht. Do hefft de Orden der Schwerdtbro-
derschop in Lijfflandt vpgehoret / vnde einen
ende genamen / vnde ys eine nye Broderschop
des dadeschen Ordens / wedderümme ange-
fangen worden.

By disses Meisters tyden / ys mit willen
Keiser Fredericks des 2. vnde dorch vnder-
handelinge Gregorij 9. des Pawestes / wel-
cker eine herlike Legation domals in Lijfflandt
gehatt hefft / de Stadt Reuel mit allen thoge-
hörigen Landen / dem Könige tho Dene-
marcken in fründtschop / doch vngerne / wed-
derümme ingerümet worden. Daryegen hefft
de Köninck tho Dennemarcken / dem Dades-
schen Orden in Lijfflandt wedderümme vor-
eret vnde geschicket dat ganze Landt Zer-
uen tho ewigen tyden / vnde hefft ock eine stat-
like kringesmacht van volcke / wedder de Chri-
stien / dem Orden tho hülpe geschicket / mit
welckerem volcke / de Meister / Herman Bal-
cke / sief wedder de Rüssen gerüstet hefft / de
dem

dem Orden/ vnde insunderheit dem Bisschop
 pe Herman tho Dörpte/ des affgedrungenen
 Dörpteschen huses haluen / ane vnderladt
 groten schaden thogeföget hebben. Derwe
 gen de Meister mit groter macht in Rüss
 landt vor Iseborch gerücket ys/ vnde hefft dar
 mit den Rüssen gestreden/ erer vele nedder ge
 lecht/ vnde de auerigen in de flucht geschlagen.
 Darna hebben sich de Meister/ vnde Bisschop
 Herman tho Dörpte/ mit dem ganzen Heer/
 vor de Stadt Plestow in Rüsslandt geles
 gert/ vnde hebben de Stadt stormen willen.
 Auerst de Rüssen in der Plestow hebben ei
 nen frede begeret/ vnde sich dem Orden thoer
 genende erbaden/ Welckes denne mit beleuin
 ge Gerpoltis / des Rüssischen Försten/ ock ge
 schehen ys / do ys beide dat Schlot/ vnde de
 Stadt Plestow / dem Meister auerantwor
 det geworden / vnde de Meister hefft dat
 Schlot vnde de Stadt mit Ordensbrödern/
 vnde mit Christen volcke wol besettet / vnde
 hebben sampeliken Godt gelauet vnde gedan
 cket / vor de grote auerwinninge / vnde sint
 darna wedderümme na Lyfflandt gereiset.
 Auerst Alexander/ de Först van Nowgarden/
 hefft

hefft dem Orden de Plestow wedderümme
 affgewinnen/ do men schrefft 1244. De Chri
 sten hebben sich wol ridderliken geweret/ auerst
 thom lesten hebben se vorlaren geuen möten.
 Do sint erschlagen 70. Ordensbröder / mit
 velem Düdeschen volcke / vnde 6. Bröder sint
 gefangen/ vnde tho dode gemartert worden.
 Disse Meister hefft regeret by 6. Jaren/ vnde
 ys gestoruen/ Anno 1245.

Hinrich van Heimborch / de ander
 Meister düdesches Ordens in
 Lyfflandt.

Anno 1245. Is Hinrich van Heimborch/
 van dem Hauemeister tho Prüssen / tho
 einem Meister in Lyfflandt vorordenet / By
 dieses Meisters tyden hefft regeret Nicolaus/
 de 4. Bisschop tho Riga / welcker dat Kloster
 der barföter Mönnicke tho Riga gebuwet
 hefft. Disse Meister hefft sich omme synes ly
 ues schwachheit willen / van dem Ampte aff
 gebeden/ alse he 2. jar regeret hedde.

Diderick van Gröningen/de drüdde
Meister dadesches Ordens in
Lyfflandt.

Anno 1247. Hefft de Hauemeister tho
Prüssen/ Conradt/ Landtgraue in Dö-
ringen / einen andern Meister in Lyff-
landt gesandt / geheten Diderick van Grö-
ningen/ Welcker Meister sich mit velem volcke
wedder de Ghuren gerüstet hefft / vnde ys in
ere Landt gerückt / vnde hefft der Ghuren ve-
le erschlagen / vnde ys eine wyle dar im Lande
gebleuen / vnde hefft dar gebuwet Golddingen/
Ghurlandt vnde Amboten / vnde desülügen
Hüser wol besettet mit Volcke / vnde hefft den
Ghuren allenthaluen ankündigen laten / Dat
alle de jennigen / de den Christendoem dorch de
Döpe annemen / vnde dem Orden vnderda-
nich syn / vnde Tributh geuen wolden / de schol-
den dat leuendt beholden / Auersit se hebben
node an de Döpe gewoldt / Dar mennich
groth stridt vomme geschehen / vnde mennich
Ordensbroder dodt gebleuen ys / eer men se
hefft bedwingen / vnde tho dem Christliken ge-
louen bringen können.

De

De Ghuren also se des Ordens ernst vormer-
cket hebben / sint se tho dem Mendow / dem Lits-
touwischen Förste gefallen / vñ hebben sich em-
ergeuen / Welckes ock ein viendt der Christen
gewesen ys / Desülüge Förste hefft ein mech-
tich Volck vorsammelt / vnde ys in Ghurlandt
vor Amboten gerückt / mit aller macht. Do
hebben de Meister vnde Herr Bernart / de
Marschalck / mit erem Volcke in einem Bus-
sche gehalten / vnde also de Littouwen de borch
Amboten stormen wolden / vnde sich vor dem
Meister nicht gehodt hebben / sint se van dem
Meister vnde dem Marschalcke vorrasschet
geworden. Do ys de Förste van Littouwen /
mit allem volcke / flüchtich geworden / vnde in
dersülügen flucht hefft men auer 1500. Lits-
touwer erschlagen / vele gefangen / vnde ene
allen eren hinderholt affgehaget / Auersit van
den Christen sint nicht mehr gebleuen / also
4. Ordensbroder / vnde 10. andere. Na solecker
Victoria hefft de Meister de Veste im Lande
ingenamen / vnde wol beuestiget / dar vele ar-
beides vomme geschehen / vnde mennich Or-
densbroder dodt gebleuen ys.

Also nu Meister Diderick 3. Jar reges

G iij ret

ret hebde / hefft he affgedancket / vnde ys dar-
na van dem Hauemeister / Legations wyse / an
den Pawest / omme des Ordens sake willen /
geschicket worden.

Andreas van Stucklandt / de veerde
Meister dadesches Ordens / in
Lyfflandt.

Anno 1250. Is Andreas van Stuck-
landt / tho einem Meister in Lyfflandt er-
kleret worden / Welcker negen yderman vp-
richtich vnde woldedich gewesen ys. By dissis
Meisters tyden / hebben sich de Littouwer /
Samayten vnde Semigallen / wedder den
Orden forhauen / in meininge den Orden
gantz vth dem Lande thouordryuende. Do ys
de Meister / Andreas van Stucklandt / mit sy-
nen Brödern vnde Riddereschop / ock halde
rede geworden / vnde den Vienden enthe-
gen gerücket / hefft erer vele erschlagen vnde
gefangen / vnde ere Lande vorbrandt / vorhe-
ret vnde vorwöflet / vnde ys beth an de Borch /
dar de Köninck Mendow vppgelegen / gerücket /
vnde

vnde hefft de Lande vmmelanges her berouet
vnde bestroffet / vnde alle de he auerkamen
hefft / erschlagen vnde gefangen / vnde ys dar-
na in Samayten getagen / vnd dar suluest ock
also Hus gehalten / alse he in Littouwen gedan
hadde. Vnde na solcker auerwinninge ys he /
mit groten fröwden vnde triumphhe / wedder
tho Riga gekamen / vnd einen groten roeff mit
sich gebracht / van welckerem roeff gude / de
Meister vele tho der Ehre Gades / vnde den
Armen / vnde dat auerige synem Knyges volcke
vthgedelet hefft.

Darna hefft de Meister / mit synen brö-
dern / de Semigallen mit gancker macht auer-
tagen / vnde dar gelyck alse in Littouwen / vnde
in Samayten gehandelt / vñ ock ein groth roff
gudt daruth gebracht. De Semigallen auerst
hebben an den Meister gesandt / vnde frede be-
geret / vnde sich erbaden / Eins vnde Tributh
dem Orden tho geuende / vnde ydt wordt vor-
geliket / dat se scholden stille sitten vnder Eins
vnde jarlikem tribute.

De Köninck Mendow van Littouwen /
sande ock an den Meister Andreas / vnde be-
gerde vnderredinge vnde sprake mit em tho
G iij holo

holdende/ De Meister auerst/ na deme he sich mit synen Brödern vnde Ridderchop/bespraaken hadde/ys an den bestemen ordt/cho dem Könige getagen/ vnd also se sich vndereinander fründelick entfangen/vnd sprake gehalten hedden / Hefft de Köninck eine köstlike malstidt bereiden laten / vnde den Meister tho gaste geladen/ vnde auer Dische hefft de Meister vele fründeliker rede mit dem Könige gehatt/beth so lange dat he den Köninck dartho vormocht hefft/dat he anlauede / ein Christen tho werden. Vnde de Köninck hefft begeret/ dat de Meister by dem Paweste weruen vnde erlangen wolde / dat men ene / vnde syne Königinne / stracks na der Döpe / also einen Christliken Köninck vnd Königinne/frönen scholde / Welkes eine de Meister / Andreas van Stucklandt/ock gelauet vnde thogesecht hefft. Do ys de Köninck frölick geworden/ vnde hefft dem Orden ein stücke Landes gelauet tho schenckende. De Köninck auerst vnde de Meister sint fründelick van einander geschieden.

Alle in de Meister tho Hus gefamen was / hefft he solkes stracks an den Pawest gelan

gelangen laten / Welcker sich des hoch erfrouwet/ vnde dem Meister de vulmacht gegeuen hefft/den Köninck/na der Christen ordeninge vnde wyse tho frönende.

Tho der tydt hefft Albrecht / des namens de 2. ein Doemhere van Bremen/ den Bisschopsdom tho Riga vorgestan / vnde ys de vöfste Bisschop tho Riga / vnde ein Administrator des Bisschopdomes tho Lubeck gewesen/Welcker Bisschop Albrecht/vnde Meister Andreas van Stucklandt / hebben twe köstlike Kronen maken laten / vnde sint mit Bisschöppe Hurico van Colme/ vnd andern Bisschöppen mehr/ vnde mit velen medegebedigern vnde Ridderchop/gar städlich in Littouwen tho dem Könige getagen / Welcker se mit einem groten prale gar herlick entfangen/ vnde wol getracteret hefft. Do hebben de Köninck Mendow / vnde syne Königinne Marta/ den Christendoem/ dorch de Döpe entfangen / vnde sint van dem Meister vnde Bisschop Albrechte/ na der Christen wyse gefrönet worden / vnde de Meister hefft dem Könige dat ganze Landt Littouwen vorlesnet/van wegen des Pawestes/vnd dar wordt

G v ock

Dat Ander deel

oek vele anders volckes gedöfft. Also auerst nu alles vullen endet gewesen ys / Do sint de Bisschöppe / vnde de Meister wedder na Hus gereiset / geschehen Anno 1255.

By disses Meisters regeringe / ys dat stiffe Riga erstlick thom Erbstiffe / vnde Bisschop Albrecht / des namens de 2. de erste Erzbisschop tho Riga geworden / vnde hefft de högeste autoritet auer alle Bisschöppe / in Prussen so wol / also auer alle Bisschöppe in Lyfflandt erlanget / gelick also de Hauemeister tho Prussen / de högeste autoritet auer den ganzen Orden / so wol in Lyfflandt / also in Prussen erlanget vnde gehatt hefft. Disse Meister Andreas hefft regeret 6. Jar / vnde darna affgedancket / vnde in Dudeschlandt gereiset.

Euerhardt / ein Graue van Seyne /
de vöfftte Meister Dudesches Ordens
in Lyfflandt.

Anno 1256. hefft Euerhardt / ein Graue
van Seyne / de Meisterschop in Lyfflandt
erlanget / welcker ein framer vnde wyser Here
gewe

gewesen ys / he ys gar ehrliken in Lyfflandt
entfangen worden / vnde stracks im anfang /
hefft he sich mit synem Volcke gerüstet wedder
de Samayten / vnde ys in ere Landt getagen /
vnde hefft dar gerouet / gebrandt / vnde vele
volckes erschlagen vnde gefangen / vnde dar
na mit grottem pryse wedderümme na Riga
getagen / Des hefft he oek einen toch in Schur
landt / vnde vele andere töge mehr wedder des
Ordens viende gedan / Also he nu twe Jar re
geret hadde / ys he Kranck geworden / vnde
hefft sich in Dudeschlandt vören laten / dar he
gestoruen ys.

Anno van Sangerhusen / de söste
Meister dudesches Ordens in
Lyfflandt.

Anno 1258. hefft Poppe de Hauemeister
tho Prussen / einen andern Meister in
Lyfflandt gesandt / geheten Anno van San
gerhusen. Disse Meister hefft mit den Sem
gallen vnde Samayten / etlike fryge geuoret /
vnde also he 3. Jar in Lyfflande regeret hadde /
S vi ys

Dat Ander deel

ys he vth Lyfflandt tho dem Hauemeister ampte in Prüssen gefördert worden/ Anno 1261.

Borchardt van Hornhusen / de söuende Meister dadesches Ordens in Lyfflandt.

Anno 1261. hefft Borchardt van Hornhusen dat Meisteramt in Lyfflandt angenommen / welcher Meister hefft ein mal de Schlöte in Ghurlandt besichtigen willen / vnde alse he nicht wydt van der Memmel gekamen was / Is he van den Heiden / de sich in dem Bussche vorsteken hadden / angelopen worden. De Meister auerst / hadde nicht mehr by sich / alse 40. Ordensbröder / vnd 500. reisinger Knechte / mit welckeren he ganz dapper manck de Heiden gesettet / vnde erer ganz vele erschlagen hefft. Do sint van den Christen nicht mehr gebleuen / alse 12. Ordensbröder / vnde de Meister süuest ys vorwundet geworden / vnde ys mit synem Volcke op de Memmel geflagen / vnde alse he van den Wunden genesen was / ys he mit synem volcke wedderümme

der Lyfflendischen Chronica.

23

ümme na Riga gereiset / vnde aldar sich wedder desüligen Heiden / nömliken de Samanten / gerüstet / den spot wedderümme thowreskende. Auerst de Samanten hebben einen freude begeret / vnde solckes ock dorch Rath des Erzbisshöppes tho Riga erlanget op twe Jar / middeler wyle hefft de Meister vele Krynge wedder de anderen Heiden geüret.

Alse nu de twe järige stillestandt mit den Samanten vthgewesen ys / do hefft sich ein Krynch wedderümme twisschen den Littouwen / Samanten vnde twisschen dem Orden erhauen / Do se nu van beiden parten tho veldt gewesen sint / vnde eine schlachtinge thosammende gehalten / vnde vele volckes op beiden syden vorlaren hadden / Do hebben de Heiden de auerhandt vnde dat veldt beholden / do sint 33. Ordensbröder erschlagen worden. De Meister auerst hefft sich wedderümme gerüstet mit velem volcke / welcher vth Dadeschlandt dem Orden tho denste gekamen was / vnde hefft den Littouwen vnde Samanten wedder eine schlachtinge angebaden / Auerst se dorsten nicht ankamen. Dons de Meister in Semigallen gerücket / vnde hefft dar eine Borch

Borch mit stormender handt gewonnen/ vnde
 ys darna vörder int Landt getagen/ vnde hefft
 dar eine borch / Dobbelen geheten/ gebuwet/
 vnde hefft de wol besetzt. Diffe Meister hefft
 vele tho schaffende gehat mit den Littouuern/
 Samayten/ Rüssen/ vnde Semigallen/ wel-
 ckere vöcker sief alle thosamende verbunden
 hadden/ de Dudeschen samplicke vth Lyfflandt
 thowordruende. Thom lesten ys diffe Mei-
 ster Borchardt/ van den Littouuern vnde Sa-
 mayten/ mit velen Ordensbrödern/ vnde an-
 derem Krygesvolcke/ tho Durben vp dem vel-
 de erschlagen worden / Anno 1264.

Vp dat sülige mal/ hebben de Heiden de
 Schlöte / Kerffow vnde Dobbelen / wedder
 gewonnen. Diffe Meister hefft regeret dre
 Jar vnde söß Maente / In der schlachtinge
 auerst tho Durben vp dem velde / ys ock de
 Marschalck van Prüssen gebleuen / neuent
 150. Ordensbröderen / vnde vele van Adel/
 Dartho sint ock 8. Ordensbröder gefangen/
 vnde 5. tho dode gemartert worden.

Jürgen van Eyckstadt / de 8. Mei-
 ster dadesches Ordens in Lyfflandt.

Anno

Anno 1264. ys Jürgen van Eyckstadt/
 Sumpior van Segewolde / na Bor-
 chardt van Hornhusen/ Meister tho Lyff-
 landt geworden / welcker ein Goadiutor des
 Borchardi gewesen ys/ vnde alse he fines vor-
 faren Dodt an den Littouuern wrofen wol-
 de / were ydt em schyr gegaen / alse ydt sy-
 nem vorfaren gegaen was. Derwegen ys
 he vororsaket geworden / mit den Littouuern
 einen frede tho makende. Middeler wyle alse
 de Meister mit den Littouuern gekryget hefft/
 sint de Deselschen van den Christen wedder
 affgefallen/ Desüligen hefft de Meister van
 wegen des affualles bekryget / erer ganz vele
 vor einem Hagen tho Garmell neddergelecht/
 vnde se also wedderümme thom gehorsame ge-
 bracht. By dieses Meisters tyden / sint de
 Christen in Lyfflandt in grother gefahr ge-
 staen.

Berner van Brendthusen / de 9.
 Meister dadesches Ordens/
 in Lyfflandt.

Na

N deme Jürgen van Eyckstadt / Is Werner van Brendthusen tho dem Meister ampte in Lyfflandt erwelet geworden. Disse Meister Werner hefft mit dem Könige Mendow van Littouwen / welcher ein vorlochender Christe vnde Mammeluck geworden was / vnde darna ock mit dem Försten der Rüssen / tho deme ock mit Tramat / dem Försten der Samayten / vele tho schaffende gehatt. Welckere dre Försten sich thosamende verbunden hadden / dat se den Orden / sampt allen Düdeschen / vth Lyfflandt vornagen wolden. Alse auerst Köninck Mendow van Littouwen / mit Heeres krafft vor Wenden gekamen was / vnde synen bundtgenaten / den Rüssen / nicht vor sich in Lyfflandt gesunden hadde / Do ys he ganz vnduldich weder tho rugge getagen / nicht ane merckliken schaden der Lyfflender. Alse he nu hen wech gewesen / Do kumpt der Rüssen Förste mit ganzer macht heran theende / rouet vnde vorheret dat ganze stiffe Dörpte / vnde nimmet de Stadt Dörpte in / vnde alse he dat Schlot tho Dörpte so balde nicht gewinnen konde / vnde de Meister ock mit der entsettinge vorhanden

handen was / hefft he de Stadt Dörpte geplundert / vnde ganz vthgebrandt / vnde ys darna wedder in Rüssenlandt getagen. De Meister auerst vnde de Bisschop tho Dörpte / na deme se de Stadt wedderümme mit volcke besettet hadden / sint se den Rüssen beth in ere Landt geuolget / vnde hebben dar gerouet vnde gebrandt / vnde der Rüssen gar vele erschlagen / Do ys de Meister krank geworden / derwegen hefft he sich vth Rüssenlandt krank vnde schwack wedderümme na Riga begeuen möten / mit einem groten pryse vnde roffgude.

So lange alse de Meister in Rüssenlandt hußgeholden hefft / ys Tramat / der Samayten Förste / mit ganzer macht vnder des in de Wyke / gar verne in Estlandt gefallen / vā hefft dar süluest groten schaden gedaen / Daryegen hefft de Meister in syner schwachheit / tho Riga eine macht van Ordensbrödern / Förgerin vnde knechten / vorsammelen laten / dem Tramat vp der wedderkumpst thobeyegende. Alse nu Tramat vp der wedderreise gewesen / vnde sich wedderümme dorch dat stiffe Riga na Samayten begeuen wolde / Do sint se by dem Kloster tho Dünemunde / in einem hellen

D Man

Māschyne thosamende getroffen / vnde hebben by nacht tyden eine blödige schlachtinge also mit einander gehalten / dat de Baelftede van blode ganz rodt geworden ys / Auerst de Dūdeschen hebben dat veldt beholden / vnde hebben nicht mehr / alse 9. Ordensbröder / vnde de weinich Bürger vnde knechte verlaren / vnde de Tramat ys tho dem Könige Mendow in Littouwen geslagen. Ndt hefft ock disse Meister de Ghuren bekryget / vnde ys in Ghurlandt getagen / vnde hefft datsūluige Landt geweldich vorheret / vnde vele volckes erschlagen / vnde dre hūser / darunder Grubyn dat eine gewesen / gewonnen / vnde alle dre in de grundt vorbrandt. Meister Werner auerst / alse he 2. Jar regeret hedde / hefft he sich van dem Ampte affgebeden / vnde ys in Dūdeschlandt gereiset / vnde hefft dar syn gemack gekaren.

Conradt van Mandern / de 10. Meister dūdesches Ordens / in Lyfflandt.

Anno

Anno 1269. Hefft Conradt van Mandern dat Meisteramt tho Lyfflandt erlanget / welker Meister gebuwet hefft dat herlike huß Wittenstein in Teruen / vnde dat huß Nytow in Ghurlandt. By disses Meisters tyden ys Köninck Mendow van Littouwen / van einem Boywoden / alse ein hundert / ermordet vnde vnnuegebracht worden / vnde hefft also eines Nammelukens rechte lohn entfangen. Disse Meister hefft mit den Rüssen / Ghuren vnde Samayten ock vele tho doende gehat / vnde sich etlike mal mit en geschlagen / vnde vp eine tydt 600. man / vnde 20. Ordensbröder / vnd thom andern male 10. Bröder vorlaren. Disse Meister badt sich aff / van dem Ampte / van wegen synes olders / do he 3. Jar Meister gewesen was / vnd toech in Dūdeschlandt.

Otto van Rodenstein / de 11. Meister dūdesches Ordens / in Lyfflandt.

Anno 1272. ys Her Otto van Rodenstein in

in den Meisterstandt tho Lyfflandt erhauen worden / welcker Meister einen groten Krych mit den Rüssen geföret hefft / vnde also he sich wedder den viendt int veldt begeuen hadde / Do ys de Biendt starcker vnde gewaldiger / also men syner vormoden gewesen / herangedrungen / vnde hefft op dem Meister heftich thogesettet / Do sint beide hupen an emander getroffen / Auerst de Meister hefft dorch Gades hülpe de Victoria erlanget / vnde hefft der Rüssen auer 5000. erschlagen / vnde de andern in de flucht gebracht / in welckerer schlachtinge / ys Bisschop Alexander van Dörppte mit velen Christen gebleuen. Na solcker Victoria ys de Meister / mit 18000. man tho lande / vnde mit etliken dusent tho Schepe / in Rüsselant gerücket / vnde hefft dar gerouet vnde gebrandt / vnde hefft dat hus Isborch gewonnen / vnde 2. Stede vthgebrandt / Darna de grote Stadt Pleßkow belegert / Entliken auerst ys disse Krych vnde twistsake / dorch vnderhandelinghe der Försten van der Muscow vnde Nowgarden / tho einem frede geraden / vnde de Meister ys wedderümme mit synem volcke vth Rüsselant getagen.

Des

Des andern Jares darna hefft he wedder de Littouwen vnde Semigallen sryden möten / welckere op Desel gefallen weren / vnde datfuluige Landt vorheret hadden. Do sint Meister Otto / vnde Eysrydt / des Königes van Dennemarcken Stadtholder tho Keuel / Bisschop Frederick tho Dörppte / vnde Bisschop Herman van Leal / ganz balde serdich geworden / vnde sint den Littouwen op dem Ise beyegenet / vnde hebben solck eine schware schlachtinge op dem Ise mit einander geholden / dat ydt nicht ane dresfliken beidersits schaden affgegan ys. Do ys Meister Otto mit 52. Brödern vnde 600. Düdeschen erschlagen / vnde Bisschop Herman van Leall vorwundet geworden / vnde de Littouwer hebben den pryß beholden / vnde sint van dem Ise tho lande gefaren / mit einem groten roue. geschehen / Anno 1274.

Andreas / de 12. Meister düdesches Ordens in Lyfflandt.

Anno 1274. Is Andreas / stracks na
D iii des

Dat Ander deel

des Meisters Otten dode / im schweuenden
Kryge / vor ein höuet vpgeworpen / densül-
uigen Krych mit den Littouwern / Saman-
ten / vnde Semigallen vth thoudrende / Auerst
he ys balde in demsüluigen jare / sampt 20.
Ordensbröderen / van den Littouwern era-
schlagen worden. Tho dissier tydt hefft gere-
geret Johannes van Lunen / de ander Erzbis-
schop tho Riga.

Volter van Nordeck / de 13. Mei-
ster düdesches Ordens in
Lyfflandt.

Anno 1275. hefft Volter van Nordeck de
Meisterschop in Lyfflandt auerkamen /
welcker Meister vele redelike daden / wedder
de Samanten vnde Semigallen vthgerich-
tet / vnde vele victorien erlanget hefft / darna
oek de Hüser / Tarwenten vnde Meysatzen / ge-
swunnen vnde nedder gereten von / de de Semi-
gallen vnder synen gehorsam gebracht / vnde
de Lande mit deme Capittel gedelet / vnde also
he

he 3. Jar regeret hadde / hefft he affgedancket /
vnde ys in Prüssen gereiset.

Ernst van Raxborch / de 14. Mei-
ster düdesches Ordens in
Lyfflandt.

Anno 1278. Is Ernst van Raxborch /
Meister tho Lyfflandt geworden / welcker
Meister dat herlike huß Dünenborch anges-
fangen hefft tho buwende / welckes aller heis-
denscher Naberschop sehr vordraten hefft / der
haluen hebben se sich mit aller macht wedder
datsüluige werck vpgelenet / Auerst vorgeues /
wente de Meister hefft sich mit sinen Brödern
vnde Riddereschop / na allem vormögen gerü-
stet / vnde Elerdt / de Denesseche Stadtholder
van Reuel / ys dem Meister oek tho hülpe ge-
kamen / mit welcker rüstringe de Meister in Lit-
touwen gerucket ys / vnde hefft dar gewaldich
huß gehalten mit mordt / roeff vnde brande /
vnde hefft ein grot gudt daruth gebracht. De
Littouwer auerst sint dem Meister balde ge-
uolget in Lyfflandt / bette vor dat huß Dishes
D iiii rades

rade/mit Heereskrafft / do sint se an einander getroffen/ vnd hebben eine schlachtinge mit einander gehalten/ Auerst dewyle der Heiden huse aueruch starck gewesen/ hebben de Christen dat veldt vorlesen möten/ do ys Meister Ernst/ sampt 71. Ordensbrödern / vnde mit velen van Adel / erschlagen worden / vnde de Heiden hebben vnser leuen Grouwen Bane / welckere Hinrich van Tysenhusen / ein Ridder/ geuöret hefft/ henwech gekregen/ vnd den Fenrich erschlagen. De Denessche Stadtholder van Reuel/hefft den standt wedderüm begripen willen/ darauer he vorwundet / vnde syn Ross ock vnder em erschaten worden ys. Geschehen/ Anno 1279. in der Vasten.

Conradt van Fuchtewange / de 15.
Meister düdesches Ordens in
Lyfflandt.

Anno 1279. Is Conradt van Fuchtewange / van vornemen Adell in Düdeschlandt gebaren / Meister tho Lyfflandt geworden / welcker ock Landtmeister in Prussen

sen gewesen ys / vnde de beiden Empter tho einer tydt vorgestan hefft. So lange alse disse Meister in Lyfflandt regeret hefft/ ys ein stede Krych twisschen den Samayten / Semigallen/ vnde dem Orden gewesen. Alse he auerst 3. Jar in Lyfflandt regeret hadde / ys he in Prussen getagen / dar he namals ock Hauemeister geworden ys/ Also hefft disse Meister de dre högesten Empter des düdeschen Ordens bedenet.

Willeken van Schurborch / de 16.
Meister düdesches Ordens in
Lyfflandt.

Anno 1281. Is Willeken van Schurborch / welcker ock van etliken Willem van Endorffen genandt werdt / tho Belyn vor einen Meister in Lyfflandt erwelet worden / Welcker Meister mit den Littouuern/ Samayten vnde Semigallen grothe Kryge geuöret/ vnde eren auersten erschlagen hefft/ he hefft gebuwet den hilligen Berch in Semigallen/ dartho de dre Schlöte/ alse Wolmar/
D v Bur

Burtnick vnde Erikaten vnde de Kereke tho Wenden / Entlick ys he van den Semigallen in einem stryde auerwunnen vnde erschlagen worden mit 33. Brödern des Ordens / vnde 16. sint gefangen / van welckeren ethlyke naket op de Perde gebunden / vnde also mit knuppeln tho dode geschlagen sint / ethlyke sint op hölten rōsten gebunden / vnde op dat Vür gelecht / vnde also vorbrandt geworden. Disse Meister hefft regeret 5. jar / vnde 5. maente.

Conradt van Hertogenstein / de 17.
Meister düdesches Ordens /
in Lyfflandt.

Anno 1217. hefft Conradt van Hertogenstein anfangen dat Meister ampt in Lyfflandt thouorwalden / welcker synes vorfaren dōdt tho wrekende mennigen toch wedder de oprōrissen Semigallen gedaen hefft / vnde hefft ock wedderūme gewonnen de borch Dobelen / de de Meister Borchardt van Hornhusen vorlaren hadde / vnde der Semigallen veste / Ratten vnd Sydroben / herunder gereten / vor

vorbrandt vnde vorstōret / Do sint de Semigallen auermals thom gehorsam gebracht worden. Disse Meister hefft regeret 2. Jar.

Bolttho van Hogenbach / de 18. Mei-
ster düdesches Ordens in
Lyfflandt.

Anno 1289. Is Bolttho van Hogenbach int Meister ampt tho Lyfflandt geuolget / By welckeres Meisters tyden / alse van wegen der Rüssen / Littouwer / Samayten / vnde aller Vnchristen / ein tydlick frede im lande gewesen was / hefft sich de krynch der emulation vnd Ehrgiricheit twisschen dem Orden / vnde den Bisschöppen tho Lyfflandt / wedderūme erhaben vnde angefangen. Welcker Meister 5. Jar regeret hefft.

Hinrich van Dumpeshagen / de 19.
Meister düdesches Ordens in
Lyfflandt.

Anno 1294. hefft Hinrich van Dumps
 hagen de Meisterschop tho Lyfflandt er-
 langet / welcher mit dem Bisschoppe
 Bernharde tho Dörpste/einen vordracht vnde
 frede vpperichtet hefft/ Auerst desüluige fre-
 de ys van den Bisschöppen nicht lange gehol-
 den worden/dardorch grothe vnnödige Krynge
 erwassen sint. Disse Meister hefft regeret twe
 Jar

**Bruno/de 20. Meister düdesches
 Ordens in Lyfflandt.**

Anno 1296. wordt Bruno Meister in
 Lyfflandt / By welcheres Meisters ty-
 den / sick ein groth Krynch twisschen dem Or-
 den / vnde dem drüdden Erzbisschoppe / Jo-
 hannes van der Sechte / sampt dem Capittel
 tho Riga erhauen hefft/Wente dewyle gemel-
 ter Bisschop sampt synem Capittel vnde gan-
 zem stiffe / sick mit den Littouuern vnde an-
 dern vngelöuigen mehr/wedder den düdeschen
 Orden verbunden hadde/vnd desüluigen vngelöuigen in Lyfflandt vele vormocht/hebben/
 hefft

hefft Meister Bruno / mit synen Ordensvor-
 wanten/sick ock tho der negenwehr rüsten mö-
 ten / vnde alse de beiden hupen tho velde gefa-
 men sint/vnde by Teynden thosamende getrof-
 fen hebben / Do hebben de Stiffteschen tho
 Riga mit den vngelöuigen Littouuern de Vi-
 ctoria erlanget / vnde den Meister Bruno
 sampt 60. Ordensbrödern erschlagen / dar-
 dorch de stifteschen vnde de Börger van Ri-
 ga gar freidich geworden sint/ vnde hebben de
 Nyemöle / des Ordens huf / belegert / dar se
 van affgeschlagen worden. Do sint der Ri-
 geschen fast 400. gebleuen / etlike erschlagen/
 vnd etlike int watter gedrunge / dat se vorsu-
 pen musten. geschehen Anno 1298.

**Godtfridt/de 21. Meister düdesches
 Ordens in Lyfflandt.**

Anno 1298. Is Godtfridt im schweuenden
 Krynge mit den Stiffteschen van Riga/tho
 einem Meister in Lyfflandt gekaren worden/
 By welcheres Meisters tyden/ys vdt der vth-
 lendischen viende haluen gudt frede gewesen/
 Auerst

Auerst de innerlike Krych twisschen dem Dr.
den vnde den Bisschöppen/sonde vnde mochte
so balde nicht gestillet werden. Disse Meister
hefft regeret 8. Jar. Tho differ tydt ys tho Ri-
ga de 4. Erzbisschop gewesen Johannes / ein
Graue van Schwerin.

Conradt van Zoche / de 22. Mei-
ster dadesches Ordens in
Lyfflandt.

Anno 1307. Hefft Conradt van Zoche de
Meisterschop in Lyfflandt bekamen / wel-
cker Meister ein groth Volck / van Inheimen-
schen vnde vthlendischen Krygeslüden vor-
sammelt hefft / dartho ein ock vth Prüssen vele
Krygeslüde / derer höuetman einer / Ketelhöde
genant / gewesen / tho hülpe geschicket wor-
den sint / mit welcherer rüstunge de Meister in
Kußlandt getagen ys / vnde hefft de Stadt
Pleskow belegert / eräuert vnde geplündert /
vnd ein grot vmmetich roeff gudt daruan ges-
bracht / vnde de Rüssen also tho dem stillstande
gedwungen. Disse Meister hefft gebawet dat
Schlot

Schlot Mensaten in Semigallen / vnde an-
dere mehr.

By disses Meisters regeringe / Anno
1315. Is eine vnerhörde grüvlike düre tydt an
Korne / vnde anderer nodt trofft in Lyfflandt /
vnde in allen vmmeliggenden Landen derma-
ten gewesen / dat vele hundert minschen / hun-
gers haluen gestoruen sint / de men in grothe
Buhrfulen geworpen vnde begrauen hefft / ya
dat ock etlike öldern ere egene Kinder geschlach-
tet / vnde vopgegeten hebben / vnde etlike öldern
vth mangelinge des brodes / ere Kinder in hete
badstauen beschlaten hebben / dat se darinne
sticken mösten. Idt hefft sich tho dersüligen
tydt im Estlande / in einem Dorpe / Pugget ge-
nant / thogedragen / dat ein Knecht syten Vas-
der / vth hungers nodt / hefft ermordet / vnde vop-
ethen willen / welcher darauer gegrepen / vnde
mit schwarer pyne tho dode gemartert wor-
den ys / Vnde wor domals ein Deff frisch am
Galgen gehangen hefft / densüligen hebben
de armen lüde / by nacht tyden / van Gerichte
genamen / vnde vopgegeten. Disse hunger vnd
düre tydt hefft gewaret dre Jar / vth orsaken /
dat

dat dat Korn / beide Roggen vnde Gersten / alle Jar im velde vorfraren gewesen ys.

By disses Meisters tyden / ys ock Krych twisschen dem Orden / vnde dem Bisschoppe van Desel gewesen / in welkerem Kryge de Meister dem Bisschoppe / de huser Habsell / Lode / vnde Leal / sampt der gantzen Wyck / genamen hefft / Thom lesten ys disse twistsake dorch Zsaruum / den 5. Erstbisschop tho Riga / bygelecht vnde vordragen worden / Darna hefft Zsaruus syn Erststufte vorlaten / vnde ys in Welschelandt gereiset / dar he her gekamen was.

**Euerhardt van Nonheim / de 23.
Meister in Lyfflandt.**

Anno 1327. Is Euerhardt van Nonheim / Sumptor van Goldingen / in den Meisterstandt tho Lyfflandt getreden / welcker ein vprichtiger / Ernsthaftiger / vnde framer Here gewesen ys / vnde vele gudes dem Orden vnde dem Lyfflande thogefoget hefft. By synen tyden hefft sick auermals ein Krych twisschen

schen dem Orden vnde den van Riga erhauen. Do sint de Rigestschen vth leue der fryheit balde rustich geworden / vnde vor des Ordens huf Dünemunde gerücket / vnde hebben dat Fleck vor dem huse in de grundt vorbrandt / vnde vele volckes junck vnde oldt erschlagen / Welckes dem Meister / vnde dem gantzen Orden / sehr gespytet hefft / Derwegen hefft de Meister / Euerhardt van Nonheim / de stadt Riga mit gewalt belegert / vnde alle straten vnde wege belecht / vp dat de Rigestschen nene thovoer bekamen mochten / dardorch se denn entlick genodiget worden / dat se gnade begeren mösten / Do hebben se solckes an den Landt marschalck flytich gelangen laten / dat he sick der sake twisschen dem Meister vnde der stadt Riga annemen / vnde em gnade wedderümme erweruen wolde / Dar de Meister vth grother vorbitteringe nicht hefft angewolt / doch entlick ys dar so vele twisschen gehandelt worden / dat ydt tho einem vordrage gekamen ys. Do hebben de van Riga dem Meister thofotte fallen / vnde gnade begeren möten / dartho hebben se ere Stadt sampt allen eren rechten / fryheiden vnde priuilegien dem Meister vnde

E Dem

dem Orden auergeuen/ vnde ere Poerten vnde
de Maren nedder riten möten / Solckes ys
geschehen Anno 1330. vp S. Gerdruden dach.
Darna hefft en de Meister andere Priuilegia
vnde fryheiden wedder gegeuen/ vnde gnade
ertöget/ vnde hefft ock tho der tydt darna dat
Schlot Riga gebuwet / vnde andere schlöte
vnde Borge mehr.

Alse disse Krych ys bygelecht gewesen/ do
ys de Meister in des Rüssischen Königes
Satates Landt gefallen/ vnde hefft dar gero-
uet/ gebrandt vnde dodt geschlagen / vth orsa-
ken / dat de Rüssen sich mit den Littouuern /
wedder de Prüssen vorbunden hadden/ Dar-
dorch de Köninck van Littouuern vororsaket
geworden/ einen Krych wedder Lysflandt an-
thofangende. Do hefft sich de Meister balde
gerüstet/ vnde ys den vienden beyegenet/ vnde
hebben ein treffendt mit ein ander gedaen /
Auerst de Meister hefft de Victoria erlanget/
vnde hefft vele van den Littouuern erschla-
gen/ vnde den Köninck süluest vorwundet/ vnde
de de äuerigen vp de flucht gebracht. Na sol-
cker Victoria/ alse de viende vth dem lande ge-
schlagen weren/ ys he in Samayten gerücket/
vnde

vnde hefft dar so huz gehalten / dat de Sa-
mayten vomme frede bidden mösten / Do ys
ein frede twisschen den Littouuern / Samay-
ten vnde Lysflandt beramet vnde vpperichtet
worden.

Alse ydt nu mit Littouuern vnde Samay-
ten frede gewesen / Do hebben sich de Rüssen
thor Plezkow wedder den Orden erröget/
Wedder desüligen hefft sich de Meister ock ge-
rüstet/ mit dem Grauen van der Arnßborch/
de mit velen Rüttern dem Orden tho denste
gekamen was. Alse nu disse Meister mit den
Rüssen/ vnde andern Heiden mehr/ gekryget
hefft/ do ys solck ein koldt Winter gewesen/ alse
nemandt vorhen gedacht hadde / also dat gar
vele Christen vnde Heiden dodt gefraren sint/
vnde dat de eine Rüter tho dem andern ge-
secht hefft / Vere ick Römischer Köninck/ ick
geue myn halue Ryfe vor eine warme stube.
Dith exempel vnde dergeliken dinge mehr/ tö-
gen genochsam an/ wo suhr sich de leuen Olden
hebben werden laten/ vor de leue Christenheit
thostründende.

Disse Meister hefft ock vele Schlöte vnde
Borge im Lande begrepen / vnde gebuwet/
E ij vnde

vnde dat Landt hefft by syner regeringe sehr tho genamen.

By disses Meisters tyden hefft regeret de G. Erzbisschop tho Riga / vth Bemen bords dich / vnde alse disse Meister Euerhardt oldt gewesen ys / Hefft he by dem Hauemeister in Prüssen affgedancket / alse he 14. Jar regeret hadde / vnde ys na Gollen getagen / dar he syn gemack gekaren hefft / vnde ein Commendor tho S. Catharinen geworden ys.

Borchardt van Drenleue / de 24.
Meister düdesches Ordens in
Lyfflandt.

Anno 1341. Hefft Borchart van Drenleue dat Meisteramt tho Lyfflandt erlanget / Welcker Meister balde im anfanghe syner regeringe / vps Marien vorfündiginge / angefangen hefft de herlike schlöte / Marienborch vnd Grouwenborch / vps der Rüssischen grenze tho buwende / welches den Rüssen sehr vordrauten hefft / Darümme se sich vorsammelt hebben / desüluigen huser / de erem Lande tho na gebu

gebuswet weren / wedder thourstörende / vnde alse se vor Marienborch gekamen / vnde einen grüwliken roeck vnd schmöck angerichtet hadden / de Düdeschen vps dem huse thourdelgende / do hebben sich de Düdeschen ganz ridderlick geweret / vnde 82. Rüssen erschlagen / ane de vorwundet geworden sint / Wowol de Düdeschen des rokes vnde schmokes haluen ock grothe nodt geleden hebben / so hebben se den noch den prysz beholden. Do ys Arnoldt van Vitinckhaue thom ersten Gummendur tho Marienborch vorordenet geworden. Disse Krych mit den Rüssen hefft noch ein tydtlanck gewaret / dar de Meister sampt dem ganzen Orden genöch mede tho schaffende gehat hefft.

By disses Meisters regeringe / Anno 1343. in S. Jürgens nacht / hebben de Harrischen buren in Lyfflandt eine erschrecklike böse dadt vnde mordt begaen / vnde auer 1800. Düdeschen / van Adel / Junck vnde Oldt / Grouwen vnde Junckfrouwen / Juncker vnde Knechte / vnde allent wat Düdesch gewesen ys / iamerliken ermordet vnde vmmegebracht. Do hebben de Düdeschen in Harrigen / vnde

in Wyrlande/in der Wyck/vnde op Desel/vnde in dem ganken Estlande/van wegen der vprörischen Buren in groter nodt vnde gesfahr gestaen. In dersülügen nacht/alse de Mordt geschehen was/sint etlike Manns/Frouwen vnde Junckfern van Adel/naket vnde blodt/ane hasen vnde scho/dorch Bussch vnd broeck/na Bittenstein/vnde etlike na Keuel geflagen/Do sint de Klöster ock nicht vorschonet geworden/Wente in dem Kloster tho Padis/sint ock 28. Mönnicke erschlagen. Darna hebben sich de Buren in de 10000. starck vorsammelt/vnde Köninge vnde Försten vnder sich vpgeworpen/vnde hebben de Stadt Keuel/mit sampt dem Deneffschen Stadtholder/vp dem huse tho Keuel belegert. Solck ein spil hebben de Wykeschen Buren ock angefangen/vnde hebben eren Bisschop sampt allen Domheren/vnde velen van Adel/tho Habsel belegert. Tho deme hebben de Deselschen Buren/in demsülügen Sommer vp Jacobi/alle de Düdeschen vp Desel ermordet/vnd den Ordens Baget/sampt dem ganken Conuente tho Ponde/ock belegert/vnde alse de Baget mit synem Conuente sich nicht lange

lange vp Ponde hefft erholden können/hefft he einen fryen Pass vor sich vnde de synen begeret/Welckes em de Buren trüwlic gelauet/auerst nicht gehalten hebben/Wente alse de Baget mit den andern Düdeschen van Ponde affgetreden was/Do hebben de Buren se alle ermordet vnde vmmegebracht/dat dar nicht ein van gekamen ys.

De Buren vor Keuel schickeden ere Legaten an den Bisschop tho Abo/vnd tho Wyborch vmmehülpe/vnde laueden den Schweden de Stadt Keuel tho leuerende. Auerst middeler wyle/hadde sich de Deneffsche Stadtholder by Meister Borchardt van Drenleue/vmmehülpe beworuen/Welcker Meister ys dorch des Stadtholders so wol/alse der bedruckeden van Adel/ernstlike anförderinge/balde ferdich geworden/de Stadt Keuel thoentsettende/vnde de vprörischen Buren tho strafsende.

Alse nu de Buren vor Keuel des Meisters ankumpft erfahren hebben/hebben se ere gesanten an den Meister affgeferdiget/vnde sich em thoergenende erbaden/by solckem bedinge/dat se alleine des Meisters/vnd des Ordens Tris

butarij syn wolden / Auerst keinen Eddelman
wolden se vor ere auericheit mehr erkeñen / ed-
der wolden leuer alle steruen / Wente de vam
Adel hedden en lange genoch vele homodes vñ
allerley Tyrannye bewysset / Auerst de gebedi-
gers vnd andere vam Adel / welckerer fründt-
schop van den Buren ermordet weren / heb-
ben by dem Meister flytich angeholden / dat
he de Mörder nicht tho gnaden annemen / vñ
de solcken erschreckliken Mordt nicht vnges-
straffet laten wolde. Darup hefft de Meister
vorthgefahren / vñde na gerade vp dem scher-
müzel vele Buren nedder gelecht / vñde dar-
dorch en einen temeliken affbrock gedaen / vñde
letzlick vp de Buren vor Keuel thogesettet /
vñde se fast alle in de 10000. man erschlagen.
Na solcker Victoria ys eine grothe fröwde vñ-
de vñd frolockendt by dem Denesschen Stadt-
holder so wol / alse by allen Dudeschen im
Lande / vñde in der Stadt Keuel gewesen / Do
sint se vñh der Stadt by hupen gelopen / vñde
de doden Körper mit fröwden besichtiget. Vor
solcke woldadt hefft de Denessche Stadthol-
der dem Meister fründtlick gedancket / vñde
en forder vmmehülpe yegen de Schweden / de
vor

vorhanden weren / gebeden. Do hefft de Mei-
ster dat Hus vñde de Stadt Keuel / Heren
Goswyn van Ercke / dem Gumpster tho Bel-
lyn / neuenst dem Köninckliken Stadtholder
thouorwaldende beualen / vñde süuest na
Habsell ylich gerücket / den Bisschop vñde an-
dere Dudeschen vp Habsel thoentsettende. Als
se auerst de Wykeschen Buren vor Habsel
des Meisters ankumpst erfahren hebben / sint
se alle tho Bussche vñde tho broke geflagen /
vñde sint de Habselschen ock also erreddet ge-
worden.

Middeler wñle / quemen de Finnen van
Wyborch mit etliken Schepen heran / welcker
der Buren legaten vñh gerüstet hadden / vñde
alse se vornamen hebben / dat de Buren ned-
der gelecht / vñde de Stadt Keuel entsettet wes-
ren / sint se in de Stadt Keuel gekamen / vñde
sick der Buren haluen gar nichts mercken las-
ten / sundern sick der Denesschen saken haluen
beklaget. Do hebben se / Herr Goswyn van
Ercke vñde de Stadtholder / fründtlick tho fres-
den gespraken / vñde wol getracteret / vñde also
mit guden bescheide wedderümme affgeferti-
get. Alse nu de andern Buren im lande vor
E v namen

namen hebben/dat idt eren fränden vor Keuel
also gegaen was/hebben erer etlike den Rüssen
opgesproken / dat he sich wedderümme an de
Düdeschen maken scholde / veltichte wörden
em alle de Buren im lande thofallen. De Rüs-
se hefft sich nicht lange gesümet / sunder ys bal-
de int stifte Dörpte gefallen / De Stiffischen
auerst vnde etlike gebedigers / sint dem Rüs-
sesschen hupen / by Odenpee / menlick beyege-
net / vnde erer auer 1000. erschlagen / vnde de
andern in de flucht gebracht / Do sint ock etlike
Ordensbröder vnde etlike vam Adel / darun-
der einer / Johan van Lewenwolde genant / ge-
bleuen.

Darna ys Borchardt van Drenleue/
de Meister tho Lysslandt / by winter dagen op
Desel gerücket / de vprörischen Buren / de den
Baget sampt dem ganszen Conuente tho Poy-
de / vnde alle Düdeschen darfülest vormördet
hadden / thostraffende / vnd hefft sich mit sinem
krygesuolcke tho Karris gelegert / dar he gan-
ze achte dage stille gelegen / vnde syn Kryges-
uolck hefft dat landt Desel dorch vnde dorch
vorheret / vnde in de 9000. minschen junck vnd
oldt erschlagen. De Deselers auerst hebben do
gnade

gnade begeret / de se mit schwarzen conditionen
vnde bedingende erlanget hebben. Do hebben
se alle ere Wehre vnde wapen van sich geuen /
vnd op dat huß Leal vören möten / dartho heb-
ben se stracks anfangen möten / dat huß So-
nenborch tho burvende / so se anders by dem le-
uende blyuen wolden. Solckes ys geschehen
Anno 1345.

Alse nu de Meister mit synem Krygesuol-
cke op Desel gewesen ys / sint de Littouwer in
synem affwesende int Landt gefallen / vnd heb-
ben dat huß Tarweyten / op Reminiscere / in
der nacht / dorch vorrederne eines Semigallen
inckregen / vnde 7. Ordensbröder / vnde an-
dere düdeschen mehr / darup erwörget / darna
yllich op de Nytow forth gerücket / dat Ha-
ckelwerck gantz affgebrandt / also dat ock dat
vür in de borch Nytow geflagen ys / dar etlike
Ordensbröder / sampt 600. anderen Min-
schen / dorch vüres noedt vmmekamen sint.

Do sint de Littouwer beth vor Riga mit
gantz macht vorthgetagen / vnde eine halue
nacht daruor stille gelegen / vnde van dar op
de Nyemöle gerücket / vnde de Borborch yllich
inckregen / Auerst sint wedder affgeschlagen
E vj wor

worden / Darna sint se vor Segewolde geta-
gen / vnde tho Walcken 2. nacht stille gelegen /
vnde dat Landt gruwlick vmmeher vorheret /
vnde in de 260. minschen vth dem gebede Se-
gewolde / demgeliken vth dem stiffe Riga auer
1000. Minschen / alse Behe henwech gedreuen.
Geschehen Anno 1345. in der Vasten.

Dit scholde sich by disses Meisters tyden /
de vproer der Bellynschen Buren tho gedra-
gen hebben / welckere sich ock mit einander
vorbunden hadden / den Gumpster sampt allen
Düdeschen / vop dem huse Bellyn / thouormor-
dende / vnde dewyle dat Hus vorgewalt gewe-
sen ys / hebben se einen listigen anschlach er-
dacht / wo se dat vnuormercket vullentehen /
vnde int werck stellen mochten.

Ydt ys auerst eine gewanheit gewesen /
dat de Buren im gebede Bellyn / vop dat hus
Bellyn ere plicht van Korne hebben voren /
vnde all dar leferen möten / derwegen hebben
se sich also voreiniget / dat erer ein ganz deel / de
den Düdeschen vop dem huse starck genöch val-
len mochten / vop einen dach thogelike vop dat
hus Bellyn / mit eren schleden vnde grothen
Kornsecken varen wolden / Auerst in dem sacke
scholde

scholde ein yder / an stat des Korns / einen star-
cken Kerl / mit syner Behr vpt Schlot voren /
vnde wen se nu starck genöch darup gekamen
woren / so scholde ein yder syuen Sack balde
vplösen / vnde den Kerl daruth laten / vnde
scholden also mit samender handt vop de Dü-
deschen schlaen / vnde se vmmehringen. Disse
anschlach hefft den Buren wolgefallen / vnde
de dach wordt bestemmet / vop welckeren solckes
geschehen scholde / Nömlikē vop S. Tomas
auendt / Auerst disse böuerne ys dorch ein oldt
Wyff / den Düdeschen vop dem huse Bellyn vth-
gebracht / vnde geapenbaret worden / welckers
wynes Söne mit in disser vorbundnisse was /
darümme se sorge vor eren Söne gedragen
hefft / vnde by den Düdeschen angelanget vnd
gebeden / dat se eres Sönes vorschonen wol-
den / hefft ock den Düdeschen ein Marck vor-
geschreuen / darmit de Sack / dar ere Söne in-
ne was / getekent werden scholde / Disse bede
hefft men er / van wegen der gegeuenen kundt-
schop / geweret. Alse nu de Buren / mit eren se-
cken vnde schleden / vor dat hus Bellyn ange-
kamen woren / hefft men erer so vele in tehen
laten / dat men ene raden künde / Do sint de
Düde

Düdeschen alle/mit erer Wehr/bercidt gewes-
sen / vnde hebben se alle in den secken ersteten
vnde erwörget / Des tho einer ewigen straffe
vnde gedechtenisse / hebben de Düdeschen al-
len Buren/im ganken gebede Belyn / na ock
den vnschuldigen/einen nyen Tribueth/vp S.
Tomas auendt jarlick tho erleggende/ vpges-
lecht vnde vorordenet. Disse Meister hefft re-
geret 6. Jar.

Goswyn van Erck / de 25. Mei-
ster düdesches Ordens / in
Lyfflandt.

Anno 1347. Is Goswyn van Ercke
Gumpster van Belyn/des Meisterstan-
des werdich geworden/ By welckeres regerin-
ge in Lyfflandt / de Hauemeister tho Prüssen
Herr Hinrich Tüsemmer / dem Könige Walde-
maro 3. vnde synem broder Otto affgekofft
hefft / de Lande Harrigen vnde Wyrlant/
samt den dren Steden vnde Schlöten / alse
Keuel/ Narue/vnd Wesenberch/mit allent ho-
gehörigen gerechticheiden vnde fryheiden /
vor

vor 10000. Marck lödich/synes süluers/ na
Göllenscher wicht / Disse koep ys vullentagen
vp dem huse Marienborch in Prüssen/ Anno
1347. am dage Johannis Baptistæ. Do hefft
sick Otto/des Königes broder/mit in den dü-
deschen Orden begeuen/ Darna am dage Om-
nium Sanctorum dessüluigen Jares / hebben de
Denesschen de gemelten Lande vnde Etede
dem Orden turümen möten. Also ys Harri-
gen vnde Wyrlant / van dem einen Wal-
demaro vnder de Krone Dennemarcken ge-
bracht / vnde van dem andern Baldemaro
daruan gebracht worden/ vnde hebben van
Baldemaro dem 2. beth an Waldemaru-
den 3. tein Könige na einander auer Harri-
gen vnde Wyrlant geherffchet. In demsülu-
igen Jare/ alse de Denen vam huse tho Keuel
affgetreden sint/ ys dar de erste Gumpster / ge-
heten Borchardt van Drenleue/ des vörigen
Meisters vedder / vth Sassen landt bördich/
vorordenet geworden.

Disse Meister Goswyn hefft vele gro-
the Kryge geuöret / mit den Vitebeckschen/
Schmolentzer / vnde mit den Plestowsschen
Rüssen / vnde hefft erer in einer schlachtunge
auer

auer Tein dusent erschlagen/am Lichtmissen
dage/in welkerer schlachtinge ock 8. Ordens
bröder / mit etlikem Christen volcke/ gebleuen
sint. Volgendes jares hefft he ock mit den Sa
manten gekryget / ns in ere Landt gefallen /
hefft dar gerouet / gemordet / vnde gebrandt/
insunderheit tho Tracken / Knetow / Geydes
gallen/vnde in der Souler lande / vnde hefft
de Schlöte/ Kula/Baslyne/Dobbeshyne/ vnde
Zela mit gewalt gestormet/eräuert/vnde in de
grundt vorbrandt vnde vorwöstet/ darna mit
grottem pryse wedder tho husz gekamen. Disse
Meister hefft regeret 14. Jar / By welkeres
tyden Fromholdt van Nyffhusen / de 7. Erzb
bisschop tho Riga/dat Erbstiffte in Lyfflandt
vorwaldet hefft.

Arnoldt van Vitinckhoue / de 26.
Meister düdesches Ordens/
in Lyfflandt.

Anno 1360. Hefft Arnoldt van Vitinck
houe / Cumpter van der Marienborch/
de Meisterschop tho Lyfflandt erlanget / wel
cker

cker Meister vele mercklike winter vnde Som
mer reise wedder de vngelöuigen gedaen hefft/
vnde hefft dat Schlot Laina in Littouwen
gewonnen/vnde den Köninck Constantinum
samt synem Söne / vnde velen van Adel
darup gefangen / vnde in de 2000. Menschen
darup erschlagen/vnde darna dat sülige husz
in de grundt vorbrandt / vnde ganz vorstö
ret.

Wilhelm van Frymersen / de 27.
Meister düdesches Ordens in
Lyfflandt.

Wilhelm van Frymersen / ns Wils
helm van Frymersen in dat Meisters
amt geuolget / by welkeres Meisters tyden
ock vele schware reise wedder de Rüssen / Lit
touwer vnde Semigallen geschehen sint / by
disses Meisters tyden ns Johannes van Ein
ten/de 8. Erzbisschop tho Riga gewesen.

Lobbe van Vlsen / de 28. Mei
ster düdesches Ordens in
Lyfflandt.

S

Lobbe

Lobbe van Blfen ys dem Wilhelm van Frymersen/ int Meister ampt genolget/ by welkerers regeringe/ ydt mit den vthlendisschen vienden stille gewesen / vnde mit den Dörpteschen / vnde inheimisschen ein nye Krynch wedderümme angegaen ys.

**Woldemar van Bruggenen/ de 29.
Meister dadesches Ordens in
Lyfflandt.**

Anno 1396. Hefft Woldemar van Bruggenen / dat Meister ampt tho Lyfflandt erlanget vnde auerkamen / Welcker Meister mit den Dörpteschen den angefangenen Krynch vthgeföret hefft / Wente de van Dörpte hadden sich mit den vngelduigen Plestowsschen Rassen / Littouuern / vnd Samayten / weder den Orden vorbunden / vnde also disse gemelte viende / den Peybes entlangesi / den stiftteschen van Dörpte tho hülpe gekamen / vnd Lyfflandt mehres deels gewaldich vorheret hadden / Hefft sich de Meister Woldemar / mit synen Ordens vorwanten / na allem vormöget

get gerüstet / vnd de viende dorch grote Mannheit wedderümme vth dem Lande geschlagen / vnde ys disse schlachtinge nicht ane treffliken schaden / van beiden parten affgegan / Darna hefft men de sake twisschen beiden parten tho Dankte vorhöret / vnde entlick bygelecht vnde vordragen.

By disses Meisters regeringe / ys de Ridder schop in Harrigen vnde Wyrlande / mit sunderliken groten fryheiden vnde Priuilegien / vor allen andern in Lyfflandt / dorch Conradt van Jungingen / den Hauemeister tho Prüssen / begnadet worden / nömliken dat de Döchtere so wol / also de Söns van Adel eruen mochten / nicht allene bewechlike / sunder ock vnbewechlike güder / also liggende gründe / Höue vnde Dörper / Schlöte vnde Borge / bech in dat vöfste gelitt / weder alle Lehn rechte. Solcke begnadinge vnde fryheit ys tho Dankte in Prüssen gegeben / vorsegelt vnde vorebretet geworden / Anno 1397. am dage Margarete.

Tho deme sinte de Harrisschen vnde Wyrschen Eddellüde / van den Königen tho Dennemarcken / vnde darna van den Haues

meistern tho Prüssen/mit einem herliken Rido
der rechte allewege priuilegeret gewesen / in
welckem Ridder rechte vnde gerichte / sös
Harrische vnde sös Wyrssche Rede/vnde twe
gebedigers/Alse de Gumpster van Keuel/vnde
de Baget van Wesenberch / geseten hebben/
vnde wat dith gerichte gespraken / geördelt
vnde gesententieret hefft / dar hebben sich de
parten anme benögen laten möten / vnde dar
up ys de execution dorch den Scharp lichter
stracks ane jenige vortögeringe cruolget/vnde
vth dissem gerichte hefft niemandt wyder / ock
an syne eigene Auericheit nicht/appelleren mö
gen.

Des hebben de vam Adel in gemelten
ördern samptlick vnde sunderlick de macht ge
hat/dar ein yder in synem Haue vnde güdern/
einem Dodtschleger vor alles weme / vnde ock
vor syne eigene Auericheit / ein seker geleude
thosseggen vnde geuen mochte / vnde ein yder
vam Adel/in synem Haue/ock ein eigen Hoff
gerichte tho Halse vnd tho buke tho richtende
gehat hefft/Mit solcken vnde dergeliken priui
legijs vnde fryheiden mehr/sint de Lyfflendis
schen Eddellude begauet gewesen. So heerlick
auerst

auerst alse de vam Adel in Lyfflandt sint pri
uilegeret geworden/ so elendigen ys dar entye
gen de Arme buerschop/in dissem Lande/ mit
Gerichte vnd gerechticheit vorsorget gewesen/
Wente ydt hefft ein armer Buer nicht mehr
recht gehat/ alse syn Juncker/edder de Baget
men süluest gewolt hefft / vnde de arme Man
dorste sich by der hogen Auericheit/keinerley ge
swalt vnde vnbillicheit haluen beklagen / vnde
wen ein Buer mit synem Wyue starff / vnde
leeth Kinder na/sint de Kinder also geuormun
dert worden/dat de Heerschop alles/ wat de
Oldern nagelaten hadden / tho sich genamen
hefft/ vnde de Kinder mösten naket vnde blode
by des Junckern edder des Haues fürstede
liggen gahn/ vnde eres vederliken gudes ganz
entberen / vnde alles / wat ein armer Buer
vormochte/des was he nicht mechtich/ sunder
de Heerschop/Vnde dar sich ein Buer ein wei
nich vorbraken hadde / ys he wedder allen
menschliken affect/van synem Junckern/edder
Bagede/naket vppgehangen/ vnd synes olders
haluen vnuorschonet/mit langen scharpen ro
den geqwesiet worden/Vnde kein Buer konde
differ Tyrannye anich werden/ydt was denne

sake / dat he Ryke was / vnde sich alle tydt mit einer staetliken geschencke lösen konde / Dck hefft men etlike van Adel gefunden / de ere arme Buren vnde Bunderdanan / yegen Hunde vnde Winde vorbütet / vnde vorwesselt hebben. Solcke vnde dergeliken onbilligkeit / hefft de Armoedt / ane yenige straffe vnd insehent der Auericheit / hyr im Lande lyden vnde dalden möten.

So hebben de Buren in Lyfflandt / insunderheit auerst in den Estischen landen / vnder sich ock ein heidensch vñ vchristlick recht geüret / darümme de Buren nicht so hart / als de Herschop / de solckes gestadet hefft / tho beschuldigende ys / Bente so einer erschlagen vnde entlyfet wordt / hefft also denne des erschlagenen negeste Fründtschop / ere eigen recht gebрукet / vnd hefft den Dodtschleger / an welcherem örde he beschlagen vnd gegrepen worden ys / ane Ordel vnde Sentenz / vnde ane den Scharprichter / süluest stracks hengerichet / vnangesehen dat he eine Nochtwehre gedaen hadde / Vnde wen de rechte dodtschleger nicht gekregen wordt / hefft offtmals de negeste Fründt / na dat Kindt in der Wegen / des Vaders

ders entgelden möten. Disse Meister Wolde mar van Bruggeney / hefft regeret 8. Jar.

Conradt van Vitinckhaue / de 30.
Meister dadesches Ordens in
Lyfflandt.

Anno 1404. Hefft Conradt van Vitinckhaue dat Meisteramt tho Lyfflandt angefangen thourwalden / welcher Meister einen geweldigen Krynch mit den Rüssen geföhret / vnde einen toch int stifte Plestow gedaent hefft / dar he mit den Rüssen by dem Water / de Modda genant / eine schlachtinge gehalten / erer 7000. erschlagen / vnde ganz vele int water gedrungen hefft / dat se hebben vorsuppen möten. Na solcker Victoria hefft de Meister syne viende wyder vorfolgen willen / Auerst he hefft van wegen der Prüssen / de van dem Könige Jagello tho Polen / vnde Wiltoldt / dem Grothförsten van Littouwen / sehr angefochten geworden sint / wedderümme tho rügge tehen / vnde den Prüssen hülpe leisten möten.

Das Ander deel

By disses Meisters regeringe / Anno 1407. am dage Vitti / vs dat herlike Kloster Mariendal / S. Virgitten Ordens / eine kleine myle wegēs van Keuel / angefangen tho buwende / De anfengers sint gewesen dre vor mögene Koeplüde / nömlikē Hinrich Schwalberch / Hinrich Hurer / vnde Gerlach Kruse / welckere Koeplüde alle ere güder dartho gegeuen hebben / vnde Brödere des Klosters geworden sint / vnde Hinrich Schwalberch vs de buwmeister des Klosters gewesen / vnd hefft darauer gebuwet 29. Jar.

By disses Meisters tyden / Anno 1413. hefft de Grothförste Wittoldt van Littouwen / dem Muscowitter dat Förstendoem Schmalenky affgewonnen. Disse Meister hefft regeret 10. Jar.

Diderick Tücke / de 31. Meister
düdesches Ordens in
Lyfflandt.

A Conradt van Bitinckhoue / vs Diderick Tücke tho einem Meister tho Lyfflandt

flandt gekaren / welcker guden frede gehat / vnde nicht lange regeret hefft. By disses Meisters tyden vs Johannes van Walradt / de 9. Erzbischof tho Riga / van den Stenden tho Lyfflandt an Keiser Sigismundum / vnde vp dat Concilium tho Costenitz affgeserdiget / welcker mit 200. Perden tho Costenitz stätlich angekamen / vnde mit gehulpen hefft den Johannes huz thom vür thouordömende / vnde alse gemelter Erzbischof wedder tho Riga gekamen / hefft he nicht lange darna geleuet.

Syuert Lander van Spanheim / de
32. Meister düdesches Ordens
in Lyfflandt.

Anno 1418. hefft Syuert Lander van Spanheim / de Meisterschop tho Lyfflandt auerkamen / by welckeres Meisters regeringe allewege Krych mit den Littouuern gewesen vs / He hefft regeret 10. jare. By disses Meisters tyden hefft Johannes Habundus / de 10. Erzbischof / dat Erzstifte tho Riga regeret / welcker erslick Bischof in Gurlandt gewesen was.

Zyfe van Rutenberch / de 33. Meis-
ter dadesches Ordens in
Lyfflandt.

Anno 1428. hefft Zyfe van Rutenberch
dat Meisteramt tho Lyfflandt geuoret/
By welckeres regeringe / Anno 1437. den 11.
Maij / de ganze Stadt Keuel / sampt dem
Dome / vnde allen Kercken vnde Klöstern in
der Stadt / vnde mit allen Orgeln vnde Klo-
cken / gar vthgebrant ys / Van welckerem vüre
oek alle Gården vnd schünen / bûten der Stadt
angezündet / vnde mit velen volcke vor-
brandt sint. By dissis Meisters tyden / hefft
Hinricus Brkul / Bisschop tho Keuel / den
Bisschopshoff tho Keuel op den Dôm gebu-
wet / Anno 1434. vnde Anno 1436. alse dat
Kloster Mariendal / S. Virgitten Ordens by
Keuel vullendet gewesen ys / sint de Sûstern
des Klosters des Sondages vor Johannis
Baptiste / vnde darna den Sondach na Jo-
hannis Baptiste dessûluigen jares / de Brö-
der dar in gewyhet worden.

Disse Meister hefft sick mit synen Kryges-
liden wedder de Littouwers dapper gerüstet /
vnde

vnde mit groter macht in Littouwen gerücket /
dar he 12. wekenlanck in gerumoret / vnd ganz
Littouwen mit mordt / roeff / vnde brande vor-
heret vnde vorwöstet hefft. Do ys he mit velen
Brödern am Blodtgange franck geworden /
vnde op der wedder reise gestoruen / Na deme
he 9. Jar regeret hadde. By dissis Meisters
tyden ys de 11. Erzbisschop tho Riga gewesen
Hinricus / ein gewesener Doemprawest tho
Riga.

Franco van Kersdorp / de 34. Mei-
ster dadesches Ordens / in Lyfflandt.

Anno 1437. hefft Francke van Kersdorp dat
Meisteramt tho Lyfflandt angefangen tho
vorwaldende / weleker Meister den angefan-
genen Krych synes vorsehen / mit den Littou-
wern vorfolget hefft / vnde alse he mit einer ge-
weldigigen Heereskrafte op de Littouwers tho
getagen ys / sint ein 20000. Mann de Eddel-
sten vnde vornemesten Krygeslûde / in einer
schlachte erslagen worden / Neim schade
nywerle in Lyfflandt gröter gewesen ys / alse
dissis / dardorch Lyfflandt ys sehr geschwecket
worden.

Disse Meister hefft einen grothen schat van siluer vnde golde/tho Riga by einander gehat / nömliken eines vorstoruenen Cump- ters schat van Belyn / 30000. Marck an Golde/vnde 600. Marck lödich gegatenes sil- uers/ane dat Tafel geschmide / Dartho hefft em ein Baget van Wittenstein/ Helwich van Gilsen genant / by synem leuende eine Tunne vul geldes geleuert / vnde na dessüligen Ba- gedes dode / hefft de Meister ock bekamen ein hundert dusent marck an Rosennabeln / vnde allerley Münze/ane dat gegaten Siluer vnde Tafel geschmide / dat sich ock op eine grothe summa belopen hefft / Welckeren schat Wol- ter van Kerzdorp / des Meisters broder / de tydt grote Cumpster in Prüssen / van Riga henwech in Prüssen geüret hefft / dar de an- dern gebedigers in Lyfflande gar äuel mit tho- freden gewesen sint / vnde derwegen eine stede ansprake tho dem Paul van Koszdorp / Hau- meister tho Prüssen / vnd tho dem Wolter van Kerzdorp gehat / Auerst weinich wedder er- langet. Dat sint de fruchte eines ingedrungenen Meisters gewesen / wente disse gemelte Meister ys dorch den Hauemeister tho Prüs- sen

sen / Paul van Koszdorp / wedder consent vnde willen aller gebediger in Lyfflandt / int Mei- steramt gesettet worden. Solck einen stätli- ken Schat hefft Lyfflandt op eine tydt vorles- sen möten / Wowol der Vincken wol mehr oft vnde vaken vth Lyfflandt in Westphalen ock geflagen sint. Disse Meister hefft regeret fast twe Jar.

Hinrich van Buckenode / anders
genandt Schungell / de 35. Meister
düdesches Ordens in
Lyfflandt.

Anno 1439. Is Hinrich van Buckenode / anders genandt Schungell / van den Stenden tho Lyfflandt / vor einen Meister in Lyfflandt opgeworpen / ane consent vnde will- len des Hauemeisters tho Prüssen / welcker alle tydt den högesten Koer vnde wale gehat hefft / einen Meister in Lyfflandt thoertwelende / Vnde aise de gebedigers in Lyfflande / van dem Hauemeister tho Prüssen darümme bes- schuldiget geworden sint / hebben se thor ents- schüb

Das Ander deel

schuldiginge vorgewant / dat dewyle se mit den Littouuern in apentlikem krynge gestaen / hebben se nlich ein höuet erwelen möten / Auerst im grunde was dith de orsake / dat Francke van Kerstdorp / wedder eren willen / int Meisteramt gesetzet wordt. Diffe Meister / Hinrich Schungel / hefft alle twistsaken / twischen dem Capittel tho Riga / vnde dem Orden / by gelecht / vnde siet mit dem Henningo van Scharpenberge / welcker de 12. Erzbischof tho Riga gewesen ys / fründtlick voordragen / Welcker voordracht van dem Erzbischofpe / vnde van den Rigesthen nicht lange ys gehalten worden / Wente dar ys allewege ein hadt vnde emulation der högesten autoritet haluen / twischen gemelten parten gewesen / vnde der Stadt Riga hefft nicht weinich voordraten / dat de Ordensstende / de huser vnde veste Danemunde / Riga / vnde Nyemöle / so gar na an ere Stadt gebuwet hebben / se daruth tho dwingende. Disser vnde anderer orsaken haluen mehr / ys ein stede Krynch twischen en gewesen. Diffe Meister hefft regeret drüdehalff Jar.

Heiden

Heidenrick Bincke van Auerberge /
de 36. Meister dadesches Ordens
in Lyfflandt.

Anno 1442. Is Heidenrick Bincke van Auerberge Meister tho Lyfflandt geworden / Welcker twe schware reisen op de Rüssen gedaen / vnde ere Landt mit gewalt vorwöset hefft / he hefft gebuwet dat hus Baußkenborch / vnde regeret 14. Jar.

Johan Osthoff van Mengeden / de
37. Meister dadesches Ordens
in Lyfflandt.

Anno 1456. Is Johan Osthoff van Mengeden / int Meisteramt tho Lyfflandt succederet / welcker Meister eine stätlike Krygesmacht / dem Orden in Prüssen tho hülpe / wedder de affuelligen Stede vnggebracht hefft / vnde also he darmede in Prüssen rücken wolde / ys he doch den innerlichen Krynch verhindert geworden / derwegen hefft he desälunge vorsammelingge wedder Silberster / den 13. Erzbischof

Erzbischof tho Riga gebroket / vnde hefft den Erzbischof vpon Kokenhusen belegert / dat Häß eräuert / vnd den Bischof darup gefangen / vnde hefft darna alle haue vnd güder des Erzstiftes vnde des Capittels / pryß gemaket vnde geplündert / dardorch he weinich danck by dem Orden in Prüssen / welcher tho der tydt in gröter nodt gewesen / vordenet hefft / Letzlich ys ein vordracht twiffchen den gemelten partien tho Kerckholm vngerichtet worden.

By disses Meisters tyden / ys eine Marck Rigesch so guth gewesen / alse tho vnfen tyden veerdehaluen Daler / Wente men in olden warhafftigen Pandt edder schuldbreuen also geschreuen vindet / Ich N. bekenne / dat ick schuldich bin dem Kloster Mariendal / S. Virgitten Ordens / 50. Nye marck Rigesch / 36. Nye schillinge / vor ein nywelike nye Marck tho rekkende / edder vor eine nywelike nye marck Rigesch 7. lodt reines guden lödigen siluers / Keuellscher wicht / disse breff ys geschreuen Anno 1466. Dith sint noch nye Marck gewesen / wat mögen denne de olden gegulden hebben?

Anno 1472. Is ein Fröwken vth Grentenlandt / van dem Keiserliken geschlechte der Paleologorum

Paleologorum tho Constantinopel / van Lubbeck / auer See tho Keuel angekamen / van dar ys se dem Grothfürsten thor Muscow / Iwan Basiliowitz / dem ersten des Namens / welcher se gelauet gewesen / thogeföret worden. Disse Meister Johan Osthoff hefft regeret 19. Jar.

Johan van Boldthusen / de 38.
Meister dadesches Ordens in
Lyfflandt.

Anno 1475. Is Johan van Boldthusen vor einen Meister in Lyfflandt erwelet worden / Welcher Meister gebuwet hefft / dat Schlot Tolsborch in Wyrlande / vnde darna alse he anderhalff Jar regeret hadde / ys he van synen Ordensbrödern / wedder alle recht vnde billicheit / van dem Meister ampte vorstöt / vnde vpon Helmede gefangen / vnde nach Wenden geföret worden / dar he in der gefenskenisse hefft steruen möten / Darup eine grote plage vnde straffe auer Lyfflandt geuolget ys.

Bernhardt van der Borch / de 39.
 Meister dadesches Ordens
 in Lyfflandt.

Anno 1477. hefte Bernhardt van der Borch dat Meisteramt in Lyfflandt erlanget / welcker Meister / alse he mit den Rüssen in den Rrych geraden was / hefte he sich wedder desüligen gerüstet / vnde hundert dusent Mann / van vthlendischen vnde inheimischen krygeslüden / vnde Buren / op ein mal tho wege gebracht / vnde ys mit demsülingen volcke in Rüssenlandt gefallen / dat Landt fast dorch getagen / vnde de vorstadt Plezkow vthgebrandt / vnde nichts mehr vthgerichtet. Alse he nu wedder vth Rüssenlandt gekamen was / Do sint em de Rüssen wedder in Lyfflandt genolget / vnde hebben noch grüwliker darin gewötet vnde gedauet / alse he in Rüssenlandt gedaen hadde / vnde hebben de gebeder / Bellyn vnde Zarwest / sampt den Glecken / ganz vthgebrandt / vele volckes erschlagen vnde gefangen / ane jennigen wedderstandt / vnd hebben vele Klocken vth den Kercken genamen / vnde desüligen neuenst andern roeffgude.

gude vth Lyfflandt geuöret. Hyr ys de spröke Salamonis war geworden / dar he spricht: Mann vnde Roß rüsten sich tho dem stryde / Querst de Victoria kumpt van dem Heren / Solckes hefte men ock an dissem Meister gespöret / Wente wowol he / alse vorgemeldet ys / solck eine macht van Volcke wedder den Rüssen vopgebracht hefte / alse kein Meister vor vnde na em / yuwerle gedaen hefte / dennoch hefte he gar weinich darmede vthrichten mögen / Wente de äuerwinninge hefte nicht in syner / sunder in der handt des Heren gestaen.

Anno 1479. hefte Zwan Basiliewitz / de 3. des Namens / Grothförste van der Muscov / dat geweldige Förstendöm / Nowgarden / sampt der Stadt / vnder sine gewalt gebracht / welckes vorhen eine eigene Herschop vor sich gewesen ys. Na eräueringe ouerst disser Stadt / vnde des Förstendomes Nowgarden / hefte de Grothförste dem Muscovitischen gebruke vnde gewanheit na / alle olde Inwaner / sampt eren Frouwen vnde Kindern voruöret / vnde in andere Muscovische lande vnde stede vtrouwet vñ vordellet / vnd de Stadt Nowgar

den mit andern schnöden völcern wedderümme besetzt.

By disses Meisters regeringe/hefft Simon van der Borch/Bisschop tho Keuel/ein gewesener Doemhere tho Hildesheim/des Meisters vedder/de Bisschöplike huser/Borholm vnde Fegefür/ gebuwet vnde dat Bisschopdoem tho Keuel temelick vormeret vnd vorbetert.

Ndt hefft sich ock by disses Meisters tyden noch yämmer dar ein Krych/twischen dem Erzbischoffe/Stephano van Gruben (welcker de 14. Erzbischoff gewesen ys) vnde der Börgerfchop van Riga/vnde zwischen dem Meister vnde synem anhangen/erhauen/Welckeres kryges de Meister/sampt synem Bedern Simon van der Borch/Bischoffe tho Keuel/ein orsake gewesen ys. Do ys dat Erzstifte tho Riga auermals pryß gegeben vnde geplündert/vnd de Stadt Riga belegert geworden/vnde worvol de Rigessen dorch eine langwillige belegeringe genöcksam/sampt dem Erzbischoffe/sint beangstiget worden/So hefft dennoch de Meister nichts an ene heben können/Wente de van Riga sampt dem

Erz

Erzbischoffe hebben ere Stadt geweldich besetzt/also dat de Meister mit spotte hefft wedder afftehen möten/Darna sint de Rigessen thogefaren/vnd hebben dat Schlot Riga/welckes erer Stadt gar na gebuwet gewesen ys/angesticket/herunder gereten/vn ganz tho nichte gemaket/vnde hebben darna dat huß Dänemunde belegert/vnde eräuert. Also ouerst Pawest Sixtus 4. de vnbilligkeit des Meisters/vnde syner consorten vornamen hadde/hefft he se samptlick in den Bann gedaen/Derhaluen Bernhardt van der Borch des Meisteramptes entsettet geworden ys/nadem he 9. Jar regeret hadde.

Johan Frydach van Lorinckhaue/
de 40. Meister düdesches Ordens/
in Lyfflandt.

Anno 1486. Hefft Johan Frydach van Lorinckhaue/Gumpter tho Keuel/angesangen dat Meisteramt in Lyfflandt tho uorwalden/By welckeres Meisters tyden/de Krych zwischen vpgemelten parten noch ge

B ij waret

waret hefft. Alse se nu van beiden parten ine veldt gerückt sint/ vnd by Treiden eine schlachtinge thosamende gehalten/ Do hebben de Rigaessen de schlachtinge gewonnen / vnde 6. Gumpfers vnde Bögede erschlagen/ vnde 6. gefangen/ vnde tho Riga mit grothem triumphe ingebracht.

Anno 1492. hefft Zwan Basiliewitz/ de Grothförste van der Muscow/ dat Schloth Zwanowgorodt / vp düdesch de Rüssche Narue geheten / angefangen tho buswende/ vp der Lyfflendischen grenze/ Vnde alse ydt vp Corporis Christi ys angefangen worden / ys ydt densüluigen Sommer/ vp Marien hemmelfarth / mit velen hogen dicken Törnen vnde Mären/ vor gewalt / gar ylich ferdich geworden / vnde darna ys datsüluige Schlot van den Schweden ein mal ynngenomen / vnde dem Meister tho Lyfflandt / dewyle ydt dem ryke tho Schweden wydt affgelegen was/ angebaden/ Auerst de Meister hefft sich des nicht annemen willen/ dewyle ein stillestandt twischen Rüsslandt vnde Lyfflandt beramet gewesen/ welckeren de Meister nicht breken wolde/ Derhaluen de Schweden mit grotem roffgude/

gude / dat se vp dem huse erlanget hadden / wedder na eren schepen affgetagen sint/ Darna hebben ydt de Rüssen wedder ingenamen/ vnde noch starcker vnde vaster gebuwet / vnde mit volcke besettet/ alse ydt vorhen nicht gewesen was. Vnde na der tydt/ alse dat Hus ferdich geworden was / do ys den Christen in Lyfflandt/ vnd insunderheit den Naruesschen/ so mennich spyt vnd spot daruth wedderfaren/ dat men in der körte nicht genochsam daruan schryuen kan/ Wente de Rüssen vth deme nyen Huse Zwanowgorodt/ ock in dem stillestande/ in de Lyfflendische Narue geschaten hebben/ so oft vnd vaken alse ydt en geleuet hefft/ vnde etlike vornemlike personen erschaten/ alse nömsliken/ Johan thor Meyninge/ Börgermeister thor Narue / sampt andern mehr / Vnde do men an se geschicket hefft thosfragende/ welcker orsaken haluen se solckes deden/ hebben se nicht gewust/ mit wat spotte vnde hone se desüluigen gesanten entfangen wolden / vnde hebben als lerley tyrannye vnde moedtwillen/ den se men erdencken konden/ wedder de Naruisschen gebüet / welckes alles tho beschryuende sich nicht gebören wil. Solckes geschehen Anno 1494.

Dat Ander deet

In welckeren Jare de Grothförste/wedder alle billicheit/ alle düdesche Koeplüde/ de tho Nowgarden gelegen hebben/ hefft gefangen nemen laten / vnde desülügen de se gegrepen / hebben den düdeschen hasen vnde scho vthgetagen/vnde ere vöte in Iseren helden geschluten / vnde in vule Törne geworpen / dar etlike 3/ etlike 9. Jare/hebben inne sitten mösten. De orsake öuerst/worümme solckes geschehen/ys gewesen/Dat de Keuelschen einen Rüssen/welcker valsche schillinge in erer Stadt gemüntet hadde/na düdeschem rechte/hebben tho dode seden laten / vnde noch einen andern Rüssen/de by einer strenge/vp einer vnnatürliken dädt beschlagen was / na Christlikem rechte vorbrandt hebben / welckes den andern Rüssen vordraten hefft/ vnd hebben disse dädt nicht so wichtich geachtet / dat de beiden darümme scholden also gestraffet werden / vnde hebben disse vnde andere klage mehr/valschlick vor eren Grothförsten gebracht / vnde en dartho bewagen / dat he sich an den düdeschen Koeplüden/de tho Nowgarden vp des Gumptores haue legen / wedder vorgrypen möste / Dartho hefft de Grothförste mit allem ernste vnde

vnde grothem drowende/ van den Heren tho Lyfflande begeret/dat men eme de Keuelschen/de syne Rüssen thom dode vorördelt hadden/auerantwerden scholde/ Auerst he mochte synen willen nicht erlangen / Wente de Heren/ Stende/ vnd Stede/ sich thosamende vorpflichtet hebben/ vele leuer de vterste noedt tho lydende / alse dat se sich in solcke denstbarkeit des Rüssen begeuen wolden. Disse Meister hefft regeret 9. Jar.

Volter van Plettenberch / de 41.
Meister düdesches Ordens in
Lyfflandt.

Anno 1495. Is Volter van Plettenberch vor einen Meister tho Lyfflandt erkleret worden/Welcker ein dresfliker vnde vorstendiger Here gewesen ys/ he hefft dresflike grothe krynge geüdet/Erstlick mit den Rigesschen/vnde desülügen darhen gedrungen / dat se dat Schlot tho Riga/welckes se vorhen herunder gereten hadden/wedderümme vpbuwen mösten / vnde vp dat he se desto beter im gehorsamme

Dat Ander deel

samme erholden mochte/hefft he dat huß Dänemünde/ nicht verne van Riga gelegen/ vor gewalt beuestiget/des hefft he ock 3. herlike hoge Eörne tho Benden/van grunde vp buwen vnde vpfören laten.

Darna alse de Rüsse genzlich thom Krißge geneget gewesen ys/vnde wedder alle billike orsaken sich dartho genödiget hadde/vnd nicht alleine vomme de Narue her / alse vorgedacht/sunder ock im stiffe Riga / Dörpte/vnde an anderen örden mehr/wol by 70. mylen/vomme her/mit bernen/rouen vnd mörden/sich ganz viendelick hadde vormercken laten / hebben de bekummerden Stende in Lyfflandt/na velsoldigem bedencken vor rädtßam angesehen / ere gelücke vnd heil durch einen apenbarten Kriß an dem vnroußwigen Rüssen thorvorsökende/vnde hebben sich mit dem Alexandro / Grothförsten tho Littouwen/welcker des Muscowiters Dochter Helenam thor frouwen hadde/thosamende vorbunden / vnde desäluige vorbuntenuisse / dewyle se wedder syner Frouwen Vader vpperichtet wordt/ys nicht alleine mit vorsegelden breuen / sunder ock mit körperliken Eyden / genochßam van em bekreßtiget vnde

vnde beschwaren worden/ dat se thosamende/ mit aller macht / den Muscowiter angrißpen wolden. Derhaluen alle Littouwer vnde Lyßflender hoch erfröuwet geworden sint. Alse nu de Hermeister mit synen Ordensvorwanten vnde Kryges läden in der rüßinge was / vnde sich ock vp de bestemmede tydt/mit aller macht/tho veide gelegert hadde/vorhapende/ dat de Grothförste Alexander ock also dohn scholde/ ys dar nicht ein Littouwer tho dem Kryge gerüßtet gewesen / darümme dat Johannes Albertus / Köninck tho Polen / des Alexandri Grothförsten tho Littouwen broder / nu gestoruen was / vnde Alexander de Krone wedderümme tho entfangede/ na Polen vorreisen möße / daruth den Lyßlendern grothe sorge entstaen ys / dewyle se van erem bundtgenasten vorlaten weren/vnd sich alleine dem Muscowiter wedderstande / wat tho schwack besünden/Auerß nicht deste weiniger hefft Wolter van Plettenberch / Meister in Lyßlandt/neuennß anderen Stenden des Landes / mit Götlik. r hülp de sake vor de handt genamen / vnde ys Anno 1507. Donnerdages na Bartholomei/ mit 4000. Ritteren / vnder eis

nem temeliken antalle van Landesknechten
 vnde Buren/vnde mit etlikem Beltgeschütte
 in Rüssenlandt getagen / vnde also balde an
 40000. Rüssen getroffen / van welkeren he
 vele erschlagen/vnde de andern in de flucht
 gebracht/vnde in de dre mylen nagenaget/vn
 de allen eren Natrost affgehaget hefft / vnde
 van synem Volcke nicht sunderlikes gemisset/
 Darna hefft de Meister ein groth deel des
 Muscovitischen Landes mit rouende vnde
 bernende vorheret / de huser Ostrowa / Kros
 nowa / vnde Iseborch geplündert / vnde tho
 Iwanowgorodt vele lude erschlagen / vnde al
 les vth gebrandt. Thom lesten hefft de Mei
 ster van wegen der Sucht des Blodtganges/
 de vnder dat Krygesuolck gekamen was / wed
 derümme tho rügge in Lyfflandt tehen mö
 ten. Dewyle nu de Meister in Rüssenlandt also
 hufz gehalten hadde / hefft vnder des ein an
 der hupe der Rüssen / in Lyfflandt ock nicht ge
 wyret / vnd dar nicht weiniger schaden gedaen
 mit mordende vnde bernende / alse de Meister
 in Rüssenlandt thoudorne gedaen hadde. Vnde
 na der tydt / alse de Meister / Wolter van Plet
 tenberch / mit synem Krygesuolcke / vnde mit
 einem

einem grothen roeffgude / vth Rüssenlandt
 hen wech gewesen ys / vnde alle syn Kryges
 uolck / des Blodtganges haluen / hen vnde
 wedder im Borchleger vorstrouwet gelegen
 hefft / vnde de Meister süluest ock mit grother
 schwachheit des lyues behafftet geworden ys /
 darümme denn yederman trwrich gewesen /
 Do ys de Rüsse mit syner ganken macht /
 thom andern male / in Lyfflandt gefallen / vnd
 hefft dat ganze stiffe Dörpte / dat halue stiffe
 Riga / dat gebede Marienborch / Trykaten /
 Ermis / Tarwest / Bellyn / Lans / Suerpalen /
 Wyrlant / vnd dat gebede Narue / ganz er
 barmlick also vorheret vnde vordoruen / dat
 ydt vmmöglick ys thobeschryuende / vnde mit
 velen Frouwen / Junckfrouwen / vnde jungen
 Kindern also gehandelt / alse men van dem
 Türcken nurwerle desgeliken gehöret hefft.
 Tho der tydt hefft de leidige Rüsse in Lyfflandt
 also hufz gehalten / dat men in de 40000. min
 schen / Junck vnde Oldt / de erschlagen vnd ge
 fencklick wechgeföret weren / gemisset hefft.
 Eme ys auerst vor Helmede ein klein spot wed
 derümme beyegenet / dar em auer 1500. Rüs
 sen / sampt dem äuersten Veldtheren / Knefe
 Alexan

Alexander Dabelensky / sind affgeschlagen.
 Dissen auertoch hebben de Rüssen ganz vlich
 gedaen / ehr de Stende in Lysflandt mit erem
 Volcke hebben thosamende kamen können.
 Geschehen Anno 1502. in der Vasten.

Anno 1502. Im Augusto / hebben de
 Stende in Lysflandt sich sampelick wedder
 umme gerüstet / vnde mit 2000. tho Peers
 den / vnde 1500. düdeschen Knechten tho vo
 te / vnde etliken hundert Buren / mit etlikem
 Veltgeschütze / int Velt gerucket. De Littow
 wers auerst sint auermals vthgebleuen / wed
 der alle endes vorpflichtinge / Nicht destoweini
 ger ys Meister Wolter van Plettenberch / in
 Gades namen / beth vor de Plestow förth ge
 tagen / vnde / tho synem gelücke / twe Rüssen
 fangen gekregen / de alle kundtschop gegeuen
 hebben / wo starck des Muscowiters hupe ge
 wesen / vnde wo de Grothförste van der Mus
 cow vnnödich achtete / deme Meister eine
 schlachtinge tho leserende / sunder were be
 dacht solcken geringen hupen der Düdeschen /
 mit syner veelheit tho vmmerringende / vnde
 vor sich / alse dat Behe / in de Muscow tho dry
 uende / vnde darina ganz Lysflandt tho auer
 tehende.

tehende. Alse nu de Meister des Rüssen vor
 metenheit vornamen / hefft he syner saken gu
 de achtinge gehat / vnde mit Juda Macha
 beo / dem allerhögesten vortruwet. Vnde alse
 am auende Exaltationis Crucis / de viende mit
 grother vnstämicheit vnd geschrey / heran ge
 drungen hebben / ys de Meister vnerschrocken
 den Vienden vnder ogen gerückt / welckere
 sich der könheit des weinigen volckes der düde
 schen sehr vorwundert hebben / vnde alse nu
 beide parte na by ein ander gekamen weren /
 do hebben de Rüssen des Meisters Volck alle
 vmmerringet. Do dat de Meister gesehen hefft /
 dat he mit synem Volcke nergendt hen flegen
 konde / hefft he einen möde gefatet / vnde erst
 lick dat Geschütze manck de Rüssen affgahn
 laten / welches de Rüssen wol gedrapen hefft /
 darna hefft he ganz dapper vnde freydich tho
 den Vienden ingesettet / vnde sich mit macht
 dre mal dorch den hupen heer geschlagen / der
 Rüssen vele erlecht / vnd de auerigen mit gödt
 liker hülpe vp de flucht gebracht. Auerst de
 wyle he mit synem Volcke ganz vormödet ge
 wesen ys / hefft he deme Viende nicht wyder
 volgen können / sunder ys beth in den drüdden
 Dach

dach dar liggende gebleuen / vnde der blende /
 effte se wedder kamen wolden / vorwachtet /
 Auerst se sint vthgebleuen / vnde hebben nicht
 mehr so hete baden willen. In disser schlach-
 tinge sind vele dusent Rüssen erschlagen / A-
 uerst de Meister hefft nicht vele Rüter / sunder
 400. Knechte / sampt der knechte Höuetman-
 ne / Matthes Pernawer / vnd den Lutenan-
 ten / vnde einen Genrick vorlaren. Einer d-
 uerst / Lucas Hamerstede genant / hefft eine
 Trummen opgegrepen / vñ ys darmede schel-
 misscher wyse tho den Bienden gelopen. Disse
 Victoria der Lyfflender / ys warhafftigen ein
 wunderwerck vnde Mirakel Gades gewesen /
 dat solck ein klein hüpfen / wo vorgemelt / auer
 90000. Mann auerwunnen / vnde in de flucht
 geschlagen hefft.

Hyr mach men ock sehen / wat de Mus-
 cowitters vor Krygeslūde sind / wor ein klein
 ernst wedder se vorhanden ys. Na solcker Vi-
 ctoria vnd auerwinnunge des Meisters / hefft
 de Muscowiter beteren koep gegeben / vnde ei-
 nen frede begeret / welcken de Meister na sy-
 nen willen / vele Jar lanck erlanget vnde bes-
 kamen hefft / Dat auerst de Muscowiter so
 licht

lichtlick mit den Lyfflendern frede gemaket
 hefft / ys disse nedderlage nicht allein ein orsa-
 ke gewesen / sundern dat he ock domals mehr
 Biende gehat hefft / vnde andere Lande mehr
 thobesökende willens gewesen ys / alse nömlis-
 ken dat Köninckryke Gasan / dat Förstendoem
 Schmolensky / dat Förstendoem Plestow /
 vnde andere lande mehr / welcke tho der tydt
 vnder syner gewalt noch nicht gewesen sind /
 Vnde ys disse gemelte schlachtinge ungeserlick
 eine myle wegges van der Stadt Plestow ge-
 schehen. Wen disse Lande vnde Herrschoppien
 eme nicht im sinne gelegen hadden / so were
 he nicht so lichtlick tho dem frede geneget ge-
 wesen.

Anno 1505. Is desüluike Grothförste
 van der Muscow / Iwan Basiliwitz gestor-
 uen / vnde syn Söne Basilius ys wedder int
 Regimente geuolget / Welcker Basilius dat
 Förstendoem vnde de Stadt Plestow bekry-
 get vnde eräuert hefft / Anno 1509.

Anno 1513. Hefft disse Meister / Wolter
 van Plettenberch / Marggraffen Albrecht /
 Hauemeister tho Prüssen / de hülldinge vnde
 Lehnplicht affgekofft / dat de Meister in Lys-
 fland

flandt / henschörder van dem Hauemeister in
Prussen / nicht mehr dat Lehn entsangen dö-
uen.

Nyt hefft ock disse Meister by syner rege-
ringe / güldene Münze schlan laten / an ge-
wichte / Schroet / vnde körne den Portugalö-
fern gelyck / de ock Portugalöfers genömet
werden / vnde sehr gemeine im Lande gewesen
sind.

Ock hefft ydt disse Meister dorch sy-
ne löfflike daden darhen gebracht / dat he in
den tall der Försten des Römischen rykes /
mit allen syner nasolgenden Meisters / ys an-
genamen worden / vnde ys de erste gewesen / de
den Förstlichen Titell geföret hefft / vnde sol-
ckes van dem Keiser Carolo 5. erlanget. Do
was ydt mit Lyfflandt vpt aller högeste geka-
men.

Anno 1522. by disses Meisters regerin-
ge / hefft dat Lichte des hülligen Euangelij in
den Lyfflendischen Eteden angefangen tho
luchten / vnde also ydt de Lude tho dem rechten
vorstande Göttilikes wordes vorlichtet had-
de / dat se nu des Pawestes schendlichen miß-
bräck vnd vörföringe / sehen vnd erkennen kon-
den /

den / hebben se stracks einen Knych mit den
hölten gößen / in den dren Eteden / Riga / Ke-
uel vnde Dörpte / angefangen / vnde de Ker-
cken gestormet / de Gößen daruth vrbannet /
vnde de Nonstrantien / Kelcke / vnde allerley
kercken geschmide / wech geföret / dat men nicht
weh / wor ydt gebleuen ys. Solcken Knych
hebben etlike vth einem Christliken yuer / den
mißbräck vth der Kercken tho bringende / etli-
ke auerst vnder dem schyne des Euangelij / dat
rapiannus tho spelende / angefangen.

Anno 1528. Is Iwan Basiliwitz / des
Namens de ander / Grotförste van der Mus-
cow / gebaren / welcker by vnser tydt Lyfflandt
bekryget / vnde den Orden / sampt Bisschöp-
pen / Doemheren / vnde allen geistliken daruth
vordreuen hefft.

Anno 1532. Is de Wall / vnde dat hoge
Kundeel / by der Schmedeporten tho Keuel /
angefangen tho burvende.

By disses Meisters tyden hebben disse
nauolgende Erzbisschöppe tho Riga rege-
ret / Michael Hellebrandt / eines Börgeres
Söhn van Keuel / welcker de 15. Erzbisschop
gewesen ys / vnde den Knych mit Wolter van

Plettenberch wedder den Muscoviter geföret hefft. Regest em ys Caspar Linde / de 16. Erzbischof tho Riga geworden. Na deme Casper Linden / ys Johannes Blanckfelt / Bischof van Dörpte / ock Erzbischof tho Riga gewesen / Na dissem hefft Thomas Schöninck / eines Bürgermeisters Söne van Riga / dat Erbstifte Riga vorwaldet / Dissem ys Marggraff Wilhelm van Brandenburg geuolget / welcher de 19. vnde de leste Erzbischof tho Riga gewesen ys / Welcker Marggraue Wilhelm / Anno 1532. dorch etlike vā Adel vth der Wyck / de eres olden Heren / Reynoldi Burhöueden / Bischoffes tho Desel / auerdrätich geworden weren / vnde vnder deme schyne des Euangelij / einen Euangelischen Bischof / vnde gebarnen Försten thom Heren hebben wolden / ys tho einem ynnertlichen fryge / wedder gemelten Bischof Reynholdi Burhöueden / angereiket worden / in welcherem fryge / Marggraff Wilhelm dem Reynoldo de huser / Habsel / Lode / Leal / sampt der ganken Wyck affgedrungen hefft / vnde ys tho Habsel vpon dat Huß gereden / den 21. Nouemb: des vpgemelten jares / Welckere huser

huser he fast twe Jar ingehat hefft / vnde thom latesten dorch ernstlick anholdent des Wolters van Plettenberges / desüluigen dem Reynoldo wedderümme hefft inrūmen / vnd sick int Erbstifte Riga begeuen möten. Disse Meister hefft regeret in dat 41. Jar / vnde ys gestoruen vpon Sculi / Anno 1535.

Herman van Bruggeney / anders
Hasenkamp genant / de 42. Meister
dūdesches Ordens / in
Lyfflandt.

Anno 1535. Hefft Herman van Bruggeney / anders genandt Hasenkamp / dat Meisteramt in Lyfflandt entfangen / welcher Meister volgendes jares / Anno 1536. vpon Lichtmissen / tho Keuel ingereden ys / vnde also he aldar vpon dem Raethhuse tho gaste gewesen ys / hadde sick schyr ein groth ongelücke / twischen den vā Adel vnde der Bürgerschop / thogedragen. Wente ein Edelman vnde ein Koepgeselle / deme Meister thon erent ein Könnespil / vpon dem Markedet tho Keuel

H iij ouen

duen wolden/ vnde alse de Koepgeselle den vām
 Adel herunder gerōnth hadde/hefft ydt dē an-
 dern vām Adel sehr vordraten / dat ein Koep-
 geselle den pryß/ vor dem Landesfürsten/ vnde
 andern Stenden/ van der Bane vōren schol-
 de / Derwegen hebben se sich vordrethlike rede
 hören laten / daruth eine grothe vneinicheit
 vnde tumult/ twisschen den vām Adel sampt
 eren consorten/ vnde twisschen den Bōrgern/
 Koepgesellen vnde erem anhangē / dermaten
 entstaen/dat se alle van Ledder gerucket/vnde
 men nicht anders gehōret hefft / alse Houwe/
 Steck vnde schla / De Bōrger vnde Gesellen
 repen vnder sich/vnde erem anhangē tho / dat
 se scholden flucks vōp de roden Rōcke kloppen/
 darmit de Adel/ vnde de Ordensuorwanten
 bekleidet gingen/ De Meister vōp dem Rath-
 huse geboedt frede / mit hande vnde munde/
 warp synen Hoedt vām hōuede / vnde dat
 Brodt vām bissche / manck dat rumorische
 Volck / se darmēde tho beschwichtigende / ydt
 halp auerst alles nicht. De Gildestauen vnd
 Beerhūser worden ock hastich thogeschlaten/
 darmit de jennigen / de darinne weren / nicht
 vthkamen/ vnde den allerm stercken scholden/
 Entlick

Entlick ys disse rumoer dorch den Bōrgermei-
 ster / Her Thomas Segesack / welcker ein an-
 sehenlicher Man gewesen ys / vnde ein groth
 gehōr by dem Volcke gehat hefft/ gestillet wor-
 den. Disse Meister hefft regeret in gudem fre-
 de 14. Jar / vnde Anno 1549. im Februariis
 gestoruen.

By disses Meisters regeringe / Anno
 1547. vñme Christ Hemmelfarth/ ys by das
 ge ein groth Vür tho Riga buten der Stadt
 angegaen /welckes ock in de Stadt geflagen/
 vnde grothen dreffliken schaden/so wol binnen
 also buten der Stadt/gedaen hefft/ vnde bin-
 nen der Stadt im Doemstifftē / vele hūser
 sampt der Doemkercken / vnde buten der
 Stadt vele Spnker vnde Schūnen / dar gro-
 the Koepmans wahr inne gewesen ys / ange-
 hūdet vnde affgebrandt / dardorch velen
 Koeplüden vnde Bōrgern ein groth schade
 thogefōget worden ys.

Johan van der Recke / de 43. Mei-
 ster dūdesches Ordens in
 Lyfflandt.

Anno 1549. Is Johan van der Recke/
Meister in Lyfflandt geworden / welcker
regeret hefft 2. Jar / in gudem frede / vnde
ys tho Belyn gestoruen / vnde ock darsüluest
begrauen.

Hinrich van Galen / de 44. Mei-
ster dādesches Ordens in
Lyfflandt.

Anno 1551. Is Hinrich van Galen tho
dem Meisterampte in Lyfflandt gekaren
worden / Welcker Meister van wegen des
Muscowitischen kryges ganz mit freden re-
geret hefft. Wente de Muscowiter hefft by dis-
ses Meisters regeringe / mit den Köninckry-
ken Casan vnde Astrichan / genōch tho schafs-
fende gehat / vnde dat Köninckryck Casan ge-
wunnen / vnde den Köninck sampt der Könin-
ginnen in der Stadt Casan gefangē / welche-
re Stadt he mit vndergrauende / vnde mit
sprengende / erlanget hefft. Wente also des
Grothfürsten Vader / fast 30. Jar / mit dem
Köninckryke / vnde mit der Stadt Casan /
gro

grothe Krynge gefōret hadde / vnde se dennoch
nicht hefft bedwingen können / hefft de Sōne
Iwan Basiliowitz / also he int regiment geka-
men was / syn gelücke ock daran vorsōken wil-
len / vnde hefft de Stadt Casan belegert / dar
dat ganz Köninckryke Casan anne henget /
vnde hefft de Stadt vnder grauen / vnd Bū-
sen puluer vnder den Wall gebracht / vnde al-
se ydt nu alles bestellet gewesen ys / dat ydt
balde angahn scholde / hefft he syn Leger vpges-
braken / vnde sich angestellet / also wen he affte-
hen wolde. Derwegen de lūde vth der Stadt
mit frōwden ganz dick op den Wall gelopen
sint / vnde hebben dem Muscowiter na gespot-
tet / vnde ehr se des entwar wōrden / sint se mit
dem Walle in de hōgede geflagen / vnd de āue-
rigen sind grōsam erschrocken / vnde hebben
sich dem Muscowiter / de sich nu wedder thom
storne geschicket hadde / ergeuen mōten. Also
ys de Muscowiter ein Here der Stadt vnde
des Köninckrykes Casan geworden / Anno
1552. den 9. Julij / welckeren dach de Rūssen in
eren Calender tho Vhrende vorordenet heb-
ben. Do hefft de Muscowiter den Köninck

H v vnde

vnde Königinne van Casan gefencklick in de Muscow geföret.

Des Jares darna/ hefft he ock dat ander Köninckryke der Tatern / nömliken Astrichan/ gewonnen/ Welckes vele wyder affgelegen / vnde nicht so mechtich ys/ alse dat Casanisch Köninckryke. So lange auerst alse disse beide Taterschen Königinne ere Ryke noch inne gehat hebben/ ys solckes den Lyfflenderen eine grothe ruggeleninge vnde entsettinge gewesen. Auerst alse de Muscowiter disse Köninckryke eräuert hadde/ ys he nicht allein der Prouinz Lyfflandt/ sunder ock allen benabers den Potentaten tho mechtich geworden.

Anno 1557. Des Sondages vor Pingesten/ Is tho Keuel vp dem Doeme ein groth Bür angegaen/ van welckerem vüre vele huser vp dem Doeme/ vnde etlike in der Stadt/ ock gar wydt beth in de Stauenstraten / mit velem Roggen vnde Molte/ vorbrandt vnde tho nichte geworden sind.

Anno 1556. In der Vasten/ ys ein Bürich Comete/ einem Bessern gelyck/ eine lange tyd auer Lyfflandt gesehen worden / Darup stracks im Boryar/ ein innerlich Krych/ twis-

schen

schen Maggraue Wilhelm van Brandenburg / Erzbischoffe tho Riga eins / vnde twischen Hinrich van Galen/ dem Her Meester/ sampt synem Orden/ anders deels/ geuolget ys. Do ys de Hermeister balde serdich geworden/ vnde int Erzbischoffe gefallen/ hefft dat hus Kokenhusen belegert / vnde den Erzbischoff / sampt Hertoch Christoffer van Meselborch / des Erzbischoffes Coadiutoren/ na eräueringe des huses geuangen/ vnde na Schmilten in de gefencknisse gebracht / Hertoch Christoffer auerst ys vnschuldich erkant/ vnde der gefencknisse erlediget worden/ ouerst de Erzbischoff hefft fast ein gantz Jar inholden möten. Dardorch denn Sigismundus Augustus / Köninck tho Polen/ des Erzbischoffs Dhm/ vnd Albrecht de Older/ Marggraue tho Brandenburg/ vnd de Hertoch tho Prüssen/ des Erzbischoffes lyfflike Broder/ vororsaket geworden sind / einen apenbaren Krych wedder den Orden in Lyfflandt anthosfangende / vnde alse se an beiden deelen in vuller rüstinge gewesen sind / hebben sick de Römische Keiser / vnde vele Potentaten/ vnde Försten / darin geschlagen / vnde de sake vor-

H vj dragen.

dragen. Do ys Margraff Wilhelm de Erzbischoff syner gefenckenisse erlediget / vnde in syne olde digniteet wedderümme gesettet worden. Diffe Hermeister hefft regeret int söuende Jar.

Wilhelm van Förstenberch / de 45.
Meister düdesches Ordens in
Lysflandt.

Anno 1557. Is Wilhelm van Förstenberch des Meisterstandes in Lysflande mechtich geworden / By Welckeres regeringe alse alle twist vnde vneinicheit twisschen dem Erzbischoffe / sampt synem anhangen / vnde twisschen dem Orden bygelecht gewesen / stracks ein nye Für wedder angegaen ys / Wente de frode mit dem Muscowiter was vthe / welcker einen schwarzen Tribueth / van vndenckliken jaren her / vth dem Stifte Dörppte / mit grothem ernste begünde thofördern / Welckes allen Lysflendischen Stenden / vnde insunderheit dem Bischoffe / eine gröthe besämmernisse gemaket hefft.

Tho der tydt auerst ys Hermannus / eines

nes Schomakers Söne van Wesel / Abbet tho Balckena / Bischoff tho Dörppte gewesen / welckeren Hermannus de Rede des Stiffes Dörppte / nicht vomme förderinge willen der Christliken religion edder Godtselicheit / sinder van wegen synes Geldes / thom Bischoffe erwelet hadden / Wente dat Stifte Dörppte was in grothe schülde geraden / dorch den vörigen Bischoff / Jost van der Recke / welcker alle de Güder des Stiffes Dörppte vorsettet / vorpandet / vnd einen grothen summen geldes darup gelenet vnde geborget hadde / vnde mit dem süluigen Gelde vth dem Lande na Münster getagen was / sick aldar vorandert / vnde dat Stifte Dörppte in der druppen sitten lasten / Derwegen de Stiftischen tho Dörppte einen heren wedder hebben mösten / de Geldt hadde / he mochte sunst syn / we he wolde / den Tytel konden se em sachte gönnen / vnd wordt hyr also dat Gelt thom Bischoffe. De Rede auerst des Adels / vnde der Stadt Dörppte hadden dat Regiment / vnde einen Balcken thom Heren / vnd ein yder dede / wat he süluen wolde / ane jenige vpsicht der hogen Auerticheit / In summa de eigen wille hadde by yder

man

manne/ vthgenamen by der Armödt/ de auerhandt genamen. Alse nu de Muscowiter den Tribueth mit grothem ernste vnde drouwende vörderde/ Do was de Bisschop Hermannus vthgebüdel/ wordt derwegen zaghaftich/ vnde begünde mit sinem Sankeler/ Jürgen Holtshür/ tho practicerende/ wo he vnder des Muscowiter heimlike beschüttinge kamen mochte. Den Reden auerst/ des Adels vnd der Stadt/ was alle ere wyßheit vnde vorstandt benamen/ vnde was gudt Rath duer geworden. Vnde worwol etlike vam Adel wol so Ryck vnde mechtich gewesen weren / dat einer alleine/ mit synem Gelde vnde geringen schaden / alsem vnglücke lichtlick hadde vorkamen können / so hefft doch nemandt van dem Mammon einen Daler dartho geuen willen / bette dat de Muscowiter alles/ sampt eren Landen vnd Lüden/ wech gekregen hefft. Do hefft de Hermeister mit dem Muscowiter handelen willen / vnde de Muscowiter hefft sich ock etliker maten billich vinden / vnde de summa der ansprake vp 50000. Daler/ vallen laten/ Auerst de Lyfflender wolden dar nicht an / sundern hebben ydt vor eine grothe vorkleinerunge geacht

geachtet/ frede tho köpende / Do se auerst dat Gelt gerne geuen wolden/ Do wolde de Muscowiter nicht/ Vente ydt muste so syn / dat de Husvader ein mäl rekenschop fördern wolde/ Derwegen hefft hyr noch Raeth noch iennige handelingge helpen willen.

Anno 1558. den 25. Januarij/ ys de Muscowiter erslick mit velem Volcke in Lyfflandt geuallen/ vnde hefft de Lande im Stiffte Riga/ Dörpte/ vnde in Byrlande / vnde andere örde mehr/ sehr vorheret/ vnd grothen schaden mit mordende/ bernende/ rouende/ vnde wech sörende/ gedaen.

Tho dersäluiigen tydt / hefft einer vam Adel tho Reuel köste gehalten/ vñ der Brüdter fründe hebben sich hören laten/ Ydt scholde solcke eine frölike vnde prechtige köste syn/ dat Kindeskindt dersäluiigen gedencken scholde/ Vnde ys tho dersäluiigen Hochtydt / de ganze Adel vth Harrigen/ Byrlande/ Zeruen/ vnde Wyke/ vnde vele vth dem Stiffte Riga/ vnde Dörpte/ vorschreuen vnde vorsammelt gewesen. Alse se nu gemeinet hebben / de Hochtydt stätliken / vnde in allen fröwden tho vullenden / Rümpt alse balde böse tydinge vam Rüs

Rüssen/ wo he mit Heereskrafte in Lyfflandt geuallen sy/roue vnd berne. Do wordt vth der grothen fröwde ein groth wehmoedt vnde besdröffenisse/vnde mögen Kindeskindt/vnde alle ere nakömelinge dersüluigen Köste wol gedenccken. Etlke auerst hebben sich keck vnd freidich bedüncken laten/vnde hebben de eine dem andern by haluen / vnde by helen Lasten / de Rüssen in einem druncke thogesapen / Weren also geweldige frygers im supende/Auerst alse ydt yegen den Rüssen gelden scholde / vnde thom treffende quam / do sint erer wol achte vor einen Rüssen geflagen / vnde vor an gelopen.

In demsüluigen Jare / Anno 1558. In dem Passche feste darna / hefft de Rüsse de Stadt Narue belegert / vnde dewyle disse Lyfflendische Narue gar na an Rüssenlandt gelegen ys/vnde eine schlichte Beke edder Fleeth/Rüssenlandt vnde Lyfflandt scheidet / hefft de Rüsse vth synem eigen Lande / van henner syde der Beke / de Narue beschaten/ Tümlers vnde Bärbelle darin geworpen / auerst weinich schaden darmede gedahn / beth vp den 12. Mai/ do hefft sich ein eigen vorreedlick Bär/vth

vth eines Balberes huse / Gordt Vlsen genant / erhauen / dorch welcker vür dat ganz Stedlin Narue angesticket vnde vorbrandt ys/vnde in demsüluigen brande hefft de Muscowiter de Narue gestormet / bette dat he se eräuert hefft. De Börger auerst/alse se gesehen hebben/dat ydt ys vorlaren gewesen/ sint se mit eren Frouwen vnde Kindern / vp dat Schlot geweken / vnde hebben aldar mit dem Muscowiter vomme einen fryen Paß/mit demjenigen/wat se noch by sich hadden/ gehandelt/ Welckes en der Muscowiter gelauet/vnde ock gehalten hefft. Also hefft de Muscowiter byde dat Schlot vnde de Stadt Narue eräuert.

Alse nu de Muscowiter de Narue wech hadde/Do hebbent etlike Ordensvägede vnde Regenten/ in dersüluigen yegen/Alse nömlck Gert Hün van Ansterat/ Baget tho Wesenberch / Diderick van der Steinkule / Baget van Nyenschlate / Hinrich van Kallenbach/ Baget thor Folsborch/vnde andere mehr/vth grother angeft vorlopen / vnde hebben ere Häuser/ Lande vnde Lude/dem Muscowiter auergeuen/vnd gude willich vpedragen/Do worden ock de Häuser/ Ek / Nyehuß / Warnebeck/

J Rins

Dat Ander deel

Ringen/Lans/Duerpalen/vnde andere mehr
vorlopen / Welckere alle de Muscoviter ane
Schwerdttschlach wech gekregen hefft.

In demsüluigen Sommer/ Anno 1558.
Alse de Muscoviter gesehen/ dat em de Hüser
vnde Lande in Lyfflandt/ sampt dem gelücke
so lichtlick tho gelopen sint/ hefft he sich ock mit
Volcke vnde Geschütte vor Dörpte sehen las-
ten/ Vnde worwol he nicht ein mál tho storme
geschaten / vnde nicht einen Menschen besche-
diget hadde/ ys em dennoch/ vth groten fruch-
ten vnde lichtferdicheit / de Stat Dörpte op-
gegeuen worden / ane nödt / den 19. Julij /
alse he noch nicht achte dage daruor gelegen
hadde / nicht anders alse wen eme de Stadt
vorhen vorkofft gewesen were / vnde scholde
men kamen vnde se entsfangen. Ock hebben de
vornemesten der Stadt / de ydt vorhen wol
wüsten/ dat ydt so kamen wörde/ der Kercken/
Seken / vnde vnmündiger Kinder Geldt /
wor wat vorhanden was/ alles vpgenamen/
vnde in ere Hüser vorteken laten / vppe dat/
wen ydt thom lopende queme/ se dat Geldt des-
ste lichtlicker mit sich wech bringen konden.

Wat ouerst de Muscoviter / in differ Stadt/
vor

vor einen schat/van Golde vnde Süluer/van
dem Bisschoppe / Doemheren / Eddellüden/
vnde Börgeren/wech gekregen hefft/ ys nicht
na thoseggende. Wente van dem einigen Ed-
delmanne/Sabian Tysenhusen genömet/hefft
de Muscoviter auer 80000. Daler/ an Gol-
de vnde Süluer/ wech gekregen/ In summa/
he hefft domals in Dörpte solcken Schat vnd
schwar guds / van allerley vorrade bekamen/
dat men dar mit eine lange tydt einen gewal-
digen Krych / wedder den Muscoviter hadde
fören/vnd de Stadt/sampt dem ganzen Lans
de/wol beholden können / auerst do wolde kei-
ner van dem Mammon einen Daler dartho
leggen. Alse nu de Muscoviter der Stadt
mechtich was / do mochte ein yder van den
Dörptessen bliuen/edder wech tehen/wor he
wolde / mit allem / wes he mit sich wech brin-
gen konde. Auerst Bisschop Herman heffe
men na der Muscov wechgeuöret/dar he ent-
lick gestoruen ys.

Also hefft dith Bisschopdom ein ende gena-
men/welcker in de 360. jar van den Düdeschen
Bisschöppen ys regeret worden. Vnde gelick
alse van einem Hermanno / dem ersten Biss-

schoppe/welcker ein Bremer gewesen? dat sül-
uige Stifte gewonnen / vnde dat Schlot/
samt der Stadt/den Düdeschen thom besten
ys gebuwet. Also ys dith alles van einem
Hermanno/ dem lesten Bisschoppe / van Wes-
sel bördich / wedderümme vorlaren / den Dü-
deschen affhendich gemaket/vnde dem Musco-
witer äuergeuen worden/Wowol disse gemelte
Bisschop titulo tenus / nicht so sehr darümme
thobeschuldigende ys / alse des Stiftes / vn-
de der Stadt Dörpte Rede. De orsake auerst/
worümme de Stadt so lichtlick ys affhendich
geworden / ys/dat de Börger tho Dörpte/ere
Stadt vor gewalt/ gar nichts beuestiget had-
den/ vnd in dem langwiligen frede nicht eins
daran gedacht / dat ydt ein mal wedder vn-
frede werden konde / vnde ere beste buwerck in
dem frede ys gewesen / eigen nuth / gyrrheit/
pracht vnde houardt / freten vnde supen in
stätliken Kösten/ Kindelberen/ vnde dageliken
gastegedaden. Vnde wowol se ein herlike Ar-
chelye vnde Geschütte in erer Stadt gehat
hebben / So was doch dar noch Wall / noch
Postende / noch jennich Dwenger gebuwet/
dar men dat geschütte op gebrufen konde/ der
haluen

haluen ys dat süluiige Geschütte mehr dem
Muscowiter/ alse der Stadt/ thom besten ge-
tüget gewesen.

Tho versüluiigen tydt / alse Dörpte erä-
uert gewesen ys / hefft de Ordensvaget vnde
gebediger/Bernt van Schmerten / dat herli-
ke Hus vnde geweldige veste Wittenstein vor-
lophen / vnde vnbesettet stahn laten / Welcker
hus mit Roggen/ Molte / Hauern / Wyne/
Beer/ Brodt/vnde mit Fleesche/ Specke/ dar-
tho mit Geschütte/ Krudt vnde Loedt/genoch-
sam vorsorget gewesen ys/Vnde alse de düdes-
schen Knechte / de van Dörpte her quemen/
vnd Wittenstein vorby tehen mosten/dat Hus
apen vünden/ sind se stracks darup gelopen/
vnde hebben sich mit dem Wittensteinischen
Wyne vnde Beere frölick gemaket / vnde mit
sich wech genamen/ wat einem ydern behaget
hefft / vnde dat Hus also stahn laten / Wen
auerst de Muscowiter stracks gefolget were/
hedde he ydt innemen mögen / ane jennigen
Schwerdtschlacht. Also ridderlick vnde mens-
lick hebben sich etlike Ordensbröder tho differ-
tydt gehalten. Darna hefft Casper van Ol-
denbockem/ ein junger frydbarman / dat sül-
uige

uige hufz Wittenstein ingenamen / vnde dem
Küssen grothen spott daruth gedaen.

Densülügen Sommer / den 26. Julij/
hefft ock Francke van Anstel / Cumpster tho Keu-
uel / dat herlike Schlot Keuel vorlopen / vnde
dennoch so ehrlick gehandelt / dat he dat Hufz
tho Keuel / einem van Adel / Christoffer Mon-
nickhusen genömet / dem Könige van Denne-
marcken thom besten auergeuen hefft / welcker
Christoffer Monnickhusen dat hufz / van we-
gen des Königes tho Dennemarcken / doch
ane befehl / angenommen / vnde fast ein Jar in-
ne gehat hefft / dardorch sint de Keuelschen /
samt dem van Adel vth Harrigen / vororsak-
ket geworden / ere Legaten / alse Bruno Widts-
berch / vnde Fabian Eysenhusen den jüngern /
van wegen des gemelten Adels / vnde Jasper
Brentholt Rathsuorwanten / vnde Joest
Gloedt Syndicum / van wegen der Stadt Keu-
uel / an Christianum Köninck tho Denne-
marcken / tho schickende / hülpe vnde trost / wed-
der den Muscoviter tho begerende / dewyle
Harrigen vnde Wyrlant / samt der Stadt
Keuel / vormals Denesch gewesen / vnde dat
hufz tho Keuel / mit den thogehörigen Landen /
na

nu wedderümme an dem Köninck gefallen
was / Auerst dewyle de hochlöfflike Köninck
wol gesehen hefft / dat solches eine erwnderinge
mit de Muscoviter geben wolde / hefft he de
Legaten mit yliger hülpe nicht vortrösten kön-
nen / sunder etlike dusent syde Speckes / vnd an-
dere nodtrofft / samt etlikem Geschütte / Krude
vnde Loeth / vp dat hufz Keuel geschicket / vnde
de Legaten also darmit wedder na hufz tehen
laten. Nicht lange darina ys Köninck Chri-
stianus in Godt vorscheiden / vnde de gemelten
Legaten van Adel sint ock beide vp disser reise
gestoruen / Wente Fabian Eysenhusen ys in
Dennemarcken begrauen / vnd Bruno Widts-
berch / ys vp der wedderreise in der See ge-
storuen / vnd dodt tho Keuel gebracht / vnd als
dar begrauen worden.

Alse nu de Knechte vnde Kringeslüde vp
dem hufe tho Keuel vormercket hebben / dat
weinich trostes van gelde vth Dennemarcken
gekamen was / vnde nicht wüsten / efft se einen
gewissen Heren hadden edder nicht / hebben se
vth mangelinge des geldes / dat Schlot tho
Keuel dem Rade der Stadt / vor eine gerin-
ge summa geldes angebaden. Do hebbent
Z iiii etlike

etlike Bōrger vor rādtſam angeſehen / dat men
 ydt annemen / vorſtōren / vnde Bōrger hūſer
 vnde waningen op deſūlige ſtede wedder bu-
 wen ſholde / gelick alſe etlike Prūſſiſche Etede
 in erem lande ock gedahn hadden / Querſt ein
 Raeth / vnde de gemeine tho Keuel / wolden dār
 nicht an / dewyle dat Schlot vnde de Stadt
 van anfangē her alſo geſtaen / vnde de Schla-
 teſſchen mit der Stadt nūmmer tho in aller
 einicheit thoſamende gehalten hadden / So ge-
 dachte ydt ock ein Raeth vnde gemeine noch al-
 ſo vordan tho holdende.

Den ſūligen Sommer im Julio / hefft
 de Muſcowiter einen entſegge breeff an de
 Stadt Keuel geſant / vnde de Stadt mit gro-
 them ernſte vnde drouwende vpgēſſchet / Do
 wordt einem nedern Bōrger angeſecht / dat he
 ſynen Gārden / Luſthoff / Schune / Badſta-
 uen / vnde Holtrūme nedder breken / edder vor-
 bernen ſholde / welckeren ſchaden mannich
 Bōrger gerne mit 600. Daleren gelöſet had-
 de / wen ydt mögelick gewēſt were. Tho der
 tydt hebben de Keuelſchen ere Stadt mit gro-
 tem ernſte angefangen thobefeftigende / vnde
 dat herrlike Kundeel / vor der Leempporten / vnd
 den

den Wall twiſſchen der Leempporten vnd Kar-
 ryporten / in der yle gar hoch vpgēfōret / vnde
 eine Mūre / ſampt einem depen Grauen / vnd
 velen ſtrickweren / vorher vpgētagen / darna
 andere Welle vnde Grauen mehr / dar ſe ſick /
 negeſt Gades hülpe / etwes op tho vorlatende
 hebben. An diſſen arbeit hebbē alle Bōrger vnd
 Gefellen / de hende mit anleggen mōten. Wen
 auerſt de Muſcowiter domals / alſe he Dōrps
 te wech hadde / nlich forth gerūcket were / Ke-
 uel hadde eme nicht lange vorentſtaen kōnen /
 Querſt Godt de Almechtige hefft ydt nicht ge-
 wolt / welcker de gude Stadt / der Chriſtenheit
 thom beſten / noch bette her tho / vor des
 Muſcowiters liſt vnde gewalt /
 gnedichliken beſchūttet
 vnd bewaret
 hefft.

J o Korth



Kort extract der Orsaken des Muscowitzschen Kringes wedder Lifflandt / vth des Muscoviters Kanzelhe / durch einen namhaftigen Koepmann / de mit dem Cansler in der Muscov tho huss gelegen / erlanget / Welche orsaken de Muscoviter / ock an den Römischen Keiser Ferdinandum / schal hebben gelangen laten.

A deme ydt van oldinges her / in den Lifflandischen Steden / Dörpte / Riga vnde Reuel / Rüssische Kercken tho buswende vorgünnet gewesen is / darinne de Rüssischen Koeplüde / eren Gades deenst vorrichten mochten / Vnde ock van oldings her / in gemelten Steden / allen Rüssischen Köplüde frye straten vnde Köphüser gehat hebben / darinne se ere wahr / fry vnde vnuorhindert mit ider manne vorhandelen mochten / Tho deme / dewyle ock de Meister tho Lifflandt / de Erzbischof tho Riga / vnde de Bischof tho Dörpte / sampt dem Rade der dersüligen Stadt / dem Grothförsten den tribueth / vth dem Stifte Dörpte / alle dre Jar tho erleggende

gende / nicht alleine mit vorsegelden breuen / sundern ock mit erem Eyde gelauet vnde tho gesecht hebben / Welckeres Eydes / sampt erer vorsegelinge / de Lifflander gantz vnde gar vorgehen / vnde wedder alle olde beleuinge vnde gerechticheit / gehandelt hebben / vnde syne Rüssische Kercken tho büßen / tho Glocken / vnd rackeryen gemaket / de bildnissen vnsers salichmakers / der leuen Apostelen vnde Martelers vorbrant / vnde gantz voruneret / vnd den Rüssischen Koeplüden ere frye Markt / Handellinge vnde Köphüser genamen / vnde mit en men eine by kopenschop gehalten / vnde se aller olden fryheit vnde gerechticheit berouet / vnde dem Grothförsten ock synen gebörliken Tribueth troklich vorentholden / gewenert / na gar nichtes tho willen gewust hebben / Vnangesehen dat he de Lifflander offte vnde vaken durch syne Breue vnde Legaten / tho der rechtferdicheit vormanet hadde / he ene ock / alse ein gude Arste / gerne hadde helpen / vnde rath schaffen willen / Welckere vormanningen se dennoch mutwillich vthgeschlagen / vnde wedder ere egene wolfarth gestreuet hadden / vnde ere herte / alse des Pharaonis / vnum

I vi mer

merdar gantz vorstock. t gebleuen was / Hadde he derwegen einen Krynch wedder se anfangen möten / se thouorſökende vnde tho der billicheit thouorſakende / Auerst se weren noch nümmerhen vorstocket gebleuen / derhaluen mösten se lyden / dat se nu mit dem Schwerde vnde Blure heimgesocht worden / vnde solckes were nicht des Muscoviters / sondern der Lysflender egene schuldt / r.

Anno 1558. Im Herueste / hefft Godthardt Ketler / dat husz Ringen / im stiffe Dörp / belegert / beschaten vnde gestormet / vnde mit stormender handt ingekregen / vnde eräuert / vnde äuer 500. Rüssen darup vmmegbracht / vnd darna datsüluike Husz gantz nieder gereten vnde tho nichte gemaket.

Godthardt Ketler / de 46. vnde leste
Meister düdesches Ordens in
Lysflandt.

Anno 1559. Na deme Wilhelm van Förstenberch / van wegen sines hogen olders / van

van dem Meisterampte affgedancket hadde / vnde ydt nu ock selzam vnde wunderlick im lande tho stundt / vnde vele Schlöte / Borge / vnde Lande vorlaren / vnde alle vorradt des landes wech was / vnde de äuerigen Lande noch in grother gefahr stünden. Do ys Godthardt Ketler / Coadiutor des vörigen Hermeisters / int Meisterampt geesschet vnde beropen / vnde ys em ock datsüluike Jar tho Keuel gehöldiget worden / Welcker Meister in erreddinge der bedruckeden Lande / sick hoch bekümmert / vnde rath gesocht hefft / wo dem Erfffiende geweret werden konde / dat he synen Boeth in Lysflandt nicht wyder setten mochte. Derwegen hefft he etlike Hüser vnde Lande vorsetten vnde vorpanden möten / Do hefft he dat Husz Grubyn / dem Hertogen tho Prüssen vorsettet / vnde op den Hoff tho Kessel / nicht wydt van Keuel gelegen / hefft he van der Stadt Keuel 30000. Daler genamen / vnde yegen Martini / Anno 1559. mit einer statliken Krygesmacht int felt gerucket / vnde by der Kercken tho Nuage / im stiffe Dörp / sick gelegert. Des Rüssen hupe
auerst /

auerst / de nu nyelic vth Rüssenlandt gekamen was / hefft 6. mylen van dar gelegen / welcker hupe mit den Rüssen tho Dörpte solck einen bescheit gemaket hadde / dat se des Meisters hupen behaluen vnde vorrassen wolden / Auerst des Meisters Krygeslūde hebben erem vordeele ock na gedacht / vnde sint chr fer dich geworden / vnde hebben de Rüssen / vp S. Martens auendt / in erem leger vorraschet / erer gantz vele erschlagen vnde gefangen / vnd einen van den vornemesten Beywoden / sampt velen Boyaren / tho dem Meister int leger gebracht.

Vp dat sūluige mael hefft de Hermeister Godthardt Ketler / sampt Hertoch Christoffer van Mekelnborch / Goadiutoren des Erzbischoppes tho Riga / de Stadt Dörpte belegeret / vnde na deme se ein tydtlanck daruor gelegen / vnde etlike schermsuzel mit dem Rüssen gehalten / vnde nichts mehr vthgerichtet hadden / sint se wedderūme affgetagen / vnd dar na in dem sūluigen dage / ys de Hermeister vor Lays gerucket / dat sūnige Hus belegeret / beschantzet / vnde tho storme beschaten / vnde twes mael gestormet / auerst beide mael vorlaren / in

in welckeren beiden stormen etlike hundert vtherlesene Knechte / vnde der Keuelschen Hōuetmann / Wolff van Straßborch / gebleuen sint. Dewyle auerst de Winter vp de handt gekamen / vnd kein gelücke vorhanden gewesen / ys men auermals mit schaden vnde spotte affgetagen / Do sind de Krygeslūde / van wegen der wedderwerdicheit des gelückes / vnde mangeling des geldes / vordraten / vnde van einander vorstrouwet worden. De Archelhe auerst vnde geschütte ys vp Belyn gefōret.

Anno 1560. im Winter / hefft de Rüsse wedderūme nicht gefyret / sunder ys mit gantzer macht in Lysflandt gefallen / vnde vome Trium Regum / dat herlike Hus vnde geweldige Veste / Marienborch / dorch lichtferdige vpgeninge des Caspers van Eyberge / Gumptern des huses / vnde der andern lichtferdigen Dūdeschen / de mit vp dem huse gewesen / crāuert / vnde wech gekregen / Vnde hefft de Muscoviter tho der tydt / nicht ein Hus edder Veste mit gewalt / edder dorch hongers noedt / edder langwillige belegeringe / in Lysflandt crāuert / sunder se sind em alle trwlos / lichtferdigen / vnde ane noedt vpgegeuen worden.

den. Na eräueringe des huses Martenborch/
hefte de Muscowiter im stiffe Riga / vnde in
Churlandt grwülic gewötet / vnde gedauet/
mit mordt vnde brande / ane jennigen wedder-
standt.

Anno 1560. in dem Passche feste / ys
Hertoch Magnus van Holstein / Frederici 2.
Königes in Dennemarcken Broder / thor
Arensborch vp Desel angekamen / vnde hefte
de Stiffe Desel vnde Churlandt / de Johan-
nes Nonnickhusen Bisschop / dem gemelten
Könige in Dennemarcken opgedragen had-
de / entfangen vnde ingenamen / Darna hefte
Mauricius Brangell / Bisschop tho Keuel /
syn Bisschopsdoem tho Keuel ock dem Her-
toch Magno opgedragen. Also nu Hertoch
Magnus in Lyfflandt gekamen was / Do
hefte de Hermeister syne Legaten / neuenst der
Stadt Keuel gesanten / an gemelten Hertoch
geschicket / fründtlick thouornemende / worüm-
me he in Lyfflandt gekamen were / vnde wes-
men sich / in dem Lyfflendischen ungelücke / tho
em vorsehen scholde / Darup se dissen fründtli-
ken bescheidt erlanget hebben / dat de Hermeis-
ter vnde alle Stende in Lyfflandt / sich alles
fründt-

fründtliken willen / vnd guder naberschop tho
em vorsehen scholden / vnd dewyle he dorch billi-
ke anforderinge / sich etliker Stiffe vnd Lande
in Lyfflandt angemattet hadde / so wolde he ock /
neuenst synem Herrbroder / allem vormögen
na / des bedruckeden landes beste weten / vnde
de gesanten fast vp de meininge also voraff-
scheidet. Hertoch Magnus auerst / des aller
Christlichsten Königes / Christiani van Den-
nemarcken Söne / was 19. Jar oldt / also he in
Lyfflandt quam / Derwegen vele van Lyff-
lendischem Adel / junck vnde oldt / sich tho em
gesellet hebben / dar van he sich einen Radt er-
welet hefte / de by em in grothem gehöre vnde
ansehende was / bette dat desülige den jungen
Heren sehr vorsehet / vnde tho einem selzsa-
men spele gebracht hefte.

Anno 1560. vmmen Pingesten / Is de
Küsse in Harrigen gefallen / vnde hefte den
süligen orth Landes ganz flechlick vorheret.
Do vorbrande he ock dat Bisschoplike Hus
Segefür / vnde vele Hauchoue vnde Dörper /
samt der Kercken tho Koschul / vnde keine
andere Kercken mehr vp dat mahl / Bente in
demsüligen Carspel / wedderfoer dem Rüssen
K ein

ein spot van etliken Junckern vnde guden gesellen / de sich im Nyenhaue / mit 25. Peerden vorsammelt / vnde in einem dakygen Wedder / bundeswyse vp 16000. Rüssen thogesettet / vnde vele Rüssen erschlagen hadden / welche Hauclüde entliken / do ydt begunde klar tho werden / vor der grothen herandrenden macht des Rüssen / de sich in einem hegewolde / nicht verne van Nyehaue / vorborgen hadden / de flucht nemen mosten / darauer etlike gude gesellen vnde Junckern erschlagen / vnde 32. gefangen worden / Do ys ock de Erentuesste Euert van Delwich / ein Juncker dessüligen Carspels / gebleuen.

Darna / densüligen Sommer / ys de Rüsse ock in Letlandt gefallen mit ganzer macht / darwegen de gebedigers des ordes sich na allem vormögen ock gerüstet hebben / alse Her Schal van Bell / Landtmarschalck vp Egewolde / vnde Her Johan van Bell / Gumpter tho Goldingen / Hinrich van Galen / Vaget tho Bouschke / vnde Christoffer van Eyberge / Vaget tho Gandoow / welckere alle in eigener persone / mit einer temeliken macht van Düdeschem volcke / sich int Felt be-
geuen /

geuen / vnde mit dem Rüssen / by Ermis / an einander gesettet hebben / Auerst dewyle se valsche kundschop hadden / dat de Biende nicht gar starck syn scholden / sind se van dem grothen hupen der Biende behaluet / auerweldiget / vnde auer 500. erschlagen. Do sind de vorgemelte Ordensheren / vnde Gebedigers samptlick gefangen / vnde na der Muscow gesföret / dar se mit der Külen sind vor de Köppe geschlagen / vnde jamerliken vmmegebracht worden. Disse nedderlage hefft den auerigen Lyfflendischen Steden vnde Landen einen grothen schreck gegeben / Wente dewyle disse Heren vmmegekamen weren / ys de Fall des düdeschen Ordens gar schwack / vnd schyr alle Radt im lande en benamen gewesen.

Anno 1560. Im Julio / hebben de auerigen Lyfflendischen Stende vnde Stede / alse Marggraue Wilhelm / Erzbisschop tho Rigga / vnde syn Goadiutor Hertoch Christoffer van Mekelnborch / Hertoch Magnus van Holstein / der Stifftes Desel / Gurlandt / vnde Keuel Administrator / vnde Godthart Ketter / Meister in Lyfflandt / sampt den van der Riddereschop / vnde den Steden / einen Landt

dach thor Parnow gehouden / vnde aldar des Muscowitischen kryges / vnde anderer saken haluen / geradtschlaget. Also nu de Heren thor Parnow vorsammelt weren / euen tho dersüluiigen tydt / ys de Muscowiter mit geweldiger Herestrafft herangedrungen / vnde op Belyn synen wech gesettet / vnd op Marie Magdalene / in der nacht / dat hus Belyn belegert / beschancket vnde tho storme beschaten / vnde de Muren des Stedtlins Belyn / by der erden wech geschaten / dartho grothe Tümelers vnd Bärhelle dar in geworpen / vnde dat ganz Stedtin / op 5. huser na / hart vor dem Schlatte gelegen / vthgebrandt. Darümme do de Heren thor Parnow solcken des Muscowiters ernst vor Belyn / erfören / hefft sich ein yder ylich van dar gemaket / derwegen nichtes fruchtbarlikes op differ thosamende kumpst ys vthgerichtet worden / Wen ock de Muscowiter domals eine kleine macht na der Parnow geschicket hadde / so hadde de ganze vorsameling der Lyfflendischen Stende / grothe gefahr vnde euentuer vthstan möten / dewyle dat Stedtin Parnow domals vorgewalt gar nichtes was.

Also

Also nu de Muscowiter by 4. weken vor Belyn gelegen / vnde mit gewalt an dem Husse vnde Stedtin nichts hebben konde / ys em datsüluiige vndauerwindlike vaste Hus / vanden Dudeschen Knechten / de daruppe weren / ganz vorredtliker wyse / ane jennige dringene de noedt / vopgegeuen worden / differ gestalt: Nademe se etlike maente ere besoldinge gemisset / hebben se nu desüluiige vullenkamene besoldinge / dewyle de noedt vorhanden gewesen / vanden olden Hermeister / Wilhelm van Förstemberch / de syn gemack op Belyn gefaren hadde / mit groter vnstümicheit gefördert / Also auerst de gude olde Here / der Knechte bosheit vormerckede / hefft he sine egene baerschop / vñ geschickt de den Knechten angebaden / vñ se tho fredē gespraken / vnd tho der standthaffticheit vormanet / vnd vñe Gades willen gebeden / dat men solck ein geweldich Hus / ane noedt dem Erffstende nicht vpgene scholde / wente des wördens se spot vnd schande vor Godt vnde der ganzen Christenheit hebben / vnde konden ock solckes nimmer in ewicheit vorantworten. Solckes hebben de Knechte nicht geachtet / sunder sind in erem vorredtliken vorsate forthgefaren / vnde hebben dem Muscowiter dat Hus

K iij

Bely

Bellyn thogefecht/by dem beschede/so se mit al-
 lem/wat se wech dragen konden / fry/ velich/
 vnde onuorhindert / wech passeren mochten/
 Wo se nu solckes vorwisset worden / wolden se
 dem Grothförsten van der Muscow/ dat huß
 auerantwerden / welckes ene de Rüsse/ vnges-
 twyfelt/gerne vnd gudtwillich tho seggen wol-
 de. Darup sind de Knechte thogefaren / vnde
 hebben dem olden Hermeister synen ganken
 schat/van Golde vnde Süluer / syn geschmy-
 de/vnde Glenodia / mit gewalt berouet / vnde
 alle Kisten vnde Kasten/welcker de vā Adel/
 vnd Buereschop / vor dem Viende vp dat Huß
 in vorwaringe geföret hadden/vpgeschlagen/
 dat redeste vnde beste/wat en gedenet / daruth
 genamen / vnde sick süluest also wol betalet/
 darna/alse sick mit grotē gude also vorforget
 vnde beladen hadden/geuen se dem Muscowi-
 ter dat huß Bellyn vp. Auerst do se meinden/
 dat se solckes dar van bringen wolden / hefft
 ydt en gefellet/Wente de Muscowiter hefft ydt
 en alles genamen / vnde se also mit leddiger
 handt wech passeren laten/ Welckere Knechte
 de Hermeister/ Godthardt Kettler / so vele he-
 der süluiigen hefft auerkamen können/alle hefft
 an

an den Bohm hengen laten. Also ys dat vnda-
 uerwindlike huß Bellyn dem Muscowiter
 tho deele geworden. Do hebben de Rüssen den
 olden Hermeister/Wilhelm van Förstenberch/
 sampt synen truwen demeren / in de Muscow
 geföret / dar he in einer Förstliken gefencknisse
 hefft steruen möten. Det hefft tho dersüluiigen
tydt / de Muscowiter de ganze Archelhe des
Landes / welcker dem geweldigen huße Bellyn
vortruwet gewesen ys / wech gekregen. Gesche-
hen Anno 1560. im Augusto.

Alse nu de gefangene olde Frame He-
 re/Wilhelm van Förstenberch / vnde andere
 vā Adel vnd gude gesellen mehr/thor Mus-
 cow / thom Triumphe vnde Spectakel ingefö-
 ret worden / hebben twe gefangene Könige
 der Tatern / alse nömlike de van Casan vnde
 Astrichan / dissen des Muscowiters herliken
 Triumph vnde Victoria ansehen möten/Vā
 welckeren de eine de Düdeschen vth Lnyflandt/
 do se vor by geföret worden / hefft angespyet/
 vnde gesecht/Zuw Düdeschen hunden geschüt
euen recht/Wente an hebbē erstlick dem Mus-
cowiter de Kede in de handt gedaen / dar he
vns mit gestüpet hefft / nu stüpet he nuw sül-

uen ock darmede. Hyrmit hefft de Zaterffche
 Köninck antögen willen / dat Krudt vnde
 Loedt / vnde allerley kringes rüftung / vth Dü
 beschlandt her gebracht / dorch Dädesche vnd
 Lyfflendische Roepküde dem Muscoviter auer
 flödich vorköfft were / darmit he se nu süluen /
 vnde andere Völeker mehr bedwingen / vnde
 sick vnderdanich maken konde. Also hefft nu
 leider de egen nutz / vnde dat Geldt / de lüde so
 sehr beseten / dat se nicht alleine der leue / de se
 erem negeften vth Gades ernstlikem befehle
 schuldich sint / sunder ock erer egenen / erer Kin
 der / vnde des ganken Vaderlandes wolffart
 vorgeten / vnde ganz vnde gar vth der acht
 schlaen.

Darna alse de Muscoviter Bellyn wol
 besetzt hadde / hefft he de grothe vorsammelin
 ge vor Bellyn in dre hupen gedelet / vnde hefft
 den einen hupen na Wenden vnde Wolmar
 geschicket / de vmmeliggenden Lande dar sül
 uest thouorherende. Vnde alse se vmmen Wenden
 her gerouet vnde gebrandt hadden / sind se
 ock vor Wolmar gerücket / vnde hebben der
 Stadt Behe alles wech gedreuen. Do sint de
 Börger vnde Landesknechte samptliken vth
 der

der Stadt gefallen / vnde hebben dem Rüssen
 dat Behe wedder affnyagen willen / Auerst alse
 de Börger van Wolmar sick altho wydt vor
 daen hadden / sint se fast alle / sampt dren rotth
 Knechten / behaluet vnde gefangen / vnde na
 der Muscov gefencklich geföret worden / Wat
 tho der sülügen tydt vor eine weemoedt / vnd
 bedröffenisse manck Frouwen vnde Kindern
 tho Wolmar gewesen ys / kan ein yder vor
 nünfftiger by sick süluen wol affnemen.

Mit dem andern hupen / sampt der Ar
 chelue / ys he vor Wittenstein gerücket / dat sül
 uige Hus im Septembri / Anno 1560. bele
 gert / beschancket vnde tho storme beschaten /
 vnde eine halue Mür balde herunder gewor
 pen / doch vorgenes / Wente de Stadtholder /
 Caspar van Oldenbocken / ein junger freydis
 ger Mann / hefft dem Muscoviter dat Hus
 Wittenstein / wedder alle häpeninge jenniges
 entsettes / mit gar weinigem Volcke / ganz ehr
 lick vnde rückerlick vorentholden. Also nu de
 Muscoviter / auer vyff weken darvor geles
 gen / vnde geschaten / vnde nichtes beschaffet
 hadde / ys he mit spotte wedder affgetagen /
 vnde in dem sülügen afftage / hefft he grwlick
 K v gewö

gewödet vnde gedauet / mit rouende vnde ber-
nende / vnde all dat Korn im gebede Witten-
stein / im velde vordoruen / vnde tho nichte ge-
maket.

Mit dem drüdden hupen / ys he na der
Wyke getagen. Alse auerst Hertoch Magnus
tho Habsel des Muscowiters ankumpst erfa-
ren hefft / ys he ylich mit einem Bote auer Wa-
ter na Desel gefaren / vnde hefft sich Habsel
nicht vortruwen doruen. Tho der süluigen
tydt / ginc ein gemeine geschrey / dat de Wyck /
vnde de andere örder alle / de dem Hertoch
Magno tho hörden / einen vasten frede mit
dem Rüssen hadden / Derwegen de Wyke-
schen ganz seker geworden sind / darbeneuen
ock de Harrischen / Eddel vnde Bneddel / all
ere Behe vnd redesten güder vth Harrigen na
der Wyck / alse in eine gude vorwaringe / ge-
bracht vnde geföret hebben / vnde dem apenen
lande mehr / alse yenniger veste vortruwet.
Ehr se sich auerst dar vor warden / lach de
Rüsse mit aller macht in der Wyke / vnde frech
ydt alles wech / vnde förde erer dartho ganz
uele fencklich wech na der Muscow vnde Ta-
ternen / Do haddent de gude lüde gerne an-
ders

ders gesehen / auerst ydt was all tho spade /
wente de sekerheit vnde minschen trost hadde
se bedragen / wovol dat men meinet / dat dorch
des Königes tho Dennemarcken Legaten /
de tho der tydt in der Muscow weren / ein fre-
de vor de Wyke schal erlanget gewesen syn / dat
se auerst auertagen ys / schal dith de orfak syn /
Derwyle Hertoch Magnus vp dem Landt da-
ge thor Parnow mit gewesen ys / dar alle Vy-
flendischen Stende / wedder den Muscowiter
gerathschlaget hebben / hefft en de Musco-
witer vordechtich gehalten / alse scholde
he sich mit synen vienden heimlick gestercket
vnde vorbunden hebben. Auerst de listige
Biendt weth syner gelegenheit na wol lichtlick
orsaken tho finden.

Mit dem süluigen hupen / alse he vth der
Wyke wedder tho rugge gekamen was / hefft
he sich ock vor Keuel sehen laten / vnde erslick
syn leger im haue tho Hareke anderhalue my-
le weges van der Stadt / geschlagen. Do sind
de Keuelschen / beide Eddel vnde Bneddel /
Radtsheren / Börger / Koepgesellen / Landes-
knechte / vnde gemeine Mann samptliken / tho
Peerde vnde tho Bote / des morgens fro vth
K vj gefal

gefallen/ vnd twe veltstücke mit sich genamen/
 in meninge den Biendt thouorrasschende/ vnd
 also se vngesehrlick dre Berndel wegēs van der
 Stadt / an den einen hupen quemen/ de den
 Koff van Behe vdr wech dryuen scholde / heb-
 ben se van demsüluiigen hupen erer ganz vele
 erschlagen / vnde alle den roeff / den se vth der
 Wyck gehalet hadden / welches etlike dusent
 stücke Behes/ sampt etliken gefangenen gewes-
 sen sind / ene affgenaget / vnde na der Stadt
 dryuen laten. Do sind de andern Rüssen im
 leger balde ferdich geworden/ vnd hebben wed-
 der op de Keuelschen thogesettet/ vnd mit ein-
 ander geschermüßelt / Auerst de Keuelschen
 hebben van wegen der velheit der Rüssen wy-
 ken möten/ vorhapende van den Landesknech-
 ten / vnd Voedtuolcke / de tho rügge gebleuen
 weren / entsettinge tho krygende / Auerst de
 Landesknechte/ vnd dat Voedtuolck/ also se ge-
 sehen hebben / dat de Hanelüde vdr flögen/
 sind se ock geflogen tho Bussche vnd tho bro-
 ke/ dar ein yder hen kamen konde/ vnde hebben
 dat Belt geschütte thouorne gegeuen / welches
 de Rüsse sampt des Kades perden/ de dar vor-
 gingen / wech gekregen hefft. Men hadde
 auerst

auerst dem Rüssen domals wol einen grothen
 affbroeck dohn können/ wen men sich recht vor-
 gesehen hedde.

Vp datsüluiige mal ys mannich stolt helt
 gebleuen van Adel / Börgern / vnd Koepges-
 sellen/ also nömlick Johan van Galen/ Jürgen
 van Bngern / vnde Laurentz Ermis van A-
 del/ vnde Lüdeke van Dytten/ Kadtsuorwan-
 ter der Stadt/ Blasius Hochgreue ein Bör-
 ger / sampt andern Börgern vnde Koepgesel-
 len mehr/ vele sind ock vorwundet/ vnd franck
 ingebracht worden. Also auerst de kleine hupe
 tho Perden sich so wol gehalten hadde/ hebben
 de Rüssen sich darauer vorwundert vnde ge-
 secht / de Keuelschen möten dull/ edder ock van
 brande Wyne gar vull syn/ dat se mit so gerin-
 gen Volcke/ solck einer grothen macht wedder-
 streuen/ vnde den roff nemen döruen/ Do heb-
 ben de Rüssen ere Doden vpgesocht/ vnd in de
 vnmeliggende Dörper geföret/ vnde de Dör-
 per/ sampt den Körpern/ vorbrendt/ vnde sich
 na Wittenstein / tho dem andern hupen bege-
 uen. Geschehen Anno 1560. den 11. Sep-
 tembris.

Demsüluiigen Heruest/ also ydt so seltsam
 im

im Lande tho stundt / hefft sich ock ein allerm
mit den Buren in Harrigen / vnd in der Wyck
erhauen / Welcke gemelte Buren sich gegen den
Adel opgeworpen hebben / darümme dat se
dem Adel grothen Einsz vnd schattinge geuen /
vnde schwaren Handedst dohn mösten / vnde
doch gar keine beschüttinge van en in der nodt /
dar negen hadden / sunder wörden van dem
Muscowiter / ane nemigen wedderstandt / a
uertagen / Derhaluen gedachten se dem Adel
nicht mehr gehorsam tho syn / edder nemigen
handedst tho leisten / sundern woldē des gantz
fry vnde auerhauen syn / edder den Adel gantz
vordelgen vnd vthraden / vnd sint also in erem
vorsate forthgefare / vnd hebben etlike Häue
berönt / ock etlike van Adel / de se in den häuen
tho Husz sünden / erschlagen / vnde vmmeges
bracht / nömliken Jacob Brel van Lummat /
Otto Brel van Kircketa / Jürgen Ryßbyter /
vnde Diderick Lyue. Vdi hebben ock desülui
gen Buren ere Legaten an de Stadt Keuel
geschicket / mit der Stadt fründschop vnde
frede tho makende / Auerst de van Adel heb
ben en nichts tho willen gewust. Na vorhörin
ge erer Berue / hefft se ein Rath tho freden ges
pra

spraken / vnde se van erem vornemende afftho
stande / flytich vormanet / auerst de vormanin
ge hefft by en keine stede gehat / sundern sint
forth gefaren / vnde hebben dat husz Lode / dar
vele van Adel vor en opgeweken weren / bele
gert. Dat nu desülui gen op dem huse Lode ent
settet werden mochten / hefft Christoffer Mon
nichhusen / mit etliken Hauclüden sich gerüstet /
vnd de vprörisschen Buren vor Lode angegre
pen / erer vele erschlagen / vnd de anförers vnd
Capiteinen gefangē genamen / welckere thom
dele vor Keuel / thom dele vor Lode / sint gerich
tet worden / Also hefft disse Mäterye einen en
de genamen.

Anno 1560. im Herueste / na deme de
Stadt Keuel in grother gefahr / van wegen
des Muscowiters stundt / welcker ane vnder
lät / vor der porten tho Keuel wötede / vnd nicht
alleine der Stadt Behe / sundern ock Börger
vnde Inwaner der Stadt / vor der Porten
wech före / vnde niemandt seker vth der Por
ten tho ghande sich mehr vordrysten dörste /
vnd schyr alle hülpe vnd radt benamen was /
Hebben de Keuelschen / vth hochdringender
noedt / by erem nabern / Heren Erico / dem 14.
Könin

Köninge tho Schweden / hülpe vnde trost sö-
 ken möten / vnde ere Legaten / Johan Schme-
 deman / einen Radtmann der Stadt / vnde
 Jost thor Hake / einen öldesten der gemeine / an
 hochgemelten Köninck Erich affgeserdiget /
 mit solcker Instruction / dat se by eme vimme ei-
 ne summa geldes / op genochsame vorschry-
 uinge / der Stadt thom besten / anlangen / vnd
 darneuenst by eme erkunden scholden / wes se
 sich in der noedt / wen se de Muscoviter mit ei-
 ner belegeringe anfechten worde / tho em schol-
 den vorsehen. Darup se dissen bescheit erlan-
 get hebben / Dat Ryke tho Schweden hadde
 kein Gelt thouorlenende / Querst dewyle de
 Stadt in groter gefahr stände / vnd van yder-
 manne vorlaten were / vnd dat Ryke Schwe-
 den ock einen vndrechliken Naber an dem
 Muscoviter hadde / wen he der Stadt Keuel
 mechtich worde / Wen se sich vnder der Krone
 tho Schweden beschüttinge ergenen wolden /
 wolde he / nicht vth begerlichkeit der Stadt / vnd
 de der Lande / der he doch vorhen genoch had-
 de / sundern vth Christliker leue / vnde vormis-
 dinge der Muscovitischen naberschop / sich
 erer annemen / vnde der Stadt Keuel / nicht
 alleine

alleine mit Gelde / sundern ock mit Geschütte /
 Krudt vnde Loedt / dartho mit allerley Pro-
 fiande vnd nodt trofft / mildichlick tho hülpe ka-
 men / vnde se by allen eren olden priuilegien
 vnde gerechtichheiden blyuen laten / se ock dar-
 by erholden / vnde vordgedingen / vor alles
 weme. :

Alse nu de van Keuel solcken gnedigen bes-
 scheidt in Schweden erlanget hadden / hebben
 se sich darup bedacht / vnde erslick an den Her-
 meister / Gothart Ketler / ere Legaten / nömlis-
 liken / Hermann Szoie / vnde Kobrecht van
 Gilsen / van wegen der Ridder chop in Harri-
 gen vnde Byrlande / vnde Johan Köninck
 Börgermeister / Jürgen Hönerieger / Rades-
 uorwandten / vnd Laurentium Schmidt Sec-
 retarium / van wegen der Börger chop affge-
 serdiget / tho erkündende / efft de Hermeister
 noch yennigen raedt wüfte / edder sich wor an-
 ders her vorhapende were / dardorch de äueris-
 gen Lande vnde Stede getröstet vnde erred-
 det werden mochten / Vnde wen he de Keuel-
 schen / sampt der Ridder chop der sülügen he-
 gen / vor dem Muscoviter beschütten konde /
 So wüsten se keinen leueren Heren / alse en /
 L Wo

Wo he auerst keinen betern Raedt/hülpe vnd trost wuste edder vormochte / also en beth an her wedderfaren were / mosten se vth hochdringender noedt/andere middel vnde wege söken / wente eme weinich darmit gedenet were / wen de Stadt Keuel/sampt allen Inwanern junck vnd oldt/dat Godt vorbede/in des Muscoviters gewalt queme/welches se sich doch das gelikes befrüchten mösten. Darup de Hermeister noch ymmerdar gude vortröstinge gedaen hefft/ane hülpe/Doch thom lesten etlike Palen/welckere de Polnische *presidia* genömet worden/na Keuel geschicket/Welches solck ein ansehen gehat hefft/also wen he nicht alleine süuest Palisck werden/sunder ock de Stadt Keuel gerne an den Köninck tho Palen bringen wolde/Querst mit den *presidijs* was der Stadt Keuel nicht groth gedenet / Vnde also desüluigen Palen eine tydtlanck tho Keuel gelegen hadden / vnd mit den dädischen Landesknechten sich nicht wol vordragen konden / Hefft ein Radt en fründilick affgedancket / vnde se mit geschencke vnd vorebringen in Palen passeren laten.

Tho dersüluigen tydt / Also ydt mit Lyfflandt

landt einen bösen thostandt gewonnen hadde / dat vele Lande/Schlöte / vnde Borge vorrücket / alle vorraedt des Landes vthgeschepet was / De Fall der Regenten vnde Gebedigers / gantz vorringet geworden / vnde de vterste Raedt by dem Hermeister alleine gebleuen was / vnd he sich ock alleine tho schwack befandt / wedder solcken mechtigen Viendt/deme de Victoria vnde dat gelücke mit gewalt tho leep / thostreuende / hefft he vor Raedtsam angesehen/sich mit den auerigen Landen vnde Steden / vnder den beschut der Krone van Palen thoerguende / darmit de Muscoviter dersüluigen nicht mehr bekamen mochte. Vnde hefft also Sigismundus Augustus / Köninck tho Palen / dorch anforderinge des Hermeisters Godthardt Kellers / sich der auergebleuenen Lande vnde Schlöte in Lyfflandt angemattet / vnd dem Hermeister etlike Lande vnde Schlöte in Ghurlandt / vnde im Stifte Riga/erfflick vorlenet / vnde en vor einen Herzoch tho Ghurlandt / vnde Grauen tho Semigallen/erklaret. Do hefft de Meisterschop des dädischen Ordens in Lyfflandt opgehört / vnde einen ende genamen / vnde sint twe erfflike

Dat Ander deel

like vnde Weltlike Förstendöme/ wedder ange-
richtet worden/ dat eine in Schurlandt / wel-
ckes dem Hertogen darfüruest ingegeuen ys/
dat ander in Lethlandt / vnde im Stiffte Ri-
ga/ welches de Köninck vor sich beholden
hefft/vnd de Auerdünessche För-
stendoem/hütiges dages
genömet wert.

Dat



Dat Driidde deel
der Lyfflendischen
Chronica.

Alse nu de Prouins Lyff-
landt in grother noedt vnde ge-
fahr stundt / vnde de Muscowi-
ter na eräueringe veler Stede
vnde Schläte/noch hümmerdar
im Lande/ vnde sunderliken in Narrigen/vnd
vor der Stadt Keuel / wötede vnde dauede/
vnde de vornemeste Gebedigers / Ordenshe-
ren vnde Regenten der Lande/ thom dele vor-
lopen/thom dele in de Muscow gesencklick vor-
föret/vnde ommegebracht weren/vnd by dem
Hermeister tho Lyfflandt/ vnde anderen weis-
nigen auergebleuen Gebedigern / alle radt
mangelde / de vorruckeden Lande tho rechte
tho bringende / Tho deme alse ydt ock nicht eis-
nen geringen schreck vnde angst den äuerigen
Landen vnd Steden bröchte/ dat de olde Her-
meister/ Wilhelm van Förstenberch / vp dem
huse Bessyn/ane jennige hülpe vnde entfettin-
ge

.M.

ge synes Successoren vnde folgenden Meisters / van dem Muscoviter gefangen / vnde in de Muscov vorforet was / Welches keinem Meister vorhen in Lyfflandt / van anfang her des Ordens / wedderfaren is / derwegen ock de Vnderdanen vele weiniger hülpe vnde trost / in erer noedt vnde anfechtunge / thour hapende hadden / Vnde dewyle ock de Hermeister sich süuest / vor dem Muscoviter / vnder den beschut der Krone tho Palen gegeben hadde / vnd ein weltlich Fürste vnde Here geworden was / Dardorch de Meisterstandt Didesches Ordens in Lyfflandt / nu gar vorrucket geworden / vnde vpgelhauen was / dem bette her tho alle Ordens Stede vnde Stende / als leine mit eynden vorpflichtet vnde vnderworpen gewesen weren / Hebben derwegen de Keuelschen van wegen der grothen gefahr / dar se dagelikes in schweueden / neuenst andern Landen vnde Steden / ock ere beste prouen / vnde beschüttinge vor dem Muscoviter söken / vnde sich an eine andere Herschop schlan möten. Vnde dewyle de Köninck van Palen der Stadt Keuel mydt affgelegen is / vnde de Keuelschen gar keine neringe vth dem Rike
Pa

Palen / edder vth Littouwen / also de van Riga wol hebben / nütwerle gehat / ock noch nicht hebben konden / sint se vororsaket / vnde genödiget worden / der Krone tho Schweden / de en neger vnde drechliker gelegen was / vnder danich tho werden.

Also nu solches vorhanden gewesen is / hefft ein Radt vnde de Gemeine tho Keuel darauer deliberert vnd geradtschlaget / vnde na veelsoldigem bedenkende / vor radtsam angesehen / dat men des Königes van Schweden gnedigen / vnde van Gade gegeben trost vnde beschüt / nicht vthschlan scholde. Des hefft ock ein Radt tho Keuel mit der Ridderschop vth Harrigen / vnde Byrlande / so vele erer domals tho Keuel yegenwerdich weren / hyräuer geradtschlaget / vnde der gedachten Ridderschop de gnedige Könincklike vortrösfinge vorgeholden / des se sich ganz hoch erfreuwet / vnd ock darbeneuenst gesecht hebben / se konden vnde wolden van der Stadt Keuel nicht affgesundert syn / dar de Stadt bleue / dar gedachten se mit tho blyuende. Vnde sint also alle eindrechtigen in disse meinunge getreden / dat se Schwedisch werden wolden.

solcker vorwilliginge vnde eindrechtiger belesuinge/ hebben se ere Legaten / nömliken Reynoldt Lode/ van der Ridder schop/ vnde Johan Winter / einen Kadesuorwanten / van der Bōrgers chop wegen / an den gewesenen Hermeister tho Lyfflandt/ na der Nitow/ in Ghuslandt / affgeserdiget / eren eydt / dem Meister tho Lyfflandt geleistet / op tho kündigende/ Welckere Legation dar nicht altho willkommen gewesen is/ Doch dewile solcke weruinge nicht vth lichtferdicheit/ sunder vth hochdregender vnd onuormidtliker noedt/ vorgenamen was/ hefft de gewesene Hermeister deshaluen billich nicht tōrnen können / sunder hefft de gemelte Legation mit allem guden voraffschedet/ vnde darbeneuenst syne gesanten/ nömliken den Herren van Dohn/ Johannem Fisser Cankler/ Jodocum Gloedt/ gewesenen Syndicum tho Keuel / tho der tydt des Hermeisters Raedt/ an de Stadt Keuel geschicket / tho vorhinderende / dat de Keuelschen / so se dem Könige tho Schweden nocht nicht geschwaren hadden / ock vordan nicht schweren mochten/ Wente de gewesene Hermeister hefft de Stadt Keuel / leuer dem Könige van Polen / alse dem

dem Könige van Schweden gūnnen willen.

Tho der tydt hefft ock Hertoch Magnus van Holsteyn / an de van Keuel geschreuen/ fast disser meininge / Wo dat he in erfaringe gekamen were/ dat sich de Keuelschen van dem Hermeister affwenden / vnde vnder de Krone Schweden begeuen wolden. Derhaluen wolden he se vormanet hebben / dat se betrachten scholden / Vor erer Stadt orthsprunck / vnde olden priuilegia hergekamen weren/ alse nömliken/ van der Krone Dennemarcken / dar se sich wedder hen lencken scholden / Im falle auerst solckes nicht geschege / scholden se by sich erwegen/ wat daruth erfolgen wōrde/ Auerst nicht deste weiniger hefft der Keuelschen vorsate einen forthganck gewonnen. Alse auerst des Hermeisters Legaten in de Stadt Keuel quemen / vnde aldar vormarckeden / dat de Keuelschen op des Königes van Schweden syde alrede weren/ hebben se sich solckes ouel gefallen laten. De Keuelsche hebben ock van den Legaten keinen mehr op dat Radthuss gefōrdert/ alse den Heren van Dohn alleine / Welcker keine Verue hefft entdecken willen / sun-

dern genoechsam thvoorstande gegeven/ dat he ouel darmede tho freden were/ dat de Stadt Keuel Schwedisch/ vnd nicht Palisch/ geworden was/ Darümme alse de Legaten also samptliken eren wedder willen tho Keuel segen/ hebben se nicht lange dar gesümet/ sundern sint balde van dar getagen.

Tho dersüluigen tydt/ sint ock de Köninckliken Legaten vth Schweden/ nömliken Her Claus Christiernsen/ Hans Larssen/ vnde Hermen Brüssner Secretarius/ tho Keuel gewesen/ welckere des Königes Instruction/ der vörigen hogen vortröstinge gelickformich/ by sich gehat hebben/ dat se van wegen des Königes/ alse vulmechtige Commissarien/ aller saken haluen mit den Keuelschen handel vnde schluten/ vnde den beschut vor alles weme/ ene thofeggen/ vnde darup de huldiginge vnde Eydes plicht/ van dem Adel so wol/ alse van der Stadt/ nemen scholden/ Welckes en denn na veelfoldigem bedenckende/ vnde vorbeholdinge aller priuilegien vnde gerechtichheiden/ entlick ock geleistet ys.

Alse nu de Riddereschop vnde de Stadt/ Schwedisch gewesen ys/ Do hefft dat Schlot
tho

tho Keuel/ darup Casper van Oldenbockem Stadtholder gewesen/ darinne nicht consenseren/ sundern sich noch an de olde Herschop holden willen/ Derwegen Her Claus Christiernsen vororsaket geworden ys/ datsüluige Schlot mit gewalt anthogrypende/ Vnde nameme he mit Cartouwen vnd Schlangen datsüluige Hus/ söß ganze Weten/ beschaten vnde beengstiget hadde/ vnde ydt doch dardorch nicht erlangen konde/ ys yde em thom lesten vth mangel der Proffiande vnde des entsettes/ vpgegeuen worden/ vp Johannis Baptiste dach/ Anno 1561.

Alse nu beide Stadt vnde dat Schloch tho Keuel Schwedisch weren/ sint de Heren van Keuel/ alse Herr Johan Peperfack Börgermeister/ Johan Schmedemann/ vnde Joachim Belholdt/ Radesuorwanten/ in Schweden gereiset/ omme de Confirmation der Priuilegien vnde gerechtichheiden der Stadt Keuel/ dar van mit den Commissarien vorhen/ aller nodirofft na beredinge vnde handelinge geschehen was/ by dem Könige förder anthoholdende. Do se nu euen vp des Königes Kröninge tho Stockholm angekamen weren/
L vi vnde

vnde dem Könige ere Veruinge vorgebracht
hadden/sint se/neuensi der Confirmation/mit
allem guden bescheide van eme affgeferdiget
worden.

Derwyle nu Köninck Ericus / ein Here
der Stadt Keuel geworden was / hefft he sye
ner Köninckliken thosage na/de Stadt Keuel
mit einer dreffliken Summa geldes entsettet/
vnd dartho de 30000. Daler/de de Keuelschen
dem Hermelster op den Hoff tho Kegel vor ges
strecktet hadden / ock erlecht vnde betalet / an
welcker Summa eres vthgelechten geldes se
sunst hadden twyuelen / edder ock datsüluike
eine lange tydt missen möten. Des hefft ock de
Köninck der Stadt Keuel allerley Prosiande/
vth allen orden des rykes Schweden/ thosö
ren laten. Do ys allerley nodtrofft van Pro
siande äuerflödich/vnde ganz wolfehl tho Ke
uel gewesen/vnd ydt hefft ock nicht gemangelt
an Geschütte/ Krudt vnde Loedt/vnde an al
lerley Krygesmunition / dat de Köninck alles
gar äuerflödich op dat Hus tho Keuel geschic
cket hefft/ welches der Stadt so wol/alse deme
Huse/thom besten syn schulde. Do ys tho Ke
uel/van wegen eres nyen Köninges vnd He
ren

ren / vnde van wegen der guden neringe / eine
grothe fröwde vnde froloctent gewesen / vnde
na menschliker vornufft thorekende / hadden
se ydt nicht beter bekamen mögen. Querst des
wyle alle voranderingen gefelic sint / was
ock disse nicht ane gefahr/vnde ys ock na differ
groten fröwde / eine grothe bedröffenisse gefol
get. Wente de hochgemelte Köninck Ericus/
samt deme ryke tho Schweden / van wegen
des angenamenen Lyfflandes / nicht alleine
mit dem Muscowiter/sundern ock mit andern
Christliken Potentaten / in grothe langwilt
ge Kryge dermaten geraden ys / dat ock syne
Erfflander tho etliken malen / des Lyfflandes
hebben entgelden möten/wo hyrna vormeldet
werdt.

Na deme nu erstlick grothe fröwde tho
Keuel was / vnde beide Eddel vnde Vneddel/
by hupen sich an den Köninck vorsögeden/vnd
sich eres erledenen schadens/van dem Musco
witer thogeföget/beklageden / hefft se de Kö
ninck/vth Köninckliker mildicheit/mit Landts
gütern vnde gelde / rycklick begauet / vnde se
eres schadens wedderümme in allen gnaden
ergetzet / Tho deme hefft de Köninck sich ock
nicht

nicht weinlich bekümmert / wo he der Stadt
 Keuel vnde anderen örden mehr / einen frede
 vorschaffen möchte / Derwegen hefft he syne
 Legaten / mit groter vnköstinge / an den Mus-
 cowiter affgeferdiget / vomme einen frede mit
 eme tho handelende. Wente des Königes
 meininge ys gewesen / dat he den langwiligen
 frede / den syn Herr Vader Gustauus / mit
 dem Muscowiter gemaket hadde / söder erholt
 den / vnde de Keuelschen sampt andern / de sich
 vnder synen schutz ergeben hadden / darinne
 mit bedingen wolde. Auerst de Muscowiter
 hefft dar nicht angewolt / sundern ys op den
 König Erich ganz vorbittert geworden / Des
 wyle he nye conditiones / der syn Herr Vader
 nicht gedacht / herfor bringen wolde / vnde dat
 he sich etliker örden in Lyfflandt / deren he / de
 Muscowiter / nu schyr mechtig geworden
 was / wedderümme angemaket / vnde sich in de
 sake gemenget hadde. Entlick ys dennoch / mit
 grother möhe / ein stillestandt / vp twe Jar / be-
 ramet geworden.

Auerst also ydt de erfaringe darna ge-
 noechsam bewyset hefft / So was disse gemelte
 stillestandt / so wol dem ryke tho Schweden /
 also

also Lyfflande / mehr schedtlick also baetlick / de-
 me Muscowiter auerst sehr den silick. Wente
 in dissem stillestande hefft de Muscowiter de
 Stede vnde Schläte / de he in Lyfflande er-
 uert hadde / am allermeisten in guder rouwe
 gebuwet / vnde vorgewalt befestiget. Vnde des
 wyle he einen grothmechtigen König vor de
 handt gekregen hadde / vor deme he sich wat
 mehr / also vor dem Meister in Lyfflandt / be-
 fruchten möste / konde he ydt op dat mahl nicht
 beter treffen / den dat he einen stillestandt ma-
 kede / op dat he de Häuser deste gemakliker in
 Lyfflandt / na synem geualle buwen / vnde vor-
 gewalt in richten mochte.

Ifft ydt nu wol twe Jar lanck stillstandt
 gewesen ys / so moeste sich dennoch König
 Erich / na vthgange der twe Jaren / eines ge-
 weldigen Kryges mit dem Muscowiter beser-
 gen / Derwegen des Königes Erfflander in
 Finlandt / nicht in geringer gefahr / Lyfflandes
 haluen / gesettet worden / Vnde dewyle de Kö-
 nink van Schweden tho der tydt nicht mehr /
 also de einige Stadt Keuel / in Lyfflandt had-
 de / hefft he derwegen in dissem stillestande / na
 mehr Landen / Steden vnde Schlören in Lyff-
 lande

landt getrachtet / vnde na des Königes tho
 Palen / vnde des gewesenen Hermeisters / Lan-
 den vnde Hüseren getastet / daruth ein apent-
 lick Krynch twisschen Schweden vnde Palen /
 vnde dem Hermeister / dem armen bedrucke-
 den Lyfflande / tho meren schaden vnd vorder-
 ue / erwassen ys / Vnde so lange disse gemel-
 te Potentaten vnder sich gekryget hebben / hefft
 de Muscowiter stille gehalten / vnde hefft de
 beiden Könige sich vnder einander vmmen de
 Hüser in Lyfflandt / wol trecken vnde krahen
 laten / ydt was em gelike vele / effte de Schwe-
 de de Hüser hadde / edder de Pale / Wente he
 dachte / wen se sich lange genoech darümme ge-
 röpet hadden / vnde möde geworden weren / so
 wolde he tho gelegener tydt / syn vordeel wol
 schaffen / Vnde wene he denne im sacke fünde /
 den wolde he daruth schüdden / Wo denn ock
 namahls geschehen ys. Dith spil hefft de twe-
 jarige stillestandt tho wege gebracht vnde vth-
 gericht.

Tho deme hefft sich Köninck Erich / in dis-
 sem stillestande / mehr Biende gemaket / nömli-
 ken / thom ersten de Stadt Lubeck / welkerer de
 Köninck hefft eine ganze flate Schepe / de van
 der

der Narue / mit vuller ladinge / affgelopen we-
 ren / nemen laten / darümme dat he de Nar-
 wische saerdt vorhinderen / vnde de schepe aller
 Sebestede / na Keuel tho lopende / dwingen
 wolde / dardorch ock ein gar schedtlick Krynch
 twisschen dem ryke Schweden / vnde den van
 Lubeck entstaen ys.

Thom anderen / ys ock Fredericus 2. Kö-
 ninck tho Dennemarcken / des Königes tho
 Schweden Biendt geworden / van wegen syn-
 nes Broders Hertoch Magni / Welkerem
 Köninck Erich scholde angemodet hebben / dat
 he sich mit synen Stifften vnde Landen in Lys-
 flandt / vnder de beschüttinge der Krone
 Schweden begeben scholde / welches dem Kö-
 ninge van Dennemarcken sehr vordraten
 hefft / daruth ock ansenflick de twist vnde torn
 entstaen ys / darup de beschwerlike vnde lanck-
 willige Krynch / twisschen beiden Königen ge-
 folget / dardorch ydt yn Lyfflandt vele erger
 geworden / vnde dat ryke Schweden ock nicht
 weinich geschwecket ys.

Anno 1561. im Julio / ys Nicolaus Ka-
 hiuel / ein Littouwscher Förste / van dem ge-
 meinen Manne / de Kadawil genömet / mit
 M etli

etliken dusent Perden tho Riga angelamen /
 vnde vp Kellers acker / vor Riga / syn Leger in
 fründtschop geschlagen / vnde dar etlike weken
 stille gelegen / De orsake syner ankumpst schal
 gewesen syn / dat he de Hüser vnde Lande / de
 van dem Hermekster tho Lyfflandt dem Kö-
 ninge tho Palen opgedragen weren / van we-
 gen des Königes entfangen / innemen vnde
 besetten / ock de van Riga / dorch fründtlike vn-
 derhandelinghe darhen vormögen vnde bewe-
 gen scholde / dat se / dewyle se sich vnder des Kö-
 niges van Palen beschüttinge ergeuen had-
 den / dem Könige ock eren Eydt / ane yennige
 Condition vnde vorbeholdt / leisten mochten.
 Wente de van Riga hadden sich mit solckem
 beschede / vnder de Krone Palen ergeuen / vnde
 de vullenkamene huldiginge / vnde Endes
 plicht / gelauet vnde thogesecht / So de Keyser /
 vnde dat hillige Römische ryke / dem se van
 anfanghe her vnderdanich vnde ingelyuet ge-
 wesen weren / se genßlick vorlatten wolde / Wel-
 che vorlatinge dat Römische ryke / noch thor
 eydt / nicht hefft vorgünnen willen.

Disse Condition vnde vorbeholdt by den
 Rigeßchen affthoschaffende / vnde dat se sich
 des

des Römischen rykes ganz vortyen vnde bes-
 geuen / vnde der Krone tho Palen alleine vns-
 derdanich syn scholden / hebben tho der tydt
 Nicolaus Kasiuuel / vnde na der tydt Kotke-
 wik / vnde andere Littouyßche vnde Palis-
 sche Stende mehr / oft vnde vaken in fründts-
 chop / vnde ock in Viendtschop / vorsocht vnde
 darümme angeholden / Querst noch thor tyde
 nichts beschaffen mögen.

Tho dersüluigen tydt / alse de gemelte
 Förste / Nicolaus Kasiuuel / vor Riga gelegen /
 ys he ein mahl tho Riga aueruth staetlich vnd
 prechtich ingereden / vnde mennigerley Böl-
 cker frömbder nation / Alse Armenier / Tür-
 cken / Eatern / Podollter / Rüssen / vnde Walla-
 chen / neuensf velen Dädeschen / Palen vnde
 Littouwen / by sich gehat / vnde dorch de Stadt
 Riga geföret / darauer vele frame herten tho
 Riga / do se solcke frömbde nationes vnde völ-
 cker / einen yderen in synem Habyte / Wehre /
 Wapen / vnd Musica / onderscheiden gesehen /
 sich vorwundert / vnde eren hammer daran ge-
 sehen hebben / dat ere Vaderlandt / vnde de
 straten der Chrisiliken Stadt Riga / van
 solcken vngewöntliken / frömbden / vnde bar-
 des

Das Drüdde deel

bariffchen Nationen vnde Bölckeren/scholden betreden werden. Diffe Bölcker/de in fründtschop de Stadt Riga dorch gereden hebben/anthoschouwende/ ys ydermanne ein hertes leidt vnd jamer gewesen/wat wolde ydt denne wol vor ein grüwel vnde herteleidt syn / wen men se wörde herffchen vnde regeren/ edder etne Christlike Stadt viendtliker wyse/belegern sehen?

Anno 1561. im Augusto/sint äuer 2000. Schwediffche Knechte tho Reuel / an einer fänderliken Sucht/de andern lüden/sunck vnde oldt / gar nichts geschadet hefft / by hupen gestoruen / vnde in der Fiffcher may begrauen worden / Welckes im anfangen ein malum omen/vnde böse antöginge gewesen ys / dat se in Lyfflandt kein groth gelücke hebbende wörden/dewyle dith vngelücke se alleine/ vnde keine andere Inwaner des Landes / edder der Stadt mehr/angegrepen hefft. Tho dersülui gen tidt ys ock Laurentz Flemineck/ein Fryghere vth Schweden/de erste Schwediffche Gubernator in Lyfflandt gestoruen. Dith ys de anfang des vngeluckes der Schweden gewesen/wel

welckes se Lyfflandes haluen hebben lyden möten.

Anno 1561. im Herueste / hebben de Schweden dat Nonnicke Kloster Padis /welckes ein Zemelick Hus vnde Bestinge vorgewalt ys/belegert/ vnde na deme de Schwediffchen sich men alleine ernstlick daruor hebben sehen laten / vnde nicht vele geschaten / ys ydt en stracks dorch des Meisters Hduetsmann/Engelbrecht van der Lippe/vpgegeuen worden. Welcker Kloster/ vp dem Landt dage thor Parnow/Hertoch Magno van Holstein tho erkant was. Auerst de Schweden hebbens in genamen/ vnde yegen Hertoch Magnum/ vnde den Hermeister / vor sich eine tydt lanck vordegedinget.

Anno 1562. vmmen Pingesten / hefft de Köninck tho Schweden / dorch syne Schepe vnde Galleyen / ein gantze flate Lübescher Schepe nemen laten/welckere van der Narue gekamen / vnde mit allerley Wahre geladen weren/van welckeren etlike tho Reuel ingehalet/vnde etlike in Schweden geföret/vnde pryß gemaket wörden / Diffe Schepe vnde güder hebben de van Lubeck/dorch ere Legaten/wed

Der gefördert/darup se solck einen bescheidt van dem Könige erlanget / He hedde de van Keuel in synen beschut genamen / vnde ene alle ere olden Priuilegia thohandthauende gelaueet. Nu were de Stapel vnde nedderlage ock eine van eren hōgesten priuilegien/ welcker also tydt tho Keuel / vnde nicht thor Narue / gewesen were/ Derhaluen so gedachte he de Keuelschen ock forder darby tho erholdende / vnde de Naruissche farth thouorhinderende / Derwegen synt de Lubeckschen vngeschaffet wedder na Husz gereiset/ vnde mit schmerzen wol vornamen / dat solckes tho einer grothen erwyderinge gereiken wōrde.

Anno 1562. yegen Pingesten/ hefft Her Claus Christiensen/ Schwedischer Kryges auerster / mit gewaldiger Krygesmacht van Reutern vnde Knechten / Sartouwen vnde Schlangen/ de Parnow belegert/ beschantzet/ vnde tho storme beschaten/ Entlick na deme de Parnowsschen nicht groth vor gewalt gebuwet hadden / sick ock keiner entsettinge vormoedende weren / sint se / mit vorbeholdinge erer Priuilegien vnde fryheiden / der Krone tho Schweden vnderdantich geworden / Allse nu
de

de Parnowsschen Schwedisch gewesen sint / hefft se de Köninck mit stätliker Krygesmunition/ van Geschütte/ Krudt vnde Loedt/ entsettet / vnde mit Teyn dusent marck rigesch guesdichliken voreret.

Anno 1562. im Herueste / hefft Her Claus Christiensen ock dat husz Wittenstein mit aller macht belegert/ beschantzet/ vnde tho storme beschaten/ vnde na deme he etlike Wesken daruor geschaten / gestormet / vnde einen Thorn/ darunder busen puluer gelecht was/ ingekregen hadde / vnde de Schwedischen knechte gemeinet/ se hedden nu gewonnen spil/ Do ys dat vndergelechte Puluer angegahn/ vnde hefft den Boen des sülutigen Thorns/ mit den knechten/ in de lucht gefōret / vnde also Johan Groll/ Stadtholder/ noch van dem Könige tho Palen / edder van dem Hertoge tho Shurlandt / keine entsettinge wuste / vnde de hunger vp dem Huse ock de auerhandt genamen hadde / hefft he dat Husz der Krone tho Schweden auergeuen möten.

Anno 1562. im Nouembri / ys Hertoch Johannes tho Finlandt / des Königes van Schweden Broder / sampt synem Förstlikem

Gemael / Frouwe Catharina / Sigismundi Augusti / Königes tho Polen Schwester / dorch Lyfflandt op Keuel angekamen / also he forth thouorn thor Bilda / in Littouwen / mit hochgemelten Fröwlin hochtydt gehalten hadde / vnde also he etlike dage tho Keuel stillelegen / vnde sich gerouwet hadde / Is he den 4. Decembris / sampt synem gemael / int Schip getreden / vnde na Ubo in Finlandt geseget. Den süluigen Heruest sint dem Hertogen de hüser / Helmede / Karcks / Ermis / vnde andere mehr / van wegen des vthgesechten Brudtschattes / van dem Könige tho Polen in Lyfflandt ingedaen worden / auer welckere hüser Hertoch Johan einen vormeinten Grauen van Ark / tho einem Stadtholder vorordent hefft.

Anno 1562. op Wynnachten auendt / is Hertoch Christoffer van Mekelenborch / van Stockholm tho Keuel gekamen / vnd sich nicht vormercken laten / dat he ein Förste were / derhaluen sich tho einem gemeinen Börger in de Herberge begeuen / vnde sich manck syne dener gesettet. Vezlich auerst also ydt nicht lange konte vorborgen blyuen / hefft men en in eine Förste

Förstlike herberge vorehret / vnd na gebör Förstlick getracteret.

Anno 1563. im Februario / hefft de Muscoviter de heerlike Koepstadt Polozko / dem Könige tho Polen affgewonnen / vor welckerer Stadt de Muscoviter syne vterste macht / van Volcke vnde Krygesmunition gebracht / vnde desüluige mit Süre so sehr beengstiget hefft / dat he erer entlick dardorch mechtich geworden is. Welckeren schaden de Muscoviter dem Könige tho Polen middeler wyle thogeseiget hefft / also he op deme Rykes dage / tho Peterkow / mit den Palisschen vnde Littowischen Etenden raedtschlagede. Disse vorlust syner Erfflender vnde Stede / hefft de Köninck tho Polen / van wegen des angenemen Lyfflandes ock hebben möten / Wente demyle he sich Lyfflandes angemattet hefft / so hefft he ock der Lyfflendischen siraße vnde plage mit geneten / vnde deelhafflich werden möten.

Anno 1563. im Sommer / is de langwilige Krych twisschen den Königen Frederico / dem 2. tho Dennemarcken / vnde Erico / dem 14. tho Schweden / sampt den van Lubeck / des

Königes tho Dennemarcken anhengigen/
 angegahn / Tho deme ock des Palen Krych/
 vnde namahls ock de Muscowitische Krych
 wedder dat Ryke tho Schweden / vnde des
 Rykes thogehörigen Landen in Lyfflandt /
 welckere Potentaten alle / wedder dat Ryke tho
 Schweden / fast achte Jar / ane yennigen stil-
 lestandt / gekryget hebben.

Im anfanghe dessüligen Kryges / Anno
 1563. hefft Köninck Erich tho Schweden / sy-
 nen Broder Hertoch Johan / sampt synem
 Gemael / dorch eine Krygesmacht vpon Abo ge-
 fangen nemen / vnde na Stockholm fencklick
 bringen laten / Dar de frame Förste vnuor-
 schulder-saken haluen / van mennichliken / vth
 vnuorstande ys geschmehet / vnde bespottet ge-
 worden. Darna hefft en Jürgen Perffen /
 des Königes lichtferdige Raedt / vor dath
 Stadtgerichte tho Stockholmi gestellet / vnde
 na dem he dat gerichte mit partnesschen lüden
 synes gefallens besettet hadde / hefft he den
 hochgemelten Försten / etliker vngegründeder
 vnde erdichteder saken haluen / mit allem ern-
 ste angeklaget / auerst tho rechte nichts wedder
 en erholden mögen / darna hefft he dennoch
 mit

mit gewalt / vnde nicht mit rechte / den löffli-
 ken Försten / mit bewilliginge des Königes /
 in de gefencknisse gebracht / vnde dem Könige
 ge flitich geraden / dat he ene vram leuende
 thom dode bringen laten scholde / In solcke ges-
 fencknisse vnde tribulation ys de frame För-
 ste / sampt synem leuen Gemale / ganz vnschul-
 dich geraden. Des Hertogen volck auerst
 van den Schweden / de mit vpon dem huse Abo
 weren / synt ock alle gefencklick na Stockholm
 geföret / vnd aldar ganz vnschuldich vnd flege-
 lick geköppt / vnde geradebraket worden / De
 Dudeschen auerst / beide Eddel vnd vneddel / de
 dem Hertogen gedenet hadden / sint am leuen-
 de verschonet / doch jammerliken tracteret wor-
 den / darunder ock gewesen ys Christoffer / ein
 Fryghere van Lautenborch. Vnd Hans. V. Witman / vorf en Prinsse. . .

De orsaken auerst / warümme de Her-
 toch mit synen denern / also tracteret worden
 ys / synt disse gewesen / Nömliken / dewyle Kö-
 ninck Erich mit Dennemarcken vnde Palen /
 in einem apentliken frich geraden was / vnde
 desülige Potentaten wedder Köninck Erich /
 vnde dat Ryke tho Schweden sick tho samens-
 de verbunden hadden / vnde Hertoch Johan
 M vi cuen

euen vomme desulue tydt / als disse vorbun-
tenisse twischen Dennemarcken vnde Palen
opgerichtet geworden / sicc mit des Königes
van Palen Schwester vormelet hadde / wort
he by dem Könige vordechtich gehalten / alse
scholde he heimlick mit dem Könige tho Pa-
len / sinem schwager / wedder dat Rike Schwes-
den conspireret / vñ ein vorbunt gemaket heb-
ben / Vnde dith hefft den archwan ock vorme-
ret / dat Hertoch Johan / alse ein Erfförste /
vnde vorwanter des Rykes tho Schweden /
vth den viendelicken Orden fry / velich / ane je-
nige anfechtunge wech gestadet was / Auers
disse frame Hertoch Johan ys des vnschuldich
gewesen / vnd men hefft em solcks vngründelick
wedder alle billicheit thogemetten.

Anno 1563. vomme Jacobi / ys Hertoch
Christoffer van Mekelnborch / de sicc an den
Könick Erich / tho Schweden geschlagen
hadde / mit etlicken fanen Dädescher havelu-
den / van dem Könige tho Schchede bestellet /
inth Stifte Riga gerückt / datsulue Stiff-
te / dar he recht an tho hebbende menede / de wy-
le he Coadiutor des Stiffes gewesen was /
inthonemende / auers ydt ys eme ouel gelun-
gen

gen / Wente he ys van dem Hertoge van Guro-
landt / vp dem huse Dalen gefangen / vnde in
Palen gefencklick geschicket worden / dar he
auer vyff Jar hefft inhouden möten.

Vomme desulue tydt hefft Könick Er-
rich dat huse Karcks / ein van den pandth-
sers / de Hertoch Johan van Finlandt / van
wegen sines brudtschattes vnde vorgestreck-
ten geldes / van dem Könige tho Palen thom
vnderpande bekamen hadde / vorrasschen vnd
innemen laten / vnde noch dem Könige van
Palen / noch sinem Broder Hertoch Johan /
nichts daruan tho willen gewüst / sunder
datsulue huse vor sicc / vnde vor de Krone tho
Schweden / vordegedinget.

Anno 1563. den 28. Julij / hebben de
Schweden dat huse Habsel / welcks Hertoch
Magno / des Königes tho Dennemarcken
Broder thogehoret / belegert / vnde na dem se
fast 10. dage daruor tho storme geschaten had-
den / vnde de Habselschen keine entsettinge wü-
sten / hebben se sicc samptliken vp dem huse / alse
dat Capittel / de Rädt / Ridderschop / vnd Bors-
ger / mit velerley exception vnde vorbeholdt / den
7. Augusti ergeuen. Alse nu de Schweden
dat

dat huß vnde den Dohm tho Habsel eräuert
 vnde ingetregen hadden / hebben se de Kercke
 in Dome gespolieret / alle Mißgewandt /
 vnde Kercken geschmide / an Nonstrantien
 vnde Kelcken / dartho de Klocken vth den Tör-
 nen wech genamen / vnde na Keuel geföret /
 vnde groff geschütte dar van geten laten / vnde
 de Dohmhern / na erem beger / wech passeren
 laten / vnde ere höue ingenamen / vnde mit kri-
 gesluden besettet. Also ys dat schendlicke
 Hoerhuß / de Dom tho Habsel / ommegekeret /
 vnde de Baalspapen daruth gestouet wor-
 den. Tho der süluigen tydt hebben de Düdes-
 schen vnde Schwedischen krigeslude / den ordt
 omme Habsel / vnde de gantze Wyke / so gantz
 flegliken vorheret / dat etlike arme Buren /
 süluest de ploech hebben tehen / vnde ere Wy-
 uer de ploech regeren möten / dewyle se alle erer
 Ossen vnd Peerden berouet weren / Vnde wo-
 wol ein Erbar Radt / so wol alle de Oldesten /
 vnd gantze gemeine der Stadt Keuel / by Gra-
 ue Schwante / dem Gubernatoren / mit allem
 flyte angeholden hebben / dat men den ordt
 nicht bekrygen edder vorheren scholde / dewy-
 le de Stadt Keuel velerley nodt trofft / vth dem
 orde

orde hadde / vnde ock de beyden Könige /
 Schweden vnde Dennemarcken / im krynge
 stünden / welker van den beyden de auerhandt
 behelde / dem worden de Lande anc dat wol
 thofallen / so was doch solkes alles vorgeues.

Tho der süluigen tydt hadde sich de Kö-
 ninck van Palen / wedder den Köninck Erich
 tho Schweden gerüstet / vnde eine statlike vor-
 sammelinge van Düdeschen vnd Palischen
 Krigesluden by einander gebracht / welker
 tho Sauna in Littouwen / dorch Marggraff
 Albrecht / Hertogen tho Prüssen / gemunstert
 worden / manck welkerem krynge suolcke vele
 ansehenlike Hern vnd Junckern weren. Van
 disser rüstinge des Palen / hadden de Schwes-
 den etlike maten kundtschop / derwegen hebo-
 ben mit dem grauen Geschütte / van Habsel
 wedder vp Keuel geslet / Vnde alse des Palen
 hupe wat lange vortögerde / grepen de Schwes-
 den einen moedt wedder / vnde rückeden mit
 6. Cartouwen / vnde etlike Felschlangen /
 wedder inme int Feldt / in meinunge dat Huß
 Lode tho belegerende / vnde do se dre mylen van
 der Stadt gekamen weren / quam en solck ein
 fruchten an / dat se mit dem Geschütte wed-
 der inme

Derümme na Keuel wyken müssen / vnde also
 se tho Keuel gekamen sint / hebben se dat Ges-
 chütte vp S. Tönnesberch / vor dat Schlot
 gebracht / vp wider kundtschop / vnde also men
 so balde nicht eigentlick erfahren konde / wat de
 Palsche toch voer hadde / welckere ane twyuel
 gude kundtschop gehat hefft / dat de Schwes-
 desschen mit dem Geschütte vor Lode rücken
 wolden / Derwegen se stille gehalten / vnde vp
 dat Geschütte gewachtet hebben. Thom les-
 sten / sint de Schwedesschen vnerschrocken mit
 dem Geschütte ylich vortgehouden / vnde heb-
 ben dat Husz Lode belegert / beschanzet vnde
 beschaten. Also se nu by achte dagen darvor
 geschaten hadden / do kamen de Palschen her-
 an dringende / vnde den Schwedesschen bes-
 gunde de moedt tho entfallen / Derwegen
 hebben se etlike Stücke thosprenget / vnde
 sint daruan gelopen ane noedt / Do kamen
 de Palschen / vnde nemen desäluiigen Stü-
 cke / Nömliken 4. Mönnicke / einen Hundt /
 vnde eine Sengerinne / etlike in stücken tho
 sprenget / vnde etlike noch ganz heel / vnde vör-
 den se na Riga / Also worden de Lodeschen
 entfettet / vnde de Schwedesschen eres Ges-
 chüttes

schüttes berouet / welcks den keine grote gefahr
 gehat hadde / wen se men einen standt begrepen
 hadden / Wente de Schwedische Krygez äuer-
 ste Ake Bentzen / was mit synen Schwedis-
 schen tho der tydt wol so starck / also de Hertoch
 van Shurlandt mit synem Palschen hupen /
 Do hadden de Schwedischen ein groth vor-
 deel an dem Geschütte / welckes de Palschen
 nicht hadden. Geschehen Anno 1563. im
 Septembri.

Vp desäluiige tydt / also des Palen hupe
 im antage was / vnde des Schweden hupe
 vor Lode lach / Do kumpt ock ein trefflick hupe
 van Rüssen / etlike dusent starck / in desäluiige
 negen in de Wyke / erer Legation / de vorm jare
 in Dennemareken gereiset / vnde nu vp der
 wedderreise thor Arensborch angekamen
 was / entyegen. Do hebben de Rüssen mit bey-
 den hupen / so wol mit den Schwedischen / also
 mit dem Palschen sprake gehalten / ane jenni-
 ge anfechtunge / vnde sind darna mit erer stat-
 liken Legation / onuorhindert wech in ere Landt
 gestadet. Also legen de beiden Christliken Po-
 tentaten / de sicc des Lufflandes / wedder den
 Muscowiter / wedderümme angenamen had-
 den /

den/ aldar in Lyfflande in den Haren/ Auerst
de Erfffiendt ginct hyr syne vorby vnange-
fochten/ vnde lachede in de Buest.

Vp datsūluige mahl / alse des Paleis
Krygesuolck im antage vorhanden was/ vnd
de Schwedisschen noch vor Lode legen / do
schickede de Hertoch tho Churlandt / Godts
hardt Ketler/ etlike van synen Hanelūden vor
vth / na dem huse Leal / welckes nu ock alrede
Schwedissch was/ datsūluige thourrasschen-
de vnde inthouemende / vnde alse des Hertos-
gen hanelūde herangekamen weren / sind se
stracks vp dat Hus gereden/ vnde de Schwe-
den hebben nicht anders gemeinet/ sunder ydt
weren ere eigene Hanelūde / de vellichte vth
dem Leger vor Lode affgferdiget weren / A-
uerst darina sint se balde in vntyden waer ge-
worden / wenes Hanelūde ydt gewesen synt.
Also ys dat hus Leal domals vorrasschet ge-
worden.

Alse nu de gewesene Hermeister / edder
Hertoch tho Churlandt/ des huses Leal mecht-
tich was/ vnde datsūluige van synen Landen
gar wydt affgelegen/ vnde ock sunst keine Beste
vor gewalt was/ vnd he ock mit synem Kryges-
volcke:

Volcke/ des winters haluen wedder wech moste/
Hest he de vornageden Eddellūde vth der
Wylke/ de sich vp Desell vorheelden / vorschre-
uen/ dat se van Desel kamen/ vnde eres Heren
Hertoch Magni hus wedder innemen / vnde
besetten scholden / welckes denn ock geschach.
Darna auerst alse de Hermeister wech gewes-
sen ys/ Do sint de Schwedisschen wedderum-
me vor Leal gerucket/ vnde hebben eren willen
begaen / vnde den Adel vp dem Huse alle ge-
fangen/ vnde in Schweden geschicket/ Nōmlis-
ken / Diderick Farenbeck van Heymer /
Glaus Aderkas / Otto van Gilsen / Hinrich
Lhuc / Reynoldt Herckel / Jürgen Brel van
Konfer / Johan Farenbeck van Bdenkul/
vnde Jacob Euser/ welckere alle in Schwe-
den hebben leren möten/ wat vnglücke ys/ dar
se vorhen nicht groth van gewust hebben.

Alse de Hertoch van Churlandt/ mit sy-
nem Volcke/ de Parnow vor by tehen moste/
hadden sich etlike Schwedische knechte vth
der Parnow/ in de Wiltensse vnde büsche/ vp
de Biende tholurende/ vorsteken / Do kumpt ^{Her.}
Hinrich Burggraff van Dohn / mit etlikem
Volcke vor vth ridende / vnde hoedt sich dar
N ij nicht

nicht vör / dat de Schweden in dem Bussche
 liggen scholden / vnde wordt aldar / van einem
 Schwedischen knechte / vth dem Bussche ers
 schaten / welcker ys na Riga geföret / vnde dar
 begrauen worden / De Hertoch auerst van
 Shurlandt / vnde alle Knygesläde / hadden les
 uer alle den pryß / den se vor Yode erlanget /
 entbaren / alse dat se desüligen Heren van
 Dohne berouet werden scholden.

Anno 1563. im Septembri / ys ein gan
 tze flate Lubescher Schepe na der Narue gese
 gelt gar wolgemodet / Auerst vp der wedder
 reise wordt en de Noedt benamen / Wente vn
 der des dat se thor Narue losseden / vnde gudt
 wedder in nemen / wörden de Schweden mit
 12. Schepen ferdich / de Lubesschen van der
 Narue tho entfangende / vnde do se vnder dem
 hogen Lande thosamende quemen / wörden et
 like van den Lubesschen genamen / Auerst de
 meisten entquemen / vnde lepen wedderümme
 na der Narue.

Anno 1563. im Herueste / hefft Johan /
 ein vormeinter Graue van Art / des Hertoch
 gen van Finlandt vororderter Staedtholder
 auer de Pandthüser in Lyfflandt / dem Mus
 corw

corwiter em ein van densüligen Hüsern erff
 lich vorlenen / vnde en ock darbeneuen in synen
 beschut nemen scholde. Vnde hefft disse vn
 echte Graue synen vnderhöuetluden / de van
 disse vorrederne nichts wüsten / valschliken
 vorgegeuen / dat ere Here / Hertoch Johan / in
 syner gefenckenisse in Schweden vmmeges
 bracht were / vnde wolde se also mit velen vms
 meschweyffenden worden / tho solcker bösen
 daedt ock bereden vnde bewegen. Auerst alse
 men syne böse meininge vormercket / vnde der
 Rüssen ankumpst vornamen hefft / ys he
 stracks fangen genamen / vnde na Riga ges
 föret / dar he des Middewekens vor Wynnach
 ten / mit heten Tangen thoreten / vnde vp veer
 Rade ys gelecht worden / Welcker sunst vele
 guder gauen / vnde ein groth ansehent / van
 wegen syner Knygeserfaringe by mennichlis
 ken hadde / wen he men solckes in demoedt had
 de thom besten wenden willen / Auerst do he
 sich süuest vorheuen / vnde vor den yennen
 vthgeuen wolde / de he nichten was / hefft he
 vallen vnde tho schanden werden möten.

Anno 1564. in dem Winter / hefft Her
 Hinrich Claussen / Ridder tho Kanckas / nye
 R iij erwel

erwelter Krygesäuerste der Schweden in Lysflandt/dat huss Lode belegert/vnd dorch langwilige belegeringe/ane geschützte/erlanget vnde ingekregen.

Tho versüluiigen tydt/hefft sich ein Lysflendisch godtloß Buer vnde schlaue/vor einen Propheten Gades vthgegeuen/vnde sich by der wösten Kercken tho Küssel/in der Küssen Herschop erholden/vnde de anderen Buren auerredet/se scholden nicht mehr den Sonn dach/sundern den Donnerdach vnyren/vth orsaken/dat Godt einmahl were in grothen nöden gewesen/vnde hadde alle de dage in der Weten vomme hülp angevropen/dar was äuerst kein dach em mehr tho hülp gefamen/alse de Donnerdach alleine/welcher verhalten billich scholde hilliger gehalten werden/alse de anderen dage alle/Welches de einfoldigen Buren/nicht alleine an einem orde/sundern in dem ganzen Lysflande/allenthaluen gelouet hebben/bette in den hütigen dach.

Inruth ys wol thouornemende/wo de Lysflendische olde Herschop ere arme Buren tho Gades erkentnisse/vnd tho synem Worde gehalten hebben/vnde wo ock de Buren in den

Byff

Byff höuetstrücken der Christiken lere des Satechismi/van eren Pastoren vnderichtet/vnde van erer Auerichte dartho sint gehalten worden. Darümme hefft de Hussuader nicht ane orsake/van den Lysflendischen hussholderen/nu einmahl rekenschop förderen willen.

Anno 1564. im Decembri/ys Christoffer/Marggrau tho Baden/mit synem Gemale/Frowe Cecilia/des Königes van Schweden Schwester/van Stockholm tho Keuel angevamen/vnde alse se spade negen de nacht vor Keuel/vp de reyde gefamen sint/hebben se sich in de Bysschermaye tho lande setten laten/vnde dar by einem Bysscher de nacht auer geherberget/des folgenden dages auerst/ys de Marggrau sampt synem Gemale/van den Keuelschen herlick vnde staetlick ingehalet worden/vnde alse se tho Keuel/vnde tho Pades/den Winter auer gelegen hadden/sint se negen den Bastelauent/dorch Lysflandt/wedder in ere Landt gereiset/Anno 1565.

Anno 1565. Des Sondages Quasimodogeniti, negen den mandach/in der Nacht/Is de Stadt Parnow/van etliken Haueläden/de

N iiii dem

dem Könige van Schweden vorhen gedes
net/ vnde nu affgedancket hadden/ vnde nicht
vullenkömlich betalet weren/ vorreedtliker wy
se vorrasschet/ vnde ingenamen worden/ Do
hebben desüluiigen Havelüde auer hundert
Schweden/ wedder allen minschliken affect
vnde barmherticheit/ ermördet/ vnde etlike by
eren Frouwen vnde Kindern im Bedde er
schaten vnde ersteken/ vnde den Stadtholder
Andres Perffen/ einem vornemesten van A
del vth Schweden/ im haue tho Audor gefan
gen/ vnde gefencklick in Palen geschicket/ Vnd
ys disse vorrederne also thogegaen. Alse de aff
gedanckeden Havelüde int Stifte Riga wech
getagen weren/ do sint noch etlike in der Par
now beliggende gebleuen / vnde de andern
im Stifte Riga / hebben mit densüluiigen/ de
noch thor Parnow gebleuen weren / gepracti
ceret/ wo se dat Stedeken vorrasschen/ vñ dem
Könige tho Schweden affhendich maken
möchten / vnde hebben den Havelüden in der
Parnow heimlick thoentbaden/ se scholden gu
de achtlinge geuen/ by weme/ vnd wor de schlö
tel tho der negesten Poerten/ by dem Schlote/
in vorwaringe gehalten worden / vnde dat se
mit

mit allem flyte darna arbeideden/ dat se desül
uigen ein mahl gewisse bekamen mochten / so
wolden se vp eine bestemmede tydt / in der
Nacht / vngesümet vnde gewisse by en syn.
Vnde alse de vorreders in der Parnow vor
namen hadden / dat de Schlötel by Glaus
Zinte/ einem Radtmanne darsüluest / in vor
waringe weren / vnde alle Nacht an synem
Bedde hengende plegen / hebben se by demsül
uigen Radtmanne Glaus Zinte/welcker van
differ böuerne nichts wuste/ ein Gastebodt/ vp
den Sondach *Quasimodogeniti*, alse tho einem
Valet vnde verdelage / angerichtet / vnde de
vornemesten thor Parnow / vnde de Schwes
dissen befehlich hebbes/ tho Gaste geladen/
vnde se wol getracteret / alse de solckes mit dem
halse dier genoech wedder betalen scholden.
Derhaluen alse nu de Weerdt des huses/ vnd
de andern Geste wol bezehet weren / ys ein
yder in syn Losament gegaen / hefft sich tho
Bedde gelecht/ vnde sich keins bösen vormodet.
Auerst den andern Judas gesellen was kein
drunck noch schlaep tho mode/ sundern weren
mit allem flyte na den Schlöteln vthe / de an
des Weerdes bedde hengeden / vp dat se de

andern Geste vnd ere Consorten/ de yegen de Nacht darhen bescheiden weren / mit behendicheit inlaten mochten. Also se nu de Schlötel wech hadden/ vñ de andern Hauelüde/ de densüluigen Sondach 12. mylen / van der Saalis bette thor Parnow gereden hadden / vorhanden weren / hebben desüluigen Schlötel deue de Porte geäpent / vnde ere guden fründe intehen laten. Do ys dar ein grüwlich allerm in der Parnow geworden / vnd de lüde sint vth dem schlape vpgesaren / vnde hebben nicht gewust / wat dar vorhanden gewesen ys / Do hebben de frömbden Geste allen Düdeschen thogeropen / se scholden stille vnde unbekümmert syn / en scholde kein leydt wedderfaren / Auerst der Schweden wolden se nicht vorschonen. Also nu de Schweden solches vornamen / hebben se mit den grauen stücken vam Schlate dar manck gebrandt / vnde erer vele / sampt dem Ritmeister / Gort vam Ende / etnen vam Adel vth Nyssen / erschaten / dartho hebben se ock Bür vam Schlate in de Stadt geschaten / vnde vele Häuser angesticket / hebben sich ock noch söß ganze Weken / beth an den Pingestauent / vp dem Schlate erholden / vnde

de Darna / deswyle de Köninck van Schweden wedder Dennemarcken tho Belde lach / vnde se nicht so balde entfetten konde / hebben se sich ock ergeuen möten. Also ys de Parnow / sampt velem geschütte / dat vth Schweden darhen gebracht was / dem Könige van Schweden affhendich gemaket worden. Darna sint de desüluigen Parnowsschen Hauelüde ock / na Keuel gerücket / vnde sich dre mylen van der Stadt / thor Todtwes brugge / gelegert / vnde dar süluest eine tydtlanck gelegen / vnde dat Landt vmmeher geschümet / vnd grothen schaden gedahn / Vnderwohlen sint se ock in der morgenstunde vor Keuel gekamen / vnde scher müzelinge gehalten / beth so lange dat Andres Nyssen / ein Schwedischer Ritmeister / mit 600. Hauelüden / vnde mit einer fane Knechte / vth Schweden angekamen / Do sint se wedderümme na der Parnow tho rügge geweken / mehr hülpe thoerweruende / vnde sich thosterckende.

Anno 1565. den 10. Augusti / vor midt dage / sint desüluigen Parnowsschen Hauelüde wedder vor Keuel gekamen / vnde hebben sich thor äuersten Mölen in dem Eyckholte gelegert /

legert/ mit 4. fanen Havelüden/ vnde mit 27. Landesknechten/ de Stadt Keuel vth tho hungere. De Ritmeisters sint gewesen/ Hinrich Düker van Kow / Ziriarius van Hartz/ Bernth van Höuelen vñ Frederick Schwartzhoff/ des sint dar noch twe jungen Fanen gewesen / welkerer Havelüde ouerster gewesen ys Casper van Oldenbockem. Vnder disen veer Fanen/ ys eine der Güresschen Eddellüde Fane gewesen / welkere Hertoch Magnus van Holstein in Schurlandt vth gerüstet hadde / Vnde sint disse 4. Fanen / mit sampt der jungen Fanen/ vngeschrlick by 1000. Peerden stark gewesen. Disse dusent Havelüde / vnde 27. Landesknechte / wolden den Köninc van Schweden vth dem Lande nagen / hebben derwegen de Stadt Keuel belegert/ dar auer achte hundert Havelüde/ van Düdeschen vnde Schweden/ vnde dre fenlin Knechte/ ane de ganze Gemeine/ binnen gewesen. Also nu de gemelten Havelüde herankamen sint / hebben se sich thor auersten Molen im Eyckholte gelegert/ vnde ere Losemente van bredern vnde balken gebuwet / vnde ere bedde fin weeck vps gekloppet / ere Röre an de Wandt gehenget/ vnde

vnde siracks angefangen tho Schlachten/ gerade also weren se tho einer Lyfflendischen köste/ edder Kindelbeer / gekamen / vnde wolden so de herlike vaste Stadt Keuel winnen/ de einem grothmechtigen Potentaten / mit velen Dusenden/ thogewinnende möne geuen scholde. Also disse Krygeslüde den Conauenth angekamen weren / vnde sich gar weeck gebeddet hadden / sint se den negestfolgenden mandach des morgens fro/ dorch Her Hinrich Claussen Gubernatoren / in vntynen vpgewecket worden / Wowol de Schwedischen ock temeliken schaden geleden hebben. Vnde also desüluigen Parnowsschen vnde Schureschen Havelüde wech geschlagen weren / Do sint de Schwedischen tho plunderende inth leger gefallen/ vnde hebben dar vele Röre/ siluerne Dolcke/ vnde beschlagene Behren / vnde allerley rüstunge / an der Wandt hengende gefunden/ Dartho vele Peerde / vnde vth dermaten vele Güressche vnde Lettische rüstwagen / mit allerley nodtrofft beladen / angetrossen / vnde hadden sich nu ganz seker vpon de plunderinge gelecht/ In deme so wendet sich Hinrich Düker / mit syner Fane alleine van dem hupen wech/

Dat Driidde deel

wech / vnde begent eine kōne daedt / vnde set-
 tet wedder inth leger / vp dat he de 27. Landes-
 knechte / vth der āuersten Mōlen erredden
 mochte / vnde also he inth leger quam / vnde de
 Schwediffchen gantz seker vp der plunderinge
 fanth / hefft he tho en ingesettet / vnde erer āuer
 hundert erschaten vnde neddergelecht / darna
 hefft he de Knechte vth der Mōlen erreddet /
 vnde sint daruan gehulpen / mit grother ge-
 fahr. Vnde also de Parnowffchen vnde Gūres-
 schen Hauerlūde dith alles vthgerichtet had-
 den / vnde daruan weren / Do hebben de
 Schwediffchen Krygeslūde dat leger ersten
 recht geplundert / vnde grothe būte darinne er-
 langet / vnde de gemeine arbeideslūde hadden
 genoech tho schlepende mit den geschlachten
 Ossen / Schapen vnde Schwynen / darmit
 sich de Burffe hadde frōlich maken willen /
 Auerst Her Hinrich Claussen was en ein bō-
 se gast / de en de frōkost altho balde vorhinder-
 de. Darnach hadden der Heren Peerde ge-
 noech mit den Parnowffchen vnd Schurffchen
 hauerlūden thodonde / dat se de na groten Bur-
 kulen schlepeden. Casper van Oldenbockem /
 ere Krygesāuerste / vs tho der tydt dar nicht
 mit

mit by gewesen / welcker den folgenden Dins-
 gesdach / noch mit 60. Peerden ankamen
 scholde.

Na solcker Victoria / hefft Her Hinrich
 Claussen sich nicht lange gesūmet / sunder vs
 stracks mit synem Krygesuolcke inth Belt ge-
 rucket / de Biende wyder thouorfolgende / vnde
 hefft sich im Dorpe Sippa gelegert / vnd also
 de Parnowffchen angekamen weren / vnd des
 vordelshaluen dat Her Hinrich Claussen in-
 gehat / nicht dryste ansetten dorsten / hebben de
 Schweden ein Beltstück vnder se affgahn las-
 ten / vnde eren Krygesāuersten / Casper van
 Oldenbockem allein / vnde sunst keine mehr ge-
 drapen / Darūme also ere hōuet vnde Prin-
 cipal erschaten vnde vmmekamen was / hefft
 de gantz vorsammelinghe der geledematen sich
 ock van ein ander begeuen mōten. Also hefft
 disse riddermetige Krych einen ende gewun-
 nen / Welckeres Kryges de grūndlike orsake
 gewesen vs / dat de Schwediffche regenten / als
 se nye Hussholders / van Gade erwelet / de ol-
 den Hussholders vnde Ordensheren / de ere
 Ampt nicht recht vorgestahn hadden / begun-
 den affthosettende / Van welckern olden Hus-
 holde

holdern Gasper van Oldenbockem / ock einer
 gewesen ys / vnde alse he van den Schwedisch-
 schen affgesetzt was / hefft he syn leidt wreden /
 vnde sich süluest wedder int Ampt setten wil-
 len / Derwegen hefft he einen hupen junger
 Lyfflender vam Adel / vnde etlike van Börger
 kinderen vth Keuel / vnde andern örden mehr /
 sampt erem Anhange van den Bihlendern
 vorsammelt / vnde vpgespraken / dat se ere olde
 Lyfflendische fryghett (hadde schynr gesecht ei-
 gen willicheit) de se by der olden Herschop / ane
 yennige vpsicht / gehat hadden / vordegedin-
 gen / vnde de Schwedische Herschop / de sich
 des Regimentes / vnd der vpsicht / alse ein recht
 Husuader / wat ernsthaftiger angenamen
 hadde / vth dem Lande vordryuen / vnde de
 Stadt Keuel vnder sich bringen / vnde de
 Landtgüder vnder sich deelen / vnde dar van
 Dominieren mochten / gelyck alse de Parnow-
 schen Haulüde gedahn hedden / ane yennigen
 fruchten der hogen Auerrichett. Auerrst ydt ys
 kein Radt / Narren vpon Eyer tho settende / wens-
 te se thobrecken se / gelyck alse de Parnowsschen
 haulüde mit der Parnow gedahn hebben.
 Ydt were auerrst wol better gewesen / dat disse
 guden

guden Krynge slüde (hedde ock schynr gesecht *per-
 turbatores patriæ*) de sake wat beth betrachtet /
 vnde sich tho dem Könige van Schweden ge-
 schlagen / vnde de auerrigen Lande winnen vnd
 beschütten hulpen hadden / welcker mit grother
 gefahr syner Köninckliken Erfflender / sich vth
 Christliker leue des armen Lyfflandes ange-
 namen hefft. Auerrst dewyle se dem rechten /
 van Gade gegeuenen / Vader des Vaderlan-
 des / nicht hebben gehorsam syn willen / möten
 se nu dem Steffuader / dem Muscoviter ge-
 horsamen / de de eigenwilligen Kinder wat beth
 tüchtigen kan / alse de rechte Vater gedahn
 hefft.

Anno 1565. im Sommer / sint alle Dä-
 deschen van Dörpte / thom Andern mahle / in
 de Muscov vorföret geworden / Vth disen
 orsaken / dat de Rüssen vornamen hadden /
 dat de Stadt Parnow dorch der Dädeschen
 list also behende vorraden worden were / Der-
 wegen se sich befrüchteten / dat ene van den
 Dädeschen tho Dörpte / solkes ock wedder
 fahren mochte / deme se by tyden vo. kamen
 wolden.

Anno 1565. Im Herueste / Sint vele
 D Paro

Parnowsschen Hauelude in erem Vorchleger van den Schwedisschen vorrasschet / vnde mit grothem prale tho Keuel ingebracht / vnder welckeren etlike beschlagen sint / de wedder den Köninck tho Schweden nicht tho denende sich vorschreuen / vnde de tydt nicht vthgehouden hadden / van welckeren etlike loß gebeden / etlike vpgenget / twe äuerst vā Adel / alse Jürgen Duue van Hackewende / vnd Stmar van der Rōpe / mit dem Schwerde gerichtet sint.

Anno 1566. im Winter / hefft Her Hinrich Claussen / mit sinem Krygesuolcke / de Parnow belegert / vnde ane Geschütte / dorch eine langwilige belegeringe / syn gelücke vnde heyl daran vorsōken willen / Vnd also he den Winter äuer / beth in de Mitfasten / daruōr gelegen hadde / vnde ane Geschütte nichts vthrichten konde / hefft he vngeschaffet wedder daruan afftehen möten / Welckes de Parnowsschen Lande vmmicher hebben entgelden möten.

Darna ys Her Hinrich Claussen mit synem Krygesuolcke vp Desel gerücket / welcker Landt vorhen van keinem Kryge wuste / vnde hefft darsülige gantz vorheret / dat Fleck Arensborch gebrandtschattet / vnd darna wedder

der affgetagen / mit einem grothen roue. De orsake äuerst / worümme Her Hinrich Claussen / Desel auertagen hefft / ys nicht alleine gewesen / dat ydt ein äpentlick Krych twisschen Dennemarc vnde Schweden was / sunder dat Hertoch Magnus ock eine fane Hauelude / neuenst den Parnowsschen / vor Keuel gehat hadde / vnde de Arensbörger vorhen ein mahl brandtschattinge thogesecht / vnde nicht gehalten hadden.

Middeler wyle / alse de Schweden vp Desel roueden vnde branden / Do ys de Palissche hupe / de de Parnow entsetten scholde / hersangedrungen / vnde alse se vornamen hadden / dat de Schweden vor der Parnow wech / vnd vp Desel geuallen weren / sint se den Schwedisschen entyegen gerücket / vnde hebben en ein groth deel van der büte affgenaget / vnd in der Wyke allenthaluen grothen schaden gedahn / vnd also wedderümme in Palen gereiset.

Anno 1566. Im vörnar / hefft sich de Sucht der Pestilentie / de den vorgangenen Heruest angefangen hadde / wedderümme tho Keuel vormercken laten / vnd nicht alleine in der Stadt / sunder ock binnen Landes allent

haluen gewöte / vnde sint vele benömede lüde /
de vor der Sucht tho Lande geweken weren /
daranne beuallen. Tho der süluigen tydt sint
ock vele Schwedische Krygeslüde vp deme
Dome gestoruen.

Anno 1567. Im Winter / hefft Claus
Kürffel / de nye erwelte Krygesäuerste der
Schwedischen in Lyfflandt / sich ock bewysen
willen / vnde ys mit synem Krygesuolcke vp
Lemsel / dar ydel Palen tho der tydt legen /
forthgerücket / vnde hefft de Palen tho Lemsel
gar meisterliken vorrasschet / erer etlike erschla-
gen / vnde ein statlike büte van Peerden vnde
allerley roeffgude erlanget / vnde darna dat
herlike Fleck Lemsel in de grundt vorbrendt /
vnde daruan getagen / Welcker spot vnd scha-
de den Palen sehr vordraten hefft. Derwe-
gen hefft Nicolaus Tolwentky / der Palen
Krygesäuerste / sich mit synem Krygesuolcke /
van Düdeschen vnd Palen / wedderümme ge-
stercket / vnde mit etliken Dusennt mann sich int
Velt begeuen / den spot vnde schaden tho Lem-
sel erleden / an den Schwedischen wedder
tho wrekende. Do hebben sich Her Hinrich
Claussen / Subernator tho Reuel / vnd Claus
Kurf

Kurffel Krygesäuerste / mit dem Krygesuol-
cke ock dapper gerüstet / den Palen thobeyege-
nende / vnd sich int Velt begeuen. Also nu de
beyden hupen tho Velde weren / sint se by der
Mölen tho Runaser / vp der Wyckschen gren-
ze / thosamende getroffen / vnde ene schlachtin-
ge mit einander gehalten. Vnde also se nu etli-
ke mahl an einander gesettet hadden / vnd de
Palen den Schweden mit volcke äuerlegen
weren / hebben de Palen de Schweden in de
Flucht gebracht / vnde de Victoria erlanget /
Do sint alle Schwedische hanelüde geflagen /
in einem depen Schne / vnde hebben alle de
Schwedischen vnde Düdeschen Landes-
knechte in der drüppen steken laten / de vor dem
depen Schne nergendt hen flegen konden /
Do hebben de Palen den Schwedischen ha-
uelüden erslick na genlet / erer vele in der
flucht erschlagen / vnd gefangen / vnde ys ock
thor süluigen tydt / Johan Mandel van der
Wollust Ritmeister / gefangen worden / vnd de
Äuersten sint mit nouwer noedt / dar van ge-
kamen. Do sint de Schwedischen vnde Dü-
deschen Knechte äuel daranne gewesen / de by
Winter dagen in depen Schne sich nergen

vorbergen konden / dar de Palen manck schö-
ten vnde schlögen / vnde de meisten gefangen
nemen / Welckere alle / sampt eren Haueläden
vnde Fenrichen / in Palen by hupen gedreuen
wörden. De Düdeschen Knechte äuerst der
Stadt Keuel / hadden eines Buren hoff thom
vordele ingekregen / dar de Palen Grossge-
schütte vor brochten / vnd dar manck schöten /
Do hebben se sich alle ergeuen möten / Welcke-
re neuent den Schwedischen knechten alle in
Palen vnde in Littouwen vorsöret worden
sint / Vnd hebben ock de Palen der Stadt Ke-
uel Fenlin / neuent den Schwedischen wech
gekregen / vñ na der Wilda / tho einem Trium-
phe geföret. In dissier Schlachtinge hebben
de Schweden / mit den erschlagenen vnde ge-
fangenen thosamende / äuer 2000. mann ge-
misset / ock sint der Palen nicht weintich geble-
uen. Geschehen Anno 1567. den 3. Februarij.
Na solcker Victoria hebben de Palen in der
Wyck vnde in Harrigen / bette vor Keuel / ge-
rouet vnde gebrandt / vnd grothen schaden ge-
dahn. Disse schlachtinge vnde Kasbalgent der
beiden Christliken Potentaten / ys nemande
thodrechliker gewesen / alse dem Muscoviter /
wel

welcker se vnder sich wol hefft kempen laten /
beth so lange se alle beide möde gewesen sint /
do hefft he syne gelegenheit affgesehen / vnd de
Brudt / dar se sich vmmere gereten hadden / van
der bane geföret.

Anno 1567. In der Pingest weken / hefft
Kotkewitz / ein Littouwischer Boywode / de
Stadt Riga mit vele dusent Palen / vnde Lit-
touuern / belegeren willen / ys vor Riga
gerücket / vnde hefft Blockhäuser an de Dü-
na / dar de Rigestschen Schepe voräuer lopen
möten / geschlagen / de Rigestschen dardorch tho
dwingende / syne conditiones vnde vorschlege
anthonemende / Äuerst de Rigestschen hebben
synen schreck vnde drouwent nicht groth ge-
achtet / sint tho em vthgefallen / vnde hebben
em den Kop wol beden dorst / Thom lesten alse
he an den Rigestschen nichts hebben konde / ys
he daruan getagen / vnde hefft nichts mehr
vthgerichtet / alse dat he arme lüde binnen lan-
des makede.

Anno 1567. Vmmere Pingesten / ys ein
erschrecklike Nordt tho Upsal in Schweden /
dorch Köninck Erich begahn / Welcker den
Grauen / Schwanto Stuer / mit synen beiden
D iij Söns /

Söns/ Heren Nicolaus vnde Erich/ vnde andere Ridders vnde Eddellüde mehr / wedder alle recht vnde billicheit/ heimlikē hefft ermorden vnde vmmēbringen laten / Welckerer Tragedien Jürgen Perffen/ des Königes Secretarius/ ein orsake vnde anstifter gewesen ys/ Welcker de gemelte Heren by dem Könige valschlick betichtiget/ vnde angegeuen hadde/ dat se sich wedder den Köninck scholden thosamende vorbunden vnde conspireret hebben. Na solcker daedt ys de Köninck im höuede vorworen geworden / vnde alse he wedder tho sich süluest gekamen was / hefft he ydt enie sehr geruwet / vnde in solcker ruwe ys he bewagen worden/ synen Her Broder/ Hertoch Johan/ der gefenckenisse tho erleddigende.

W. Anno 1568. op Lichtnissen dach/ ys ein Düdesche Schip tho Keuel angekamen / dar ock Düdesch Frouwen vppe weren / Welckes ein wunder in Lyfflandt ys / Wente vppe de tyd plecht de Winter dar am aller heftigsten tho syn/ vnde solckes ys vorhen nūwerle gehört worden/ Worümme auerst dith Schip also buten tydes tho Keuel gekamen ys / hefft disse orsake/ dat de Denesschen vnde Lubeschen

Orlas

Orlage schepe/ dartho de Danker Frybüter/ by Sommer vnd heruest dagen gewaldich in der See legen/ de den Keuelschen/ vnde allen Schwedisschen/ de thosocr vorhinderden/ der wegen hebben de Koeplüde buten tydes / ere neringe söken möten mit grother gefahr.

In demsüligen Boryare darna/ sint de Danker Frygbüter/ mit twelff Schepen wol gerüstet/ vor Keuel gekamen/ vnd achter Narageden sich vor Ancker gelecht / de farth na der Narue so wol/ alse na Keuel / van wegen des Königes tho Palen / thovorhinderende. Disse Frygbüter hebben van der Stadt Keuel brandtschattinge gefordert / Auerst men hefft en nictes tho willen gewust. Do se nu fast den haluen Sommer vor Keuel gepancketeret / vnd lezlick de kundtschop gekregen hadden/ dat des Königes van Schweden Schepen vorhanden weren/ hebben se sich wedder na Danzke gemaket / De Schwedisschen Schepen auerst sint en nagesolget / beth op de rende vor Danzke / vnde hebben erer etlike wech gekregen. Alse nu de Schwedisschen Schepen de Frygbüter also gestouet hadden / sint desüligen Schepen/ 18. starck / tho Keuel op de rende

D v geka

gekamen / vnde ein Radt tho Keuel hefft den Ammeral mit etliken vetten Ossen / vnd mit Wyne vnd Beere vorehret.

Anno 1568. vp Jacobi / sint desüluigen Schepe mit Claus Kurffel / dem Knygesäuersten / na der Sonnenborch vp Desel gelopen / dat süluiige Hus thobekrygende / Welcker hus vorhen eine schöne Beste gewesen ys / äuerst dorch Christoffer Walckerdorp / den Deneschen Stadtholder vp der Arensborch / forch thouorne herunder gereten / vnde vorbrandt geworden / Welckes den Arensbörgern dar na geruwet hefft / Derwegen hebben se dat süluiige hus Sonenborch wedder vpbuuen willen / vnde ock alrede etliker maten beuestiget / vnde mit etlikem Volcke besetzt / vnde einen Doempapen van Habsel / Reynoldt Ezoie genömet / tho einem Höuetmanne darup vorordenet. Äuerst alse de Schweden mit den 18. Schepen tho Water / vnd etlike Knygeslüde tho Lande herandrungen / ys dem Reynoldt Ezoien so angeest vnd bange geworden / dat he dat Hus den Schweden stracks vpgegeuen hefft / welckere ydt darna wedder vor gewalt beuestiget hebben.

Anno 1568. im Julio / hefft Ericus de 14. Köninck tho Schweden / etlick bylager geholden mit syner Concubinen Catharina / welckere eines gar geringen mannes Dochter gewesen ys.

Vp desüluiige tydt hefft de Köninck ock syne Süster / Fröwlin Sophia / dem Hertoch Magno van Sassen vnd Engern / vormelet / vnde hebben vp einen dach thogelike hochtydt gehalten / Do moste eines vorachteden knechtes Dochter / bauen eines Köninckes Dochter sitten vnd gahn / Welckes des Köninckes Bröderen / Hertoch Johan vnd Hertoch Carolo / sehr gespittet vnd vordraten hefft / dat ere Broder de Köninck / erer Fründtschop / der Krone tho Schweden / vnd allen ehrliken geschlechtern / solcken spot vnd vorkleinunge angedahn hadde. Derhaluen se ock vp der hochtydt nicht hebben erschynen willen / sundern sück mit einander vorbunden / solcke schmahait an erem Broder / dem Köninck / tho wrekende. Maken sück derwegen twe der vornemesten Ridder in Schweden / alse Heren Steno Erichsen / erer Moder broder / vnde Heren Thur Balcken / des ermordeden Grauen

Schwanto dochter mann anhengich. Do
toch Hertoch Carolus na Wattstein / vnde
frech dat Hus vnuormercket in / darna heb-
ben se ock des Königes Krygesuolck / dat
wedder Dennemarcken tho veide gelegen had-
de / an sich gebracht / vnd mit dem Könige tho
Dennemarcken einen stillestandt gemaket /
Darna sint se mit demsäluiigen Krygesuolcke
Stockholme wat neger gerücket / vnd des Kö-
niges havelüde / vnd truwen deners / hebben
sich na gerade vth Stockholme heimlich tho
den beyden Hertogen vortaren. Do begunde
dem Köninck Erich dat höuet kruess tho wer-
dende. Vnd alse de beyden Heren nu mit dem
ganzhen hupen heran dringende quemen / hefft
Köninck Erich / sampt Jürgen Perssen / vp
dem Torne der dre Kronen gestahn / vnd den
hupen angesehen / Do hefft Jürgen Perssen
tho dem Könige gesecht / Gnedigster Herr
Köninck / wen J. K. M. mynem rade geuolget
were / vnd hadde dem Hertoch Johan / alse he
in vnser gewalt was / den Kop vor de Bote leg-
gen laten / So hedde he vns nu nicht belegeren
können / darup de Köninck geantwerdet hefft /
Jürgen / du sechst wat.

Alse

Alse nu Stockholm etlike weken belegert
gewesen was / hebben de Börger den Hertog
gen de Stadt vppgegeuen / vp S. Michaelis
dach / Anno 1568. vnde alse se darin getagen
waren / Do ys Her Steno Erichsen / der Her-
togen moder Broder / in dem rumore / vth bes-
uele des Königes / van einem Drauanten
ersteken wordē / Vnd de Köninck hefft sich dem
Hertoch Carolo / synem jüngsten Broder / er-
geuen / vnd vnmme eine Könincklike gefencke-
nisse gebeden. Diffe Tragedia ys billich antho-
merkende / dat solck ein grothmechtiger Po-
tentate / syner Maiestet / ehre vnde gewalt / in
so forter tydt / wedder alle vormodinge yenni-
ges vngeluckes / berouet ys geworden. Welckes
van Gade allen Potentaten vnde Geweldi-
gen thom Exempel vnd warninge vör de ogen
gestellet ys / dardorch se vormanet werden /
dat se erer van Gade gegeuenen gewalt vnd
macht / nicht misbruken / edder sich altho sehr
erheuen / noch vorbolgen werden schölen.

In der belegeringe der Stadt Stock-
holm / hebben de Krygeslüde / beyde Schwe-
den vnde Dädeschen / vp den Jürgen Perssen
sehr geschulden / vnd en vor einen anstifter
alles

alles vnglucket vthgeropen / vnd de Hertogen
 so wol / alse de Knygeslude / hebben en heruth
 thoauerantwerdende begeret / Thom lesten
hefft en de Kōninc āuer antwerdet / vorhapen
de / dat de twist dardorch scholde vpgheauen
vnd bygelecht werden. Alse nu Jürgen Pers
sen ene thogestellet vnde āuergegeuen was /
hefft he gesecht / he were sich ehr vormoden ge
wesen / dat de Hemmel vallen scholde / ehr Kō
ninc Erich vallen / vnd he van dem Kōninge
also vorlaten werden scholde / vnd hefft einen
yderen mit allem ernste vormanet / dat he ein
Exempel van em nemen / vnd sich mehr vp
Godt / alse vp Kōninge vnd Försten hilde vor
laten scholde / vnde scholde nicht doen / alse he
gedan hadde / de mannigen vnschuldigen
minschen / van wegen synes Heren / belediget
hadde. Lezlich ys he / alse eyn vorreder / pertur
bator patriæ, dodtschleger / Ehebreker / vnd eyn
deeff / thom dode vorordeldt / vnd vp 4. rade ge
lecht worden. Also hefft dyse böse vorgifftige
Worm / de mannich moder kindt / heymli
cken vnd apenbahr / vnuorschulder saken / ja
merliken hefft vmmbringen laten / vnd velen
an Luff vnd gude gewalt vnd vnrecht gedahn /
 syn

syn rechte lohn gekregen. Vnde na dem Kō
 ninc Erich gefangen / vnd alle tumult gestil
 let was / ys Hertoch Johan van des Rykes
Stenden / tho einem Kōninge āuer Schweden
wedder erwelet worden.

Anno 1568. vp Bartholomei / sint de
 Schwedischen Knygeslude vth Keuel na der
 Wyke gerucket / den Parnowsschen haelū
 den / de ane vnderlath in Harrigen vnde in der
 Wyck stroffeden / vnde de armen Buren vor
 dōruen / tho beyegenende / Do worden de
 Schwedischen van den Parnowsschen vor
 rasschet / vnde vp de flucht geschlagen / doch
 nicht ane beyder sydes schaden. Do wort ock
 der Parnowsschen Ritmeister Hinrich Dūker
van Kowe / erschaten / vnde ein Schwedischer
Ritmeister / mit namen Hans Boy / gefan
gen / Auerst de Fane der Harrischen Eddels
lude hefft den grōtesten schaden geleden.

Denselūigen Heruest darna hebben de
 Parnowsschen sich wedder gerüstet / de Schwe
 dischen wyder tho vorfolgende / Auerst de
 Schwedischen / dewyle ydt in Schweden sel
 sam tho stundt / hebben mit den Parnow
 sschen einen stillstandt gemaket / Vnde alse disse
 still

stillstandt vullentagen was / sint de Parnowf-
schen mit der süluigen rüftung in dat Musco-
witische gebede / na Wyrlant / gerücket / vnde
hebben dat süluige Landt dorch gestroffet / vnde
etlike Rüssen dar vorrasschet / erschlagen vnd
gefangen / vnd dat herlike olde fleck / Wesen-
berch / gantz vnd gar in de grundt vorbrandt /
vnd darna mit grothem roeffgude sich wedder
na der Parnow vordöget. Also nu de Hauclü-
de vth Wyrlant wech weren / do hebben der
armen Wyresschen Buren etlike / de den Dü-
deschen thogefallen weren / in der häpeninge /
dat ydt mit ene einen langen bestandt gewin-
nen scholde / wedderümme dat lach betalen
möten / Wente des süluigen sint mit vnerhörder
marter vnd pine / van den Rüssen vmmege-
bracht worden.

Vnne des süluige tydt / quam Nyls Dob-
beler / ein gemein befehlich hebber / äuerst ge-
schwinde van anschlegen / vth Schweden / van
Köninck Johan affgeserdiget / dat he dat Hus
tho Keuel vorrasschen / vnd innemen / vnd den
Gubernatorn Heren Hinrich Claussen / ge-
fangen nemen / vnde na Stockholm vören
scholde / Äuerst Her Hinrich Claussen / also ein
older

older vorschmitzter Krygesmann / wuste sich in
solcken handeln wol vorthoschende / vormer-
ckede balde den anschlach des Nyls Dobbe-
lers / vnd quam dem vor / vnd Kreck den Nyls
gefangen / dede em äuerst kein leydt / dewyle he
vornam / dat ydt des Köninges befehl was.
De orsake äuerst / worümme de Köninck dat
Schlot tho Keuel hefft willen vorrasschen las-
ten / ys disse gewesen. Dewyle Her Hinrich
Claussen / Gubernator tho Keuel / by Köninck
Erich in groter gnaden / Äuerst by dem itigen
Köninck Johan wedderümme in groten vngna-
den was / hefft sich Köninck Johan besorget / dat
he em dat hus tho Keuel so lichelick nicht auer-
geuen / sondern Köninck Eriche thom besten er-
holden wörde / Äuerst also Her Gabriel Chris-
tiernsen / de nye Gubernator tho Keuel ange-
kamen was / hefft Her Hinrich Claussen / dem
süluigen dat hus tho Keuel gantz willich inge-
rümet / vnd ys dar van in Finlandt getagen.

Anno 1569. In der Vasten / hebben Joh-
han Duue / vnd Elert Kruse / beyde Lyfflen-
dische Eddellüde / vnde des Muscowiter's ge-
schwarne (welckere de Muscowiter / den an-
dern Dudeschen tho lockuö gelen gesettet / vnde
mit Förstlicker ehre vnd Titel begauet hadde)

an den Radt tho Keuel geschreuen / vnd bege-
ret / dat se etlike vth erem middel na Wesen-
berch schicken wolden / Wente se en etwes vor-
thogeuende hadden / dar der Stadt Keuel /
vnd dem ganken Lande / hoch vnd mercklich
an gelegen were / Darup sint twe vth dem Ra-
de / nömlich / Conradus Dellinckhusen Syn-
dicus / vnd Fredrick Sandstede / ein Rades-
uorwanter / na Wesenberch affgeserdigt / ere
vorgeuent vnd meininge anthohörende. Vnde
alse se darhen gekamen sint / hebben gemelte
Johan Duue / vnd Elert Kruse / den Keuels-
schen gesanten dith vorgegeuen. Dewyle Kö-
ninc Erich / ere Here / gefangen were / vnd se
nu des Endes loß weren / So scholden se nu des
Landes so wol / alse ere eigen heil vnd wolfart /
betrachten / vnd sich vmmen einen Düdeschen
Heren vmmesehen / den süligen Heren / sampt
dem Lande vnd der Stadt / wolde de Keiser
vnde Herßcher aller Rüssen in syne beschüt-
tinge nemen / vnd vor alles weme vordegedin-
gen / vnd wen se solches deden / so würde de Kei-
ser vnd Grothförste de Stadt Keuel hoch be-
gnaden / vnd solcke eine Koepstadt daruth ma-
ken / alse keine Stadt an der ganken Dsische
were /

were / Vnd vele dinges mehr / wat se hümmer
hebben erdencken können / tho erem vornemes-
de denßlick / vnd dem Muscoviter främlich /
hebben se den Gesanten mit allem flyte vnde
ernste vorgeholden. Alse äuerst de Gesanten
van Keuel / ere meininge vnd vorgeuent an ge-
höret hadden / hebben se solches op ere Oides-
sten vnd op de Gemeine geschauen / vnd en vpt
förderlikste ein antwerdt tho thoschryuende
gelauet. Na vorrichtinge disser handelinge /
hebben se de Gesanten van Keuel tho gaste
geladen / vnd se gar wol getracteret / vnd etlike
staetlike Boyaren hebben mit äuer disse geses-
ten / vnd sich ganz fründlich yegen de Keuels-
schen angestellet. Vnde worwol dat Fleisch
ethent in der Basten / by den Rüssen ein grü-
wel ys / vnde se solches in keinem wege dülden
edder ansehen mögen / so hefft men dennoch hie-
in der Basten ock fleisch gespysset / vnd de Rüssen
hebben sich nicht mercken laten / dat ene solches
tho wedderen were. Welches alles men dar-
ümme geschach / dat se de Düdeschen / dorch
solcke frygheit des frahes deste lichtliker tho
sich locken wolden. Äuer dem disse / so wol
alse vorhen / hebben vorgemelte Johan Duue /
P ii vnd

vnd Elert Kruse/ by erem Ende/ vnde by erem
 dele des Hemmelrykes / sick hoch vormeten/
dat se der Stadt Keuel / vnde dem ganken
Lyfflande/ erem leuen Vaderlande / van her-
ten gewagen weren / vnde ydt sehr gudt dar
mit myneden. Auerst wo gudt se ydt mit Lyff-
 lande/ vnde mit der Stadt Keuel / gemeinet
 hebben / dewyle se de Stadt/ sampt mehr an-
 dern Lyfflendischen Steden vnde Landen/
 vnder des Muscoviters Zoek bringen wol-
 den / kan ein yder vornufftiger minsche by sick
 wol bedencken vnd affnemen. Auer dem dische
 hebben se sick ock fründtlick angestellet / dem
 Heren Syndico grothe ehre vnde Titel gege-
 uen/ vnde den Heren Frederick Sandsteden
 van syner ansehnliken persone/ geschicklicheit
 vnde Gauen haluen vor einen jungen Man/
 sehr gerömet/ auerst ydt weren ydel rencke vnd
 stricke / dar men de Keuelschen mede vangen
 wolde/ auerst wat se vnder solckem rome/ vnde
 fründtliker vnderredinge / gesocht hebben / dat
 hefft en Godt loff/ bette her tho / noch mit Ke-
 uel geseielt. Des andern dages auerst/ nemen
 de Gesanten eren affscheidt/ vnd reiseden wed-
 der na huf.

Anno

Anno 1569. den 9. Julij/ vp einen Cons-
 auent gar frö / sint des Königes van Den-
 nemarcken / vnd der Lubeschen frygeschepe/
 auer dörtich starck / vor Keuel vp de reyde ge-
 kamen/ do hefft sick de denessche Ammiral/ per
 Munc/ mit synem grothen Schepe in de Ha-
 ue gegeben/ vnd gewaldich van sick geschaten/
 dar van Kugeln van 34. punden/ in S. Dloffs
 Torne/ bauen de Klocken geslagen sint / vnde
 hefft de Haue ganz vnd gar gespolieret/ vnde
 auer dörtich Schepe van Koepfarth / etlike
 halff / etlike heel geladen / mit allerley Rüsse-
 scher wahre/ vnder welckeren der Lubeschen ei-
 gen Schepe van Koepfarth mit gewesen sint/
 wech gekregen / dartho vele Schwedischer
 Schuten / mit erer ladinge/ vp de reyde gesö-
 ret/ geplündert vnd vorbrandt. Des hebben
 se ock twe van des Rades schepen/ de des vörts-
 gen jares den Denesschen Koeplüden / vp der
 Naruiffchen farth / genamen weren / in de
 grundt vorbrandt. Vnde wem de gemelten
 Dicnde sick by der Koppel an dat Landt geset-
 tet hadden/ ehr se vp de reyde quemen/ hadden
 se de Stadt Keuel ganz lichtlick vorrassen
 vnd innemen können / wente ydt was ein gar

P iij Neues

Neuelich wedder / dat men nichts van sich se-
hen konde / vnd keinem Menschen in der Stadt
was ydt bewust / dat de Viende so na vorhan-
den weren / derwegen alle Poerten der Stadt
des morgens gar frö allewege geäpent wör-
den. Vp datsüluike mahl / alse de Viende vp
der reyde / des wedderwerdigen windes hal-
uen / ganze 13. dage stille legen / sint vele Sche-
pe vth Schweden / in sunderheit van Gesseln /
mit Kopper geladen / tho Keuel gekamen / vnd
hebben van der Denesschen vnde Lubeschen
flate gar nichts gewust / welckere ock alle sint
genamen worden / vnde alle Koeplüde / de vp
den Schepen gefangen worden / hebben sich /
ein yder na vormöge / rankunen / vnd de ran-
kuninge vth Keuel halen möten. Do ge-
schach den Keuelschen / vnd andern frömbden
Koepläden kein geringe schade. Vnde stünden
tho der tydt de Keuelschen Koeplüde vp dem
Kosen garden / vnd segen eren schaden an / mit
grothem hertelende vnde Bemode / ock sach de
Hauc tho Keuel nicht anders vth / alse eine
bedröuete Moder / de erer Kinder berouet
ys.

Densüluiigen Sonauent / alse de Hauc also
ge

geplundert was / vnd de Denesschen vnde Lu-
beschen Schepe sich vor Keuel / vp de reyde /
vor Ancker gesettet hedden / hefft ein Raedt
van Keuel an den Ammeral geschicket / vnde
einen stillestandt beth vp den andern dach / an
den Middach / begeret / vnd ock erlanget. Vol-
gendes dages vp einen Sondach / welcker
was de 10. Julij / hebben de van Keuel groff
geschütte in de schanke vp den Rosengarden
gebracht / vnd mit den Vienden / welckere mit
eren Schepen ock wat neger heran gerückt
waren / schermutzelinge gehalten / Do hefft de
eine tho dem andern mit allem ernste in ge-
schaten / Vnde wowol de Viende sehr van sich
schöten / vnd schyr all dat Volck vth der Stadt
an dem strande / vnde vp dem Rosengarden
stündt / so hebben se doch keinen minschen vorle-
zet / edder beschediget. Do se nu 13. dage vor Ke-
uel gelegen hadden / sint se mit dem roeffgude
dar van gelopen.

Vp densüluiigen Sondach / den 10. Julij /
alse de Schepe also vor Keuel schermutzelin-
ge gehalten hadden / ys Johannes 3. erwelter
Köninck tho Schweden / tho Bpsal gekrönet
worden / Hic gloria sequitur humiliationem. swente

de frame Förste/we gedacht ys/ys in solck eine
vorfolginge geraden gewesen / dat yderman
gemeynet hefft / ydt were nu alle mit eme vhe/
äuerst Godt hefft dat gelücke gewendet / vnde
syne lasterers tho schanden gemaket.

Vmme desäluike tydt / ys de gefangene
Köninck Erich ganz äuel getracteret worden/
van einem Schwedischen Ridder / Dlauius
Gustaffsen genömet / welckeres broder de ge-
melte Köninck ock hedde vnmbringen laten/
darümme he den gefangenen Köninck hefft ers-
scheten wülen / vnde also he op en loef gedru-
cket hadde/ys em de Köninck entsprungen/vnd
wort dennoch dorch einen Arm geschaten /
welckes solck einer Köninckliken persone ein sel-
sam gericht gewesen ys.

Anno 1570. den 7. Januarij/hefft Claus
Kurssel Krygesäuerste der Schwedischen in
Lyfflandt / mit synen Ritmeistren Jürgen
Uxel van Vadenurm / Johan Mandel van
der Vollust / vnd Hinrich Bowfman / vnde
mit andern befehlich hebbren vnd haueläden
mehr / dat Könincklike hufz tho Keuel vorras-
schet vnd ingenamen/vnd den Gubernatoren
Heren Gabriel Christiernsen / sampt syner
Frou

Frouwen vnd Kindern/darup gefangen/wel-
ckes der Stadt Keuel / vnde allen Schweden
in Lyfflandt / nicht einen geringen schreck gege-
uen hefft. Also nu solckes op einen Sonaent
geschehen was/hefft ein Raedt tho Keuel den
volgenden Sondach frö morgens an se geschic-
ket vnde fragen laten/Vth wat orsaken se dat
Könincklike Schlot vnd veste also vorrasschet/
vnde ingenamen hadden / Darup se solckes
thor antwortt gegeuen hebben / Se hadden
nu eine lange tydt ere besoldinge van dem Ky-
se tho Schweden gemisset / vnde wovol se ge-
nochsam darümme gespraken / vnde ere befeh-
lich hebbers vnde gesanten / an den Köninck
offtmals affgertiget hadden / so hadden se
doch nichts erlanget / tho deme weren se ock
andern lüden schuldich / vnd worden van den
säluiigen sehr gedrungen / derhaluen weren se
gedrungen worden/dat Schlot / also tho einem
Vnderpande / inthonemende / wen se nu ere be-
talinge tho vuller aenöge bekamen hadden / so
wolden se dem Köninge dat hufz nicht vorent-
holden / ock keinem andern Heren vpdra-
gen. :

Deswyle auerst Her Gabriel Christiernsen
P v sen/

fen in der yle tho dem gelde keinen Raedt wu-
 ste/hefft he sich mit Claus Kurffel/ vnd den an-
 dern befehlichs hebbem/ vnde haneläden vor-
 dragen / vnde desäluiige vordracht ys vp bey-
 den syden vorsegelt vnd vordreuet geworden/
 also ludende/ Dat Claus Kurffel/ sampt sineu
Ritmeistern vnde gemeinen Haneläden/ dat
Schlot Keuel/ mit allen thogehörigen landen
vnd läden/ verwaldē scholde/ beih an den negeft
volgenden Dingesten / vp des Köninges wy-
deren beschelot/ des scholde Her Gabriel/ sampt
synem gesinde vnde Schwedischen Landes
knechten/ van dem huse sich in de Stadt/ vnde
vp den Doem begeuen / middeley wyle schol-
den se vp beyden parten mit hande vnd mun-
de stille holden/ vnd keiner den andern schelden
edder beledigen.

Den 4. Februarij / sint des Hertoch
 Magni van Holstein breue an den Raedt tho
 Keuel/ vnd an Claus Kurffel gekamen / dar-
 inne he ein geleyde vor syne Legaten begeret
 hefft / Auerst ein Raedt van Keuel hefft em
 kein geleyde thoschryuen willen / vth den orsa-
 len / dat Her Gabriel Christiensen / alse ein
 Gubernator van wegen des Köninges/ dar
 ock

ock nicht vmine angelanget was / vnde ein
 Raedt ane synem consent vnde willen nichts
 dohn wolde. Claus Kurffel auerst hefft des
 Hertoch Magni Legaten nicht alleine geleyde
 thogeschryuen / sundern hefft ock den Legaten
 auer 100. Perde/beth tho Leal entjegen geschi-
 cket/ vnde se gar herlich entfangen/ vnde beth
 tho Brnurm / dre myle wegēs van Keuel/ be-
 leiden laten. Auerst ein Raedt vnde gemeine
 wolden se / vth gemelten orsaken / nicht in de
 Stadt steden / Welckes den Hertoch Magni
 nicht weinlich vordraten hefft. Thom lesten/
 hefft Claus Kurffel/ mit dem Hertoch Magni
 gepracticeret / dat he van synen Düdeschen
 Knechten 200. van der Arensborch / vp dat
 Hus tho Keuel bekamen mochte / welckes ein
 de Hertoch tho gesecht hadde / Wen auerst de-
 säluigen vp dat Hus gekamen weren/ so hadde
 ydt seltsam mit Keuel vthgesehen / van wegen
 des geleydes / vnd der grothen ehre vnde reue-
 rentz / den Legaten ane vorwilliginge des Gu-
 bernatoren ertöget. Vnde disser 200. Knechte
 haluen / hefft sich Claus Kurffel mit synen
 Consorten / nicht weinlich einer mäterye vor-
 dechtich gemaket / Derwegen de Schweden

Dat Drüdde deel

vororsaket geworden / ere bestes ock tho gebrus-
kende / vnd den knechten den wech tho vnder-
nemende / dat se vp dat Hus tho Keuel nicht
kamen scholden.

Do schreuen de Düdeschen van Dörpte
an de van Keuel / se scholden nu mit allem flyte
daranne syn / dat se vth dem Schwedischen
Zocke kamen mochten / welcks se en van herten
wünscheden. Hyr wolden de blinden de sehene
de leyden / Wente de Dörpteschen weren sül-
uest / mit des Muscowiters Zocke vnd vnmeti-
gen schwarer denckbarkeit beladen / vnd schol-
den billich van Gade nichts leuers vp Erden
gewünschet hebben / alse dat se dat Christlick
Zock / dar de van Keuel vnder weren / ock had-
den erlanget. Dith schryuent äuerst ys der
Dörpteschen eigen nicht gewesen / sundern des
Johan Duuen / vnde Elert Krusen / welckere
beyden de Börger tho Dörpte dartho ange-
reiket hebben / vp dat se de Stadt Keuel ock
vnder des Muscowiters gewalt bringen
mochten / Wente disse gemelte Johan Duue /
vnde Elert Kruse / beyde Lyfflendische Eddel-
lude / weren des Muscowiters geschwarne /
welcker se tho Knefen vnde Försten gemaket /
vnd

vnd mit grothen güdern begauet hadde / dar-
ümme dat se mehr van den Lyfflendischen lan-
den vnde Steden / vnder den Grothförsten lo-
cken vnde bringen scholden / derhaluen se sich in
den saken nicht weinich hebben gebruken la-
ten / Desgeliken hefft ock Hertoch Magnus
van Holstein / an de van Keuel geschreuen / vns
de se dardorch thom affalle bewegen willen /
Äuerst de van Keuel hebben sich in keinem we-
ge willen bewegen laten.

Anno 1570. In der Vasten / Is Hertoch
Magnus van Holstein tho dem Rüssen geta-
gen / vnde vp den grönen Donnerdach tho
Dörpte erstlick angekamen / dar he ganke ach-
te weken stille gelegen / vnde den Donnerdach
na Pingesten na der Muscow vorrucket / dar
he sampt synem hoffgesinde ys gar staetlich
entfangen / getracteret vnde begauet worden.
Dat sich äuerst solck eines hochlöffliken vnde
Christliken Königes Söne / also gedemödt-
get / vnde by deme Erssiende / deme Muscowi-
ter / tho flucht gesocht hefft / dat van keinem
Düdeschen Försten thourne van Ewichheit
her nicht gehöret ys / des hefft men anders ne-
mande tho danckende / alse den Lyfflendischen
Res

Keden/ vnde deme Hoffprediger/ Christiano
Schroepfer/ de deme guden Heren solkes tho
doende/ mit allem flyte geraden hebben. Aise
 nu Hertoch Magnus in der Muscow was/
 hefft en de Grothförste vor einen Köninck in
 Lyfflandt/ vthropen laten/ vnd em tho wolges
 falle vnd ehren/ alle gefangene Dädeschen/ de
 lange tydt gefencklick geseten hadden/ losz ge
 geuen. Vnde efft wol den armen gefangenen
 solkes eine grothe gnade gewesen ys/ so lach
 doch dar ein groth Fosß vnder begrauen. Wen
 te dorch disse ehre/ dem Dädeschen Försten ers
 töget/ vnde dorch de erleddiginge der Dädes
 schen vth der gefenckenisse/ gedachte he de äues
 rigen Stede vnde Lande/ sampt velen dusent
 Dädeschen/ wedder tho fangende/ vnde int
 strick tho kringende/ Auerst dorch Gades gna
 de/ hebben de Keuelschen disse list vnde practi
 ca wol vorstahn/ derhaluen hebben se noch
 thor tydt by em nicht gelden willen.

Anno 1570. vpon einen stillen Frydach in
 der Nacht/ hebben de Schweden dat Schloth
 tho Keuel/ behende vnde wunderbarliker wy
 se/ dem Claus Kurffel wedderümme gena
 men/ vnde den Claus Kurffel/ sampt synem
 Bro

Broder Hinrich Kurffel den Lutenanten/ vnde
 de Jürgen Brel van Padenurm Ritmeister/
 vnde vele andere van Adel/ vnde gemeinen
 haueläden darup gefangen/ vnd ock etlike ders
 süluigen in dem rumore erschaten. Do wort
 dar ein groth Allerm vpon dem huse tho Keuel/
 Claus Kurffel/ vnd syne consorten/ vören vth
 dem schlape/ vnde wusten nicht wat dar vor
 handen was/ vnd etlike/ do se vnraedt vorne
 men/ sint dorch vnflidige löcher henunder nas
 tet vnd bloedt gesprungen/ vnd also dar van
 gelopen/ vnder welckeren ock Jürgen Farense
 beck van Nelffy/ des Claus Kurffel Süster
 Söne/ gewesen ys/ vnde hefft sich diß spil also
 thogedragen.

Na dem Claus Kurffel vnd syne consor
 ten/ nu ein gewaldich Hus vnde Beste inne
 hadden/ dar sunst eines gewaldigen Könin
 ges macht wol hadde vor affsadeln möten/
 dar se sich vpon vorleten/ vnde ganz seker wör
 den/ insunderheit äuerst dewyle de vordracht
 vpperichtet was/ gedachten se/ ydt wörde nu
 bette tho Pingesten keine gefahr mit ene heb
 ben/ Derwegen hebben se sich lästlich gemaket/
 gefreten vnde gesapen/ vnde vth grother seker
 heit

heit twe Fane hanelude / mit den Ritmeisters
 Johan Mandel / vnd Hinrich Borsman / tho
 Lande geschicket / dat se dar manck den Buren
 liggen scholden / vp dat se den Vorradt des hu
 ses nicht vorteren mochten / Do hefft Nyls
 Dobbeler / der Schwedischen knechte Hēuets
 mann / ein junger Mann / van schlichter Ges
 bordt / auerst geschwinde van anschlegen / ge
 practiceret mit twen vorreders / de eine Ker
 sten Boltzke van Anklam / vnd de ander Lasz
 Siggesen genant / welckere mōrders vnde
 dodtschlegers alle beyde by dem Claus Kurssel
 im geleyde vnde beschüttinge weren / mit wel
 ckere beyden ydt also ys angerichtet gewesen /
 dat men ene etlick Gelt gegeuen hefft / vnd des
 wyle se beyde erke Dobbeler vnde spitzbouen
 weren / so scholden se sich nicht anders vormer
 cken laten / alse wen se dat Gelt mit Dobbelen
 de gewonnen hadden / vnde scholden datsülus
 ge flux thoudrne geuen / vnde insunderheit
 de Hanelude darup tho gaste laden / de de Ka
 mer by dem loche inne hedden / dar de Schwe
 den gedachten inthofingende / vppe dat desül
 uigen Hanelude mochten vul vp tho supende
 krygen / darmit se deste beth schlafen / vnd den
 tumult

tumult nicht hören möchten. Disse anschlach
 was sehr gudi / de vorreders geuen flux Gelt
 thom besten / vnde beden einen hupen Geste
 dartho / do ginc ydt dar an ein supent mit als
 len kresten. Alse se nu dune vnde vull weren /
 vnde alse schwyne legen vnde schlepen / do had
 den de Schweden ere saken in acht / vnde le
 ten sich dorch des Bisschops Hoff van Dome /
 mit einer ledder van Hennepen stricken ge
 flochten / langest der klippen tho selde werth
 henaff / vnd gingen buten langest der Klippen
 in wullen söcken bette vnder dat loch / na der
 schwarzen becke werck / dar Lasz Siggesen erer
 vorwachtete / Vnd alse se nu vnder dem loche
 weren / Do worp Lasz Siggesen einen langen
 schnoer van bauen herunder / vnde halede den
 einen ende van der Hennepen ledder van der
 erden henup / vnde bandt den dar bauen vaste
 an / Kersten Boltzke auerst de vorschloech dat
 gelach binnen huses allenthaluen / efft ock
 yemandes solckes hören edder vormercken
 möchte. Auerst Claus Kurssel / mit synen
 Consorten / lach vnde schleep ganz seker / vnde
 de Wacht des Huses was bestellet na der
 Stadt werck / daryegen was ock de Schwes
 D. disse

dische Wacht op dem Dome / ein spiegelsecht
 tent tho makende / gleichsfals bestellet / op dat
 de Schweden darhinden / tho velde wertz / eren
 willen deste beter beschaffen mochten. Alse nu
 keiner van des Kurssels gesinde vorhanden
 was / de van hinden tho sehen konde / Do sint
 de Schwedischen knechte langest der Henne-
 pen ledder / de eine na deme andern / gar hoch
 van der Erden / mit der hast henup gestegen /
 bette dat dar auer dre hundert Man henin
 gefamen sint / vnde hebben den stoek / dar alle
 vorraedt van profiande vnde Krygesmunis-
 tion was / ingenamen / vnde van dem Torne
 stracks de Schwedische losinge geschaten / de
 Börger in der Stadt / vnde op dem Dome /
 dardorch op tho weckende. Vnde alse de lose
 mit grauen stücken in der Nacht geschaten
 wordt / ys dar ein allerm in allen gassen der
 Stadt / vnde op dem Dome geworden / vnde
 niemandt wüste / wat dar vorhanden was /
 Dem Claus Kurssel / vnde synen Consorten /
 ys de moedt ock entfallen / vnd de Zechebroder /
 de dorch de vorreders weren wol getracteret
 worden / begunden sich thoworkrupende / auerst
 ydt halp nicht / Wente Nyls Dobbeler / de dat
 Geld

Geld tho der Zechen vorschaten hadde / begünde
 se mit langen Rören vnime dat Geld thoma-
 nende / vnde dewyle se kein Geld hadden / heb-
 ben se ere kleyder / hasen vnde Echo / Peerde
 vnde allerley rüstinge / thom vnderpande ge-
 laden / vnde sich dorch vnreine löcher henun-
 der gelaten / vnde de nicht wech kamen konden /
 de mosten thom deele mit dem halse / thom deele
 mit langer gefencknisse / de heche diuer genoech
 betalen. Auerst Nyls Dobbeler neuens synen
 Landesknechten / hefft syn vthgelechte Geld an
 golden Keden / siluern Dolcken / Sammet vn-
 de Syden / vnde an staetliken gorren / wol du-
 sent soldich wedder gefregen. Alse nu de Dü-
 deschen knechte vth der Stadt den Schweden
 tho hulpe quemen / vnde samptlick des Huses
 wedderümme mechtich weren / hebben se den
 Claus Kurssel / mit velen andern Lyfflendis-
 schen Junckern / gefangen genamen / vnde in
 vorwaringe gebracht / auerst den vthlendis-
 schen hefft men mehr gnade ertöget / van wel-
 ckeren de meisten / de dar borgen hebben gene-
 ten mögen / der siluigen gnade vnde grothet
 woldadt balde vorgeten hebben / Wente se sint
 also balde heimlick tho dem Muscowiter ge-
 D ij strecken /

strecken / vnde der Schweden ergeste viende geworden. Also ys dat geweldige Schlot tho Keuel / daran ein geweldiger Köninck mit syner Könickliken macht genoch tho dohnde hebben scholde / eräuert worden / doch also gewonnen / also gerunnen / dorch vorrasshent wordt ydt gewonnen / vnde dorch vorrasshent wordt ydt wedder vorlaren. Etliken Byflendischen Junckern / do se gehöret hebben / dat Glaus Kurssel dat Hus tho Keuel ersilich ingekregen hedde / ys dar so wol tho gewesen / dat se sich by nacht tyden dorch dat süluike loch hebben hen up tehen laten / vnde den Schweden den wech gewysset / vnde hebben so vele vornufft nicht by sich gehat / dat se dat loch darna hadden thomüren laten / Wen auerst solckes geschehen were / so hadde den Schweden disse anschlach wol geselet.

Alse de twe Fanen hanelüde / de binnen landes by den Buren vorstrouwet legen / hörden / dat de Schweden dat hus Keuel wedder ingekregen hadden / ys ydt en eine bedröuede tydinge gewesen / Wente erer vele hadden sich öffentlick vornemen laten / dat kein Schwede in ewicheit mehr op dem huse tho Keuel regeren

ren scholde. Desgeliken ys ydt Johan Duuen vnde Elerit Krusen / eine grothe schmerte vnde hertelendt gewesen. Do hebben de Hauclüde keinen betern Raedt gewust / alse dat se sich an hertoch Magnum / vnde an Johan Duuen / vnde Elerit Krusen schlögen / welckere en by dem Muscowiter vnderholdinge erlanget hebben / Vnde sint in Byrlandt / vumme Wesensberch her / in der Muscowiters gebede / manck de Buren int Borchleger gelecht worden / de se ein tydtlanck hebben vch holden vnde vöden möten.

Den 31. Maij / ys Glaus Kurssel tho Schlate vor dat Gerichte gestellet / vnde veler schwarer Artickel haluen am hefftigsten angeklaget worden / daryegen hefft he syne orsaken gar weemödigem antögen willen / auerst se sint alle vor vnerhefflich erkant worden. Do ys eme syne Sententz gefellet / vnd ys den 3. Junij / mit dem Schwerde gericht. Darna sint noch dre van synen Consorten / nömliken / Balthasar Heller syn Schryuer / Grahamholdt Düker / vnde Hinrich Hacke gericht / Vnde dre andere / alse Hinrich Kurssel / Jürgen Brel van Padenurm / vnd Ernst van

Bitinckhaue/sint gesencklich in Schweden ges
föret worden / dar se dorch gnedige vorbede
Hertoch Caroli begnadet / vnde am leuende
sint vorschonet worden. Disses grothen mütes
rye haluen/hadden na richtlikem Prozesse wol
mehr steruen möten / wen de Schwedischen
Regenten wraeck edder blodtyrich gewest
wären / Auerst se hebben Gnade vor recht ge
bruket / vnde dennoch weinich danck by dem
meisten hupen vordenet.

Tho dersüluigen tydt/sint de Schweden
na Leal gerucket/datsüluige huz/ welches dem
Glaus Kurssel van dem Könige tho Schwe
den vorlenet was/thobelegernde/ Vnde also se
nu etlike weken daruör gelegen/vnde eren Hö
uetman Nyls Dobbeler/sampt andern knech
ten mehr/daruör vorlaren hadden/ys ydt ene
thom latesten opgegeuen worden. Nicht lange
darna kamen etliken dusent Rüssen / sampt
den beyden vorlophenen Haneläden Fanen/
dat Huz tho entsettende / vnde do se vorne
men/dat er Toch vorgeues was / hebben se de
ganke Wyke dorch geströffet / vnde etlike
Schweden in den Häuen/sampt etliken van
Adel/erschlagen / vnde darna wedderümme
int

int Stifte Dörpte vnde in Wyrlant ge
rückt.

In dissem Sommer/Anno 1570. sint et
like Schepe der Danzker Frygbüter / vp dem
Naruischen fahr watter dorch de Engelschen
genamen/vnde na der Narue tho dem Rüssen
geföret worden / dar van auer 70. sint vpges
henget geworden / welcherer Capteinen einer
Ninus Zendrich gebeten hefft.

Den 18. Augusti/ vor middage / hebben
beyde Rüssen vnde Dudeschen in einem vnges
stümen regenhasstigen wedder / darinne se de
ganke Nacht gereden hedden/de Köne vor Res
uel/etlike hundert stücke/wech gedreuen/
vnde etlike Menschen vor der
Poerten erschlagen vnd
vorwundet.

¶ IIII Rorte

Korte beschryuinge der Ersten Mus-
cowitischen belegeringe der Stadt Ke-
uel in welkerer Hertoch Magnus
van Holstein/äuerster Zeit
here gewesen
1570.

Anno 1570. den 21. Au-
gusti / vp einen Mandach vor
middage / hefft Hertoch Mag-
nus van Holstein/de Stadt Ke-
uel belegert / mit 25000. Rüs-
sen / vnde erslick mit dre geschwath Hauellu-
den / vnde darna 15 Reynoldt van Rosen / vch
dem Stifte Riga / mit syner Fane dartho ge-
kamen / vnde ock ein Genlin düdescher Knechte
van der Arensborch.

Tho der sülutigen tydt 15 ock dat huz Wit-
tenstein / mit etliken dusent Rüssen / vnd mit ei-
nem geschwat Düdeschen / deren Ritmeister
Zürgen Tsenhusen van Kanden gewesen / be-
legert worden. Vnd alle Düdeschen vor Keuel
vnde Wittenstein / sint mehres deels Lyfflen-
dische Junckern / vnde etlike ock Börgerkinder
van

van Keuel / vnd andern ördern mehr / gewesen /
welckere alle ere Vaderlandt / vnder dem schine
des Hertoch Magni / dem Muscowiter / vch
grothen vnuerstande / hebben vpdragen wil-
len / so doch ein yder vorstendiger by sich süluen
wol ermeten vnde affnemen kan / dat de Mus-
cowiter solck eine geweldige Kringemacht / ei-
nem andern nicht thom besten vthrüsten wol-
de / sunder he wolde de handt mit dar manck
hebben.

Den 23. Augusti / hebben de Rüssen ei-
nen treffliken vordeel / alse nömlick S. Johans
hoff / sampt dem Spittale / vnde allen wanin-
gen van steinen gebuwet / vnde der Stadt gar
na gelegen / ingenamen / vnde hebben sich dar
in beschantzen willen. Do sint de Keuelschen
samtlich vch gefallen / vnde hebben de Rüssen
dorch grothe manheit / vnde mit grother möye
vnde arbeide / daruth geschlagen / vnde den ge-
melten Hoff / sampt dem Spittal / vnde S. Jo-
hans Mole / vnde alle de waningen / in de
grundt vorbrandt / vnde schlicht gemaket.

Den 29. Augusti / hefft Carl Hindrich-
sen van Konckas / de Schweden vam Schla-
te an de Rüssen geföret / erer etlike erschlagen /
D v vnde

vnde einen Boyaren dödlich vorwundet in
gehalet/vnde na dem Schlate gebracht.

Den 2. Septembris / heffe de Viendt
mehr Geschütte van der Narue gefregen/vnd
datsüluige alle thogelick/vth dem Leger van der
äuersten Molen / vp de Stadt loß geschaten/
äuerst keinen schaden gedahn.

Den 6. Septembris / hebben de Viende
eine Schute/darinne 42. Tunnen bottern ge
wesen / vnde van Stockholme gekamen was/
wech gefregen / vnde de Botter na dem Leger
geföret.

Tho differ thdt schreff Hertoch Magnus
einen apenen vorsegelden Bress
an de ganze Gemeine tho
Keuel/Ludende
wo folget.

Wegen vnser Magnussen
van Gades gnaden / Königes tho
Lyfflandt/der Estischen vnde Lettischen Lan
de Heren / Eruen tho Norwegen / Hertogen
tho Schleswynck / Holstein / Stormarn vnde
der Dethmarsschen/Grauen tho Oldenborch
vnde

vnde Delmenhorst / Allen in der Stadt Ke
uel wanende/so der gemeine Christenheit nutz
vnde framen / des bedrangenden vnde vorru
ckeden Lyfflandes bestes / frygheit vnde war
hafftige wolfarth söken / eren vnde aller erer
nakömlingen ewigen schaden / vnheil / vor
derff/vnderganck/vnde vele vnschüldich blode
vorgetent / vorhöden willen / thouormelden
de.

Na deme dith bedrouede vnde vorruckede
Lyfflandt van mannigerley Nation erbarm
lick tho reten / de beschwerde ingesetene vnde
arme Inwaner/mit hogem süchtende na einer
Düdeschen Christliken Auericheit / tho dem
Almechtigen geropen vnde geschrygen / So
hebben wy/ van ansange vnser Kegeringe ge
licksfals/tho der güdicheit Gades/omme mid
del vnde wege / dar dorch de armen Lande
wedderümme tho rechte mochten gebracht
werden/hertzlichen geschrygen / fast vele mid
del vorsocht vnde vor de handt genamen/ä
uerst dorch Gädlike vorhenckenisse / desülu
gen so vele Jar her nicht gefunden/beth so lan
ge de Keyser/Grot/förste/vnde Herscher aller
Rüssen/in dissem itzigen dage/ sich mit gegeues

nen Segelen vnde breuen / so wol als mit gewönliger Bekräftüßunge wegen vns / vth vn begryplicher Gades vorleninge / so gnedichliken erkleret / mit vns ock geschlaten / vns äuer alle de Lyfflande / tho einem Könige tho settende / woden E. K. M. vns daruör offentlich erkleret differ gestalt.

Dat de Grothförste vns alle de Lyfflande / entwedder dorch Gewalt / edder transaction lefern / demgeliken mit dem hilligen Römischen Rytze / wedder den Türcken / vnde alle Viende der Christenheit / sich vorbinden wil / äuer Lyfflandt schal keine Auerricht herrschen vnde regeren / vthgenamen wy / vnse Eruen / edder in mangeling der sülügen / de Krone tho Dennemarcken / edder vth dem Lande tho Holstein / erwichlick. Idt schal ock kein Rüsse macht hebben / in gantz Lyfflandt / tho Herrschende edder thogebedende / alleine dat de Keiser vnd Grothförste den namen eines Schutzheren hebben schal vnde wil / welcher by dem sülügen schutz syn gantz Keyserdohm / na ock synen Keyserliken Lyff vth tho settende Bekräftüßet / daruör schölen vnde willen wy em / dem Keiser vnd Grothfürsten / ein gar geringes vnd nicht

nicht danckwerdige erkentenisse thostellen / wo solches in schriften vorfatet vnde Bekräftüßet / Derwegen de Keyser vnde Grothförste tho vultöringe der Bekräftüßunge / vns voraff mit byhebbendem Krygesuolcke affgeserdiget / den Schwedischen viendt vth Lyfflande thouordryuende.

Dar nu de Stadt Keuel / we solches ock thoudrne an einen Raedt vnde Gemeine / schriftlick vnder vnser handt gelanget / sich in der güde vns / vnser Eruen / edder in mangeling der sülügen / der Krone tho Dennemarcken / edder dem Huse tho Holstein / vndergeuen wil / schal se nicht alleine by den olden Priuilegijs erholden / sundern tho Water vnd tho Lande so wol mehr örden / mit herrliken / thodrechliken / vnde ewigen nutz vnde erspretliken priuilegijs vormeret werden. Dar äuerst de Stadt Keuel dartho geneiget / ere vnde erer Kindeskinden heyl süluest söken willen / können wy güdtlike vnderhandelinge liden vnde dalden / willen ock de vnderhendeler mit genoechsamem Köninckliken gelende edder Gynselern vorsehen. Im falle äuerst Keuel tho erem ewigen schaden vnd nadele / vnderganck / vor

vorderff/ blodtuor geten vnde mordt/ lust vnde leue hefft/ So sy en vnuorborgen/ dat de Keyser vnde Grothförste syne ganze Keyserlike macht daran setten / se vorheren / vortwösten / vnde in ewige seruitut vnde densibarheit bringen werdt.

Vnde wy wünschen van dem Almechtigen nichts leuers / sunder dat de Keuelsen eren ewigen heyl/ gelücke vnde vnglücke / dem geliken dat se wedderümme tho erer olden gebörliken Auericheit kamen möchten / ingedenck syn vnde beherzigen/ vnde by sick ryplick bewegen/ tho wat grothen / treffliken frygheden/ tho Water vnde tho Lande / se geraden können/ vnde wo vnmögelick ydt sy/ dat se sick wedder den Keyser vnde Grothförsten / de se nicht alleine tho Sommer / sunder ock tho Winter tyden / ane alle vorhinderinge des Schweden / synes gefallens bekrygen vnde dwingen kan/ vnde wat men mit dem Schwedischen Könige im sinne hefft / schal he (effe Godt wil) nicht allein alhyr in Lyfflandt/ sondern ock in Finlandt/ vnd andern örden mehr erfahren.

Dat auerst de Lögengeister vohgesprengt/

get/ ydt scholde disse Krych dem Grothförsten thom besten geschehen / ys lutter vorsöringe/ lögen vnde bedregerne / daruör wy de Keuelsen willen Christliken gewarnet hebben/ vnde schölen ydt in forth de lögengeister mit erem blode betalen/ Dar ock alle Christlike warnunge nicht helpen scholden / willen wy vns alles künstigen vnheils/ vor dem leuen Gade vnde der ganzen Christenheit / entschuldiget hebben/ vnde wat se in dem gesinnet / begeren wy ein bestendich antwerdt. Tho steder faster holdinge obgeschreuerer puncte / hebben wy vns mit eigener Handt vnder schreuen / vnde vnse Secret wetenlick hyrunder op drucken laten.

Solcke vnde dergeliken Breue hefft Hertoch Magnus vor vnde na der tydt/ an den Radt vnde Gemeine tho Keuelenlike geschreuen/ Auerst eme so lichtliken nicht tho wilfarende/ hadde ein Radt vnde Gemeine manngerley bedencken. Erstlick / dat ydt sick chre vnde redelicheit haluen nicht gebören wolde/ solck eine Stadt/ ane noedt / vor Black vnde Papyr thouorgeuende. Thom andern/ dat de Keuelsen / dorch Gades gnade / des Musco

Muscowiters listige vnde geschwinde practi-
ken wat beter vorstahn hebben / also de gude
Here / mit synen Reden vnde anhangen. Wente
de Keuelschen hebben wol vormercket / dat
de Grothförste de Stadt Keuel tho erlangen
de / euen desülige practiken vnde geschwindi-
cheit / dorch den Hertoch Magnum gebroken
wolde / de syn Vader Basilius / in eräueringe
der Stadt / vnde des Förstendomes Schmo-
lensko / dorch den Försten Michael Lynskij / G
gebruket hefft.

Wente dewyle de Stadt Schmolensko /
samt dem Schlate / eine Veste vor gewalt
was / de de Muscowiter mit gewalt nicht ge-
winnen konde / wowol he syn gelücke / in eige-
ner persone / vnde ock dorch syn Kringeswolck
offemals daranne vorsocht hadde / So drecht
ydt sich doch einmahl tho / dem Grothförsten
tho gelücke / dat ein treffliker Förste / Michael
Lynskij genant / welckeres Förstendoem in der
yegen Schmolensko lach / vnde welckers Bro-
der Dochter de gemelte Grothförste van der
Muscow ock thor Frouwen hadde / van synem
Leenheren / dem Könige tho Palen / etliker or-
saken haluen affuellich geworden / vnde dem
Musco

Muscowiter thogetagen was / Welcker Mi-
chael Lynskij sich yegen dem Grothförsten
Basilio hedde vornemen laten / wen em de ge-
melte Grothförste / dat ganze Förstendohm /
samt der Stadt Schmolensko / erfflich vorle-
nen wolde / so wolde he Schmolensko van dem
Könige tho Palen wol affuellich maken / vnd
vnder des Grothförsten beschüttinge bringen /
Welckes dem Muscowiter ein angenehme denck
was / derwegen hefft he sich nicht lange be-
dacht / sunder dem gemelten Försten dat För-
stendohm / samt der Stadt Schmolensko /
erfflich vnde ewichlich vorlenet vnde thoge-
setzt. Michael Lynskij hefft nicht anders ge-
meinet / sunder he hadde nu einen gnedigen
Grothförsten / de em dat wol holden worde /
wat he em gelauet hedde / Rucktet derwegen mit
des Grothförsten Muscowitisschem Kringes-
wolcke vor Schmolensko / mit grothem schrecke
vnde drouwende / hefft ock darneuenst alle
kunst vnde rencke mit fründtliken worden ge-
bruket / bette dat he de Schmolensker darhen
bewagen hefft / dat se em / also erem Landes-
manne vnde inheimesschen Försten / de Veste
äuergeuen / vnde en vor einen Heren angenas
men

men hebben. Auerst alse Michael Lynsky me-
nede / de Stadt vnde Förstendohm thobehol-
dende / Do hefft des Grothförsten Knyges-
uolck beyde de Stadt vnde dat Förstendohm
besetzt / vnde den Försten Michael Lynsky
na der Muscow geföret / dar he sich entliken in
einer Förstiken gefenckenisse hefft dodt freten
möten. Also hefft de Muscowiter dorch solcke
rencke de Stadt Schmolensko / sampt dem
thogehörigen Förstendohm in de 100. mylen
lanck / erlanget / welches he vnde syne vorfaren
in hundert Jaren mit gewalt nicht hadden er-
langen können. Geschehen / Anno 1514.

Vp desülige wyse / hefft de Muscowiter
ock dorch Hertoch Magnus de Stadt Keuel
erlangen vnde bekamen willen. Wente des
wyle de Stadt Keuel eine geweldige Veste
ys / dar de Muscowiter an tynuelen moste /
wen he ock mit syner ganken macht daruor le-
ge / hefft he disse geschwindigkeit gebruket / dat
he Hertoch Magnum / de em gudtwillich tho-
getagen was / vor einen Köninck in Lyfflandt
öffentlick hefft vthropen laten / vp dat de Ke-
uelschen vnde andere örder mehr / em deste ehr-
thofallen scholden. Ock hefft ydt dem Musco-
witer

witer eine grothe höpeninge gemaket / dat vele
van dem Lyfflendischen Adel / vnd etlike Bör-
ger kinder / dem Hertoch Magno thogetagen
weren / Derwegen gedachte he / ydt wörde nu
nicht feylen / dat de Keuelschen den Lyfflendi-
schen düdeschen Köninck / vnd ere Landeslüde
nu stracks in laten vnde annemen wörden / ge-
lick alse de van Schmolensko gedahn hadden.
Wente de düdesche Köninck / vnde ere Landes-
lüde worden se darto wol bewegen. Wo deno-
ne ock neuensert Hertoch Magno / insunderheit
Johan Duue / Elert Kruse / Hinrich Borw-
mann / eines Radtmannes Söne van Ke-
uel / by vorlust des Hemmelrycks / vnde erer
Seelen heyl vnde salicheit / solckes vor Radt-
sam angesehen / vnde de Keuelschen mit man-
nigerley rencke vnde geschwindigkeit dartho
hebben bewegen willen / auerst hebben nichts
vthrichten mögen. Wente wen solckes vth-
vnuorstande geschehen were / dat men Hertoch
Magnum angenamen hadde / So hadde de
Rüsse de handt dar manck gehat / de Keuel-
schen weren aller Christliken Potentaten
schuttet berouet geworden / vnd ydt hadde mit
Keuel euen desülige gestalt gewinnen / de
X ii ydt

ndt mit Schmolentko gewonnen hefft. Querst
schlichte vnde dumme lude in Keuel konden
des Muscowiter geschwinde list wat beter vor-
mercken / also alle Muscowitische dudesche
Knesen / befryede Heren / vnde des Hertoch
Magni wysen Rede. Gade sy auerst loff / de
solckes den geweldigen vnd wysen Luden vor-
borgen / vnde den entfoldingen tho Keuel in dis-
ser belegeringe geapenbaret hefft / des sich nu
vele hochwysse schemen / vnde de einfoldingen
Keuelschen in ewicheit erfrouwen mogen.

Thom lesten also Hertoch Magnus / de
gude junge Here / gesehen hefft / dat he vorsoret
was / hefft he den Johan Duuen / vnde Clerck
Krusen / vnde syne Hoffrede mit harden wor-
den vthgeuilket / vnde vor lose vnde lichtferdige
lude geschulden / de dem einen Heren aff / vnde
dem andern thofellen / vnde ene ock tho dissem-
spele beredet hadden / vnder welckeren Chris-
tianus Schroepfer / syn Hoffprediger vnde
Radt / fast de Principal gewesen ys.

Den 16. Octobris / Is noch eine grothe
macht van Russen angekamen / Welckere de
Spristnicke genomet worden / welcker hupe
gruwliker vnde vele erger / also de vorigen / ge-
wötet

wötet vnde gedauet hebben / mit mordende / ro-
uende / vnde bernende / vnde vele lude / Eddel
vnde vneddel / so van den vorigen Russen vor-
schonet weren / hamerliken ermordet / vnde ere
Legier in der Tegel koppel vor Keuel geschla-
gen. Tho dersaluigen tydt / hebben de Keuel-
schen de Bisscherman / dar auer 200. Wanin-
gen ständen / angesticket vnde vorbrandt.

Anno 1570. In der belegeringe / vinnie
Martini / hefft sich eine erschrecklike Eucht / in
der Stadt Keuel erhauen / vnde den ganken
harden Winter auer / bette an dat vor Jar ge-
waret / an welckerer sucht vele Börger vth
allen Gilden / desgeliken vele Gefellen / junge
Knechte / Frouwen vnde Junckfrouwen / so ges-
schwinde / also in keiner Pestilencie / gestoruen
sint / vnde ydt was solck ein vorreedlike sucht /
dat se de Lude erer Sinne / vornufft vnde spra-
ke stracks berouede. Do wordt der Lysflender
floeck erfüllet. Wente in Lysflandt was dith
ein gemeine floeck / insunderheit by dem vnn
Adel / Dat dy aller welt plage besta. Desaluis
ge floeck ys Lysflandt / leyder dermaten be-
stahn / dat nicht eine plage tho erdercken de ys /
X iij dar

dar Lufflandt tho differ ydt nicht mede behafftet gewesen ys.

In derſüluiigen belegeringe negen Michaeſis ſint twe flate Köninckliker kriges Scheppe / de eine flate van Kalmeren / vnde de ander vth Finlandt / vor Keuel op de reyde gelasmen / de Stadt tho entſettende / welckere Scheppe ſo lange op der reyde gelegen hebben / bette dat alle Schuten vth Finlandt vnde Stockholm aff vnde tho ſegelden / vnde der Stadt Keuel allerley notrofft van prouiande vnde holte thoförden / vnde vnuorhindert in de Stadt bröchten / do was de Borch entſettet / vnde konde mit den frömbden geſten / de ſe gedachten dorch langwillige belegeringe tho vererende / wol vth holden. Tho der tydt geſchegen ane vnderlaeth vele ſchermühelinge mit den Vienden vth den Schepen / vnde vth der Stadt / welckere alle thobefchriuende vnmögellick.

Anno 1571. den 12. Januarij / ys noch ein hupe van Ruffen / mit grotem Geſchütte vnde Föermöſeren angeſamen / vnde hebben den 13. Januarij / negen de nacht / twiſchen S. Johans Mölen / vnde der kopper Mölen / in
groter

groter kälde geſchanket / vnde deſüluiige nacht angefangen in de Stadt tho ſchetende / vnde kugeln van 25. vnde 16. ock van 6. punden heym geſchaten / Auerſt hebben nicht vele lüde beſchediget / ſunder alleine einen Bäfſenſchütten op dem Walle / vnde twe ſchamele frouwen / beide lufflike Käſteren / in einem ſchöde op dem auen erſchaten.

Den 16. Januarij hefft de Ruffe eine andere Schanze vor der Lehmporten / op dem bleeckberge geſchlagen / daruth he Föerbelle vnde Fämelers in de Stadt geſchaten / vnde nicht ein huß edder einen minſchen beſchediget hefft.

Den 17. Januarij / hefft de Ruffe dat heerlike Spittal edder Pockenhuß / vor der groten ſtrandporten ingenamen / vnde etlick Geſchütte darin gebracht / vnde ſick darinne beſchanken willen / auerſt de Keuelſchen hebben em nicht lange friſt gegeben / ſint ſtracks den ſüluiigen dach mit gantzer macht vthgefallen / vnde hebben ſick mit den Vienden geſchlagen / Auerſt deſwyle de Ruffen ein groth vordeel an den groten waningen / dar eine ſtarcke Mür an der einen ſyden / vnd ein ſtarck planckwerck

van der andern syde vmmeher ginc/inne had-
den/daruth se grote wehre deden/vnde vele Ke-
uellschen beschedigeden / hebben de Keuellschen
wedderümme in de Stadt wyken möten/vnd
einen gefangenen Düdeschen mit sick inge-
bracht / Also se nu densüluiigen examineret/
vnde alle kundtschop van em wech hadden/
sint se stracks yegen den auent alle bundes wi-
se/thom andern male/wedder vthgefallen/vnd
hebben datßüluiige Pockenhuß gestormet / de
Viende mit gewalt daruth geschlagen / vnde
erer vele vmmegebracht / vnde dat huß ange-
sticket vnd schlicht gemaket.

Den 30. Januarij / hebben de Keuel-
schen de kercke in der vischer mane affgebrandt
vnde destrueret/worwol ane noedt.

Den 7. Februarij / hefft de Kasse auer
2000. Ehleden / mit roeffgude wol geladen/
vth dem leger in Küsslandt geschicket.

Den 22. Februarij / hefft de Kasse noch
eine Schantze op de reperbane/vor der groten
strandporten/ geschlagen/daruth he gruwli-
ker geschaten/vnd mehr Tümelers vnd Fier-
belle in de Stadt geworpen hefft / also vorhen/
hefft auerst nenen sündertliken schaden gedan/
sims

sunder alleine einen Büssenschütten op S.
Dleffs toerne/vnde einen Schwedischen lan-
desknecht / vnde ock einen haucknecht/vp dem
süster Walle/erschaten/vnd keinen Menschen
mehr beschediget.

Den 22. Februarij / sint Johan Fred-
richs/Hertogen tho Pameren/breue by nacht
tyden auer de Müer in de Stadt gebracht
worden / in welckeren de Hertoch de Keuel-
schen tröstede / vnde en tho schreff / dat erer mit
den besten vp dem dage tho Stettyn / dar bei-
de Potentaten / Schweden vnd Dennemarck
vordragen worden / gedacht were / dardorch
de Keuellschen einen frischen moed / in erem
Langwilligem bedrücke erlanget hebben.

Den 2. Martij / hebben de Viende dre
blockhäuser / vor der groten strandporten / by
dem kalckauen/tho einem schrecke vnd drouwe
geschlagen/dar se balde vth gedreuen/vnde de
balcken in de Stadt gebracht sint.

Den 5. Martij hebben de Keuellschen
den Viendt mit ernste vorsöken willen/sint an
tween enden vthgefallen / vnde mit den Viens-
den gesichermuzelt/do geschach den vienden an
dem einen orde vor der Lehmporten/ ein teme-
lick

lick affbroeck. Domals wörden erschaten / des Elert Krusen Söne / vnde einer van den Budtbröken vth dem Stifte Riga / vnde ein van den Brangeln van Tatters / vnd andere Biende mehr / beide Eddel vnd Vneddel. Tho differ tydt weren des Hertoch Magni Lysflendeschen havelüde gar keck vnd frendlich / als se wolden se de Keuelschen ganz vorschlingen / wenn se auerst solcke frendicheit wedder den Muscowiter aufercklick gebruket hadden / So hedden se ere Vaderlandt noch disse stunde wol beholden.

Des sint disse belegeringe auer vele mehr Schermäkel gehalten worden / insunderheit vnder S. Tonnes berge / by dem Gerichte / welckere alle tho beschriuede vnd dich / dar de krigeslüde / junge gesellen / huß knechte / vnd Zungen / mit hen tho gelopen sint / als thom danke / vnde efft wol solcks genochsam vorbaden was / so hebben se ydt doch nicht geachtet.

Den 16. Martij / hefft de Biendt syn leger angesticket / vnde ys in der morgenstunde dar van getagen / als he 30. weken / wetniger dre dage / vor Keuel gelegen hadde / welcker

dach

dach / tho einer ewigen gedechtenisse / in Keuel tho vnyrende vorordent ys. Vnd sint hyr Godt loff / alle rencke / anschlege / list / vnde geschwinde practiken des Muscowiters tho schanden geworden. Do sint de Rüssen den Naruischen wech / vnde de Dädeschen den wech na Wittenstein getagen / dar ock ein hupen Rüssen / mit einer Fane Dädeschen vor legen / vnd sint also beide leger / vor Keuel vnde Wittenstein vpgepraken / vnd mit spotte dar van getagen. Hertoch Magnus auerst hefft syn borchlager tho Duerpalen angeschlagen / vnd dewile Duerpalen alle de havelüde / nicht vor mochte tho vnderholdende / hebben se van dem Muscowiter im Stifte van Dörpte einen vnderholdt / by den buren erlanget. Vnd schölen in dissen beiden belegeringen / vor Keuel vnde Wittenstein / 9000. Rüssen gebleuen syn / welckere de Muscowitter / nicht vorgeues in de schantze gesettet hefft / wente he wolde ein part mit an Keuel vnd Wittenstein hebben / effte he wol den vorstendigen Dädeschen in Lysflande / de em thogefallen weren / solcks nicht hefft apenbaren willen.

Ydt ys auerst billich an thomerckende /

R vj

was

Das Dritte deel

wat Nyfflandt vor ein Landt ys / vnd wat ydt
wol vormach / wente wowol Harrigen kume
dat twintigste deel des Nyfflandes ys / vnde
mannichmal vorhen van dem Muscoviter
auertagen vnd vorheret ys / so hefft doch disse
einige ordt Landes so vele vormocht / dat he
auer 30000. man / Rüssen vnde Dudeschen
thosamende / welckere alle vnraedlick geteret
hebben / 30. welen lanck / mit foder vnd mahl /
gantz ricklick vthgeholden hefft / ane wat de
Viende noch by etliken dusent Schleden / mit
Korne vnde allerley roeffgude vul geladen /
neuenst etliken dusent höueden van Behe vnd
Perden / wech geföret hebben / vnd ys dennoch
genoechsam na gebleuen / dat beyde Edellüde
vnd buren gesecht hebben / se wolden den scha-
den nicht achten / wenn ydt dar men by blyuen
mochte.

Anno 1571. im Martio / ys de Rüsse ock
auer 3s in Finlandt gefallen / vnd hefft dar
groten schaden gedahn / mit mordende vnde
bernende / vnde hefft etlike dusent Menschen /
junc vnde oldt / wech in Rüslandt vnd Tater-
rien geföret.

In demseluigen vörjare / hebben sich de
Ru

Buren in Harrigen vnd Teruen / de van den
Vienden kale vnde bloed gemaket weren / by
hupen vorsammelt / vnd in Wyrlant welckes
dem Rüssen thohöret / etlike mahl na einander
gefallen / vnde den einen roeff na dem anderen
daruth gehalet / beth so lange se de schantze ein
mahl vorsegen / Wente alse de Rüssen van
Wesenberge vnde Narue vornamen hadden /
dat se wedderkamen wolden / hebben se sich ge-
stercket / vnde alse de Buren an quemen / vnde
des roues mehr alse der Vyende / waer nemen /
sint se van den Rüssen vorschnellet vnde auer
600. by der beke tho Muddes / yamerlicken er-
schlagen worden.

Anno 1571. den 24. Maii / vp Hemmels-
farths dach / hefft de Tater dem Muscoviter
syne Höuetstadt / de Muscow / gantz vthge-
brandt / in welckerem brande auer 40000. Hü-
ser / Heren häue / vnde waningen / sampt allen
Kercken vnde Spykeren / vnde in de dre mahl
hundert dusent Menschen / junc vnde oldt
vorschnöket vnde vmmekamen sint / vnde disse
brandt ys in dren stunden forth vnde gudt tho
gegahn. Wente alse de Tater tho 8. schleggen
vor middage / mit 40000. Mann angekamen
was /

was/onde dat Für darin gebracht hedde/Do was ydt vomme de flocke eluen tho middage alles klaer / Welckes hoch thouorwunderende ys/onde alle Menschen de de Muscow vorhen gesehen hebben/ vnde ock in dem brande dar binnen geweest / möten bekennen / Ben de Muscowiter de Stadt süluest mit flyte hadde anstücken vnde vorbernen willen / dat ydt eme vnmöglick gewesen were / in velen dagen alles so reine affthobernende / alse ydt dar in dren stunden geschehen was. Hyr ys dem Muscowiter wedder betalet / wat he dem Armen Lyfflande vnde Finlande / den Winter auer thouorne gedahn hadde.

Anno 1571. den 14. Junij / Is Zonas Offenbürger / Keyser's Maximilian 2. Legate / van Riga aff auer Water tho Keuel gekamen / vnde den 16. Junij op dem Radthuse gewesen / vnde de Keyserliken werue dem Rade tho Keuel entdeckt.

Na deme nu Hertoch Magnus van Keuel affgetagen was / vnde op Duerpalen sich vorheelt / vnde dat gebede Duerpalen sine Hauelüde alle / mit vullem halse vnde frake / na erer gewanheitt / ho vnderholdende nicht vor

vormochte / vnde ock kein Geldt dar vorhanden was / hebben se ock keinem andern Herren nicht thotehen döruen / hebben sich de Vyff Janen vordellet / Twe der süluigen Rithmeisters / nömlick Hans van Zeyk / vnde Reynoldt van Rosen / sint mit eren Janen int Stifte Dörpte / manck de Buren vorstrouwet geworden / vnde twe Rithmeisters / alse Johan Mandel van der Bollust / vnde Hinrich Borsman / sint mit eren Haueläden im Gebede Duerpalen / den Buren op den Hals gelecht worden / vnde Jürgen Zynshusen van Randen / hefft mit syner Jane sich in dem Wittenstenischen Gebede / im Dorpe tho Vbbagal gelegert / vnde dar vommeher geschümet / Do hefft de Gast / de den Wulff plecht vth dem Bussche tho jagende / de Duerpalschen Hauelüde ock na Keuel gedreuen / der Stadt Lynnewandt op den bleyckbergen / vnde dat Behe vor der Stadt / in der Wynde tho vorrasschende / Darmit Kales males Hembde auer dat Lyff / vnde ock wat tho freude frigen möchte. Do hebben se den 9. Julij / etlike stücke Lynnewandt / vnde etlike höuet Behes / vor Keuel erhasschet / vnde wech gedre

dreuen / Auerst de Börger / vnde de Landes-
knechte sint balde ferdich geworden / vnde
hebben en dat Behe/veer myle van der Stadt
in Delwicks Hauē/affgetaget / vnde de strö-
fers op de flucht gebracht / Darna ys Garll
Hindrichsen / ein gar junger Man / vnde ei-
nes Kidders Söne van Kaukas vth Fin-
landt/ mit 300. Schwedisschen knechten / in
Zeruen gerücket / de Duerpalschen Biende
wyder tho vorfolgende / vnde dörrch Busch
vnde Broeck op se genlet/ vnde hefft des Jür-
gen Zysenhusen van Kanden Fane / darun-
der fast alle Lyfflendische Junckern gewesen/
by nacht tyden / im Dorpe Vbbagal vor-
rasschet / vnde se samptliken alle erschlagen/
erwörget vnde in den katen vorbrandt / vnde
stadtelicke Bäte erlanget. Do wordt dem
Jürgen Zysenhusen wedder vorgulden vnd be-
talet/wat he mit sinen Haneläden/wedder syn
Vaderlandt begaen hadde / vnd dat he syne
Lyfflike Clüster / wedder alle bröderlicke leue
vnde affect / hadde im Sacke vorsöpen laten/
Darümme dat se einen Schryuer leefft gewun-
nen / sich mit eme vorsehen / vnde en tho der
Ehe begeret hadde.

U.
Fridricus Ka
marfor Junil
facinus roman
sit in sororum
Polyenam

Anno

Anno 1571. Im Sommer / yegen Jacob
bi / ys wedderümme eine hefftige vnde schar-
pe Sucht der Pestilencie tho Keuel / vnde
dörrch ganz Lyfflandt gewesen / vnde in der
Stadt Keuel hefft sich desülige Sucht / op
der Apoteken/ am aller ersten vormercken la-
ten / vnde darna sich in der ganken Stadt
vthgebredet / daranne vele Lüde Junck vnde
Oldt gestoruen sint. Vnde dewyle de Sucht
der Pestilencie op der Apoteken / dar alle Lü-
de trost/hülpe vnde *remedia* darhegen tho söken
plegen/sich erslick hefft vormercken laten / ys
ane *trouuel* solcks/ane sunderlicke Gades vor-
henckenisse/nicht geschehen. Wente Godt
der Allmechtige hefft dardörrch antögen wil-
len / dat de *remedia* in den dren Höuetplaa-
gen/ Nömlicken/ Pestilencie/ Krich/ vnde dü-
re tydt / dar Godt de vngheorsamen Lande
vnde Stede mede plecht tho straffende / nich-
tes gelden / vnde dat in solcken nöden keine
beterer *remedia* , vormöge Götlikes wordes/
gefunden werden / also Bote vnde heteringe/
vnde ein andechtich Gebedt tho Gade dem
Allmechtigen/vomme linderinge solcker straf-
se.

S

Anno

Anno 1571. den 21. Octobris / vp einen
 Condach / hefft Reynoldt van Kosen / de
 Muscowitische Ritmeister / synem Heren de
 Stadt Dörpte vorrasschen vnde affhendich
 maken willen / dorch anreikinge Johan Du
 uen vnde Elert Krusen / vnde also he alrede
 mit syner Sane in de Stadt gekomen was /
 meinde he dat de Dudeschen Bürger tho Dör
 pte em stracks thofallen / vnde mit vp de Rüs
 sen schlahn scholden / Auerst de Rüssen hebben
 sich balde gestercket / vnde den Reynoldt van
 Kosen auerweldiget / dat syne Hanelüde Gode
 gedancket hebben / dat se wedderümme vth der
 Poerten gekomen sint. Reynoldt van Kosen
 auerst / vnde syner Hanelüde etlike / hebben her
 holden möten / welckere in velen stücken thoha
 cket sint / Darna hebben de Rüssen den Dü
 deschen Bürgeren tho Dörpte / de hyr nichts
 van wüsten / vnde disser müterye ganz vn
 schuldich weren / vth archwahn de Hüser
 gestormet / de Bürger fast alle / sampt eren
 Frouwen vnde Kinderen / vnde gantzen Hus
 gefinde / erbarmlick vnde ganz elendichlick er
 mördet / vnde ere Hüser prys gemaket / vnde
 geplündert / vnde disse Moerdt vnde plünder
 ringe

ringe hefft dre dage lanck gewaret. Wat do
 vor ein yamer vnde elende tho Dörpte gewes
 sen ys / kan ein yder vornufftiger wol affnemē /
 ys ock vnmögelick vth tho sprekende. Disse ans
 schlach hedde dem Reynoldt van Kosen vela
 lichte wol gelungen / wen he solckes dem and
 ern Ritmeister / Hans vam Zeytz / geapens
 baret / vnde en mit dartho genamen hadde.
 Auerst Reynoldt van Kosen hefft entweder
 dem andern Ritmeister solckes nicht vortrus
 wen döruen / edder he hefft neuenst Johan
 Duuen vnde Elert Krusen / den rohm alleine
 hebben willen / Darümme he ock de straffe der
 godtlosen houardt vnde müterey hefft lyden
 möten / vnde Gode de Almechtige hefft ock
 nicht gewoldt / dat de Stadt Dörpte / sampt
 dem gantzen Stifte / dorch solcke lichtferdige
 middel scholde erreddet werden. Also auerst
 Johan Duue vnde Elert Kruse gesehen heb
 ben / dat de anschlach gefeylet hefft / hebben se
 dem Muscowiter eren Förstenstandt thom
 vnderpande gelaten / vnde sint in Palen ge
 slagen. Also ys disse Sane der Stifftischen
 Eodellüde van Ryga ock affgedancket vnde
 betalet worden / vnde Hans vam Zeytz hefft
 S ij de

de betalinge ock nicht affharren willen/ sunder
 ns daruan getagen.

Alse nu Hertoch Magnus vp Duerpa-
 len van diffem handel hörde/ Wowol he dar
 nichts van wuste/ vnd ganz vnschuldich was/
 hefft he sich dennoch einer Suspicion vnde
 Archwahns des Grothförsten befrüchtet /
 vnde derwegen sich van Duerpalen / vth des
 Muscowiters gebede / wech na der Arenß-
 borch begeuen / vnde aldar ein tydtlanck Husß
 gehalten. Do weren de twe äuerigen Janen
 im gebede Duerpalen noch öueler daran/ alse
 vorhen. Wente ydt weren desüligen/ de dem
 Könige van Schweden dat Husß Keuel vor-
 rasschet hedden/ Derwegen hebben se sich noch
 in Schweden/ noch in Palen begeuen döruen/
 deswyle de beyden Könige vor einen Mann
 stünden. Thom lesten/ alse de Köninck tho
 Schweden mit dem Muscowiter noch im
 Krynge schweuede/ vnde Krynge slüde bedörffte/
 vnde de afftrennisgen Hau: lüde nu gudt vnde
 böse vorsocht hadden / hefft de Köninck van
 Schweden sich erer erbarmet / vnde syne erge-
 sten Vyende wedder tho gnaden angenamen/
 vnde se gelick den andern vnschuldigen / mit
 ehrlt

ehrliter besoldinge vnde vnderholdinge vor-
 sorget / vnde tho grothen Emptern gesettet/
 vnde ns densüligen van dem Könige/ edder
 van den Schwedisschen Regenten/ nurwerle
 vorweten edder vorgeworpen worden/ wat se
 den Schwedisschen vp dem Huse tho Keuel/
 vnde in der belegeringe / mit ansöringe der
 Rüssen/ bewysset vnde thogedreuen hadden.
 Hyr mach men des hochlöbliken Königes
 van Schweden/ vnde syner Ridder chop gro-
 the gedult / gnade vnde güdicheit/ sehen vnde
 spören. Auerst wo erer etlike solckes dem Kö-
 ninge belonet/ vnd auermals betalet hebben/
 werdt herna vormeldet werden. Also ns
 des Magni vnde syner Haulüde regimente
 vp dat mahl thotrennet geworden.

Anno 1572. hefft de Muscowiter eine
 bestellinge dorch Jürgen Farenßbeck van
 Nelffy/ vthgahn laten / Düdesche haulüde
 wedder anthonemende / vnde in de Muscow
 tho bringende/ de he nicht alleine wedder den
 Tatern/ sunder ock wedder andere Vyende ge-
 bruken wolde / alse denn de bestellinge vor-
 mach / darup gemelte Jürgen Farenßbeck/
 van vth vnde inheimesschen Haulüden/ eine
 S ij Sane

Sane dem Muscoviter thogeföret hefft/ Welches vorhen in ewicheit nicht gehört ys / dat de Lyfflender vnde vthlender sich also tho dem Muscoviter geschlagen hebben/ also in dissen jaren geschehen ys. De leuen olden hebben sich vor den Muscoviter gesegenet / vnde vele der jungen Lyfflender skiger tydt hebben ere högeste thoflucht dar hen gesettet / vnangesehen / dat de Muscoviter vimmerdar ane vnderladt erem Vaderlande na getrachtet / vnde sich öffentlich hören laten hefft / Dat he mit Lyfflande nicht vphören wolde / he hedde denn dat vthkrudt / nömliken den Lyfflendischen Adel / vnde alle Dädeschen / vth Lyfflandt gantz vnde gar vthgeradet / Noch hebben vele der Lyfflender / vth grother blindtheit vnde vnvorstande / mit alle erem vormöge dartho gehulpen / dat se deste ehr gantz vthgeradet werden mochten.

Anno 1572. im Maio / sint äuer 1000. Rüssen / neuenst etliken Dädeschen / an den Wyckschen Sundt getagen / den Hertoch Magnum van der Arensborch wedder tho förderende / Äuerst domals ys Hertoch Magnus nicht gekamen. Nicht lange äuerst
dars

darna hefft Hertoch Magnus sich wedder tho dem Muscoviter begeuen. Do ginc ein groth geschrey / dat em 7. Häuser / vnde nicht de geringsten / van dem Muscoviter in Lyfflandt scholden ingerümet werden / äuerst ydt ys noch thor tydt nicht geschehen.

Anno 1572. den 1. Augusti / sint des Königes van Schweden / vnde Hertoch Caroli van Sudermanlandt / Legaten op dem Radtshuse tho Keuel gehört worden / Welcherer Instruction vormocht hefft / Dat Hertoch Carolus / in eigener persone / mit einem staedliken Krygesuolcke / vele dusent starck / den Muscoviter tho vorfolgende in Lyfflandt kamen wolde / welches den van Keuel ein grothe fröwde gewesen ys / also dat vele gesecht hebben / Muschal vnse gelücke ersten angahn. Äuerst Hertoch Carl ys / van wegen anderer vorgefallenen geschefften / vthgebleuen / vnde de halue Krygesmacht ys nicht angekamen. Do ginc der Stadt vnde des Landes vngelücke ersten recht an / wo hyr na folgen werdt.

Anno 1572. den 7. Septembris / ys eine macht van Rättern vnde Knechten / beyde Schweden vnde Dädeschen / tho Keuel ange
S iii kamen/

kamen / vnde na dem se sich gerüstet hadden / sint se vor Wesenberch gerucket / vnde hebben dar mit den Rüssen geschermüßelt / vnde in Byrlande gerouet / vnde einen grothen roeff van Ossen vnde Köhen erlanget. Darna sint se vor Duerpalen getagen / hebben dar ock geschermüßelt / vnde den besten Fürwercker vorlaren / vnde sint also mit Ossen vnde Köhen wedderümme tho Keuel gekamen.

Tho dersälüigen tydt ys Jürgen Brel van Padenurm / mit etliken Schwedischen / na der Arensborch gerucket / vnde hefft mit grothem drouwende dat huß Arensborch op thogeuende begeret / vnde wen he ein weinich mehr ernstes daruor gebuket hadde / were ydt ein ane twyuel gelungen. He hefft em äuerst dat Kerckspel vnde gebete / Kylekonde / affgedrungen / welches de Arensborger dorch vnderhandelinghe darna wedder erlanget hebben.

Anno 1572. den 16. Decem. sint des Königes van Schweden Krygeslüde / an Küteren vnd Knechten ongefehr 5000. stark / int Felt gerucket / in meyninge Duerpalen tho belegerende / vnde hebben einen grothen vmmeschweyff na Maria

Mariama / vnde so vordan na Bellyn / des roues haluen genamen / vnde tve Cartouwen / sampt dem Krude vnde Lode / hebben se den Wittensteynischen wech in de richte gahn laten / tho welckeren beyden stücken noch andere grothe stücke mehr van Wittenstein kamen scholden / Ydt sint äuerst de beyden stücke nicht wyder / alse in den Nyen hoff / 5. mylen van Keuel / gekamen / in dem Wynachten Feste. Tho dersälüigen tydt ys de Grothförste van der Muscow / thom ersten mahle / in eigener persone / sampt synen beyden Söns / vnde mit 80000. Mann / vnde mit velem Geschütze / in Lufflandt gekamen / Dar de Schwedischen gar keine kundtschop tho Keuel / vnde tho Wittensteyn / van gehat hebben / Dth orsaken / dat se alle seker weren / vnde gedachten / ydt hadde nu keine gefahr / Wente dewyle des Königes Krygesuolck int Belt trecken würde / scholde de Muscowiter nicht einmahl op duken döruen / vnde hedden sich alle / hoges vnde nedderiges standes / dith also ingebildet / dat de Muscowiter nu ganz krafft vnde machtloß were / Derwegen hebben se alle kundtschop in den windt geschlagen / Äuerst ehr se sich am weinigsten

S o daruor

Dat Drüdde deel

Daruor hödden / do lach de Muscoviter in eigener persone mit geweldiger Herestrafft by Wesenberge / vnde de Keuelschen / so wol als se Her Claus Alfenen Krygesäuerse / vnd alle Krygesläde vor Duerpalen / wusten dar noch gar nichts van / Alleine de Wittensteinischen hadden etwas daruan vornamen / vnde den noch nicht gelduen willen / dat ydt so gefehrlich syn scholde / sundern gemeinet / ydt were men ein ströffende hupe / de vellichte vp dat geschütte im Nhen haue luren scholde. Vth solcker sekerheit hefft Hans Boy Stadtholder / fast alle Knechte van Huse dem Geschütte / äuer 6. mylen / entyegen geschicket / vnde hadde dat hus Wittenstein also geblötet / dat nicht 50. wehrhafftige Krygesläde dar vp gebleuen weren / alleine 500. schlichte Buren / de vp dat Hus geslagen weren. Hans Boy hödde sich dar nicht vör / dat de Muscoviter nicht dat geschütte im Nhen haue / sundern dat Hus Wittenstein menede / darümme ehr he sich des vormodede / do lach de Muscoviter mit Herestrafft vor Wittenstein / Do hedde ydt Hans Boy mit den Knechten wol gerne anders gesehen.

Alse

Alse äuerst Wittenstein belegert was / do wörden etlike dusent Rüssen vp kundtschop affgeferdiget / welckere ganz Harrigen vnde Teruen dorch gestroffet hebben / vnde vele Lude tho Hus gefunden / dar de eine Gründt vnde Naber tho dem andern / in den Wynnachten feste / tho gaste gekamen / vnde de Frouwen mit eren besten Kleyderen vnde geschmyde vthgeschmücket weren / vnde sich in grother sekerheit frölich vnde guder dinge makeden. Do hefft se de Muscoviter / bauen alle vormodinge vnd thoursicht / vorschnellet / erer ganz vele erschlagen / vnde vele dusent / iunct vnde oldt / gefencklich wech in de Muscov vnde Taternen vorföret / Wat do vor ein elende vnde yamer in Harrigen vnde Teruen gewesen ys / ys vnuthsprecklich.

Anno 1573. den 1. Januarij / vp Nhenias res dach / vomme twe schlege na Middage / hefft de Muscoviter dat Könincklike Hus vnde geweldige Beste Wittenstein / mit stormender handt eräuert vnde ingekregen / na deme he in den söften Dach daruor gelegen / vnde geschaten hadde. Wente also he vp S. Johannis dach / in dem Wynnachten feste / vp einen

S vi Con

Conaent dat Husz belegert hadde / hefft he ydt op den negeftfolgenden Donnerdach erlanget / vnde ys also thogegahn. Na deme de Krygesäuerste / Claus Alfen / mit synen Krygeslüden den vmmeschweyff na Vellyn / des Koues haluen / genamen / vnde twe Cartouwen den Wittensteynischen wech / mit weinigem Volcke / in de richte gahn laten hadde / hefft gemelte Krygesäuerste 500. Peerde dem geschütte entyegen / van dem hupen affgediget / Querst domals noch keine kundtschop van dem Muscoviter gehat / de alrede gar na was / Vnde wowol de Stadtholder op Wittensteyn etwas kundtschop hadde / so hefft he sich dennoch nichts aufechten laten / sundern de Knechte vam Huse dem geschütte tho hülpe geschicket / Vnd also de Knechte vam Huse wech weren / kamen de Huelüde / Nömliken de 500. Peerde / van dem Krygesäuersten dem geschütte entyegen affgediget / vnde begeren vor dem Rüssen op dat husz Wittensteyn tho wofende. Querst dewyle de Stadtholder de Knechte mehrendeels wech geschicket hadde / vnde he nu gar schwack van Schweden op dem Huse was / dorste he den Düdeschen haue

uelüden nicht betruwen / vnde befrüchtete sich / wen se darup quemen / dat se denn dohn scholden / gelick also Claus Kurffel gedahn hadde / Wo he den ock van einem Düdeschen ys gewarschuwet worden / dat he de Huelüde nicht op dat Husz steden scholde. Also nu de gemelten Huelüde vorby tehen mösten / vnde henwech weren / vnde de Muscoviter / mit ganzer macht / herandringende quam / do hadde ydt de Stadtholder wol gerne anders gesehen / Querst ydt was altho spade.

Also äuerst de Huelüde in den Nyen hoff by dat Geschütte gekamen weren / dar se einen hupen Tunnen mit Beere vnde allerley profiande / welches na dem Leger scholde / vor sich vänden / hebben se dar stracks angefangen tho supende / vnde tho schlemmende / beth in de middernacht / ane jennige bestellede wacht / derhaluen also se nu alle vul weren / hebben se sich eins deels binnen / vnde eins deels buten dem Stacket / op dem fryen Velde / ane jennige wacht / ganz seker schlafen gelecht. Nicht lange darna kumpt de Muscoviter / 5000. starck / herandringende / vnde hadde se schyr in vntyden opgewecket / wen einer syner nodtroffe

haluen nicht vthgegahn / vnde des Muscowi-
ters war geworden were / vnde alse desälui-
ge einen allerm maket / do faren de andern vth
dem schlape noch halff vul / vnde können kum-
ere Peerde vinden / De Trammeter senck an
tho blasende / äuerst balde was ein Rüsse hin-
der em her / vnde houwede em den Kop midden
entwey / desgeliken etliken andern mehr. De
andern Huelüde äuerst binnen dem Stacke-
te / de nu ein klein vordeel inne hadden / alse se
dissen allerm hörden / sint se balde ferdich ge-
worden / vnde hebben sich heruth int Belt be-
geuen / vnde tho den Rüssen ingesettet / vnde
einen treffliken stolten Muscowitischen Fei-
rich erschaten / sampt andern Rüssen mehr /
vnde dre gefangene bekamen vnd ingebracht /
Welckere na vndersheydtliken vorhöre / alle
einhelllich bekent hebben / dat de Grothförste /
mit synen beyden Söns / vnde mit 80000.
Mann / vor Wittensteyn lege / Desgeliken
Hertoch Magnus van Holsteyn ock mit wei-
nich Dudeschen. Derhaluen alse de Huelüde
im Nyen haue disse kundtschop hörden / ns en
so bange geworden / dat se nicht gewust heb-
ben / welckeren wech se sich na Keuel wedder-
ümme

ümme begeuen scholden / vnde hebben sich ylich
dorch Bussch vnde allerley by wege dar van
gemaket / vnde sich stedes vmmegesehen / efft de
Rüssen ock hinder ene her weren. Also hebben
se den Nyen hoff vorlopen / vnd dat geschütte /
ock de Schwedischen knechte / sampt dem Jun-
ckern Arenth Duuen / dem de Hoff tho hörde /
vnde vele arme Buren / mit eren Wyueren
vnde Kinderen / dem Muscowiter thourne
gegeuen.

Alse disse Huelüde / mit den gefangenen
Rüssen / tho Keuel quemen / do hebben de Res-
uelischen erst de kundtschop gekregen / dat Wit-
tensteyn dorch den Grothförsten belegert we-
re / welckes dennoch vele nicht hebben gelöuen
wollen / sundern gefecht / ydt hadde keine noedt /
des Köniniges van Schweden volck lege tho
velde / vnde Wittensteyn bleue wol beholden.
So seker sint de Schwedischen alle domals
in der grothen gefahr gewesen / vnde de armen
Buren / de vorhen in de Stadt geweken we-
ren / sint mit eren Wyueren vnde Kinderen by
hupen vth der Stadt wedderümme tho Lande
getagen / vnde hebben sich keines argen befah-
ret / dewyle des Köniniges van Schweden
Kryg

Krygeslüde tho Velde legen. Vnde wrowol se
 äuer eine/ edder twe myle weges / des Rüssen
 füer segen / hebben se ydt dennoch nicht geach-
 tet edder gelduen willen / sundern gedacht / ydt
 weren ere eigene Krygeslüde / derhaluen se
 schendelick van den Rüssen vnde Tatern sint
 vorschnellet worden. De Krygeslüde äuerst
 im Leger vor Querpalen / also se des Musco-
 witer schetent vor Wittensteyn hörden / heb-
 ben ock nichts dar van gewust / sunder vnder
 ein ander gefecht / de Wittensteynischen dohn
 fröuwden schöte / dem Köninckliken geschütte
 van Keuel thon ehren.

Dith grüwlike schetent were dem Mus-
 cowiter vor Wittensteyn nicht nödich gewest/
 dewyle he doch wol wuste / dat dat Husz ganz
 schwack vnde bloedt van Krygeslüden was/
 Querst dewyle he ein vorkaget Krygesmann
 mit stormendens / hefft he syn gelücke mit gro-
 them schetende vorsöken willen. Also ydt äuerst
 ein darmede feylede / hefft he vth noedt stürmen
 möten / wente he sich der Schwedischen ent-
 settinge ock befruchten moste. He hadde äuerst
 datsülwige Husz domals lichtlick thostormende
 vnde

vnde inthonemende / dewyle kein Krygesuolck
 daruppe was.

Dith ys dat erste Husz edder Beste / dat
 de Muscowiter syn leuelanck mit stormender
 handt eräuert hefft. Wente alle des Musco-
 witters Krygesrüstinge steyt nicht vp grothe
 manheit / freydicheit / macht edder gewalt / sun-
 dern vp gelegenheit / vorrederye / list / schreck
 vnde drouwende / dardorch he vele Lande vnde
 vnde Besten ingekregen vnde erlanget hefft /
 Querst de sich etwas thor yegenwehr gestellet
 hebben / dar hefft he nichts an hebben mö-
 gen.

Also nu de Rüssen vp dat husz Witten-
 stein gekamen weren / do ys ydt an ein schlach-
 tent gegahn / vnde mosten dar alle herholden /
 beyde Frouwen vnde Junckfrouwen / eddel vnde
 vneddel / vthgenamen etlike arme Buren /
 de vth list sich in de Thörne der gefenckenissen
 henunder gelaten / vnde vorgegeuen hadden /
 dat se gefangene lude / vnde Hertoch Magni
 vnderdanen van Querpalen weren / disse sint
 am leuende vorschonet / vnde der erdichteden
 gefenckenisse erlediget worden. Querst den
 Stadtholder Hans Boy / mit velen andern
 E Schwes

Schweden / Düdeschen vnde vndüdeschen / hefft men vor den Grothförsten gebracht / de se leuendich an ein Spit hefft binden / vnde tho dode braden laten / welcker bradent etlike dage vor Wittensteyn gewaret hefft. Vnde sint tho der tydt der doden Körper in Jeruen allent haluen so vele gelegen / dat de Hunde / wilden Deerte / vnde Bögele / sicks lange genoech dar mede tho schlepande hadden / Wente dar ys nemandt vorhanden gewesen / de se begrauen konde.

Den 11. Januarij / hefft de Muscowiter den Nyen hoff / dar de beyden Cartouwen legen / ingenamen / vnde de Schwedisschen knechte / de by dem geschütte gebleuen weren / sampt dem Junckern des Haues / vnde alle de Buren / sampt eren Wyuern vnde kindern / in de 300. personen / darup gefangen genamen / vnde den Juncker tho dem Grothförsten na Wittensteyn geschicket / dar he ock sampt syuen Schwegern vnde vorwanten / ys am väre tho dnde gebraden worden / de andern alle / beyde Schwedisschen knechte vnde Buren / junck vnde oldt / hebben de Rüssen im Nyen haue tho dode geschmökert vnde vorbrandt / dar na hebben

hebben se den gemelten Hoff also vortwösiert / dat einem / de dar ingekamen ys / vor grothem grüwel de Haar tho berge gestahn hebben. Korth thouorne hefft de Börgerschop tho Keuel dat Krudt vnde Loedt / mit grother gefahr / wedder van dar gehalet / Wen de vam Schla te ock tho der tydt etlike Peerde na dem Geschütte affgeferdiget hadden / so were ydt dem Köninge van Schweden ock wol thom besten erholden gebleuen.

Den 14. Januarij / ys Glaus Akesen Krygesäuerste / mit synem Krygesuolcke vtho gerucket / de armen lüde in dem Nyen haue thoentsettende / vnde alse he tho Bayte / dre mylen van Keuel / gekamen was / hefft he in dem süluigen Dörpe einen Rüssen gefangen kregen / welcker kundtschop gegeuen / dat Wittensteyn / sampt dem Nyen haue vnde dem geschütte / all in des Rüssen gewalt were / vnde trüwlick geraden / dat Her Glaus Akesen mit synem Krygesuolcke balde wedderümme keren scholde / edder he worde äuel anlopen. Alse Glaus Akesen vnde de Krygeslüde solckes gehöret hebben / sint se ylich / de nacht äuer / weder tho rügge gekeret / De Keuelschen äuerst

do se disse kundtschop des Rüssen / van der vor-
lust des huses Wittensteyn hörden / hebben
se ydt noch nicht gelouen willen / onangese-
hen dat de gefangene Rüsse darup gestoruen
was.

Use nu de Grothförste van der Muscōw
dat huz Wittensteyn wech vnde wol besettet
hadde / hefft he synen geweldigen hupen in dre
parte gedelet / Mit dem einen hupen / sampt der
Archelhe / welckere syne Hakenschütten / vnde
nicht de Peerde / hen vnde her trecken möten /
ys he in Rüsselant gerückt / vnde tho Now-
garden eine tydtlanck stille gelegen / Den an-
dern hupen hefft he na dem huse Karcks / wel-
ckes ock Schwedisch was / affgeferdiget / vnde
datsüluike Huz dorch schreck vnde drou-
went erlanget / vnde darna datsülue Her-
toch Magno van Holsteyn ingedahn vnd vor-
lenet.

Den drüdden hupen hefft he na der Wick
geschickt / de örde vomme Habsel / Lode vnde
Leal / thourherende / vnde desüluiigen huser ock
mit drouwende vnde schrecke anthofechtende /
Auerst de Schweden op den gemelten huseren
hebben si. k redelick gehalten / vnd des Muscō-
witters

witters schreck vnde drouwent sich nichts an-
fechten laten. Disse hupe hefft dorch Gades
schickinge / einen treffliken spot in der Wyck in-
gelecht. Wente Her Claus Alkesen / na deme
he mit schmerien des Muscōwitters wötent
vnde dauent / neuenst dem vorsprocke der Bör-
ger / lange genoch geduldet hadde / ys he in
hefftigen mode mit synem Knygeswolcke / ä-
uerst nicht so starck alse vorhen / wedder vthge-
rücket den Byendt tho sökende / vnde alse he
nicht verne van Lode an den Rüssen getrof-
fen / hefft he syne vordrafft / welckere meist Lyff-
lender gewesen / vor ansetten laten / vnde alse
disse dorch des Muscōwitters hupen gesettet
hadden / vnde vor velheit der Rüssen tho dem
Schwedischen hupen nicht wedder kamen
konden edder wolden / hebben se de flucht gena-
men / vnde den Schwedischen hupen deste
ringer vnde schwacker blyuen laten / vnde sint
geflagen na Keuel / na der Parnow / Bickel /
Lode / wor ein yder henne kamen konde / vnde
hebben allenthaluen böse tydinge / alse schol-
den de Schwedischen nedder gelecht syn /
vthgesprenget. Disses tydinge haluen sint alle
Christlike herten in gemelten örden / vnde in
Z iij son

sunderheit tho Keuel / hoch bedröuet gewor-
den / vnde hefft disse böse tydinge vnde bedröf-
fenisse twe dage gewaret / Darna gaff Godt
ein beter geschrey / nömlikē dath de kleine
Schwedische hupe / in alles nicht äuer 600.
Peerde / vnde 1000. Knechte starck / mehr alsse
16000. Rüssen äuerwunnen / vnde 7000. er-
schlagen / vnd de andern in de flucht gebracht /
äuer twe myle weges ene na genlet / vnde allen
eren na trost / in de 1000. Schleden / mit allerley
nodt trofft vnde roeff gude geladen / enen aff-
genaget hadde / Derwegen ys ynderman wed-
derümme hoch erfröuwet geworden. Disse
schlachtinge ys by Lode geschehen / Anno 1573.
den 23. Januarij.

Alse de Schwedischen den Vyendt er-
lecht vnde den roeff vthgedelet hadden / sint se
darna mit grothem pryse vnd ehren / vnde mit
staedtliker hüte wedder tho Husz gekamen /
vnde äuer dusent Muscowitische Wallachen
in de Stadt Keuel gebracht. Do weren de
Peerde ganz wolfeyl tho Keuel / vnde de Za-
beln / vnde Marten schuben / neuensst velen
Rüssischen Dengen / vnde geschmyde / weren
tho Keuel nicht selzam. De Schwedischen
knechte

knechte brachten mannigerley dinc van roeff-
gude / dagelikes vp dat Marcket tho Keuel tho
kope.

Hy mach men sehen / dat men mit dem
Rüssen wol handelen kan / wor ein klein ernst
vnde standthaffticheit vorhanden ys. Vdt er-
holt sich ock mit dem Muscowiter so grüwlich
nicht / alse he wol velen hoges vnde nedderiges
standes vorgemalet vnde ingebildet werdt.
Wente he hefft syn leuelanck keine 3000. Dä-
deschen mit gewalt vth dem Belde geschlagen /
dar se sich thor negenwehre gestellet hebben /
wollen de Dädeschen äuerst lopen vnde ane
noedt flegen / so hefft he gudt na thoyagende.
Wente alse Her Claus Akesen / mit weinigem
volck / em den Kop bodt / do was ydt mit dem
Muscowiter vorlaren. In disser schlachtinge
sint ock etlike der Schwedischen gebleuen / Al-
se Jasper Larssen / vnde Jasper Nylsen / beyde
Schwedische Ritmeisters / Wolmar Brakel
Fenrich / Ludtwich Duue van Nyenhaue /
Jürgen Vyffhusen / Herman Anrep / Michel
Schloyer / der Keuelschen knechte Höuetman /
vnde andere Junckern vnde gude gesellen
mehr. Do ys Her Claus Akesen mit einem
E iiii Trium

Triumphe in Keuel getagen / vnde vele Muscovitische fanen / vnde des Muscoviters velt geschütte vor sich her fören laten.

Anno 1573. vp den Sondach Jubilate / hefft Hertoch Magnus van Holsteyn / mit des Grothförsten vorwanten Fründinnen / tho Nowgarden / Köste vnde Ehelike bylager gehalten / vp Welckerer Hochtydt de Grothförste van der Muscov / sampt synen beyden Söns / ock yegenwerdich / vnd ganz frölich gewesen ys.

Anno 1573. Is solck ein hardt Winter in Lysflandt gewesen / dat des Donnerdages vor Pingesten / noch lüde äuer yhs vth Schweden tho Keuel angekamen sint / vnde vp Pingest dach derende vor Keuel so wydt noch tho gelecht gewesen ys / alse men van Wellen vnde Törnen nicht hefft äuer sehen können / vnde de düdeschen Schippers / so domals in der Sehe weren / vnde na Keuel wesen wolden / sint mit eren Schepen tho Roggö ingelopen / vñ in den Pingest feste äuer Landt in de Stadt gekamen / vnd na Pingesten / do dat yhs wech was / sint ersten ere Schepe in de hauen vor Keuel genolget.

Anno

Anno 1573. im Augusto / sint erslick twe fanen Schotten vth Schweden tho Keuel gekamen / darna noch etlike fanen mehr / dat erer / beyde van Rüttern vnde Knechten vnde allerley Schottesschem gesinde / in de Byff dusent starck geworden sint / welckere in Schweden wat geldes bekamen hadden / vnde so lange dat Gelt warde / hebben se gudt regimente gehalten / also dat se yderman lauen moeste / äuerst alse dat Gelt vorteret was / do hadde ere regimente vnde loff ock ein ende / vnde begunden vth nodt wyder vmmie Gelt tho spreken / Dewyle äuerst so balde kein raedt tho dem gelde vorhanden was / hefft men en gegünt Voder vnde mael van den Buren tho nemende. Alse se äuerst dat fryg hadden / do moeste nicht alleine de Buer / sundern ock alle Börger / vnde Inwaner der Stadt / Eddel vnd vneddel / her holden / Vente se nicht allein van den Eddellüden / Börgern vnde Buren / ere nodt trofft an Voder vnde mael / sundern alle ere varende haue vnde Korn / so se binnen landes hadden / mit gewalt nemen / vnde wat de armen Buren vorborgen hadden / dat moesten se durch vnerhörde Marter vnde pyne

E v here

heruör halen / Vnde dewyle se vor der Stadt
 liggen mosten / vnde de meyste hupe nicht in de
 Beste gestadet wordet / heffe derwegen nicht als
 leine der Börger Behe / sundern ock de Bör-
 ger süluen her holden möten / Wente ydt dor-
 sie nicht ein Börger edder Inwaner / hoges ed-
 der nedderiges standes / den Kop vth der Poer-
 ten steken / welcker van den Schotten ergre-
 pen wordet / de moste syne Tasse mit dem gel-
 de / dartho den Roek vā hūe / darlaten vnde
 en thourne geuen / vnde wolde ein Börger et-
 was tho synes huses nodtroffe vth der Hauē /
 edder van dem Lande hebben / de moste dat mit
 etliken Roth knechten / alse van den Vnenden /
 mit gewalt halen / Summa ydt was nicht
 vele beter / alse ein Vnendlike belegeringe. Letz-
 lich hebben se de Regenten vā Schlote gelick
 den Börger der Stadt beströffen willen / vñ
 de einem Schlotsheren dat Peerd vnder dem
 hūe erschaten / De Düdeschen darna ock also /
 alse se segen / dat ydt den Schotten alles tho
 gude wordet / begunden erem Exempel tho vol-
 gende / vnde was also schyr kein vndersheydt
 twischen fränden vñ vnenden / Wat domals
 vor ein Wecklagent / suchtent / karmēt vnde
 Bras

Brakebiddent der armen Buren auer de
 Regenten was / de solckes billich weren schol-
 den / ys nicht na tho seggende.

Den 8. Octobris / heffe Her Claus Altes-
 sen Knygesäuerste / neuenst den Commissa-
 rien / de nyelick vth Schweden gekamen we-
 ren / mit den Hueläden gehandelt / dat se sich
 noch ein mahl wedder den Muscoviter ge-
 bruken laten scholden / Auerst dewyle de vul-
 lenkamen betalinge nicht dar was / alse se sich
 vorhapet hadden / sint se so vngeduldich ge-
 worden / dat men se kume hefft stillen können /
 Entliken hebben se sich mit solckem bedinge in-
 gelaten / dat se dat Könincklike geschmyde /
 26000. Daler betreffendt / erslick entfangen /
 vñ sich darmede vthrüsten wolden / vñ vor de
 hinderstellige Summa / so se thom deele vorhen
 vordenet / thom dele vp dissem dage noch vorde-
 nen wörden / scholde men en de hūser / Habsel /
 Lode / vñ Leal / sampt allen thogehörigen Lan-
 den / beth vp Johannis Baptiste / des negest-
 folgenden Jares / thom vnderpande inrümen /
 vnde wen de gantz betalinge vp de bestemmes-
 de tydt nicht vullenkömlich vthqueme / dat se
 E vi denne

Denne desüluigen Hüser einem Christliken Heren / weme se wolden / vthgenamen dem Muscoviter vnde Hertoch Magnus van Holstein / vpdragen mochten / Solckes hebben de Commissarien beleuet / vnde vs disse vorbracht op beyden syden / also vorsegelt vnd vorbreuet worden.

Anno 1573. Hebben de Schotten / do se tho Keuel legen / ere eigene Predigers gehat / vnde eren Gades denst na der Galuinisschen ordeninge vorrichtet / vnd de vornemesten hebben in der Stadt eines Börgeres leddige huß / in der Peerde köper straten / an der egge ingenamen / vnd ere Predigers darinne predigen / vnde de Sacramenta na der Galuinisschen wyse vorrecken laten. Ydt was äuerst eine sunderge gnade van Godt / dat de Schotten der Dudeschen sprake vnerfaren weren / sunst hedde se mannigen Menschen mit erer schwermerye beschmittet / alse denn ock ere wille / nicht alleine dartho / sundern ock tho velen bösen dingen mehr / ganz geneget gewesen vs.

Anno

Anno 1574. den 1. Januarij / Is äuermahls eine Schwedische Knygesmacht wedder den Rüssen getagen / Do sint de Knyges äuersten / Her Claus Akesen Ridder / vnde Pontus de Logardia ein Frankose / mit dem Knygesuolcke vnde etlikem Veltgeschütte voruth gerücket / Äuerst de Schotten hebben erstlick nicht mit gewolt / sundern hebben willen tho Keuel blyuen / vnde de Stadt vorwachten / Wente vele van en weren nicht bestellet / sundern weren Kramers / sudelers vnde losdryuers / so op ere eigene handt dem hupen na getagen weren / vnde so lange alse men de Lande / Buren / vnde Börger beströffen mochte / sint ydt alle gude Knygeslüde gewesen / äuerst alse men tho velde wedder den Byendt tehen scholde / was dat drüdde deel vnbestellet / van welckeren vele äuer Landt wech gereysset sint / vele sicc ock vor sudelers vthgegeuen hebben. Darümme alse de Schotten nicht mit vordt wolden / hebben de Schwedischen knechte wedder tho rügge keren / vnde de Schotten mit sicc nemen möten.

Den 3. Januarij / sint beyde Schotten / vnde Schweden / sampt der Stadt Keuel
Sane/

Jane/21. feulin Knechte / vnde 11. geschwat
Hauelude an Dädeschen / Schweden / vnde
Schotten / in Belt gerücket. De äuerste der
Schotten ys gewesen Archibaldus / eines
grauen Sön van Ruwyn vth Schotlandt/
welcker neuent synen Capteyns vnde besche-
lich hebben / der schyr so vele gewesen / alse der
gemeinen Knygeslude / gantz wemodich vnde
trurich vth Keuel gereden ys / vnd sint sampt-
lick alle na Wesenberch getagen / hebben dat
säluike Hus berönth / belegert / vnde beschan-
ket / vnd na 14. dagen erstlick angefangen tho
storme t ho schetende.

Den 15. Jannarij / ys dat grothe Ge-
schütte / alse 6. Cartouwen / vnde 2. Fürmös-
fers / van Keuel affgezahn / welches de van
Adel vnd de Börger schop na Wesenberge heb-
ben vorschaffen möten / Desz hefft de Stadt
Keuel ock twe Cartouwen / vnde einen Für-
möser / mit allerley thobehöringe / dartho gele-
net. Alse dat Geschütte tho Wesenberch ge-
kamen ys / hebben se ydt in de schanze geta-
gen / so vor twen weken alrede serdich gewesen /
vnde do erstlick angefangen tho schetende / vnd
de dem Rüssen lange genoch ydt gegeben vor-
tho

thobuwende / vnde balde im anfang sint bey-
de de Archelyemeister / vnde de Schanze meis-
ter / in einem schäte erschaten / darna sint de
Kader van den stücken thosprungen / vnde al-
les hefft sich im anfang äuel getöget. Alse se
nu im Januario twemahl gestormet hadden /
ys tho beyden malen kein gelücke vorhanden
gewesen.

Den 2. Martij / hebben se an einem an-
dern orde geschanzet / vnde na deme se einen
Torne herunder geschaten / vnde thom drüd-
den mahle gar hefftich gestormet / vnde äuer
1000. Mann / an Schweden / Schotten vnd
de Dädeschen / vorlaren hadden / hebbent de
Schwedischen vorlaren geuen möten / Do ys
ein geweldich glorierent by den Rüssen op dem
huse gewesen / Derhaluen sint de Dädeschen
Hauelude gantz vorbitter tworden / vnde heb-
ben sich thom storme erbade / Äuerst de Kny-
gesäuerste hefft ydt en nicht steden willen /
Were ydt äuerst geschehen / ydt hadde mit
Wesenberge wol eine ander gestalt gewun-
nen.

Ydt hebben de Schweden ock mit vnder-
grauende er heil an dem huse vor söken willen /
wel

welckes ock misgelungen ys/ dewyle se ydt gar
 gross angefangen hadden / vnde den Küssen
 apenbaer gewysset / welckes weges se vnder
 grauen wolden / Derhaluen de Küssen licht-
 lick negen grauen / vnd siet der Schwedischen
 anschlege erweren konden / Letlick hebben se
 ydt ock mit Fürwercke vorsocht / auerst nichts
 beschaffet / wente de Fürwerckers weren erem
 Meister alltho tydigen vth der lehre entlo-
 pen.

Alse nu de Knygeslåde an dem Huse tho
 Wesenberge twnuelden / hebben se ere hāpe-
 ninge op dat schāment vnde rouendt gesettet/
 vnde de Lande vele erger / alse vorhen / vorhe-
 ret vnde vorteret / vnde hebben in disse belege-
 ringe de Lande in Lysflandt / nōmliken dath
 Stifte Dörpte / Wyrlant / Zeruen / vnde an-
 dere örde mehr / nicht geringer alse de Küssen
 vnde Tatern vorhen / vorheret vnde vorteret /
 mit mordende / rouende / vnd bernende. Hyr ys
 ydt apenbar geworden / wat de Bürige Come-
 te / einem bessern gelick / Anno 56. auer Lysfland
 vorfündiget hefft.

Den 15. Martij / hebben de Schweden
 ere gelücke ock an dem huse Tolsborch / dre
 mylen

mylen van Wesenberch / am strande gelegen/
 vorsöken willen / auerst dewyle se eine Veste
 vnbeshaten stormen wolden / hebben se siet
 daranne vorbrandt / vnde mit vorlust etliker
 Knechte grothen spot ingelecht.

Ydt hefft siet ock disse belegeringe auer/
 14. dage vor dem afftage / ein selzam vnde
 wunderlick gespenst mit den Wuluen erha-
 uen vnde thogedragen / welckere etlike auende
 na einander / by hupen vor dat Leger gekamen
 sint / vngeachtet / dat ein grothe welt van Vol-
 cke / mit grothem geschreye dar lach / vnde heb-
 ben dar angeuangen grūwlick tho hülende
 vnde tho galspernde / dat velen de Hare tho
 berge gestahn hebben.

Den 17. Martij / Anno 1574. Sint de
 Schotten mit den Dūdeschen / im Leger vor
 Wesenberge vneins geworden / also dat ein
 grūwlick rumoer daruth entstahn ys / vnde
 sint in dissem allerme auer 1500. Schotten /
 auerst nicht mehr / alse 30. Dūdeschen erschla-
 gen vnde vmmegekamen / vnde hefft siet sol-
 ckes also thogedragen. Na deme erslick den
 Schotten / van den Dūdeschen vele spottes
 wedderfaren was / hefft siet Archibaldus der
 B Schots

Schotten äuerste / mit synen befehllich hebb
 bern / vnde gemeinen Krygeslüden / thosamen
 de vorbunden / den Düdeschen einen spot wed
 der thobewysende / Sint derhaluen in vuller
 schlachtordeninge vth erem Leger angeka
 men / hebben de Archelne ingenamen / vnde
 angefangen manck de Düdeschen hanelüde
 losz tho schetende. Den Düdeschen wordt sel
 kam tho mode / vnde wusten nicht / wo se ydt
 mit den Schotten hadden / ock begunden de
 Schotten de Schweden vomme hülpe wedder
 de Düdeschen anthoropende / äuerst de Schwe
 den hebben sich keines deels annemen willen.
 Alse äuerst de Düdeschen der Schotten ernst
 vornemen / sint se ock balde ferdich geworden /
 vnde hebben bundes wyse tho den Schotten
 angesettet / welckere sich ock mit eren langen
 Kören nicht sämeden / Entlick wordt der
 Schotten ordeninge thotrennet / do worden se
 by hupen / alse Schape / erwörget / vnd de Bu
 ren / de den Schotten ock nicht gudt weren /
 quemen den Düdeschen tho hülpe / vnde
 brachten der Schotten / de sich vorfrapen vnd
 vorsteken hadden / ock nicht weinich vomme /
 Vnde sint also in einer stunde äuer 1500. ers
 schlaen

schlagen vnde erschaten worden. Do ys Ar
 chibaldus ere äuerste ock dorch dat Luff geschaa
 ten / vnde dennoch by dem leuende gebleuen /
 Ydt sint ock fast alle Schotteschen häuelüde
 vnde befehllich hebbers / de in den stormen auer
 gebleuen weren / staedlike vnde ansehenlike lü
 de / yamerliken erschlagen worden. De äueris
 gen Schotten äuerst / do se segen / dat idt op erer
 syden vorlaren was / sint se stracks mit eren
 Fenlin tho den Rüssen / vnder dat Huß We
 senberch geslagen / dar se mit grothen fröuw
 den entfangen sint.

Hyr heelden de Düdeschen vnde Schot
 ten / eines Heren volck / eine schlachtinge vnder
 sich / vnde de Muscoviter vörde de Victoria
 vnde Triumph dar van / vnde leih de Schot
 tesschen Fenlin op dem Walle flegen / den
 Schwedischen tho hone vnde tho spotte / Wen
 äuerst de Schotten dith spil eine stunde spader
 yegen de Nacht angefangen hadden / so wre
 ren se gar lichtlick aller Düdeschen vor Wes
 senberge mechtich geworden. Wente de Düs
 deschen weren fast alle druncken vnde vul /
 vnde hadden den dach äuer vlsso gekechet / alse
 se vorhen de ganze belegeringe äuer nicht ges
 dahn

daen hadden / Wente de drunck hadde en op
de friffche büte wol geschmecket / äuerst se had-
dent schyr mit dem halse betalen möten. De
Schotten äuerst / so tho den Rüssen geflagen
weren / wowol se erstlick fründtlick entfangen
wörden / sint se doch na der Schweden affta-
ge / gefangen vnde gebunden in de Muscov
vorföret worden / vnde hebben de Rüssen van
Wesenberge den andern in Rüsselant froedt
gemaket / dat se desüluigen Schotten / sampt
den Fanen / dorch ere grothe manheit op den
schermühelingen gefangen hadden / Welckere
armen lüde / äuer 700. starck / in der Muscov
gantz erbarmlick vmmeggebracht sint / Dith ys
dat gelücke der Schotten in Vyfflandt gewesen.

Den 29. Martij / Is Her Claus Alke-
sen mit dem ganken Leger vor Wesenberch
opgebraken / vnde dar van getagen / mit wat
bedröffenisse vnde herteleyde der vnsern / vnde
mit wat fröuwde vnde frolockende der Rüs-
sen / kan ein yder vorstendiger wol gedencken.
In dem Afftage hebben de Hauelüde in Har-
rigen gräwlick gewötet vnde gedauet / welcker
Landt van oldinges her Neuel tho gehöret
hefft / Äuerst de Landtschümers hebben ydt
alles

alles vor des Muscowiters Landt geachtet /
op dat se men fry Rouen mochten / dardorch
denne de Muscowiter ock bewagen worden
ys / densüluigen ordt vor sich thouordegedins-
gende / dat sinst wol na gebleuen were.

Das äuerst de Rüssen in einer Veste so
geweldige strydtbare lüde sint / kumpt vch dis-
sen orsaken her. Erstlick / dat ydt ein arbeydt
sam volck ys / vnde tho allerley gefarlickem vnd
schwarem arbeide dach vnd nacht vnuordra-
ten / vnde Godt bidden / dat se vor eren Heren
salich steruen mögen.

Thom andern / Is ydt van jöget op tho
vastende / vnde mit geringer spysse sich kümmer-
liken thobehelpende gewanet / wen ydt men
Water / Meel / Solt / vnde gebranden Wynn
hefft / kan ydt sich dar lange genoech mede be-
helfen / welches ein Düdescher nicht dohin
kan.

Thom drädden / Wen se eine Veste / se sy
so geringe / alse se nümmer wil / mit willen op-
geuen / dorsten se nicht wedder in ere Landt ka-
men / Wente se worden alle mit grothem spot-
t vmmegbracht / vnde in frömbden Landen
können vnde mögen se nicht blyuen / Derhal-
uen

I

II

III

uen holden se sich beth vp den lesten man/ vnde
laten sich leuer alle erwörger / also dat se mit
geleyde in ein frömmet Landt passeren schol-
den. Auerst einem Dudeschen ys ydt gelike ve-
le/ wor he sich vorhödt / wen he men genoech
tho fretende vnde tho supende hefft.

I I I I .

Thom veerden/ eine Veste thouorgeuen-
de/ ys by den Rüssen ein Dode sünde / vnde de
aller gröteste schande/ Auerst im Belde tho fle-
gende / vnde vor den vjenden veltfluchtich tho
werden / ys by en kein laster edder schande /
Wente se dögen in dem Belde yegen eine klei-
ne macht vele geringer/ also nein minsche gelö-
uen kan.

Anno 1574. vp Hemmelfarths dach/ in
der morgenstunde / sint 10000. Mann van
Rüssen vnde Tatern/ in Harrigen / beth vor
de Stadt Keuel / gefallen / hebben fast alle
Dörper / so noch vmmen Keuel stunden / affge-
brandt / vnde ein groth deel van dem geroue-
den Behe / den Eddellüden / Börgern / vnde
Buren / wedderümme affgedreuen. Den sü-
uigen dach wordt de Ehrenueste mann / Bar-
tholomeus Duue van Cage/ ein Radtsvors-
wan

wanter in Harrigen / in synem haue gefan-
gen/ vnde na der Muscow vorsehet/ dat he an
ein Spith gebunden/ vnde amme Büre ys ge-
branden worden / Des sint tho der tydt vele
mehr gefangene vth Harrigen in Rüsselant
vnde Taternen geföret worden. Den sü-
uigen Sommer hebben de Rüssen vnde Tater-
n / by dage vnde by nacht / ane vnderlaet
vor Keuel gewödet vnde gedauct/ vnde de lüde
by nacht tyden in eren trawingen vor der
Stadt erschlagen / vnde der armen Buren
Behe / vnde der Boerlüde Peerde / vor der
Stadt wech genamen/ vnde dat ganze Landt
Harrigen vor sich vordegedinget/ dat nicht ein
Eddelmann synes haues edder güder mehr
mechtich was/ Wat domals vor ein thestandt
im lande gewesen ys/ kan nicht genoehsam be-
schreuen werden.

I I I I

Den 18. Junij / Sint de Hauellüde vth
erem Borchleger/ mehr vth hunger vnd beger-
lichkeit des roues/ aise vth lust vnd leue des fry-
g's/ wedder int Velt getagen / vnde hebben de
Lande vmmen Vellyn / vnde Suerpalen dorch
B iij geo

gestroffet/etlike Dörper vorbrandt / vnde vele arme Buren erschlagen / vnde nicht einen Küssen edder Tatern gesehen. Tho der tydt hebben se ock dat Fleck vor Suerpalen vthgebrandt / vnde Dhyerick Farenbeck van Heymer / des Hertoch Magni hoffraedt / vnde ander Hoffgesinde mehr / darinne vorrasschet / vnde gefencklich mit sich wech geföret / vnde sint also wedder in ere Borchleger gekamen mit Ossen vnde mit Könen.

Vomme desülutige tydt / hebben des Königes van Schweden Schepe van Orlege / 16. Lübesche Schepe van Koepfart genamen / de van der Narue gekamen / vnde mit allerley Wahr vnde düerbar Felwerk geladen weren. Dewyle äuerst der sülutigen Schepe Ammerall / Jacob Rademaker / sich geweldich thor negenwehr stelledede / vnde etlike Schweden erschöet / hefft he de Schweden vorgrettet / vnde vs derhaluen mit velen Lubeschen erschlagen worden. Also äuerst de andern Lubeschen solckes seggen / sint etlike van en wedderümme na der Narue gelopen / etlike sint int boedt gesprungen / vnde hebben sich na Xeucl begeuet.

Den

Den 29. Julij / Anno 1574. Na deme de Hauelüde in erem Borchleger mit dem rosso gude / dat se vth den orden / Bellijn vnde Suerpalen / gehalet hadden / sich lustich vnde guder dinge makeden / sint de Küssen vnde Tatern ylich / wedder alle vormodinge / äuer se her gekamen / vñ hebben erer vele erschlagen / gefangen / vnde den meisten roeff / sampt velen der Hauelüde preerden vnde rüstinge wech gekregen / vnd also ere schaerdt wedder vthgewettet. Darna hebben de Küssen de Kercke tho Mariama / dar vele Buren mit eren Frouwen vnde Kinderen hen geslagen weren / gestormet / vnde de Döer opgeschaten / Do sint de armen lüde op dat gewelste gelopen / vnd hebben sich gereddet / äuerst de Küssen hebben alle eren armoedt in der Kercken wech gekregen.

Also de Küssen vnde Tatern vth der Byck wech getagen weren / do sint de Hauelüde öuel daranne gewest / dewyle se in erem Borchlager nicht einen dach seker liggen dörsien / derwegen se vomme einen stillstandt gar hoch bekümmert weren / wusten äuerst nicht wo se den erlangen möchten / Vezlick hebben se vor raedtsam angesehen / dat se sich mit eren

B. v. G. Jan

6. Janen/ so starck se yummer konden/wedder int Velt begeuen / dem Rüssen vellichte einen stillestandt affhotrozkende. Vnde dewyle der Stadt Keuel / van wegen der Börgerfchop vnde Buren / op dat se nu How vnde Boder weruen / vnd ere winter faedt mit freden in de Erde bringen mochten/ ock ein stillstandt hoch nödich was/ hebben se sich mit den Hueläden verbunden / op dat se des stillestandes alle geslick geneten mochten. Derhauen alse de Hueläden sich nu int Velt begeuen/ vnd tho Kuymez gelegert hadden / sint twe vth dem Rade der Stadt Keuel mit darhen gereyset / vnde hebben einhellich an den Woywoden van Wittensteyn eines stillstandes haluen geschreuen/ Welcker eren breff hefft gar spöttisch beantwerdet. Do ys den Keuelschen/ so wol alse den Hueläden/ alle häpeninge des stillestandes/ vnd aller minschen hülpe vnd trostes/ benamen gewesen. Hyr mach men klarlick vth sehen vnde spören / dat aller Köninge vnde Försten hülpe vnde trost gar vmmesus/ vnde vorlaren ys / wen Godt der Here nicht heipen wil.

Na solcker antwerdt des Woywoden van Wit

Wittenstein/ sint de Hueläden van Kuymez/ na deme se den ordt ganz vorheret vnde vorteret hadden/ opgetagen/ vnde sich wedder ümme na dem Nye haue gelegert/ dar se wedder alle Christlike regimente vnde gebrück / alse landt vorderuers/ hufgescholden hebben/ Welckere beyden vorgemelten örde/ Kuymez vnde de Nye hoff/ sampt ganz Harrigen/ efft so wol ye vnde allewege dem huse Keuel tho gehört hebben / sint doch desüligen alle van en vorviendlike örde geachtet worden/ op dat se men fryg rouen vnde schümen mochten.

Hebben derwegen alle der armen Buren Behe vnde Korn gerouet / vnde mit den armen lüden erger vmmegesprungen / alse de Rüssen vnde Tatern gedahn hebben / also dat alle Buren derßüluigen örder gefecht hebben / dat se oft vnde vaken van den Rüssen vnd Tatern auertagen weren/ welckere se denoch in allen tügen/ so kaal vnd blodt nicht gemaket hadden/ alse de Düdeschen Hueläden in dissem einigen tage gedahn hadden. Wente disse hebben de vorborgene kulen in der erden vpg. grauen / vnde allent wat de armen lüde/ vor dem Erfffiende verhalet hadden / hen

V vi wech

wech genamen / vnde dat Korn in dem Velde
vthgedrosschet vnde wech geföret / vnde also
dorch solcke röuerne / dem Rüssen de Keuel-
schen lande mehr vopgedragen vnde thogeeige-
net / alse vor em beschüttet vnde vordegedun-
get / Vnde sint doch in dem ganzen Krynge
nicht einmahl so beherhet gewesen / dat se äuer
de Lysflendische grenze in des Rüssen Erff-
lande scholden getagen syn / sundern hebben
alleine in Lysfland vñe Keuel heer / ere man-
heit mit rouende vnde schämende bewysset / vnd
dennoch alle maente vñme grothe besoldinge
gespraken / Wen se äuerst den roeff alle beta-
len scholden / den se in des Königes van
Schweden landen erhasschet vnde genamen
hebben / scholden se mit erer besoldinge lange
nicht tho kamen. Auerst dat suchtent vnde
Brake biident der armen Elenden lüde / hefft
ock nicht weinich frucht wedder se geschaffet.
Wente se hebben sich in erem Borchleger tho
Habsel / Lode / vnde Leal / dagelikes vnder ein-
ander / alse hunde / gekrazet vnde erwörget / o. k
sint erer ganz vele van den Rüssen erschla-
gen / vnde gefangen worden / ane andere strafs-
se vnde plage / de se o. k sehr gedrapen hefft.

Anno

Anno 1574. Im Herueste / sint des Kö-
ninges van Schweden Schepe na der Narue
gelopen / den Muscoviter thouoruolgende / ä-
uerst ydt hefft hyr nicht vele beter / alse in an-
deren tögen vnde anschlegen gelücken willen.
Wente alse se vor de Narue quemen / hefft sich
ein grüwlick storm windt erhauen / welcher de
Schepe van einander gedreuen / vnd den Am-
merall an den strandt geschlagen hefft / darup
dat volck vast alle vñmegekamen ys / Vp dis-
sem Schepe ys ock gewesen / einer van Adel
vth Nossen / mit namen Antonius Ploch /
welcker leuendich in des Muscoviters gewalt
geraden / vnde na langer gesenckenisse / thor
Narue vopgehenget ys.

Anno 1574. den 25. Octobris / Is Her
Hinrich Claussen mit staedtlikem gude / wel-
ckes den Sommer thouorne den Lübeschen
genamen was / tho Keuel angekamen / De
Hauelüde darmede thobefredigende / vop dat de
Hüser in der Byck dorch de Hauelüde nicht
mochten affhendich gemaket werden. Dith
gudt hebben etlike van den Hauelüden tho
Habsel lunde Lode / nicht entfangen willen / de-
woyle se dar nicht vullenkömlich mit betalet
wer

werden konden / Doch hebben se ydt op rekens-
 chop annemen willen / by deme bedinge / So
 Her Hinrich Claussen en einen stilstandt by
 dem Muscowiter erlangen konde / wente se
 vor dem Muscowiter nicht einen dach seker
 weren. Dissen stilstandt hefft Her Hinrich
 Claussen en nicht vorschaffen können / Dar-
 rümme se ock dat gudit nicht hebben entfangen
 willen / Auerst etlike dersüluigen Havelüde
 hebben ydt willich entfangen vnde angena-
 men / Derwegen eine grothe trenninge / twist /
 vnde tweespalt vnder en entstahn ys / also dat
 se sich vnder ein ander vor schelme vnde vorres-
 der geschulden / vnd de eine den andern ermor-
 det / vorraden / vnde an den Galgen na der
 tydt gebracht hebben. Wente de arme Buer
 wolde mit der tydt syne Ko / vnd de schmahheit /
 de se an synem armen Wyue vnde Kinde be-
 gahn haddden / betalet hebben.

Anno 1575. Im Winter / hebben de Cas-
 tellanischen vth dem Stifte Riga / eren
 Schryuer / eines Börger's Sön van Keuel /
 werue haluen / an den Raedt tho Keuel ge-
 schicket / Nömliken / dewyle se vornamen had-
 den / dat de Keuelschen in grothem bedrucke
 vnde

vnd fruchten seten / van wegen des Muscowi-
 ters / ock van ydermanne vorlaten wörden /
 segen se vor gudit vnde raedtsam an / dat se sich
 vnder der Krone van Polen beschüttinge er-
 geuen. Vnde so se dat tho doende gesinnet we-
 ren / wolden se by dem Muscowiter bearbey-
 den / dat sich de Keuelschen des Byffharigen
 stillestandes / neuenst Littouwen vnde Polen /
 scholden thoerfröuwende hebben. Auerst de-
 wyle sich ein Raedt darup bedachte / wat men
 vor ein bescheydt darup geuen wolde / quam
 ein boß geschrey van der ankumpst des Rüs-
 sen.

Anno 1575. den 12. Januarij / sint etlike
 Commissarien / vnder welckeren Claus van
 Bngern / Stadtholder thor Arensborch / ein
 Principal was / in de Wyck tho Habsel gefa-
 men / vomme de hüser Habsel / Lode / vnde Leal
 mit den Havelüden / van wegen des Königes
 van Dennemarcken / tho handelende. Wente
 disse Hüser wolden de gemelten Havelüde
 dem Könige van Schweden affhendich ma-
 ken / vnde erer vele hadden se alrede Hertoch
 Magno thogesecht vnde gelauet. Derwegen
 sich

sick Claus van Bngern dar in schloech.

Den 22. Januarij / sint erschrecklike tydinge van des Muscowiters ankumpst / dorch einen geloffwerdigen Buren tho Keuel gekamen / Tho deme quam ock gewisse kundtschop / dat alle de Rüssen van Wittensteyn sick na Wesenberch tho dem grothen hupen begeuen hadden / Welcker hupe fast twe weken stille lach / also dat men nicht gewisse erfaren konde / wor de toch hen gelden scholde / vnde dewyle de Rüssen so lange vortögerden / hebben vele in Keuel gemeinet / se weren twer äuer in Sinslandt geuallen / Daräuer de armen Buren so seker worden / dat etlike vth vnachtsamheit / etlike äuerst vth mangelinge des Boders / mit erem Behe / sampt Wyff vnde Kinderen / sick wedderümme by hupen tho Lande begeuen.

Den 25. Januari / sint de hüser Habsel / Lode / vnde Leal / dem Claus van Bngern / na velfoldiger vnderhandeling / van den Schwedischen vpgedragen / welckere se im Namen / vnde van wegen Frederichs II. des Königes tho Dennemarcken / angenamen hefft / mit disser thosage / dat he en alle ere nastendige besoldinge

soldinge vpon negestuolgenden Johannis Baptistæ erleggen / en ock middeler wyle einen frede by dem Muscowiter erholden wolde.

Den 30. Januarij / vpon den Sondach Septuagesima / vor Middage / vnder der Predige / Hefft sick de Muscowiter vor Keuel sehen laten mit ganzer macht / van welckeren ein deel mit den Keuelschen den ganzen dach gescher müszelt / vñ de grötheste hupe / van Hirwode aff / bauen dem Steinberge / de Stadt vorby / alse ein Zimmen schwarm / na Zerwekull äuer de See thogetagen / vnde sick in Teydensbusch / eine grothe myle weg / van der Stadt gelegert hefft. Densülügen dach hebben se vomme langest her gebrandt / ock der waningen by S. Birgitten Kloster nicht vorschonet / dartho de Kloster juncfrouwen gefencklich wech geföret / welches he vormals müwerle gedahn hadde. Den dach hefft de Rüsse ock alle de arme Buren vorrasschet / de sick kort thouorn vth sekerheit / vnde mangelinge des Boders / mit erem Behe vth der Stadt tho Lande begeuen hadden. De Keuelschen äuerst deden sick grothen schaden ane noedt / vnde breken ere Gaerden / Schänen / vnde
X wanins

waningen buten der Stadt aff/ dartho aller
Bisscherlüde waningen / vnde wat se in der
hast nicht affbreken konden / dat wordt ange-
sticket vnd affgebrandt/ Wente se sich einer be-
legeringe befruchteden.

Den 31. Januarij / fro morgens / sint
äuer 1000. Rüssen tho Peerde vor de Stadt
gekamen/ vnd schermüzelinge gehalten/ Mid-
deler wyle brack dat ganze Leger op / vnde
makede sich dar van mit dem Natrosse/ op dat
de Keuelschen en den Troß nicht affhagen
scholden. Also se nu alle sampt wech weren/
sint de Buren vth der Stadt in dat Leger ge-
lopen/ vnde hebben vele Ssen köppe / de van
den Rüssen wech geworpen weren / in de
Stadt/ tho erer spyse/ gehalet/ dartho vele S-
sen hude / vnde insunderheit vele Peerde hü-
de / Welckere de Zateren dar geschlachtet /
vnde dath Fleisch halff gaar vpgesreten had-
den.

Do sint de Rüssen vnde Zateren erslick
in de Wyck na Habsel gerückt / vnde hebben
vp dem wege dat ganze gebede Paradis / sampt
dem Padißchen vnd Kegelschen strande/ grw-
liken vorheret/ de lüde erschlagen / vnde ganz
vele

vele gefangene wech geföret / Vnde wrovöl de
Rüsse disse gemelte örde offt vnde vaken vor-
hen auertagen hadde / so hefft he ydt doch nü-
werle so erschrecklick gemaket/ also vp dat mael.
Wente Godt der Allmechtige hadde dissem
Lande ock dith thor straffe vorhenget / dat dis-
sen ganzen Winter äuer/ gar weinich Schne
gefallen was / Derhaluen de Rüssen vnde
Zatern allenthaluen gelick hen tho reden/ vnde
de na keinem wege frageden / vnde nicht allei-
ne de Dörper im lande / sundern ock grüwlike
Wiltensissen/ busch vnde broeke/ twer hendorch
reden/ vnde Wulue vnde Baren/ vnde allerley
wilde Deerte/ int Velt ygeden / vnde also na
Minschen vnde Behe sochten. Vp disser
rense hefft en Gades wedder vnde Wint/ vnde
alle Elemente geföget / vnde hefft kein Mins-
sche / im lande so weinich Schne vp disse tydt
Zares gedacht/ also domals gewesen ys.

Fürder sint se vp Habsel thogetagen/
vnde mit den Hanelüden tho Habsel / de nu
Denesch weren/ geschermükelt/ Vnde sint als
so vp dat mahl vorby getagen. Den volgen-
den dach äuerst / sint van densüluigen ein
groth deel wedder gekamen / vnde hebben by
X ij nacht

nacht tyden etlike huser im Flecke affgebrandt. Vegen den morgen sint de Hauelude van huse wedder vthgefallen / vnde hebben sich altho wydt vordrystet / darauer sint erer etlike erschlagen / vnde auer 30. gefangen / welckere in der Muscow erbarmlick vmmegebracht sint worden. Dat ys de frede gewesen / den Claus van Bngern en thouorschaffende gelauet hadde.

Datsulunge mahl hebben de Russen vnde Tateren de Lande vmmes Habsel / Lode / Leal / Padis / Bickel / sampt den Insulen Desel / Dageden / Mone / Wormssö vnde Nuck / vthgenamen dat gebede Arensborch / gantz flechliken vorheret / vnde fast Peerde vnde Menschen gerouet / na Dssen auerst vnde Könen nicht groth gefraget. Alse se nu eren moedtwillen in gemelten orden geouet hadden / sint se stracks na der Parnow gerückt / de lande dar vmmes her dorch tho stroffende / vnde hebben de olde Parnow / sampt der Kercken / in de grundt vorbrandt. Do hebben sich de Börger in der nyen Parnow / gantz sehr einer belegeringe befruchtet / vnde derhaluen alle waningen vor der Stadt suluest angesticket vnde

affge

affgebrandt. Alse auerst de Russen eine nacht auer / nicht gar wydt van der Parnouw gelegen / vnde etlike Düdesche Schepe in der Nacht vor der Parnouw vorbrandt hadden / sint se volgendes dages / de Parnouw vorby na der Salis / vnde anderen ordenen mehr ylich fordt gehouwen / hebben vele Menschen vorraschet / erschlagen / vnde gesenflich wech geföret. Hyr mach men der Castellaneschen vyffjarigen stillestandt sehen / dardorch se Keuel an sich locken wolden. De Sucht dar de Keuelschen mede behaftet weren / was ene suluen neger / alse se des geloueden.

Den andern Martij / sint Breue van Hertoch Magno van Duerpalen / an de gantze Gemeine tho Keuel gekamen / in welches ren he mit einem Christliken Geleide begere de / dat de Keuelschen etlike vtherem Mittel / tho em na Duerpalen affferdigen wolden / dar he ene guden Raedt mit deelen wold / wo men dem thokamenden vngelücke vnde vnheile / des disse geschene Toch men ein anfanck were / vorkamen scholde. Auerst de Keuelschen hebben synes rades keines weg

X iij

ple

plegen willen. Solcks hefft he ock an de Parnouwsschen geschreuen / vnde darbeneuen ock dörch Gyselers mit en gehandelt / Auerst de Parnouwsschen hebben gelicksfalles synem begere keine folge leisten willen.

Im Martio/ Anno 1575. hebben Her-
toch Magni-Hauelüde sampt etliken Rüssen/
den Hoff thor Salis ingenamen / vnde den
süluigen beuestiget / den Paß zwischen Riga/
Keuel / vnde der Parnouw thourhinderen-
de/ Welckeren Hoff de Stiffteschen van Riga
en wedderümme affgedrungen hebben / Letz-
lich hebben de Rüssen auermals alleine dar-
in genestelt / vnd en ock behouden.

Anno 1575. In dem Pingestfeste / sint
de Schwedischen Commissarien vp de Wy-
borgische Grenze gereiset / mit den Rüssen
ümme einen stillestandt tho handelende / Do
hadden de Keuelschen grote häpeninge / dat
ydt nu ein mael thom stillestande kamen schol-
de / Auerst de Rüsse hefft einen stillestandt na
siner gelegenheit / vp twe Jar / vor Finlandt
alleine beramet / vnde de Keuelschen dar-
uth geschlaten/ Do was der Keuelschen hape-
ninge

ninge vorlaren. Dissen stillestandt hefft de
listige Viendt derhaluen gemaket / dat he eine
frye Eynde na Finlandt hadde / dewyle he
de Parnouw gedachte tho belegerende. Auerst
den Stillestandt hefft he nicht lenger ge-
holden / alse syne gelegenheit gefordert hefft/
vnde ys in den twen Jaren / in Finlandt ock
gefallen/dar gerouet vnde gebrandt/vnde ves-
le Volckes wech geföret.

Anno 1575. Den 7. Junij / sint des
Muscowiters Legaten thor Arensborch vp
Desel angekamen / vnde van dar in Denne-
marcken gesegelt. Densüluigen 7. Junij/als
se disse frömbden Geste angekamen weren/
ys thor Arensborch solck ein frowdensüer ge-
worden / dat dat halue Fleck / vnde de besten
Hüser darsüluest in de grundt vorbrenden/
darauer de Muscowitische Legaten sehr ge-
lachtet / vnde gefrolocket hebben. Auerst den
deerer hüser qundt worden/was nicht lachens-
des tho mode. Disse brandt euen in der Rüs-
sen ankumpst geschehen / ys ein gewisse omen
vnde vorspöckerne veles thokämpstigen vnges-
lücks gewes.n.

Desüluijge tydt / hefft sich de Muscowi-
ter by Wesenberch vorsammelet / vnde fast
ein gantz Maente stille gelegen / Do hebben
sich auermals de Keuelschen einer belege-
ringe sehr befrüchtet. Letzlick ys desüluijge
vorsammeling vngespraken / vnde nlich na
der Parnouw gerücket / vnde ys desüluijge van
dem Muscowiter belegert / beschantet / vnde
tho storme beschaten worden. Endlick alse
de Muscowiter etlike Storme / vnde by 7000.
man daruor vorlaren hadde / hebben sich de
Parnouwsschen / dewyle se gantz vormödet
woren / vnde keine entsettinge wüsten / dem
Muscowiter ergeuen möten / den 9. Julij
Anno 1575.

Disse vorlust der Stadt Parnouw /
was den auerigen Landen / vnde den beyden
höuetsteden / Riga vnde Keuel / nicht ein ge-
ringer schade / alse de vorlust der Stadt
Dörpte / Vnde wowol de Parnouwsschen /
wat de yegenswehr belanget / sich ehrliker vnde
reddeliker gehalten hebben / alse de Dörp-
teschen / So sint se doch / wat dat buswerck
vnde beteringe der Stadt belanget / nicht bes-
ter tho achtende. Wente geliker wyse / alse de
Dörp-

Dörptesschen in guder tydt / ere Stadt gar
weinich busweden / vnde vor gewalt besestige-
den / vnde ock weinich dar vp dachten / dat na
dem Sünne schyne ein platzregen kamen köns-
de / sundern men alleine na Hofart / Bollust /
vnde eigen nutte trachteten / Also hebben ock
de Parnouwsschen nicht alleine in der guden
tydt / sundern ock in dem schweuenden Krige /
ere Stadt tho besestigende / sich gar weinich
bekümmert / vnde allent wat dar vor gewalt
gebuwet was / dat hebben de Schweden ge-
buwet / do se dat Regimente dar hadden / vn-
de dat Geschütze / dat darbinnen wedder den
Muscowiter gebuket wordet / ys ock des Kö-
ninges van Schweden gewesen / Welches in
der vorreedtliken eräueringe dar gebleuen
was.

Vor der belegeringe / kort thoudorn / alse
de grote noedt balde vorhanden syn wolde /
hebben de Parnouwsschen by Claus van
Bngern / dem Denesschen Stadtholder thor
Arensborch / hülpe vnde trost gesocht / vnde
sich vnder de Krone tho Dennemarcken er-
baden / so se vor dem Muscowiter möchten
beschüttet werden. Claus van Bngern auerst
X v hefft

hefft se van wegen des Königes angenamen / vnde en beschüttinge thogesecht / Do weren de Parnouwschen eine kleine tydt Denisch / Auerst dat was vorgeues / wente de Rüsse was alrede im antage / vnde worwol Claus van Ungern ydt noch gudt mit den Parnouwschen menede / vnde en na allem vormöge tho helpende bedacht was / so ys doch solcks vorhindert geworden / dörch den twist / de twischen Hertoch Magnus van Sassen vnde Engern / vnde Claus van Ungern / van wegen des Holmes Mone / entstaen was / Vnd also gemelte Hertoch Magnus euen tho der tydt der Parnouwschen belegeringe / vth Schweden vp Desel gefamen / vnde dat Hus Sonnenborch / dörch vorleninge des Königes van Schweden / ingenamen hadde / ys he ock vp Mone gefaren / welcher holm van Oldinges her / na der Sonnenborch gehöret hefft / Vnde also he den Claus van Ungern / de densüluigen Holm na der Arensborch vordegedingen wolde / daruppe vanth / hefft he en gefangen namen / darna äuerst der Gefenckenisse wedder erlediget / daräuer ys der Parnouwschen vorge-

geten worden. Also nu de Parnouw belegeret was / Do hebben sich de Hüser / Helmede / Ermys / vnde Rügen / dem Hertoch Magnos van Holstein / vth früchten ergauen / dartho hefft Otto van Ungern / ein van den Castellanschen im Stifte Riga / syn Hus Purckel / dem Muscowiter ane noedt vpedragen / vnde de vyff Jarige stillestandt / darde Castellanschen de van Keuel mede vortrösten wolden / fonde en süuest nicht helpen / Hir heth ydt nu / *Medice cura te ipsum.*

Also äuerst de Stadt Parnouw eräuert was / Do hebben sich de Auersten veltheren / Knes Mykita Romanowit / vnde Knes Jürgen / so fründtlick yegen de Parnouwschen angestellet / dat sich ein jeder daräuer vorwundern möste / vnde hebben einem jedern fryg gegeuen tho blyuende / edder wech tho tehende / vnde wat se tho einer tydt nicht mit sich wech vören könden / dat möchten se noch thom andernmale na halen / ane jenige vorhinderung / Welcks alles men Stricke vnde rencke weren / de andern örde dardörch tho vangende. Also nu etlike van den vornemesten mit eren redesten Gädern / vp den

Holm/ Kyen/ gekamen weren/ do hefft se Hertoch Magnus van Sassen vnde Engern/ besströffen laten / vnde ein groth Guld an Gelde vnde Süluer geschmide / by en erlanget/ vnde hefft se dartho gefencklich mit sich in Schweden geföret / vnde öuel tracteret / vth den orsaken / dat se solcken vorraedt van Gelde vnde Süluer gehabt / vnde doch ere Stadt mit Krigeslüden nicht beter vorsorget hadden / Wente wen se men ein hundert knechte darinne gehabt hadden / So were se noch hütiges dages in erem vörigen stande. Darümme hebben se solckes van dem Hertoch Magno thor straffe hebben möten/ dat se eren eigen nut dem gemeinen nutte vnde besten vorgetagen / vnde ere Stadt nicht allein mit buwende / sundern ock mit Krigeslüden in der nodt vnuorsorget gelaten hadden.

Anno 1575. vp Laurentij / do Hertoch Magnus wedderümme van Desel getagen was / hefft Claus van Bngern mit etlikem Krigesvolcke/ dat huß Conenborch belegert/ vnde na weinigen dagen/ mehr dorch gelücke vnde vorrasshent/ also dorch gewalt/ eräuert vnde

vnde ingekregen / Wente also de Deneßchen daruor gekamen weren/ ys ein groth Für daro binnen im huse angegahn / vnde so sehr gebrent/ dat men ydt nicht lösschen konde / Derwegen de Knechte vnde *praesidia* des Huses vth den Vinstern stegen/ vnde de anderen/ de dar buten weren / de stegen dorch desüluigen Vinstier wedder henin/ vnde worden also des Huses mechtich.

Den 1. Septembris / Na deme Claus van Bngern neuens den Deneßchen Commissarien / an den Gubernatoren tho Keuel/ so wol also an den Raedt geschreuen vnde begeret hadde/ dat se sich tho em vp de Habselsche grenze vorsögen scholden/ sprake mit einander tho holdende / sint twe vth dem Rade tho Keuel / neuens dem Gubernatoren/ Pontus de Legardia/ affgeserdiget/ thouornemende/ wat de Deneßchen gudes vorthogeuende hadden.

Also äuerst de gemelte Heren vnde Gesanten van Keuel/ yegen den Auent/ tho Parris vp dat Huß / angekamen weren / Do ys ein gantz groth hupe wilder vngewönliker Ehevögell / van gröthe vnde gestalt den brande

Brandtgoßen nicht ungelick/ mit vop dat Husz
 Padis geslagen / vnde sich dar vop de Zinnen
 gesettet / Welckes vorhen van solcken unge-
 wönliken vnde unbekanden Vögeln/ näherle
 gesehen edder gehört ys. Vnde wowol de
 Knechte d. süluigen Vögel hebben vorschuch-
 teren willen/ vnde etlike herunder geschaten/
 hebben se doch solckes gar nichts geachtet/ sin-
 dern sint styff beth in de nacht darup besitten-
 de gebleuen/ des andern dages äuerst / hefte
 men se nicht mehr vornamen. De orsake
 äuerst / worümme de Keuelschen darhen vor-
 schreuen wörden / ys gewesen / Dat Claus
 van Vngern/ neuens den Deneschen Com-
 missarien/ dat Husz Padis begerede/ vnd dar-
 neuens protesterede / so dat Husz affhendich
 vnde dem Muscowiter tho dele wörde / wolde
 he ydt by den Keuelschen weten / Äuerst men
 hefte em nichts tho willen gewust.

Den süluigen Heruest/ Anno 1575. Heb-
 ben sich de Stiffischen van Riga / mit des
 Hertogen tho Curlandt Knygesuolcke gerü-
 stet / vnde hebben dem Rüssen vnde Hertoch
 Magno van Holstein / de huser Helmede /
 Ermis/ Rügen vnde Purckel/ wedder nemen
 wil.

willen/hebben äuerst der keines mehr/ alse Rü-
 gen alleine/eräuert vnde bekamen.

Anno 1576. im Januario/ Is eine macht
 van Rüssen vnd Zateren/ Eöß dufent starck/
 in Lyfflandt angekamen / vnde den 27. Ja-
 nuarij / sint se in de Wyke gefallen / vnde heb-
 ben de Huser vnde Beste/ Lode/ Leal/ vnde Bi-
 ckel/ stracks ganz trüwloß/ ane noedt/ vopgege-
 uen erlanget vnde ingekregen. Darna sint
 se vor Habsel gerücket mit weinigem Ge-
 schütte/ vnde hebben sich dar men sehen laten/
 vnde nicht eins geschantzet edder geschaten/
 vnde alse se den 9. Februarij daruor gekamen
 sint/ hebben sich de vop dem huse / nömliken de
 van Adel in der Wyck/ Börger/ Höuetlüde/
 vnde Knechte/ stracks mit den Rüssen in han-
 delinge gegeben / vnde den 12. Februarij / de
 heerlike Beste Habsel / dem Muscowiter ane
 noedt vopgegeuen/ so doch dem süluigen huse do-
 mals an profiande vnde Volcke/ vnde allerley
 noderofft/ gar nichts mangelde/ vnde gar kei-
 ne nodt hadde/ wen se sich men weinich thor ye-
 gen wehre hadden stellen willen. Also hefte de
 Muscowiter de gemelten Huser in der Wyck/
 sampt

sampt dem Lande erlanget vnde bekamen. Alse en äuerst de schimp darna begüde tho ruwende / vnde ock de Conscientie sick tho rögende / Do wolde keiner schuldt hebben / Vnde hebbent also de Börger sampt den Krygeslüden / vpon den Byckeschen Adell / so mit vpon Habsel vnde andern Hüsern gewesen weren / vnde de Adel wedderümme vpon de Krygeslüde vnde Börger schuuen willen.

Alse äuerst de Rüssen vpon dat Husz gefamen sint / Do sint etlike van den Habselschen Junckern noch so guder dinge gewesen / dat einer twe Junckfrouwen vrom Adel / vpon synem Schote sittende gehat / vnde mit en gescherzet hefft. Disser grothen sekerheit hebben sick de Rüssen nicht genoechsam vorwunderen können / vnde hebben tho Hinrich Borwsmann / des Hertoch Magni Hoff juncker / de solckes mit angesehen hefft / gesecht / Hinrich / wat möte gy Dädeschen seltsame lüde syn / Wen wy Rüssen solck ein Husz so lichtferdich vpongegeuen hadden / wy dorsten vnse ogen vor nenen redeliken lüden mehr vpschlan / vnd vnse Grothförste wörde nicht weten / wat he vns vor einen dodt anleggen wolde / vnde de Dädeschen
vp

vpon Habsel döruen nicht alleine ere egen vpon schlahn / sundern döruen noch mit Junckfrouwen spelen / gerade alse hadden se vndt wol vthgerichtet / Daryegen hadde Hinrich Borwsmann nichts antwerden können / dewyle he dat süluen mit synen ogen angesehen hadde.

Alse nu Habsel ingenamen was / Is Knese Jürgen / de äuerste Belthere des Muscowiters / in einem Badstauen binnen dem Flecke gestoruen / vnde hefft also disse Knese syne vöte nicht vpon Habsel setzen möten.

Tho der tydt sint de Rüssen vnde Tatern vorth vpon Desel gerücket / vnd hebben ganz Desel beth an Schweruerordt / vorheret / vnde ganz vele armer lüde gefencklick in de Muscow vnde Taternen geföret. Also hefft de Muscowiter domals mit des Königes van Dennemarcken Landen vnde vnderdanen in Lyfflandt vmmegesprungen / Wolde Godt / dat solck schimp vnde schade / deme Könige thogeföget / vnde dat grothe hertelendt / so den armen lüden aldar wedderuaren is / mochte gewraken werden / Vor de trüwlosen äuerst / so vth lichtferdicheit Könincklike hüsere vnde

2 Lande

Lande vorgeuen hebben / steyth nicht tho biddende.

Alse de Muscowiter der ganzen Wyck nu mechtich was / Do ys he ock in des Könin ges van Schweden deel in Lyfflandt gefallen / vnde den 18. Februarij dat husß Padis bele gert / vnde na deme he vngeschanket mit etli ken stücken einen dach äuer daruor geplacket hadde / ys ydt em / den 20. Februarij / stracks van dem Höuetmanne / Hans van Olden borch / opgegeuen worden. Also hefft de Musc owiter de vyff huser vnde Beste / Habsel / Lo de / Leal / Bickel / Padis / sampt allen thogehö rigen Landen vnde lüden / mit geringer macht vnde gar weinigem ernste / alleine dorch schreck vnde drouwent gar schimplich wech gekregen. Tho dersülügen tydt / alse de Lande vimme Keuel so oft vnde vaken vorheret vnde vor teret weren / hebben de armen Buren vth mangelinge der Sffen vnde Peerde / ere Köye vor den Schleden spannen / vnde ere nodtrosse vth vnde in de Stadt fören möten.

Anno 1576. den 29. Aprilis / hebben de Schwedisschen dat husß Padis belegert / bes
schan

schanket / vnde tho storme beschaten / vnde na deme se beth an Hemmelfarths dach daruor gelegen / vnde etlike mahl vorgeues gestormet hadden mit weinigem Volcke / vnde dar vnt melanges her nicht mehr tho rouende was / vnde de Sudelers ock nicht mehr Beer tho fören wolden / dewyle de burse kein roeffgude mehr vor dat Beer thogeuende hadde / sint se mit spotte vnde schanden vngeschaffet wedder affgetagen. Dewyle äuerst de Schwedisschen vor Padis legen / ys Glaus van Ungern van der Arensborch tho Habsel ingefallen / de Rüssen so wol alse de träwlosen Dädeschen dar süluest thouorrasshende / hefft ock erer etli ke fencklich gekregen / vnd desülügen in Den nemarcken geschicket.

Den 30. Maij / hebben Keners Maximilian II. Legaten / de vth der Muscow geka men weren / van Riga an de Keuelschen geschreuen / dat se mit allem flyte vimme einen stillstandt / vor de Stadt Keuel / in der Musc ow gehandelt hadden / Äuerst hadden nichts erholden können / Doch entliken hadde sick de Muscowiter so vel vornemen laten / so verne de Keuelschen stille heelden / wolde he ock wol
N ij stille

stille holden / Auerst wo lange / dat hadde he nicht darby gesecht.

Den 22. Junij / sint auer 500. Rüssen vnde Tatern van Wittenstein vor Keuel gesamen / vnde hebben alle dat Behe vp dem Laskesberge wech gedreuen. Do sint de Haueslüde / in de 100. Peerde starck / vnd ein paer hundert Landesknechte / sampt Börgern vnde Husknechten / balde ferdich geworden / vnde hebben den Vyenden / auer 4. myle wegese / all dat Behe wedderümme affgenaget / vnde etlike der Rüssen vnde Tateren erschaten / vnde etlike gefangen ingebracht.

Den 11. Julij / sint des Königes van Schweden Krygesschepe vor Riga gerücket / vnde darsüluest etlike waningen by der Düne vyendliker wyse affgebrandt / vth orsaken / dat de Köninck van Schweden etliker vorschuldes der saken haluen / tho den Rigesschen ein ansprake hadde / vnde de Rigesschen sich mit eme derhaluen noch nicht vorgeliket vnde vordragen hadden.

Im Julio dorch vth / hebben de Rüssen vnde Tatern allewege van Wittensteyn vnde de Padis vor Keuel gestroffet / vnde Börger peerde /

peerde / Knechte vnde megede / so na Horwe vth gingen / oftmais vorrasschet vnde vmmie Keuel her vele armer Buren sampt eren Wyueren vnde Kindern fencklich wech gesöret. Do was by Börgern vnde Buren ein groth nammer vnde wehe klagent.

Den 26. Julij / hebben sich de Schwedischen tho Peerde vnde tho Vote wedderümme na allem vormöge gestercket / vnde sich int Belt begeuen / den spot an den Rüssen vnde Tateren tho wrekende / vnde des wegese na Padis getagen / de Tateren thouorrasschende. Tho dersülügen tydt / hebben sich 50. Losdryuers van vndüdeschen / heimliken by nacht tyden / dar kein minsche in der Stadt van wuste / int Belt begeuen / vnde einen andern wech vor sich genamen / vnder welckeren nicht mehr als 16. weren / de lange Röre hadden / vnde als de Tateren vor Padis der Schwedischen ankumpft vornemen / sint se vor en geflagen / vnde den Losdryueren recht tho mate vnde tho gelücken gekamen / doch schlumpes wyse / wente de eine wuste van dem andern vorheit nichtes / De Losdryuers dörrften sich by dage an de Tatern nicht maken / dewyle se en tho

Das Driidde deel

schwack weren / sundern vorheelden sich in
bussche vnde broke / vnde geuen gude achtunge
darup / wor sich de Tateren yegen de nacht les
geren worden / Vnde also se sich im Dörpe tho
Drrendall / by einer depen Beke entlangest /
dar se vor den Dudeschen vnde Schweden ei
ne frye vnde velige syde hadden / legerden / vn
de schlafen leden / vnde ere Peerde grasen les
ten / Do kamen disse vorgemelte vndudes
schen by nacht mit eren Kören auer se heer /
vnde maken ein groth geschrey vp Dudesch /
so vele also ein yder konde. De Tateren me
neden nicht anders / sundern dat ydt ydel Dü
desche vnde Schweden weren / slögen derwes
gen tho bussche vnde tho broke / vnde geuen en
alle ere Peerde vnde Rüstinge thourne / do
nemen se dar auer 80. Peerde / vnd yageden
darmede stracks na Keuel tho / vnde leten sich
daranne genögen / Wente de meisten van en
weren ere leuedage nicht eines Peerdes here
gewesen / Vnde wen erer noch weinich mehr
gewest weren / edder wen disse men ein herte
gefattet / vnde einen standt gegrepen hadden /
se hadden wol alle de Taterischen Ballachen /
der

Der auer 300. weren / dar van bringen mö
gen.

Darna hebben sich ock etlike Dudeschen /
euen vp desäluiige wyse / int Belt beguuen / vn
de sint des wegcs na Byrlandt dorch bussch
vnd broeck getagen / vnde hebben 40. Rüssen /
darunder stolte Boyaren weren / dar liggende
gefunden / vnd also de Dudeschen schyr na an
se gekamen weren / sint se vpgesprungen / vnde
im Hembde tho bussche in gelopen / vnd hebben
alle ere Peerde vnde staedlike schuben thour
ne gegeuen / Wente se weren so seker gewesen /
dat se sich vp dat hembde na vthgetagen / vnde
tho schlape gelecht hadden. Do nemen de
Dudeschen ere schuben / rüstinge vnd Balla
chen / vnde setteden sich darup / vnde kamen
statlick tho Keuel inrydende / nicht anders / also
wen se Muscowiters weren.

Thom lesten / hebben sich 60. Stadt lans
desknechte / beth in de Wycke na Bickel vor
drystet / ere gelücke ock tho sökende / vnde heb
ben einen staedlichen hupen Behes / van Os
sen vnde Köyen / erlanget / vnde vor sich her ges
drenen / beth tho Kappel / dar se auer 400.
Rüssen vnde Tateren fänden / de en dat Behe

wedder affhagen wolden/ vnde hebben mit gewalt tho den Dudeschen knechten ingesettet/ de Dudeschen äuerst hebben sich ock dapper geweret/ beth so lange se einen Thün inreogen/ vnde vele Rüssen erschöten/ vnde sich so wol alse ere büte daruth vordegedingeden.

Do äuerst de 400. Rüssen/ an de 60. Dudeschen/ mit gewalt nichts hebben konden/ hebben se dorch eren Dudeschen Volck/ desülungen Knechte thom affualle bereden willen/ mit vorhetinge grother gnaden/ vnde darbeneuen ock mit grothem drouwende/ ydt hefft äuerst alles nicht gehulpen/ Wente de Knechte sint mit erer büte vnuorseriget dar van gekamen/ vpon einen Knechte na/ welcker mit einer Glüzen an dem Arm weinich ys vorleket worden/ hefft em äuerst am Leuende nicht geschadet. Hymach men äuermals sehen/ wo gudt handes lent mit dem Rüssen ys/ wor ein klein ernst gebрукet werdt.

Darna hebben ock de Buren/ Dregers/ vnde allerley gesinde van Husknechten vnde Losbruyeren/ mit willen der Auericheit/ etlike Fanen opgerichtet/ vnde na Dudeschem gebruke Höuetläde/ Fenriche vnde andere beschlich

fehlich hebbers vnder sich vorordent/ vnde sint also in des Rüssen Landt oft vnde vaken getagen/ de eine Fane hyr de ander dar/ vnde vpon de Rüssen in busschen vnde bröken geluret/ ere haue vnde güder geplündert/ vnde offtmals Rüssen gefencklick ingebracht/ vnde hebben de Rüssen vnd Tateren so schuw gemaket/ dat se vth den Schläten nicht einmahl kyken dorsten. Den spot hebben se wedder van den Buren vnde etliken schlauen lyden möten.

Dissen Sommer/ Anno 1576. hebben dre vam Adel in Churlandt dat husz Ambosten/ Welckes dem Hertoch Magno van Holsteyn tho gehöret/ in des Staedtholders affwesende vorrasschet vnde ingenamen/ welckere sich alse Gründe vnde Schwegere/by des Staedtholders Frouwen hebben inweruen laten/ vnde alse se vpon dat Husz gestadet sint/ hebben se de Poerte berönth/ vnd ingenamen/ beth so lange ere hinderholt van den Littouweren heran gekamen/ vnde henin gedrungen ys. Dith Husz hefft Carolus Ezone/ Staedtholder vpon Püten/ wedder eräuert/ vnde desülungen dre vam Adel/ äuer de Mären hengen later.

Anno 1576. des Donnerdages vor Martini / ys ein vondencklick vnde ungehöret groth Schne tho Keuel / vnde dre edder veer myle wegēs vmmē Keuel her gefallen / Also / dat vele lüde binnen landes / de na Keuel wol den / vpon dem wege in dem depen Schne vmmē gekamen sint / Desgeliken arme Frouwen / de ere yungen Kinder in de Stadt thor Döpe bringen wolden / sint mit den Kindern im Schne vorsapen / vnde vele / do se vnradt vornamen / hebben ere Schleden mit allerley wahre geladen / vpon dem wege stahn laten / vnde de Godt gedancket / dat se mit den leddigen Peerden daruan gekamen sint / vnde de Börger vnd Inwaner / so auer ein halue myle van der Stadt erer geschefte haluen vorrenset weren / konden nicht ehr wedder in de Stadt kamen / ehr de wech / na etliken dagen / ein weinich wedder gebanet was.

Tho dersäluiigen tydt / hebben Hertoch Magni hanelüde van Kareks / vnde Duerpallen / dat Schloth Lemsell / by nacht tyden vorrasschet vnde ingefregen / dar se dorch ein finster scholden ingestegen syn / Vnde ys dat vorrasschent (ick hadde schyr gesecht vorrederne) tho

tho dissen tyden / dat beste Ridderspil in Lyfflandt gewesen.

Anno 1576. den gantzen Heruest dorch / beth an dat Nye yar / sint soleke erschrecklike storm winde / vnde brusent des Meeres gewesen / alse ydt van keinem Menschen vorhen gehöret / edder gedacht ys worden. Wente an dem einigen orde tho Keuel / hefft ydt keinem Menschen gedacht / dat Kercken törne / vnde Bolwerck in der hauen / vmmē geweyet vnde affgedreuen sint / alse dith Jar gescheen ys / vnde in keinem Jare sint so vele Schepe vnde Schuten / mit vuller ladinge / vor Keuel gestrandet / vpon einen Heruest / alse vpon disse gemelte tydt / vnde solkes ys an velen anderen orden mehr geschehen.

N vj **K**orte

Korte beschryuinge
des yennigen / Wes sich Anno
1577. in der andern Muscowitzschen be-
legeringe/ tho Keuel thogedra-
gen vnde begouen
hefft.

Adem de van Keuel den
Heruest thouorne / gewisse
kundschoep gekregen hadden/
dat de Muscowitzen den Win-
ter auer sich vor Keuel mit al-
ler macht legeren wörde / sint se etliker maten
in frächten gewesen / Tho deme hefft ydt en
oek selzame gedancken gemaket / de mannich-
foldige wedderwerdicheit de en den ganken
Heruest auer thouorne beyegenet was / Aise
Erstlick / dat de 2000. Knechte / de vth Fin-
landt thor besettinge der Stadt Keuel ka-
men scholden/ van wegen des siedem grothen
onwedder vthe blyuen mosten. Thom An-
dern/ dat 120. Knechte vnde Büssenschütten/
welcker de Keuelschen tho Lübeck hadden
anne

annemen laten / oek des Onwedders haluen
nicht kamen konden. Thom Drüdden / dat
etlike van des Königes van Schweden
Schepen / mit profiande / Krudt vnde Lode
geladen/ in den Schwedischen Scheren/ dorch
einen storm mit ganker ladinge gebleuen we-
ren/ Vnde ein van den süluigen Schepen/ mit
allerley nodtrossit geladen/ tho Keuel gekamen
was / vnde alse ydt sich yegen den Auendt/
achter dat bolwerck / gesettet hadde / ys ydt
stracks des süluige nacht gestrandet / vnde tho
allen stücken thoschlagen / also / dat den Ke-
uelschen dar gar nichts van tho nütte geka-
men ys. Thom Veerden / hadden de Ke-
uelschen / in der vorsammelinghe der Hense
Stedte tho Lübeck / van den Dankern He-
ren de thosage erlanget/ dat se den Keuelschen
mit Gelde/ Korne/ vnd Krygesuolcke tho hül-
pe kamen wolden. Solcke thogesechte nod-
trossit van Danzke tho halende / hebben de
Keuelschen ein Schip gefrachtet / vnde dar
hen lopen laten/ Auerst alse de Schipper dar-
hen gekamen ys/ hefft he de Danker mit der
süluigen sucht oek behafftet gefunden/ welckere
mit erem nyen Heren / dem Könige van Pa-

Palen / in einen Krych geraden weren / vnde
 sich gelikes falles einer belegeringe vormoden
 mosten / Derwegen konde de eine Krancke
 dem anderen nicht tho hülpe kamen vnde de
 handt langem. Thom Böffen / ys dat Bol-
 werck in der hauen vor Keuel / dorch grothen
 Storm wech gedreuen worden / Welckes
 kein Minsche vorhen gedacht hadde. Thom
 Eösten / sint ock korth vor der belegeringe / twe
 vorreders / Nömliken / Diderick Munkhardt /
 eines schmedes Sön van Dörpte / vnd Hans
 Kock / vth Duerpalen bördich (welckere lange
 tydt vor hanelüde gereden hadden / vnde alle
 gelegenheit der Stadt wusten) tho dem Mus-
 cowiter vorlopen / vnde hebben em alle kundt-
 schop vth der Stadt Keuel gebracht. Wo-
 wol nu solckes alles eine böse antöginge gewes-
 sen ys / So hebben dennoch de van Keuel an
 Gades gnade vnde bystande nicht getwuel-
 telck alleine de noedthelper ys / vnde bil-
 lich ock alleine dissen Titel föret. Wen äuerst
 de Keuelschen alle de gedachte middel vnde
 hülpe / vth vorgemelten Orden erlanget had-
 den / hadden se sich vellichte ganz darup vor-
 laten / vnde vth sekerheit des Noedtancers der
 Chri

Christen / Nömliken / des innigen Gebedes tho
 Gade dem Allmechtigen / vorgeten / Derhal-
 uen hefft en Godt desälungen middel nicht tho-
 steden willen / vp dat men erfahren scholde / dat
 he alleine de rechte helper ys in allen nöden /
 Wo denn ock Godt de Allmechtige / mit syner
 schynbarliken hülpe / den Keuelschen in gnaden
 by gestahn hefft.

Vnde dewyle de Byendt gewislick ka-
 men wolde / gaff ydt dennoch groth wunder /
 dat he solcken harden Winter / de em sehr föge-
 de / so lange vortoch. Endtliken ys he gelyckwol
 nicht vthgebleuen / sundern den 22. Januarij /
 yegen de nacht / mit geweldiger rüfinge / tho
 Gegelecht / dre mylen van Keuel / angekamen.
 Do sint de vorspehers vomme 9. schlege yegen
 de Nacht / ock wedder gekamen / vnd hebben ge-
 wisse kundschop gebracht / dat de Muscowi-
 ter mit ganzer macht vorhanden were / Do
 hebben twe Bürgermeistere / nömliken / Her
 Fredrick Sandtstede / vnde Her Diderick
 Korffmaker / sich stracks an dat Marcket vor-
 föget / vnde hebben allen Inwanern tho Ke-
 uel ankündigen laten / dat de Byendt vorhan-
 den

den were / vnde dat em yder syner saken gude
achtlinge hebben scholde.

Volgendes dages / den 23. Januarij /
op einen Middeweken vor Middage / hefft
men den Muscowiter / bauen vnde op yenner
sydt dem Steinberge / her trecken sehen mit He-
res krafft / Welcker treck den ganzen dach
beth in de düster nacht gewaret hefft. Vp dissen
dach / hebben de Rüssen keine schermüzelinge
holden willen / ock hadden de Keuelschen den
dach auer nicht lange tydt se tho tobbede /
Wente se mit eren Gaerden vnde schünen aff-
thobrekende / genoechsam tho schaffende had-
den.

Do hebben de Vyende erslick 4. Leger
vor Keuel geschlagen / Dat erste Leger ys ge-
wesen thor auersten Mölen / op dem Berge /
vnde in den grufften. Dat ander op dem
Steinberge / in den steingrouen / den ganzen
Berch entlangest. Dat drüdde Leger by dem
Waterhuse / in den Sandtbergen. Dat
veerde Leger ys der Lateren gewesen / langest
der Zerwekulschen Eche / ein groth verndeel
weges lanck.

Darna

Darna alse de Stadt beschantzet wordet /
hebben de Streitken / dat sint de Hackenschüt-
ten / dat Böfste leger / bauen vnde vnder S.
Zonniesberch / in den beyden schancken ange-
schlagen / Vnd hinder dem berge / den ganzen
Anberch entlangest / na der Schwartenbeke
werk / hebben ock etlike dusent Rüssen tho
Peerde gelegen / de neuens den Hackenschüt-
ten mit op de beyden schancken / vnde op dath
Geschütte wachten scholden. Alse nu des
Muscowiters macht vor Keuel sicc gelegert
hadde / Do hefft men nicht einen Minschen
in der Stadt bedröuet edder vorkaget gesa-
hen / sundern alle frisch vnde wol gemodet / vnd
einem yderen hefft geducht / dat em ein Eeyn
vam herten gefallen were.

Do nu de Vyendt in den veerden dach
mit der schermüzelinge stille gholden hadde /
vnde men nicht erfahren konde / wat dech vor-
syn sate mochte / sint de Keuelschen den 26.
Januarij / mit aller macht / omme kundtschop
haluen / tho em vthgefallen / vnde hebben sicc
beth achter S. Johannes Spittal / na den
Sandtbergen / gar wyndt vordrystet / Auers
de Rüssen wolden nicht starck ankamen / sun-
dern

der heelden in vuller schlachtordeninge als
lenthaluen gar schwarz vnde dicke/vnd wach-
teden darup / dat de Keuelschen sich noch wy-
der henuth voordoen scholden / also denn: wol-
den se de Keuelschen ommeringet vnde nedder
gelecht hebben. Auerst dorch sündertlike schi-
ckinge Gades / leten de Rüssen etlick Belt ge-
schütte altho hastich manck de Keuelschen aff-
gahn/dardorch se vororsaket worden wedder-
ümme na der Stadt tho wykende. Do wordt
nicht mehr / also ein Schwedisch Landes-
knecht erschaten/dat was alie de schade op den
dach / vnde thom crsten male. Wen auerst
de Rüssen beherkte Krygeslüde gewesen wes-
ren / vnde hadden wor ein dusent Mann ge-
waget / vnde mit dem ganzen hupen op de
Keuelschen thogesettet / vnde en/dewyle se ver-
ne genoech van der Stadt weren / den wech
benamen/wo se gar lichtlick hadden doen kön-
nen / de Stadt Keuel were den dach mehr/
also halff/ ere gewesen / Auerst se hadden dat
herte nicht / vnde Godt hadde se ock vorblen-
det.

Densüluiigen 26. Januarij / negen de
nacht/hebben de Rüssen op S. Tönniesberch
ge

geschantzet/vnde den volgenden 27. Januarij/
op einen Sondach / frö morgens / angefan-
gen mit Cartouwen vnde Schlangen in de
Stadt tho schetende/vnde vnder der Predige/
in S. Nicolaus Kercken ein Iserne kugel/van
52. punden/manck dat Volck geschaten. Vn-
de wowol de Kercke van Börgern vnde Ges-
sellen / Frouwen vnde Junckfrouwen / yunck
vnde oldt / gar vul was / vnde desüluiige Kugel
dorch ein Vinstern in de Kercke sloech / vnde
manck dat Volck nedder vill / so hefft se den
noch keinen minschen mehr beschediget / also
einen yungen Börger / Hans van Mallen
genömet / welcker an einem arme vorleket
wordt. Na der tydt ys de Predige van der
Parkercken S. Nicolaus / na dem hilligen
Geiste vorlecht worden.

Densüluiigen 27. Januarij / negen de
nacht / hebben de Rüssen dat nye Eckenhuß
dorch Furbelle angesticket / vnde dat halue
dach vnde speerte des huses affgebrandt / a-
uerst de ander helffte ys gereddet worden. Vt
hadde ock wol keine noedt gehat / wen dach
How dar van gewest were / vnde men gude
wacht gehalten hadde. Vt ys auerst vnges-
löfflick

löfflick wat vor ein friffhent vnde groth glorierent der Rüssen / vnde welck ein grüwlick schetent ys gehöret worden / so lange alse dath Huß gebrendt hefft.

Den 28. Januarij / omme 8. schlege / vegen de Nacht / hebben sich de Rüssen wat neger / nicht wydt van des Schlates Kalckauen geschancket / vnd grothe Blockhäuser vppgeschlagen / Do wordt ein allerm in der Stadt / dath men nicht anders meinede / de Byendt wörde mit gantzer macht tho storme lopen. Alse äuerst disse allerm gestillet was / hefft ein Genltin Schwediffcher Knechte eine Ridderlike daedt begahn / welcker sint tho den Rüssen in de Schanze vnde Blockhäuser gefallen / hebben erer ganz vele erschlagen / vnde einen Muscowitiffchen befehlich hebber / daranne omme kundschop haluen / vele gelegen was / gefangen vnde vorwundet ingebracht / Welckeres kundschop vormocht hefft / Ersilick / dat des Grothförsten van der Muscow Krygesvolck an Rüssen vnde Tateren thosamende / 50000. starck / vor Keuel lege. Thom anderen / dath de Grothförste in eigener persone nicht dar mit were / sundern syne vornemeste Knes

Knesen vnde Boywoden / Alse ersilick Knes Feder Zwanowitz Mystyblawoffsky / ein hunger Mann / darna syn thogeordente Lutenandt / Zwan Basiliowitz Selymetyn Kolkoff / de beste Krygesheldt des Muscowiters / Welcker dem Grothförsten gelauet hadde / he wolde em de Stadt Keuel vorschaffen / edder he wolde nicht leuendich wedderümme vor syn angesichte kamen. De drüdde were Knes Demyter Andreywitz Schorlethoff. De veerde Knes Mykita Pryemka / welcker äuer de Archelhe bescheyden were. Thom drüdden / dat de Grothförste vpp Marien vorkündigung mit mehrem Volcke folgen wörde. Thom veerden / dat des Grothförsten meyste Archelhe vnde Geschütte vor Keuel lege. Dartho twe dusent Tunnen puluers / welches se vorscheten / vnde ere gelücke darmede an Keuel vorschöken scholden. Thom vöfften / dat se alle im Leger an Keuel vortwyselden / vnde spreken / ydt were nicht de Polozko edder de Parnow. Thom söffen / dat de twe vorreders im Leger geraden hadden / dat men de schanze vpp S. Tönniesberch schlahu scholde / dar de Stadt am schwackesten were / sunst

wuste he nicht mehr / Wente he in dissem dage nicht mit vth der Muscov / sundern vordren dagen / van Padis int Leger gekamen were.

Im anfang der belegeringe / hefft ock de Vhendt der Stadt dat Water / by dem Waterhuse / benamen / vnde vth dem Waterhuse / dar dat Water in de Stadt lopen moth / eine Rackerne gemaket / vp dath de Keuelschen nichts reines van Water in de Stadt frygen scholden. Auerst dar was des Waters haluen kein mangel / ock ys dar kein gebreck edder mangel an yennigerley lyues nodtrotzt vnde profiande gewesen / sundern de Stadt was vp ein gantz Jar genoechsam vorsorget gewesen.

Tho deme / so was de Stadt Keuel mit truwen vnde Godtfruchtigen Regenten vnde Raedtlieden vorsorget vnde wol vorsehen. Wente Her Hinrich Claussen Ridder tho Kanckas / ein older erfarnier Knygesheldt / vnde syn Sön Her Carl Hindricksen / sint domahls Gubernatores vnde Regenten tho Schlate gewesen / Welckere an sicc / wat truwen vnde Godtfruchtigen Gubernatoren

egent

egent vnde geböret / nichts hebben mangeln laten / ock keinen Byn / Beer / edder schlaep vor dat vpschent vnde Gubernation sorge genamen / sundern hebben gar flytich dach vnde nacht in eigener persone de Wacht süluest bestellet / vnde vorsorget / vnde hebben erem Exempel na / alle Höuelüde / vnde befehlich hebers / vnd gemeine Landesknechte / gelikes sales ock also doen möten. Disse gemelte Herren / hebben ock süluest vp de Vhende de grothen stücke offtmals / mit grother gefahr gestellet vnde losgebrandt / also / dat de Börger darauer gekurret vnde gesecht hebben / De Gubernatores vordrysteden sicc altho sehr / Wente wen einer van en darauer tho schaden queme / dat scholde der ganken Stadt einen grötheren schaden vnde schreck geuen / also wen hundert andere erschlagen worden / Auerst dar hebben sicc de gemelte Herren nicht angekeret / sundern sicc allewege flytich gebrunken laten / Desgeliken dede ock ein Erbar Radt der Stadt Keuel.

Des hadden de gemelten Gubernatores alle de Schlates welle vnde Törne mit Blockhüsren / geweldich vorburwet / vnde des

fäluiigen alle neuwenst den stryckweren / mit solcker staedtliken Köninckliken Archelhe vnde Geschütten / van helen vnde haluen Cartouwen / Schlangen vnde storme stücken / also vorsorget / dath sich alle Menschen in Keuel darauer vorwundert / vnde ere lust daran gesehen hebben / vnde de teynde minsche in der Stadt / hefft solckes vorhen nicht gewust eoder gelouet / dat solck eine Könincklike Archelhe op dem Schlate tho Keuel syn scholde. Tho deme sint ock alle Belle / Runderle / Dwenger vnd stryckweren der Stadt / mit Cartouwen / Selttschlangen vnde stormestücken also auerflöddich vorsorget gewesen / dat men etlike Cartouwen vnde stücke / de ganze belegeringe auer / nicht eins thogebriukende bedörffte. Vnde worwol de Muscowiter vele geschüttes vor Keuel hadde / so ys doch vyff mahl mehr geschüttes tho Keuel / op dem Schlate / vnde in der Stadt gewesen.

Vnde dewyle men ock vornamen hefft / dat des Muscowiters meininge was / de Stadt Keuel / gelick alse de Polozko / mit Süre tho beengestigende / hebben de Subernatores / vnde ein Erbar Raedt der Stadt / disse vorsichtis

sichticheit wedderümme daryegen gebriuket. Erstlick hebben se allen Börgern vnde Inwaneren der Stadt ankündigen laten / dat ein yder by vormydinge grother straffe / alle dath Holt / How / Stro / vnde allent wat van Süre balde angezündet werden konde / van synem Böne affwerpen / vnde in Kellern / vnde vnder den gewelfften vorbergen / vnde ock ein stede Wacht / dach vnde nacht / op synem Böne halden scholde. Tom Andern / ys ein stede rydende Wacht by nacht tyden / de ganze belegeringe auer / gehalten worden / de vmmeheryden / vnde wol tho sehen scholde / wor de Sürbelle hen sellen / vnde densäluiigen stracks nariden / vnde den Lüden solckes vormelden / dat se balde darby weren / vnde se vth dempeden. Thom drüdden / hadde ock ein Erbar Raedt ein sane Harrischer Buren / auer 400. starck / stolte vnuorkagede Kerls / vnde meystpart Hakenschütten / mit geringer besoldinge bestellet / welcker Buren höuetmann was Iuo Echenckenberch / eines Müntemeisters Eön van Keuel / ein freydiger / beherzter hunger Mann / de syn büresche Knygesvolck mit allen besehlich vnde Empteren / na Düdescher

3 v ordes

ordeninge vnde gebruke affgerichtet hadde /
 Vnde desüluigen Buren / neuenst den Düdes-
 schen vnde Schwedischen Landesknechten /
 begerden nichts leuers / also alle dage vnde
 nacht mit den Rüssen tho schermützelen / wo se
 denne ock offemals den pryß erlanget hebben /
 Derwegen Iuo Schenckenberch van synen
 mißgünstigen / Hannibal / vnde syne Buren /
 Hannibals volck ys genömet worden. Dissen
 Hannibal vnde synem Volcke / weren de Rüs-
 sen insunderheit vnyendt vnde gram. Ock ys
 disse gemelte Hannibals fane vnde Furbelle
 tho wachende bestellet gewesen / mit solckem
 bedinge / dat se scholden dach vnde nacht by et-
 liken rotten gude wacht holden / vnde so man-
 nigen Furbal ein yder dem Krygesäuersten
 der Stadt bringen wörde / so mannige dre
 Mark / dat ys ein ordt goldes / scholde ein
 yder hebben alle mahl / Vnde wen se einen
 Furbal vnde eines börgers huse beschlügen / dar
 keine wacht vnde dem böne vorhanden were / des-
 süluigen Börgers huse scholde se men stracks
 vnde lopen / vnde den Furbal dempen / edder vth
 der loken vnde der straten warpen / des scholde
 en desüluiige Börgen / de keine Wacht gehol-
 den

den hadde / einen haluen Daler stracks thogeso-
 uende schuldich syn / tho yeder tydt / *Quia spe com-
 modi mouemur omnes.* Do sint de Keris ganz
 lustich geworden / vnde hebben sich mit den
 Furbellen dach vnde nacht genaget / gelick als
 se de Knaben mit den Rüselen vnde der straten /
 dat manniger / de bedröuet vnde trurich was /
 sich darauer vorquicken vnde lachen möste.
 Thom Beerden / möste ein yder vnde synem bö-
 ne natte Offen hände / Ketelen edder Ballien /
 mit messe befraren / alle wege berendt hebben /
 dar mit men de Furbelle dempen möchte / des
 wyle dat Water dar nicht tho denen wolde.
 Tho deme sint ock alle Böne in Keuel mit bre-
 den steynen flossen wol belecht / vnde mit erdt-
 ryke ganz dicke bedragen gewesen / dat weit
 gelick Furbelle darup sellen / se dennoch so bald
 de nicht dorch bernen konden. Dorch sol-
 che vorsichticheit der Auericheit vnde flytige
 wacht / vnde do men ock in de gewanheit gefa-
 men ys / hefft men einen Furbal nicht mehr
 geachtet / also einen vogel in der lucht.

Wat de Fümeler belanget / konden de
 ock keinen sunderliken schaden dohn / deswyle de
 Häuser in Keuel fast alle dre böne hoch sint /

vnde ein yder Boen mit geweldigen dicken balcken gantz dicht gespündet / vnde mit bredden flusen auer her belecht / vnd mit erdriffe gantz dicke vnde hoch bedragen weren / vnde esst he wol einen boen dorch warp edder dorch fell / so weren doch de andern beyden fry. Der wegen ein yder Börger in syner Stuben vnde Kameren gantz velich vnde seker daruor gewesen ys / Wat auerst vor schaden van den Tümelers geschehen ys / schal hyrna körthlick vormeldet werden.

Den 1. Februarij / hefft de Rüsse dath herlike Kloster Mariendael / S. Virgitten Ordens / gantz vorwöstet / de altare herunder gereten / vnde vth den dickesten steynen vele Tümelers gehouwen / vnde dat herlike dach vnde sperfell herunder geworpen / vnde na dem Leger geföret. Vp desäluiige tydt / hefft he ock de Galge mit den Deuen vor Keuel gespolteret / vnde de balcken herunder geworpen / vnde int leger geföret.

Den 3. Februarij / yegen de nacht / ys Laurentz van Kollen / der Schwedisschen knechte Höuetmann / vth grother vormetenheit /

heit / in drunckener wyse / süß vöfftich / ane Raedt vnde willen der Gubernatoren / tho vote in des Rüssen schanze gefallen / erer etlike erschlagen / vnde eine Felttschlange vth der schanze gehalet / vnde vp dat Schlot tho Keuel gebracht / vnde ock so vele darauer gekregen / dat he des andern dages gestoruen ys / an welcherem vthfalle keiner einen wolgefallen gedragen hefft / Wente men hadde wat anders yegen de Rüssen in der schanze vorge namen / auerst hyr dorch wordt ydt vorhindert / vnde de Rüssen würden men gewisiget vnde gewarschuwet / ere schanze beter in achtunge tho hebbende. Na der tydt hebben de Keuelschen vorwachtet / dat he men stormen scholde / dar se sich gar wol vpgeschicket hadden / vnde wen men em einen storm edder etlike / mit Götliker hülpe / affgeschlagen hadde / Also denne wolden se thogesehen hebben / weme dat Geschütze in der schanze thogehöret hadde.

Den 5. Februarij / sint etlike Rüssen vor de Stadt gekamen / sprake tho holdende / auerst de Keuelschen wolden se keines wegese hören /

hören / vnde de Landesknechte hebben se vor
vorspehers geachtet / vnde manck se geschaten /
Do sint se in solckem schrecke nlich wech gere
den / dat einer einen Samnitten Kyuer / mit
schwarten vöffen gefordert / hefft fallen laten /
vnde ys mit blotem höuede dar van gereden /
densüluiigen Kyuer hefft ein Landesknecht op
genamen / vnde in de Stadt gebracht.

Den 6. Februarij / yegen de nacht / hefft
de Vyendt noch eine schanke / vnder dat hoge
Kundeel / vor der Schmedepoerten / an S.
Tönnesberch / mit How söderen vnde schantz
körnen angeschlagen. Volgendes dages ä
uerst sint de Keuelschen Knechte / sampt der
Buren fane / vthgefallen / vnd hebben de Rüs
sen vth dersüluiigen schanke geschlagen / vnde
dat How mit teerkrenken angekündet vnde
vorbrandt / Do sint van den Keuelschen meit
twe Buren gebleuen / vnde weinich Knechte
vnde Buren sint vorwundet worden / Auerst
der Rüssen sint nicht weinich gebleuen / de in
der schanke erschlagen / vnde mit den grauen
stückken vam Schlat / vnde vth der Stadt / er
schaten sint. Do sint ock dre Keuelschen vth
des

des Muscoviters äuersten schanke in einem
schäte erschaten worden / vp dem Walle / dar
se ständen vnde dat spil ansegen / de eine was
ein Schnyder / vnde wanhafftiger Börger
binnen Keuel / de ander ein yunck Geselle / ei
nes Radimans Söne van Keuel / vnde de
drüdde ein Büffenschütte. De folgende nacht
äuerst / hefft de Rüsse de schanke wedder inge
namen / vnde mit Blockhäuseren starcker gebu
wet vnde besetzt / alse vorhen.

Den 8. Februarij / schicken de Heren
etlike Bisschers vth / in der Hauen tho Bis
schende / ein stuckeweges van der Stadt / den
Rüssen tho spyte / vp dat men se dardorch vth
dem Leger locken wolde / vnde wen se angeka
men weren / so weren hinder dem Volckwercke
vnde hinder den Schepen etlike Schütten be
stellet / de se entfangen scholden / Auerst de Rüs
sen wolden nicht dicke heran / dewyle se den ans
schlach vormerckeden.

Den 12. Februarij / in der nacht / quam
eine gefangene Schwedische maget / vth dem
Leger vnder dat Schloth tho Keuel lopende /
welckere / na dem se ingelaten was / de erste
kundschoop brochte / dat ein hupe van Zateren
ock

oek in Finlandt gewesen were/ vnde vele gefangene lüde/ yunct vnde oldt/ van dar int Leger vor Keuel gesöret/ vnde vele yunge Kinder vppet yhs in de Sehe geworpen/ vnde liggen laten hadde/ Welckes eine bedröuede tydinge allen framen herten gewesen ys. Darna sint noch mehr gefangene in ysrn helden gespannen/ oek los gefamen / Welckere disse böse tydinge wyder bekräftiget hebben.

Vnde dewyle de Stadt Keuel mit Wellen/hogen Kundelen/ dubbelden grauen / fast rundt vomme vnde vomme/ vnde oek etliker wegen mit dubbelden Wellen dermaten besestiget ys/dat men keine Mürer mit geschütte van buten faten kan / alleine de Mürer vpon dem Marstalsberge / dar noch twe dicke mantel Mürren vnde grauen vorher gahn / vnde de Rüsse desüluike Mürer nicht recht twer äuer/ sondern entlangest faten vnde beschetten moste/vnde dewyle oek desüluike sehr dicke vor gewalt gebuwet ys / hefft he nicht ein loch darin scheten können. De Keuelschen äuerst hebben nichts leuers van God gewünschet/sunder dat he dar tho storme gelopen hadde. Wente dar hadde he twisschen der Stadt / dem Schlate/
vnde

vnde twisschen dem Dome inlopen möten/ dar se sich allenthaluen also vpon ene geschicket hadden / dat wen he dar twisschen gekamen were/ he nicht scholde gewust hebben / wo he wedder tho rügge kamen scholde/ Äuerst dewyle he vnradi vornam / ys he vthgebleuen / vnde der beiden vorreder raedt / ys oek tho rügge gegahn.

Nadem äuerst de Muscoviter beth an her grüwlick hadde geschaten / vnde an keiner Mürer edder Walle etwes beschaffen konde/ hefft he na gerade mit storme schetende angeholden / vnde mit den grauen stücken in de Stadt/vpon den Doem vnde Schlot / vnde naden Törnen vnd Wellen/dar em schaden vthgeschehen was/hen vnd her wedder geschaten vnde geplacket / vnde anc vnderlat dach vnde nacht de Tümelers vnde Furbelle oek nicht gesparet / Hebben derwegen de Gubernatorn vnd ein Radt der Stadt wol vormercket / dat de Muscoviter andere rencke vnde anschlege vor sich hebben möste / alse Römliken / dat Schloth edder de Stadt tho vndergrauende/ vnde einen Wall edder Torn tho sprengende/ Derhaluen de Gubernatorn vnde ein Raedt
A a der

der Stadt/ mit yegen grauende sick nicht wels
nich befl. ti zet hebben / vnde dewyle men nene
gewisse kundtschop hadde / effte de Rüsse ock
vndergröue/ edder wor he gröue / vnde wor he
hen gedachte / Is men vomme kundtschop sehr
bekümmert vnde bemöhet gewesen. Do heb-
ben de Gubernatores / neuent andren gros-
then löfften / ock Sammitten vnde Wandes
kleydinge düdeschen vnde vndüdeschen Kry-
gestüden thogesecht / so se einen gefangenen
krygen konden / Derwegen alle Krygestüde/
Schweden / Dudeschen / vnde vndüdeschen/
ganz vnuordraten dach vnde nacht/ vnde mit
grother gefahr darna vthe weren/ äuerst heb-
ben keinen vorrasschen können / Do ys de be-
kümmernisse noch gröther geworden. Also
äuerst schyr alle häpeninge der kundtschop
haluen vthe was / Do föget vnse Here Godt
wunderbarlick / dath den 14. Februarij/
ein städtlick Zatersch Boyar / edder Eddels-
man / Bulaat Murssoy genant / mit synen
denern süßf achte/ dem Rüssen entreden was/
vnde vomme dre schlege / in der morgen stunde/
vor de grothe Strandpoerten vor Keuel
quam/ vnde in de Stadt tho wesende begerde/
Wels

Welcker stracks mit synen Knechten ys inges-
stadet worden/ vnde dewyle se alle kundtschop/
darümme men sehr bekümmert gewesen was/
vnde darnegest ock frölike tydinge mit sick
brachten/ ys grothe fröwde vnde froloekent in
der Stadt geworden. Do kregen de Keuel-
schen einen frisschen moedt / vnde konden ge-
wislick hyruth schluten/ Dat alle Rüssen vnde
de Zateren im Leger / an Keuel vortwyuelen
vnde vorkagen mösten/ Wente wen disse Za-
teren gehört edder vornamen hadden / dat
dar noch nennige häpeninge im Leger gewest
were/ de Stadt Keuel tho gewinnende/ so we-
ren se warlick dem Rüssen nicht entreden/ vnde
tho den Keuelschen geslagen/ vnde mit wil-
len ere gefangene geworden.

De kundtschop äuerst disser entredenen
Zateren hefte / na vnderscheidlikem vorhör/
einhelllick vormocht. Erstlick/ dat des äuer-
sten Felthern Lütenandt vnde vornemeste
Kryges heldt/ Zwan Basiliowitz Selymetyn
Koltzoff genandt / mit einem grauen stücke
vth der Stadt erschaten were / welcker noch
dre dage geleuet hadde / vnde darna mit gro-
them processe dodt in Rüsslant gefört were/
Da ij Wels

Welcker dem Grothförsten gelauet hadde / de Stadt Keuel tho vorschaffende / edder nicht leuendich vor syn angesichte tho kamende.

2. Dat de Keuelschen auer 1000. Küssen als rede / vnde offtmals 20. ock 30. in einem schöte erschaten hadden. 3. Dat vele Küssen ock als rede heimlick vorlopen weren.

4. Dat de Küssen sich sehr befrüchteten / dat de Keuelschen ein mahl ere geschützte vth der schanze nemen würden. 5. Dat 1200. Tateren in

Finlandt den schaden gedahn hadden / vnde in de 500. dar van vorsapen weren. 6. Dat

des Grothförsten ankumst were men eine Fabel / den Küssen so wol / alse den Keuelschen tho einem schrecke vnd drouwe vth gesprengt.

7. Dat de Küssen in der schanze hadden angefangen tho vndergrauende / wusten auerst nicht / wo verne se gekamen weren. Deswyle

nu disse Tateren alse fründe / tho Keuel gekamen sint / hefft men se mit einer Wacht fry vmmeh:er gahn laten / vnde de Gubernatores hebben se ock op de Könincklike veste des huses Keuel geföret / dar de Tateren solcke anschlege tho des Byendes affbrocke gegeben vñ

mit

mit gedelet hebben / de nicht tho vorachtende weren.

Den 16. Februarij / sint de Keuelschen na S. Johans brügge / mit weinigen Volcke vthgefallen / vnde hebben eine scharpe scher: mähelinge mit velen Küssen gehalten / do sint etliche Küssen erschaten / van welckeren dre dodt sint in de Stadt geschlepet worden / welckeren men stadtlke Marten suben vthgetagē hefft / ydt wordt ock ein stolter Boyar gefangen / vnde leuendich ingehalet / dessälügen Boyaren kundtschop hefft mit den Tateren auer ein gestemmet / derhaluen men den Tateren deste mehr gelouen tho gestellet hefft.

Den 17. Februarij / op den Sondach *Esto mihi*, frö morgens / hefft de Küsse vpt aller grwlikeste / vnd mit mehr stücken alse vor hen / angefangen tho schetende / alles men tho einem schrecke vnde drouwe / alse wolde he dar mit tho vorstande geuen / dat he nu ersilick syn gelücke vorsöken / vnde den gröthesten ernst gebruken wolde. Darup sint den 18. Februarij / twe staedtlke Boyaren / sampt einem Düdeschen tolcke / Willem Pöppeler genandt / mit des Grothförsten breue / an de Keuelschen aff

Na iij

gefer

gefertiget / Welckeren breff de Gubernatores / Vnde de Börgermeistere / Her Fredrick Sandtsiede / vnd Her Diderick Korffmaker / vor der Lehmporten entfangen hebben / Des hebben de Boyaren vnde de Tolck ock ein geleyde begeret vor des Grothfürsten Gesanten / so vth der Muscow gekamen weren / vnde ock mündlike werue an de Stadt Keuel hadden. Diffe gemelte Düdesche Tolck was mit herliken klederen / den anderen Düdeschen tho einem Lockuagel / gestofferet / (alse ydt den allen Mammelucken alleine vmmе de herlichkeit differ werlt tho donde ys) Auerst men hefft den Gesanten dat geleide affgeschlagen / vnde den breff mit guden bescheide also vorandtwerdet / dat se vngeduldich dar auer geworden sint / vnde darna sick mit erschrecklikem schetende / vnde mit tūmellers vnde fürbellen grwolic genoech angestellet hebben.

Alse nu de Viendt vornam / dat he mit synem storm schetende / vnde mit synen tūmellers vnde fürbellen an der Stadt nichtes hebben konde / hefft he synen moedt an dem Dwenger der Stadt / de Ryck in de kaken genōmet / kōlen willen / welckeres Dwengers geliken an der

der ganken Ostsehe nicht gefunden werdt / Dar vth ock dem Vhende ein groth spot vnde schade offtmals geschehen ys. Dewyle auerst ein hoch Kundeel vor dem gemelten Dwengen her licht / hefft he des haluen denfürstigen Dwenger middeweges / gar hoch van der erden / faten möten / vnde wowol he eine lange tydt / dach vnde nacht / mit helen vnde haluen Cartouwen darup schoeth / so hefft he doch mit allem schetende nicht mehr vthgerichtet / alse men vp einer syden ein loch dardorch gebaret / dar ein paer Ossen tho gelike dorch gaen mochten / Vnde den vorwalter des Dwengers / Hans Schulten / einen Schoester / ock erschaten. Dat ys de grōtste schade / den he der Stadt Keuel vp dat mael tho gefōget hefft / mit synen 2000. Tunnen Puluers.

Den 1. Martij / In der morgenstunde / hefft ein Tūmeler einen buren / vnde ein wyff / sampt tven kinderen / vp ein mahl tho gelike in einem Bathstauen / im Nonnickenhau / erschlagen / welckes de grōtste schade van einem Tūmeler vp eine tydt gewesen ys.

Den 7. Martij/hefft men 40. Knechte/
vnde weinich Hauelüde / vthfallen laten / de
Rüssen dicke vnde by hupen in de schantze / vnde
de int Veldt / tho lockende / dat men se deste be-
ter treffen möchte. Do weren vp allen Tör-
nen/wellen vnde Kundeelen / de Büssenschüt-
ten mit den grauen stücken ferdich / vnde brau-
den dar manck / dat men se mit lust hefft hen
fallen vnde tūmelende gesehen.

Den 8. Martij / in der nacht / hebben de
Rüssen ersten de Schepe in der hauen vor-
brandt / welckes ein wonder gewesen ys / dat
se de so lange vnbeschädiget blyuen laten heb-
ben / ane twyuel darümme / dat men des Rüs-
sen wolmeinige yegen de Stadt sehen vnde
spören scholde / Auerst ydt sint men ydel rencel
vnde practiken gewesen / *Fistula dulce canit, vo-
lucrem dum decipit auceps.*

Den 9. Martij / sint de Keuelschen vām
Schlate vnde vth der Stadt / mit 400. Man-
thosamende tho Bote / vnde 100. tho Peerde /
vth gefallen / de vnderste schantze thostor-
mende / welcker schantze se balde ingekregen /
vele Rüssen darin erschlagen / vnde 6. ge-
sencklick in de Stadt gebracht hebben. Do
ys

ys den Keuelschen ock ein temelick schade dorch
vorsehen wedderfaren. Wente de orsake dis-
ses vthfalles der Keuelschen ys disse alleine
gewesen / dat se etlike Rüssen gefangen krygen /
vnde kundtschop erlangen mochten / Derwe-
gen was ydt vorhen also beschlaten / Wen men
einer edder mehr gefangenen gekregen had-
de / so scholde men stracks desülutigen in brin-
gen / vnde wen de gefangenen in de Stadt ge-
bracht weren / so scholde de Trammeter vth der
Stadt stracks blasen / alse denne scholde sick
ein yeder wedderümme na der Beste vorfö-
gen.

Alse se nu in de schantze sellen / do was
ein yeder mit allem flyte darna vthe / dat he
einen gefangen krygen möchte. Wente
demsülutigen / de einen gefangenen in brachte /
was eine vorehringe / Nömelick 50. Marck /
thogesecht. Do wörden stracks im ersten
anfalles fangen gekregen / vnde ein yeder yle-
de mit synem gefangen na der Stadt / Vnde
alse men se in der Stadt hadde / do begünde de
Trammeter tho blasende / derhaluen se sick
fast alle na der Beste vorfögeden. Alse auerst
Glaus Holfie / der Stadt Höuetmann / mit
dem

dem Hanniballe vnde etlike andern sach/
 dat vele Rüssen erschlagen / vnde de anderen
 alle in der schantze op de flucht gebracht / vnde
 se nu der schantze mechtich weren / hebben se
 des Trimeters blasent nicht geachtet / sun-
 dern hebben de Vyende wyder vorfolgen vnde
 de schantze tho nichte maken willen / vormei-
 nende / dat de andern alle gelicks fals ock also
 doende worden / Auerst alse de gemelte Höuet-
 mann / neuenst den weinigen / so by em geble-
 uen weren / sich omme sach / do weren de an-
 dern alle na der Stadt hen wech / Vnde alse
 de Rüssen / de in de depe groue / de se vnder der
 erden na der Stadt gegraven hadden / gefla-
 gen weren / segen / dat de Keuelschen alle op
 ein weinich volckes na / wech weren / sint se vth
 der grouen / dar de Höuetmann sich nicht vor-
 hōdde / by hupen heruor gekamen / vnde heb-
 ben den gemelten Stadt Höuetmann / mit et-
 liken andern / auerweldiget vnde erschlagen /
 In welckeren schermūzel de Keuelschen van
 erem Volck / an Landesknechten / Koepgesel-
 len yungen Knechten / sampt etliken van Han-
 nibals volcke / in alles by 30. personen vorla-
 ren hebben. So lange auerst alse disse schermū-
 zeling

zeling geschach / hefft men alle dat geschütte /
 van ailen Törnen vnde Wellen / gar oft vnde
 dicke na einander manck de Rüssen / in der ä-
 uersten schantze / der maten aff gahn laten / dat
 de Rüssen mit erem grauen geschütte / Tūme-
 leren vnde Fürbellen / nicht eins opduken / ves-
 le weiniger einen schōte dohn dörsten / Derwe-
 gen de Keuelschen in der vndersten schantze de-
 se beter eren willen begahn hebben.

Vnde gelick alse nederman / der guden ge-
 sellen vnde Krygeslūde / vnde insunderheit des
 Redeliken mannes / des Höuetmannes hal-
 uen / gantz bedrōuet geworden was / also hefft
 de gude kundtschop der gefangenen Rüssen / de
 ganze Stadt wedderūme erfrouwet / Wen-
 te ere kundtschop einhelllich vormochte. 1. Dat
 des Grothfürsten befehl alrede im leger were /
 dat se afftehen scholden. 2. So weren alrede
 3000. Boyaren / sampt eren Knechten / wech
 getagen. 3. So weren ock etlike der grōue-
 sten stücken vth der schantze getagen. 4. Wes-
 ren ock de Meisters / de de Stadt vndergr-
 auen scholden mit eren Instrumenten vor vyff
 dagen wech gereiset. 5. Dat men dat ge-
 schütte in der andern nacht / alle vth der schan-
 ze

Dat Drübde deel

he trecken wörde / vnde op den middeweken wörde de leste man im leger opbreken vnde dar van tehen. 6. Dat ock alrede äuer 3000. Rüssen / van dem Schlate / vñ vth der Stadt erschaten / vnde in den schermützelingen vñ megebracht vnde erschlagen weren / wo vele äuerst in disser lesten schermützelinge gebleuen weren / dat konden se so egentlich nicht weten / äuerst alse ydt de gewisse kundtschop vnde erfaringe darna gegeuen hefft / so sint tho der tydt 330. Rüssen gebleuen.

Van dissen gefangenen Rüssen / wuste einer van des Muscowiters Archelle vnde geschütte / so vor Keuel gewesen ys / allen beschendt. Erstlick / scholden dar gewesen sint 3. stücke de 52. ock 55. punth Iseren geschaten hebben.

Darnegest sint gewesen 6. stücke / de Kugeln van 30. 25. vnde van 20. punden geschaten hebben.

Des hefft he ock 4. Märenbrekers dar vor gehat / welckere steinen löde / van 225. punden geschaten hebben. Disse stücke sint nicht vele gebрукet worden / dewyle nergendt vñ

Res

Keuel eine Mür tho fatende steyt / van wegen der hogen Welle vnde Kundelen.

Des sint noch 15. stücke gewesen de Kugeln van 6. van 7. vnde van 12. punden geschaten hebben / vnde tho einem ydern stücke sint 700. Kugelen vorordenet gewesen / efft se äuerst alle vorschaten weren / dath wüste he nicht.

Noch sint dar gewesen 5. stücke / de noch geringer Kugelen geschaten hebben.

Tho dem sint ock gewesen erstlick / twe grothe Möfers / de gelicks den 4. Märenbrekers / steinen löde edder Tümlers / 225. pundt schwarz / geschaten hebben / Tho welckeren beyden Möfers / vnde 4. Märenbrekers / 2000. löde edder Tümlers / vorordent gewesen sint / van welckeren beyden Tümlers ein alrede geladen / van dem Schlate in allen stücken tho schaten were / desgeliken ock andere stücke mehr.

Des sint noch 5. Möfers gewesen / de kleiner Tümlers geschaten hebben / darby 1500. Tümlers gewesen sint / ane de / so in dem Leger noch dartho gehoursen sint worden.

Thom

Das Driidde deel

Thom lesten / sint dar ock 6. Möfers
gewesen / daruth men Fürbelle geschaten
hefft / welckerer Fürbelle sint 2500. gewesen/
effte se alle vorschaten weren / dath wüfte he
nicht.

Den 11. Martij / in der nacht / hefft dath
Leger op S. Tönniesberge / vnde vnder dem
berge / in den beyden schanzen vopgebraken/
vnde mit dem geschütte int Leger na der äuer-
sten Molen gerücket. Do ys eine grothe
fröuwde in der Stadt geworden / vnde yder
man ys densüluigen morgen na der schanze
gelopen / vnd hefft dar solcken grüwel gesehen/
dat einem de Hare tho berge gestahn hebben.
wente dar hefft men gefunden halue Körper/
arme vnde beyne / hende vnde vöte / de in dem
afftage / vam Schlate erschaten weren. Dar
sach men ock 10. dode Körper / van den Ke-
uelschen knechten vnde Buren / de tho dode
gepyniget / vnde naket vthgetagen weren / do
hefft men dar in der äuersten schanze getellet/
27. blockhäuser / vnde 500. schanzkörüe / vnde
in der vndersten Schanze / 12. blockhäuser / vn-
de 126. schanzkörüe / welcker alle mit Erdtryke
vorfüllet weren / ock hefft men dar tve gruw-
like

like depe grouen gesehen / de eine op dem berge
hunder den vörnsten blockhäusern / na dem
Schlatterwerk gegraven / De ander in der vn-
dersten schanze / ock hinder den vörnsten block-
häusern / na dem hogen Kundeele der Stadt
angefangen / Welckere grouen alrede 40. sa-
dem lanck weren. Densüluigen dach / hebben
vele yunge Knechte / Bürger kinder / vnde Bu-
ren / bauen ernstlick vorbodt der Auertheit/
sick gar wydt tho den Rüssen vordrystet / dar-
äuer erer by 20. erschlagen / vorwundet vnde
gefangen worden sint.

Den 13. Martij / op einen Middewes-
ken / heoben de Rüssen ere Leger allenthaluen
angezündet vnd vorbrandt / vnde sint sampts-
lick wech getagen / na deme se 7. weken vullen-
kamen vor Keuel gelegen hadden / vnde 6. wes-
lenlanck / beyde dach vnde nacht / ane vnder-
lath geschaten / vnde Tümelers / vnde Für-
belle / tho etliken dusenden / in de Stadt gewor-
pen hadden. Vnde gelick alse men op einen
Middeweken / vor middage / den ersten Rüs-
sen hefft her trecken gesehen / Also hefft men eck
op einen Middeweken vor Middage den les-
ten wedderümme wech trecken gesehen.

Vnde

Vnde gelick alse de Rüsse vp einen Söndach hefft angefangen vor Keuel tho schetende / Also hefft he ock vp einen Söndach wedderümme vpgehöret / vnde hefft em / Godt loff / mit Keuel beth anher gefeylet / wowol he alle syne macht / kunst / rencke / anschlege / listige practicken vnde stricke / dardorch he Schmolentzko / Casan / Polozko / vnde andere örde mehr ge winnen / an Keuel vorsocht hefft.

Wat den schaden belanget / den de Muscoviter mit synem geweldigen schetende gedaen hefft / ys Godt loff / nicht besunders gewesen / Wente mit synem grauen Geschütte / hefft he den Keuelschen keinen schaden mehr gedahn / an den Wellen / Mären vnde Törnen / alse alleine in loch in den Knechtendöken geschaten / vnde vngesehr 40. Personen / an Knechten / Jungen / Büssenschütten vnde Handlangers / vnder welckeren allen man twe Bürger / de eine ein Schnyder / vnd de ander ein Schoester gewesen / de ock vp den Wellen vnde Tönen erschaten sint.

Mit den Tämelerz hefft he van schame len Buren / Frouwen vnde Kindern / by 20. personen / in den Badstauen vnde Künen erschla

schlagen / Auerst nicht einen Bürger edder börgers kindt / Frouwe edder Junckfrouwe / edder yennige benömede persone / Wowol se dagelikes vth vnde in de Kercken / vnde vp der straten / allenthaluen ganz dryste gingen.

Des hebben ock syne velfoldige Fürbelle keinen schaden mehr gedahn / alse dat nye Ecken daer halff affgebrandt / vnd wen dath Höw daruan gewest were / so hadde de Muscoviter / de ganze belegeringe auer / kein Für van synen Fürbellen angekündet tho sehende gefregen.

Wat auerst den schaden vp allen schermäheligen geschehen belanget / hebben de Keuelschen auer 50. Mann nicht vorlaren / Welckeren schaden Iwan Basiliewitz Selymetyn mit etliken dusent Rüssen vnd Tateren genochsam wedder vorgulden hefft. Vnd efft he wol etlike Kercken / vnd husdake / mit synen Tämelerz vnde Kugelen beschediget hefft / So hefft doch de Stadt Keuel wol so

vele an Iseren/ grothen vnd kleinen Kugelen/
wedder bekamen/ dat de schade wol hys betalet
geworden.

Wat ock de Krygesmacht des Volckes
belanget / welcker disser belegeringe äuer in
Keuel gewesen hys / sint erstlick ein hundert
hauelüde / vnd 400. Dädesche knechte / vnd
an Börgern / Buren vnd allerley Inwane-
ren/ Eddel vnd Vneddel/ sampt Knechten vnd
jungen Gesellen / äuer 4000. Mann gewesen.
Vp dem Schlate / vnd vp dem Dome / sint
1000. Schwedische knechte gewesen / ane de
Domeschen bürger vnd Buren / sampt eren
Knechten vnd Husgenaten / de men ock vp
400. geschattet hefft. Dath hys de ganze
macht van Volcke in disser harden belegerin-
ge/ wedder des Muscowiters 50000. Mann/
gewesen.

Vnd dewyle ock nimmer ein vnglücke
allein syn wil / So hefft ydt ock vp dithmal
nicht alleine syn willen / Wente tho der bele-
geringe hys dat ander vnglücke/ nömliken/ ein
schwa

schware krankheit vnd borstsucht thogeschla-
gen / daranne ganz vele van starcken/ yun-
gen vnd olden lüden / Börgern / Gesellen/
Frouwen vnd Junckfrouwen / vnd allerley
volcke/ tho Keuel befallen vnde gestoruen sint/
Vnd hefft disse sucht in der Fasten/ stracks na
des Muscowiters afftage/ angefangen / vnd
den Sommer äuer beth an Petri Pauli dach
gewaret.

Anno 1577. im Aprili/ hefft men tho Ke-
uel allen Krygeslüden/ Hauelüden/ Landes-
knechten/ Börgern/ Buren/ vnd allen losßdrin-
uern fry gegeneu / des Rüssen Lande in Lyff-
landt thouorherende. Do sint se by hupen
rede geworden / vnd hebben de lande Wyck/
Jeruen vnd Byrlandt/ beth an Lays/ Duer-
paleu / vnd Parnow / den ganzen Sommer
dorch / beth an den Winter / ane vnderlath
vorheret vnde vorteret / vnd ein grüwlick Be-
he/ etlike dusent stücke / in de Stadt Keuel ge-
dreuen/ vnd vorkofft vor geringe gelt / vnd hys
des/ den Sommer äuer/ so vele in Keuel gedre-
uen worden/ dat men nicht mehr kopen konde

edder wolde. Tho dersälunigen tide hebben se ock alle de Rüssen / de se vp dem Lande in den Höuen vnde Dörperen sünden / Deszeliken ock vele van den *presidys*, so van den Hüseren tho scher müzelende / vnd den roeff wedderümme affthoyagende / gekamen weren / erschlagen vnd gefangen / vnd etlike hundert den Sommer äuer ommegebracht / dat nicht ein Rüsse mehr van den Hüseren vth kysen dörfte. Do sint einmahl beyde Düdeschen vnd Bndüdeschen beth na der Parnow / 20. mylen van Keuel / nicht gar starck gerücket / vnd hebben dat fleck olde Parnow geplündert vnd angesticket / vnd vele gefangene Düdeschen / so des Muscovitters geschwärne weren / sampt einem grothen roue dar van geföret.

Darna den 20. Julij / hebben de Buren in affwesende eres Höuetmans des Hannibals / ock dath fleck Bittensteyn / dar ein geweldich stacket van dicken Balcken vnde Blockhüseren ommeher ginck / gestormet / vnd dat ganze fleck affgebrent / vnd etlike hundert Rüssen yunct vnd oldt darin erschlagen vnd

vnd vorbrendt / vnd einen treffliken Ross dar van gebracht.

Darna sint desälunigen Buren äuer 15. myle wegēs na Leal gerücket / vnd hebben äuer 600. stücke van Ssen vnd Köyen / vth des Schlates grauen / vnder dem Walle wech gehalten / vnd gar nichts geachtet / dath de Rüssen van dem Walle tho enen eingeschauten / vnd mit steynen geworpen hebben.

Darna sint de gemelte Buren na Lays / 23. myle wegēs van Keuel / gerücket / vnd dat grothe apen fleck Lays / ganz affgebrant / vnd einen grothen roff van Behe erlanget. Solcke Krygeslüde sint de Buren vnd Schlauen tho der tydt gewesen / Welckere de Nyfflendische Adell vormals nicht so werdich geachtet hefft / dat einer van en allen scholde wehrhafftich gemaket werden.

Tho dersälunigen tydt ys Hertoch Magnus tho dem Grothförsten getagen. Do hebben vele gehapet / disse reyse des Hertoch

Magni scholde vor Lysflandt sehr gude syn/
 Auerst balde ys en de loue wedder entfallen/
 Dewyle des Heren eigene Pastor / Seelsor-
 ger / vnd högeste raedt vnd Superintendens/
 Christianns Schröpffer / de synen Hern / den
 Hertoch Magnum / dem Muscowiter thoge-
 söret hadde / nu wedderümme affgefallen
 was. Wente wen dar etwas gudes / edder
 sunst Lande / Lüde / vnd grothe wolart were
 thouorhapende gewesen / were he wol by sy-
 nen Schapen gebleuen / Derhaluen hefft ne-
 mandt gelduen können / dat diß regimete ei-
 nen langen bestandt gewinnen scholde.

De orsake auerst / worümme de Musco-
 witer syne Lande in Lysflandt / ane yennigen
 wedderstandt / armen Buren vnd Losorhue-
 ren thouorne gegeben hefft / ys gewesen / dat
 de Grothförste thor Pleßkow sich wedderüm-
 me vorsammelt hadde / Derwegen he alle *praesidia*
 van allen Hüseren genamen / vnd syne
 vterste macht opgebracht hefft. Hyruch ys
 klarlick thouornemende / dat he des leuen vol-
 ckes nicht auersflödich vele hebben modt / de-
 wyle

wyle he alle de Beste der *praesidien* berouet /
 vnd syne Lande armen Schlawen pryß gege-
 uen hefft.

Alse nu de vorsammelinge thor Pleß-
 kow geschach / vnde men ock gewisse kundt-
 schop hadde / dath de Grothförste sich in eige-
 ner persone mit inth Veldt begeuen wol-
 de / hebben sich de Keuelschen sehr befrüchtet /
 dat de Grothförste / vth grother vorbitteringe /
 de Stadt Keuel wedderümme in eigener per-
 sone belegeren scholde / vnd gedachte nemandt
 anders / Insonderheit auerst de Eristtischen
 van Riga / welekere vth grother nachbarliker
 medelidinge / Roggen / Büßepuluer / vnd an-
 dere nodtrofft / den van Keuel thoschicke-
 den / vnde nicht anders meineden / sunder dat
 de Keuelschen alleine de geplageden lüde we-
 ren / auerst ehr sich de guden lüde daruor höd-
 den / do weren se mit grothem vngelücke vnd
 mit dem Muscowitischen here ganz auer-
 schüddet / vnd wat se der Stadt Keuel haluen
 befrüchteten / dat quam ene süluen ganz vn-
 uormodet auer den hals / Wente dar de Mus-

rowiter henne dröuwet/dar plecht he nicht hen
tho schlande.

Anno 1577. im Junio/ ys de grothe vor-
sammelinghe des Rüssen thor Plestow opge-
braken / darunder de Grothförste süluest in
eigener persone / sampt synem oldesten Söne
mit gewesen ys / Welcker den Hertoch Mag-
num van Holsteyn / sampt synen Keden vnd
Hoffgesinde van Lysflendern / also vor Lockvö-
gele / de anderen Dudeschen tho sick tholockens-
de / mit sick förde / vp dat he nicht vele volckes
vor den hüsere in Lysflandt / desgeliken ock
Krudt vnd Lodt vorspilden mochte. Do ys
de Grothförste erslick mit der ganken vor-
sammelinghe vp Ludtsen gerücket / vnd hefft dat
Husz ingenamen. Darna ys he vor Kosit-
ten getagen / vnd hefft dat Husz ock balde er-
äuert. Vorder hefft he Dünenborch belegert
vnd eräuert. Middeler wyle hebben de van
Wenden / Kokenhusen / Wolmer / vnd andere
mehr / sick dem Hertoch Magno ergeben.
Auerst de Grothförste hefft den Hertoch Ma-
gnum nichts geachtet / ys vor Kokenhusen ge-
rückt.

rückt / vnd hefft begeret / Darup tho wesende /
Do wordt ydt tho Kokenhusen äuel erger /
vnd gudt raedt was dar sehr düer / vnd erem
äuersten Schuzheren dörfen se solckes ock
nicht wol vorseggen edder weyeren / Do wol-
den se erslick dorch Gyselers mit em handes-
len / vnd also men de Gyselers vth vnd in laten
wolde / hebben de Rüssen de Poerten vorras-
schet / vnd sint mit gewalt henin gedrungen /
vnd also des Stedtlins / vnd des geweldigen
huses Kokenhusen mechtich geworden. Do
ys de Grothförste süluest gefolget / vnd hefft
des Hertoch Magni Hauelüde vnd gesinde /
äuer 50. personen / ermoerden / vnd de Börger
im Stedlin alle gefencklick nemen laten / vnd
de Frouwen vnd Junckfrouwen den Rüssen
vnd Tateren prysz gegeben. Wat tho der
tydt im Stifte Riga allenthaluen / vnd ins-
sunderheit tho Kokenhusen / vor ein hertelendt /
elende vnd yamer gewesen ys / kan ein vor-
nufftiger wol by sick süluen gedencken.

Darna ys de Muscowiter vor Asshera-
de / Landuen / Barsom / Erle / vnd Coswegen
B b v gerü

gerücket / vnd hefft se alle ingekregen / vnd tho dode gemartert vnd erschlagen / alle de he äuer kamen hefft.

Darna hefft he ock de huser Schwanensborch / Schmilten / Marienhufen / Kope / Wolmer / Burtnick / Frykaten / vnd andere mehr ingenamen / Welckere huser alle de Muscoviter in twen Maenten / nömliken / im Julio vnd Augusto / des obgemelten Jares / eräuert vnd erlanget hefft / eins deels dorch mangeling der *presidien*, der Knygesmunition / vnd profiande / vnd eins deels dorch vorrederye / list / schreck vnd drouwent / mehr alse dorch syne grothe gewalt. Ydt were äuerst vor ganz Nyfflandt beter gewesen / dat men de gemelten huser alle / vp dre edder veer na / in de grundt gebraken / herunder gereten / vnde destrucet hadde.

Den 4. Septembris / hefft de Muscoviter Wenden berönth / vnd Hertoch Magnum / sampt velem vā Adel / so ere thoflucht tho em gehat / belegert. Dänemünde hebben
de

de Rigessen besettet. Kerckholm hebben se ingenamen / vorbrandt / vnd vorwöflet.

Also hefft de Muscoviter dat ganze Erztzuffte Riga / sampt dem ganzen Düenstromen / bauen der Stadt Riga / dar alle neringe vnd Koephandell der Stadt Riga heraff kamen moedt / vp weinich huser na / eräuert vnd ingekregen / vnd sint in Nyfflandt keine Lande mehr äuerich / sunder alleine Harrigen mit der Stadt Kenel / vnd Ghurlandt / vnd Semigallen mit der Stadt Riga / vnd etliken Huseren. Vnd Desel vnd Dageden / mit den huseren Arensborch vnd Sonenborch. De Altmachtige Godt wolde desüligen noch in gnaden erholden / vnd de anderen ock weddergeuen / wen ydt syn Göttlike wille ys.

Vor dorch äuerst dat vorrückede Nyfflandt yhziger tydt möge erreddet vnd wedder tho rechte gebracht werden / ys bauen minschen vornufft vnd vorstandt / vnd ys negest Godt keine andere häpeninge vnd trost yhziger tydt / alse disse / dat de Köninck van Schweden
B b vj mit

mit Hereskracht dorch Wyborch in Rüssenlandt
gefallen ys / syn gelücke vnd heyl an den vor-
volgenem Rüssen thouorsökende / Desgeliken
ys ock des Palen vnd Littouwer / sampt des
Hertogen van Ghurlandt / rüstinge vorhan-
den / Godt geue einen rechtschapen ernst vnd
segen dartho. Des sint ock des Königes van
Schweden kringes Schepe na der Narue ge-
lopen / vnd hebben dem Muscoviter dre gewel-
dige Blockhäuser vor der Narue / den 27. Au-
gusti / Anno 77. in de grundt affgebrandt / de
vmmetich groth / lanck vnd dicke gewesen sint.
Wente eine wandt van densüligen Block-
häuseren ys 85. fadem lanck / vnd äuer 4. fa-
dem breydt gewesen. In dem einem Block-
huse sint 75. Rüssen vorbrandt / vnd vyff ge-
fangen worden / Vth dem andern äuerst sint
se alle vorlopen gewesen / Dck weren de *prasi-*
dia vorhen affgefördet / worden Daruth äuer-
mals thouornemende ys / dat de Muscoviter
yhiger tydt des leuen volckes nicht vele äue-
rich hebben moedt.

Thom lesten / mochte yemandt geden-
cken

cken vnd sich vorwunderen / wo dech dat yüm-
mer kamen möge / dath in dissem Kringe der
Lyfflender wedder den Muscoviter / nicht als
leine de Hermeister anfenclicken / sunder ock
de dre Grothmechtigen Potentaten / alse
Schweden / Dennemarck / vnd Palen / de sich
des bedruckeden Lyfflandes / vth Christliker
leue namals wedder angenamen hebben /
beth anher nichts beschaffet hebben / vnd oft-
mals vele spottes van dem Muscoviter heb-
ben lyden vnd däliden möten / dar doch im an-
fange der Christliken regeringe in Lyfflandt
schlichte Bischöppe / vnd Bürger kinder van
Bremen / darna schlichte vnd geringe Meis-
tere in Lyfflandt / dem Rüssen starck vnd
mechtich genoch gewesen sint.

Syr op geue ick / myner einfalt na / disse
antwort. De erste orsake disses ungelückes
ys / dat de Muscoviter im anfang / do de Bis-
schöppe vnd Mestere de Proutinz Lyfflandt
erslick gewonnen vnd bekrestiget hebben /
nicht so mechtich gewesen ys / alse yhiger tydt /
he ock alle de Förstendöhme / Herschoppen /
vnd

und Lande in Rüssenlandt nicht alleine gehat
hefft/ also nu tho vnser tydt. Wente in Rüssen-
landt sint vele Grothfürsten und Fürsten ge-
wesen / vnd ein yder van densüligen hefft sy-
ne eigene herschoppne und Fürstendohm vor
sich gehat / vnd sint disse Fürsten / so wol also de
Grothfürste van der Muscowa süluen / sampt-
liken des Tateren Lehnlüde und Tributarii
gewesen / Welckere Fürstendöme alle mit ein-
ander / durch ganze Rüssenlandt / de Grothfürste
van der Muscowa / binnen hundert Jaren /
eins deels durch grothe list und geschwindi-
cheit / vnd eins deels durch Krygesmacht / na
gerade vnder sich gebracht hefft / vnde ys also
ein Monarcha aller Rüssen geworden.

Tho deme / also de ersten Bisschöppe
und Meistere in Lyfflandt angefangen heb-
ben tho regerende / Do hebben se nicht mit
dem Grothfürsten thor Muscowa / ock nicht
mit allen Fürsten in Rüssenlandt / tho schaffende
gehat / sundern mit den Fürsten tho Nowgar-
den und Plezkow alleine / welckere mit Lyff-
lande gegrenzet hebben / Welckeren beyden
Fürsten se lichtlick hebben wedderstahn kön-
nen /

nen / Vnd so lange de Grothfürste van der
Muscowa / mit den andern Fürsten in Rüssen-
landt / vnd mit den Königen tho Casan und
Astrichan gekryget hefft / hebben de Lyfflen-
der des Muscowiters haluen keine anfechtun-
ge gehat. Auerst also de Grothfürste van der
Muscowa alle Fürstendöme in Rüssenlandt /
vnd de beyden gemelten Taterischen Köninck-
rike bedwungen hadde / Do ys he nicht allei-
ne dem Meister in Lyfflandt / sunder ock einem
Könige tho mechtich geworden.

De andere orsake ys / dat etlike Lyfflen-
dische und andere Koeplüde / vth den Dudes-
schen Eehe Stedten / vth grother gnycheit
vnde eigen nutte / dem Muscowiter allerley
vorbadene Wahre / vnde Krygesmunition
heimlick und apenbaer thogeföret / vnd eine
Kode vp eren egenen rüggem gebunden heb-
ben / vngeachtet dath se van den Vyenden /
den Rüssen süluen gewarschuwet worden
sint.

Wente ydt hefft ein Rüsse van Schmo-
lentko / einen Dudeschen Koeppmann / mit na-
men

men Berent Meyer/ tho sick gefördert/ vnd em
Kopper/ Bly vnd Dradt gewiset/ vnd gesecht/
Berent kensiu ock disse wahr wol/ de ick hyr tho
Dörpte an my gebracht hebbe? darup Berent
Meyer geantwerdet/ Ja/ worümme nicht/ ick
kenne se wol/ ydt ys Kopper/ Bly vnd Dradt/
Hyr vp hefft de Rüsse wedder tho em gespra-
ken/ ick höre wol / dat du de Wahr nicht rechte
kennest/ derhaluen wil ick dy seggen / wat dat
vor gudt ys/ Ydt ys de Rode/ dar vnse Groth-
förste de Lyfflander mede stupen werth/ Wente
dith gudt möte wy dem Grothförsten leue-
ren/ de leth dar Kryges rüstinge van maken
nyw süluest thor straffe / vnd gy Düdeschen
sint dull vnde vorblendet / dath gy em solcke
Wahr tho steden/ Vormals hebben vnse Ol-
deren in Schmolensko vnde Lyfflandt also
nicht dohn möten / gy werden ydt äuerst her-
namahls wol erfahren / mit nywen egeuen
schaden.

De drüdde orsake ys/ dat nein Here sy-
nem Brende dem Muscowiter wedderstant
dohn kan / dewyle syne eigene Krygeslüde vnd
geschwar

geschwarne Vnderdanen vntwürlic handes-
len/ vnd de Schläte vnd geweldige Veste/ ane
noedt / gantz lichtferdich dem Muscowiter ä-
uergeuen vnd vorlopen / Also des den vele in
Lyfflandt geschehen ys / ane yemige straffe/
Vnd de solckes gedahn hebben / sint offt noch
tho grothen ehrlichen Emptern gesettet wor-
den. Dat äuerst vele Schläte vnd Borge in
Lyfflandt dem Muscowiter tho deele gewor-
den sint/ mögen de vorstendigen iudiceren vnd
richten/ efft de schuldt mehr by den gyrygen vnd
de eigennüttigen Koepläden sy/ de dem Mus-
cowiter tho der grothen Archelye vnd Kryges-
munition gehulpen hebben / edder by den Kry-
geslüden / de de Hüser/ Schläte vnde Borge/
trüwlos vorgueuen vnd vorlopen hebben.

Thom veerden / So hebben de ersten
Bischöppe vnd Meistere in Lyfflandt / einen
grötheren vordeel gehat / mit den Rüssen tho
Krygende / also tho vnser tyden de Heren
vnd Könige hebben. Wente se hebben mit
des Pawstes afflate so vele Försten / Gra-
uen/ Riddere vnd Knechte int Landt gebracht/
S c also

Das Dritte deel

alse se gewolt hebben/ Auerst ytziger tydt wil
de lose münte nicht mehr gelden / vnd in den
olden tyden ys yderman ganz willich gewe
sen / wedder de Vyende der Christenheit tho
srydende / vpon ere egen vnkostinge / Auerst nu
wil nemandt / vomme der Christenheit willen /
ein Peerdt vorgeues sadelen / ya vele van den
onsen tho disser tydt / lopen dem Muscoviter
tho / vnd laten sich in allen listigen anschlegen
wedder de Christenheit gebreken.

Thom Vöffen / Wo scholde de Muscov
witer nicht mechtich vnde gewellich syn / des
wyle de Christlike Könige vnd Potentaten
vnder sich vneinich sint / vnd offte vomme gerin
ger orsake willen / vele Christlikes blodes vor
geten / vnde allen vorraedt vth scheppen / dar
mede se der armen Christenheit lange denen
konden / Welckes vor Gade dem Allmechtigen
thouorantwerdende veel tho schwar syn
werth. Van den grothmechtigen Potentaten
äuerst / de sich Lyfflandes angemattet hebben /
ys schyr keiner / de mehr darby vpgesettet hefft /
alse de Köninck van Schweden / welcker etlike
mahl

mahl dem Muscoviter einen spot gebaden /
vnde vomme Lyfflandes willen / grothe gelt
spildinge vnde vnkostinge gedahn / vnde der
Stadt Reuel alle Jar vnmetige profiande /
vnde allerley nodtorfft thogeschicket hefft.
Ben andere Hern / Potentaten / Könige vnd
Fürsten / ock vomme Lyfflandt also bekümmert
gewesen weren / ydt scholde dem Muscovi
ter wol vorwundert hebben / Wat äuerst beth
anher vorbleuen ys / dath wolde Godt de All
mechtige henforder in gnaden geuen vnd vor
lenen.

Thom lesten / de principal orsake des Lyff
lendischen yamers vnde vnglückes / ys de
mannichfoldige grothe sünde vnd missedaedt /
neuenst dem grüwliken laster der vndanckbar
heit yegen Godt dem Allmechtigen vor syne
mannichfoldige ertögede woldaedt. Wente dat
schlichte vnd geringe Bisschöppe vnd Meistes
re de Prouinck Lyfflandt / van der heydenschop
gewonnen / vnde grothe Victoria gehat heb
ben / ys nicht ere / sundern Gades des All
mechtigen werck gewesen / de in den schwacken
Gc ij vnd


vnd geringen krefflich ys / vnd de vth der Lyff-
 lendischen heydenschop sich eine Kercke vth
 gnaden hefft samlen willen / Auerst dewyle
 sich Lyfflandt gräwlick yegen Godt vorsündi-
 get / vnde vndanckbarlich vor de grote gna-
 de ertöget hefft / vnde dar noch thor thdt keine
 warhafftige erkentenisse der sünde / keine bote
 vnd bekeringe ys / stenth thobefruchtende / dath
 de Christlike Kercke in Lyfflandt ganz vnder-
 gahn werth / vnd helpet dar nichts wedder als
 ler Könige vnd Potentaten hülpe / trost / ent-
 settinge vnd gude wille. Wen sich nu Lyfflandt
 warhafftich bekerde / so konde ydt Godt de All-
 mechtige lichtlick dorch einen einigen Köninck /
 also in gnaden middelen / dat alle Muscowiter
 vnde Tateren sehen vnde spören mösten / dat
 de Christgelöuigen noch nicht ganz vorlaten
 weren.

De ewige / warhafftige vnd vnuorgenc-
 like Godt / by welckerem mehr gnade vnde
 barmherticheit / also by vns der Sünde vnd
 missdaedt ys / wolde sich omme synes einigen
 Söns Jesu Christi willen / der armen Chri-
 stenheit hie vnde allenthaluen gnedichlick er-
 barmen / vnd dem Gog vnd Magog / vnd dem
 auers

auersten Försten in Mesech / alle anschlege vor-
 hindern / stüren vnd weren / vnd allen Christli-
 ken Potentaten / Königen / Försten vnde He-
 ren / gnedigen frede vñ eindracht / dartho gelü-
 cke / vnd auerswinninge wedder alle vñende der
 Christliken Kercken / tho ehren syner Göttli-
 ken Mayestet / vnd der algemeinen leuen
 Christenheit thom besten / gnes-
 dichliken vorlenen /
 Amen.

Wat sich henforder mehr in Lyfflande begeben vnde
 thodragen werdt / schal (wilt Godt) in dem Veerden deele
 volgen. Godt geue solckes / mit mehrem frede vnde frö-
 de / tho vullen enden.





*Historia
Prussiae.*

